

BIBLIOTEKA

Zakł. Nar. im. Ossolińskich

XVI

3597

00 173


21


5174

1835.  
Przygoda

1835.  
Przygoda









NARRATIO  
DE ORTV, VI-  
TA, ET OBITU REVEREN-  
DI VIRI, D. HENRICI BVLLINGERI,  
Tigurinae Ecclesiae pastoris: inserta mentione prae-  
cipuarum rerum quae in Ecclesijs Helvetiae conti-  
gerunt: & Appendice addita, qua postrema Re-  
sponso Iacobi Andreae confutatur:  
auctore IOSIA SIMLERO  
Tigurino.

ACCESSERE Carmina à viris bonis & doctis  
in eiusdem obitum scripta.

Item ORATIO FVNEBRIS, Auctore D.  
IOANNE GVILIELMO STVKIO  
Sacrarum literarum Professore in Schola  
Tigurina.



TIGVRI Excudebat Froschouerus 1575.

*Sum ex libris m. Joannis Wester-  
feldii Conbergensis,*

33.835 | 620.



xvi. qm. 3597.



2

# GENEROSO ET MA- GNIFICO DOMINO, DO-

MINO IOANNI PHILIPPO LIBERO  
Baroni ab Hohen Sax, D. in Sax & Forstegk, &c.

Domino suo colendo: IOSIAS SIMLERVS

gratiam & pacem à Deo patre Domini

nostri I E S V CHRISTI

precatur,

**V**ETVS hæc fuit consuetudo Generose Domine,  
ingenij & literarum monumentis memoria po-  
steritatis consecrare, non tantum Imperatorum  
& principum virorum res fortiter & cum glo-  
ria gestas, sed eorum quoq; facta & consilia, qui ingenij, & do-  
ctrinae, & sapientiae illustri fama celebres fuerunt. Ac Xeno-  
phon utroque scribendi genere præclare de mortalium reb. me-  
ritus creditur, qui & Cyri Persarum regis historiam, & So-  
cratis Græcorum sapientissimi dictorum factorumq; commen-  
tarios conscripsit. Etsi enim bellica virtus, in qua animi altitu-  
do maximè elucet, semper & excellens & memorabilis in socie-  
tate humana exitit, suam tamen quoque illustrem laudem &  
famam, doctrinae & sapientiae studia habuerunt. Nec minus  
gloriosum est alios de religione docere, & virtutū illustri exem-  
plo præluce reliquis, quàm fortiter pugnare & belligerare.  
Quapropter neminem fore existimo, qui mihi vitio vertat, si  
doctrina excellentium virorum, qui nostra ætate vixerunt, &  
mihi noti fuerunt, dicta & facta literis mandauero. Ac alia  
quidem huius generis ante à me publicata sunt, & plura dein-  
ceps (si Deus volet) publicabuntur: Nunc autem ad te Gene-  
rose Domine, vitam R. V. D. Henrici Bullingeri nuper à me  
descriptam mitto, quam ut in publicum emitterem, duæ me  
præcipuè causæ impulere, primum quòd scio quamplures esse



P R A E F A T I O.

per Germaniam, & exteras quoq; regiones, qui Bullingerum propter scripta plurimum amarunt, & historiam vitæ eius scire desiderant, quibus omnibus meum hunc laborem gratum, & exemplo etiam fortè vtilem fore existimo. Sunt deinde alij, qui nihil nisi suum probant, & nostra ætate imperium in Ecclesia sibi vindicare conantur. Hi cum gaudeant mortuorum gloriam allatrare, visum est eorum calumnijs vera narratione, quæ non modò Bullingeri facta, sed præcipuas res Ecclesiarum nostrarum continet, occurrere. Etenim cum superioribus annis Bullingerus lethaliter decumberet, & fama mortis eius à quibusdam divulgata esset, meministi adhuc opinor Generose Domine, quàmvis tùm admodum adolescens esses, quæ tripudia fuerint aduersariorum, quàm multa vana literis quorundã & sermone sparsa fuerint. Quare cùm mihi nò dubium sit, similia mendacia eosdem homines, qui mendacijs, vt Chamæleon vanto, aluntur, nunc quoque disseminaturos esse, existimaui me bonam operam nauaturum, si seriem vitæ Bullingeri, vera & simplici narratione exponerem. Et quoniam ille præcipuus pastor nostræ ecclesiæ multis annis fuit, intertexui mentionem præcipuarũ rerum, quæ toto hoc tempore in ecclesijs nostris, vel gestæ, vel disceptatæ sunt: quæ poterant quidem & debebant copiosius exponi, & pro dignitate sua elegantius explicari, quod fortè alij facient, nos ea breuiter complecti volumus, & hætenus tantum quantum cum instituta historia vitæ Bullingeri coniuncta fuerunt. Cùm vero huic nostro labori, quem nam pro more patronum adhiberem, circumspicerem, tu maximè omnium Generose Domine, inter nostros homines occurristi, de quo mihi polliceri possem, cum me patronum habiturum, qui & magnam auctoritatem, & promptissimam etiam voluntatem ad huius scripti defensionem asferret. Quem enim potiorum patronum deligerem te ipso Generose Domine, cuius apud nostros homines, ob illustre antiquiss. familie decus summa est dignitas? Neq; enim adeò immanes & barbari sumus, vt falso  
quidam



quidam de Heluetijs scribunt, apud quos nulla prorsus nobilitatis dignitas sit & existimatio. Nam ut alias familias nunc omittam, vestra quam Latino nomine Iouius Altsaxam nuncupat, supra sexcentos & quinquaginta ab hinc annos in his nostris regionibus clara & celebris fuit, ac Henricus Auceps, cum militaria exercitia institueret, Friderici Altsaxi, utpote vnus è vetustissimis et clarissimis nobilibus, consilio vusus est, et tot ab hinc seculis clara et celebris apud nos manet vestrae familiae nobilitas et gloria. Nā ut alios omittā bello et rebus gestis celebres, magnificentiae tuae auus Huldricus summam inter Heluetios auctoritatem obtinuit, & maximas res gessit, cum bello Sueuico, quo Heluetij libertatem suam contra Maximilianum imperatorem & fœdus Sueuicum defenderunt, tum etiam in bellis Insubrum, in quorum descriptione Iouius perhonorificam mentionem eius facit. Pater verò quondam fœderatus & stipendiarius regis Gallorū, diu bellis Subalpinis ordines duxit, & optimi ductus atq; fortissimi militis nomen affectus est, eamq; sibi existimationem comparauit, ut apud omnes honoratus, sed præcipuè Tigurinīs quorum ciuis esse uoluit, charus sit, qui eius cōsilio in grauissimis rebus, et quæ ad totam rempublicam spectant, libentissimè vtruntur. Tu verò generose Domine, amplissimæ maiorum gloriæ peculiare ornamentum bonarum literarum & artium adiunxisti. Ac aliquandiu in Regum & principum aulis, & celeberrimis etiam scholis versatus, eam de te opinionem commouisti, ut illustrissimus atq; sapientissimus princeps, Elector Palatinus Rheni, te dignum iudicauit, quem grauissimarum rerum consilijs adhiberet. Confido autem te pro tuo in bonas literas amore, non grauatim patrocinium huius operæ suscepturum esse, idq; eò lubentius, quòd Bullingerus, cuius facta hinc narrantur, Generoso domino Huldrico Philippo M. T. patri primus & præcipuus auctor fuit reformandi ecclesias suæ ditionis iuxta Evangelij normam: ac propterea vtriq; parenti semper deinceps pro



*singulari eorum erga veram religionem studio charissimus ex-  
 titit. Quantopere etiam tu ipse generose Domine optimum se-  
 nem amaris simul atque colueris, bonis omnibus apud nos per-  
 spectum est. Et quum res Bullingeri tibi fuerint notissima, et  
 optime omnium de veritate narrationis meae iudicare poteris.  
 Fui equidem arctissima necessitudine Bullingero coniunctus,  
 eumque quoad vixit patris loco colui, ille me vicissim pro fi-  
 lio habuit, sed qualiscunque hac fuit coniunctio, ea non tam de-  
 rogare quam confirmare fidem narrationi meae debet. Quod sci-  
 licet non tantum dicta & facta, verum etiam consilia ipsius  
 mihi melius quam cuiquam alieno cognita et perspecta fuerunt.  
 Quod si Encomium scribere instituissem, merito forte domesti-  
 cus laudator reijci possem: nunc vero mihi propositum fuit sim-  
 pliciter res ipsas narrare, iudicium lectori relinquere. In hac  
 autem narratione nullius falsi mihi conscius sum, ideoque te ge-  
 nerose Domine & omnes alios, quibus res Bullingeri nota fue-  
 runt, iudices meae narrationis esse cupio. Postremo cum me ha-  
 ctenus singulari amore prosequutus sis generose Domine, &  
 tuae benevolentiae non leuia testimonia habeam, quaeso vicissim,  
 hoc meae obseruantiae qualecunque indicium, grato animo acci-  
 pias, atque in eo non muneris splendorem, sed animum offeren-  
 tis spectes. Cum enim aliud nunc non haberem, hoc quod ad  
 manum erat tibi offerre, & exiguo hoc scripto M. T. opor-  
 tere volui, ac sic vna eademque opera & meam obseruantiam  
 testari, & tuum patrociniū petere, meque tibi commendare, ut  
 me meosque labores, eadem qua haecenus benevolentia, deinceps  
 etiam tueri & complecti pergas. D. O. M. te nobis,  
 hoc est Ecclesiae & bonis literis incolumem  
 diutissime conseruet. Tiguri 5. Ka-  
 lend. Nouembris 1575.*



4

# NARRATIO DE OR-

## TV, VITA, ET OBITV REVE-

RENDI VIRI, D. HENRICI BVLLINGERI,

*Tigurinae Ecclesiae Pastoris.*



HENRICVS BVLLINGERVS NATVS est in oppido Bremogarta dicto, qua parte pagus Tigurinus Vrsam fluvium & fines pagi Verbigeni attingit, sit illac iter ex Italia per alpes Lepontias & Lucernam Helueticorum in Germaniam primam, & Belgicum secundis fluminibus Vrsa & Rheno. Id oppidum quondam Austriorum principum fuit, sed Friderico duce à Constantiensi concilio, & Sigismundo Imp. proscripto Heluetij id bello cepere, & nunc VIII. veterum pagorum imperium agnoscit. Bullingerorum familia ante ducentos annos illuc commigravit, cum prius ruri in proximis villis habitasset, & ab eo tempore sub Austrijs principibus, & postea etiam sub Heluetijs, præcipuos civitatis suæ honores consecuti sunt & gesserunt. Annus tum agebatur quartus supra millesimum quingentesimum, die X V. Calendas Augusti, qua die ante annos CCCCIV. Gothofredus rex terræ sanctæ ex hac vita excessit. Statim in ipsa infantia bis de vita periclitatus & mirabiliter à Deo conservatus fuit, primùm enim peste correptus, adeò graviter morbo afflictus fuit, vt iam videretur animam egisse, cum subito præsentibus his qui funus curaturi venerant, præter omnium opinionem reuixit: postea cum paruulus fistulâ inflans puerili more luderet, inter currendû lapsus adeò graviter illam gutturi impegit, vt illa extracta largus sanguis efflueret, ipse vero penè exanimis iacuit, quinq; dieb. nullocibo admissò, rursus tamen Dei beneficio conualuit. Etsi autè pueris multa huiusmodi accidere solent, quæ plerique contemnunt & negligunt tanquam fortuita, certum tamen est hæc esse testimonia diuini fauoris quo suos complectitur & tuetur: itaque meritò hæc à pijs obseruantur, vt Deû tantò ardentius ament, quò plura & maiora

beneficia ab ipso acceperunt. Et non tantum ostenta & prodigia quæ sæpè in ortu & infantia magnorum virorum acciderunt, vt apes mel in os pueri Platonis congestisse, & similia, quæ in historijs veterum occurrunt, futuræ eorum gloriæ signa fuerunt, sed in aduersis casibus mirabilis & præter opinionem affulgens liberatio & conseruatio, indicium est tales à Deo ad singulare aliquod ministerium tam beneuolè conseruari. Ac laudanda est parentum pietas, qui hæc & obseruauerunt, & filio suo inculcarunt, quæ ille postea sæpè suis quoque liberis commemorare solebat, eos adhortans vt fiderent paternæ Dei circa se ac suos prouidentia, seque gratos & obediētes Deo exhiberent. Possent multa de parentum virtute, probitate, cura & diligentia in educando filio commemorari, sed sicuti agri consiti pulcherrimus aspectus & copia fructuum, agricolæ industriam declarat, ita doctrinæ & virtutum lumina quæ in filio eluxerunt, de parentum virtute testantur. Pater ipsius literarum peritus erat, & eas supra modum amabat, itaque puerum adhuc tenerum, & qui nondum quintum annum ætatis impleuisset, in scholam triuialem eius oppidi deduxit, vt prima literarum rudimenta disceret. Apparuit in puero egregia indoles, ea quæ proponebantur faciliè percipiebat, quæ memoriæ mandanda, breui complectebatur & fideliter retinebat: vox & pronuntiatio suavis erat, & quamuis in puero, expedita & plana: sed ea ætate studia literarum in Heluetia nostra nulla ferè erant, ne in maioribus quidem vrbibus uedum in mediocri oppidulo, quare impari ingenio suo præceptorem nactus, non eos quos potuisset progressus in studijs fecit, attamen non solum æquales suos sed ipsius præceptoris spem & expectationem superabat. Cum

1509. autem attigisset annum ætatis duodecimum, à patre Embricam missus est (hoc quidem existimant esse Asciburgium) oppidum ducatus Cliuensis iuxta Rheni diuisionem situm. Præceptoribus ibi usus est M. Casparo Glogouiensi, Petro Cochemensi Mosellano, & M. Ioanne Aelio Monasteriensi. Tradebant hi græmaticam & prima studiorum rudimenta non infelicitè pro illius temporis ratione, etenim vt sæpè nobis commemorabat, illic audiuit Aldi Manutij Institutionum grammaticarum libros, Ciceronis & Plinij selectas epistolas, itemque D. Hieronymi,



nymi, Virgiliana & Horatiana quædam, quibus adiungebantur Baptiste Mantuani poemata. Etenim qui tum scholis præerant, amabant politiores literas, simul tamen non solum pio sed optimo prudentissimoq; consilio scripta, quæ ad pietatem & mores formandos pertinebant, his coniungenda existimabant: quibus ornatus orationis petitur, ideoq; præstantissimis veterum Mantuanum coniungere, cuius tum magnû erat nomen & singularis doctrinæ existimatio. Sunt quidê non tantum vetustiorum aliqui Latini sermonis puritate et carminis elegatia, illi anteferendi, sed plures etiam qui ipsum secuti sunt, vetum pauca veterum tum publicè extabant præsertim in Germania, recentiorum verò scripta vel nondum extabant, vel saltè ignota erant: quare eorum consilium improbari non potest, qui pro præsentia copia, ea delegerunt, quæ maximè videbantur linguæ simul & menti ad pietatē informandæ idonea. Exercebantur in ea schola pueri diligentissimè in Grammaticorum præceptis, tum scribendo tum etiam latinè loquendo: disciplina morû seuera coniungebatur, religionis quoq; quæ tum recepta erat, magna cura & ratio habebatur, non ut verbis disceptarent, sed ut vita & factis se pietatis studiosos ostenderent. Etsi autem illo tempore vera pietas superstitione contaminata & penè obruta, circa ceremonias & ritus nescio quos præcipuè occupabatur, non tam hominum quam temporum culpa, disciplina tamen seuera huic coniungebatur: nunc pro dolor, in tantis dissensionibus, vtrinque plurimi verbis de religione disceptant, disciplina cum veris pietatis exercitijs à maxima hominum parte negligitur. Erat autem Bullingero hæc disciplinæ seueritas non ingrata, nam domi antea à parentibus ad pietatem adfuefactus, & natura bona & virtutum studiosa præditus, sponte ea præstabat, quæ alij metu plagarum inuiti faciebant. Adeò verò seuerioris disciplinæ studiosus fuit, ut tum quamvis puer adhuc, constituerit se Carthusianorum instituto addicere, quorum vitæ genus inter omnia monastica maximè austerum creditur. Atram en nihil temerè sibi faciendum existimabat, præsertim inconsultis parentibus: idq; ut faceret & parentum consilia sequeretur, assiduum hortatorem habebat fratrem, ipso 8 annis natu maiorem, Ioannem nomine, qui tum in eadem schola literis operam dabat, & pri-

## VITA HENRICI

uatim eius studia informabat. Hic postea presbyterij ordine ut vocant suscepto, cum alibi in Heluetia, tum præcipuè apud Vranios aliquot annis ecclesiam pagi cuiusdam rexit, & cum illis more gentis nostræ aliquoties in militiam abiit: erat enim natura & ingenio hilari, magnanimo atque paulò etiam audaciore, venationis & armorum quoque studiosus: itaque cum Vranijs prælio ad Caranum interfuit, & illis victis spoliatus omnibus rebus, inops, & corpore vulneribus malè affecto domum rediit, atque ab eo tempore militiæ simul & papistico sacerdotio valedicens, literis se denuò addixit, & ministerio ecclesiæ multis annis cum laude præfuit, ac tandem Capellæ Tigurinorum anno 1570. mortuus est. Porro Bulingerus noster, ut ad hunc redeamus, Embricæ vixit triennium, quo tempore à patre vestitum duntaxat & viaticum mediocriter accepit, victum verò sibi comparare coactus est ostiatim canendo & mendicando: non quòd patri opes deessent ad alendum filium, aut quòd auaritia quadam sumptibus parcere vellet: postea nanque illum liberaliter in Academia Coloniensi aluit: sed quòd vellet eum re ipsa experiri, quæ pauperum & mendicantium sit miseria, ut deinceps per omnem vitam cum ad egenos iuuandos promptior, tum etiam in victu & vestitu frugi & modestus esse consuefceret. Non disputo de parentis consilio, quod forsan nimium durum fuit, sed tamen prisca hæc seueritas & durities minus moribus & studijs obfuit, quàm nostri temporis nimia forsan lenitas & liberalitas in suppeditandis inutilibus quoque sumptibus, qui dum abundè suppetunt ætati iuuenili, mores seculi huius petulantia & luxu corrumpuntur, & studia plerumque negliguntur. Ex hac igitur parca & seuera cum patris tum Embricensis Scholæ disciplina Coloniæ Agrippinam venit anno 1519. cuius Academicæ nomen tum celeberrimum erat, illic nomen dedit societati quæ Bursa montis vocatur: prælegebantur tum magno studio Logici libri, non illi quidem sincerè & ad vsum accommodati, sed barbari & spinosis atque inutilibus disceptationibus referti, Parua ut vocant Logicalia, Copulata Burlæ montis, Vetus & noua Logica, & præterea Aristotelea quædam, sed ipsa quo-

Ipsa quoque sophistarum & barbariei luto sœdata atque contaminata: erant hæc studia ingrata Bullingero, qui candidus & natura à sophistica & rixosis disceptationibus, quibus tum scholæ personabant, alienus erat, sed tamen hanc molestiam summa patientia pertulit & superavit, sic ut omnium consensu primam quam vocant lauream in his studijs anno ætatis suæ XVI. acceperit. Interea diligentius hoc studiorum genus examinans, cum & vanitatem eius animaduerneret, & in socios egregiæ indolis & rectius institutos incidisset, neglecta hac Burtæ montis Logica se totum dedit audiendis clarissimis viris Matthæo Phrissemio & Arnoldo Vesaliensi, & Ioanni Cæsario: hi auditoribus suis exponebant Georgica Virgilij, eiusdem Æneida, Odas Horatij, Aristotelem de syllogismo & de anima, Erasmi libros de Copia rerum & verborum, Rodolphi Agricolæ de inuentione libros III. Orationes Ciceronis, Epistolam Pauli ad Romanos, Isagogen in literas Græcas vnâ cum Plutarchi Gryllo. Audiebat autem hos assidue, & se exercebat scribendis epistolis, orationibus, dialogis, fœtis narrationibus: adhæc & publicis domesticas lectiones bonorum authorum coniungebat, nam domi legebat Quintiliani institutiones oratorias, Gellium, Macrobius, Plinium, Solinum, Melam, Iustinum, & ex recentioribus varia Erasmi scripta. Eodem tempore Latinè scripsit duos dialogos aduersus scholasticos Theologos: duos aduersus Pipericornum Iudæum pro Capnione, vnum item quem Promotores nuncupauit. Etenim renascentibus bonis literis, Theologi scholastici & præsertim Dominicanæ factionis, cum se palam opponere non auderent, Capnioni præcipuo harum patrono litem mouerunt de Hebræorum libris, quos ille contra Theologorum sententiam conseruandos censuerat, & ad hanc rem Pipericorno Iudæo baptizato emissario utebantur: cæterum eorum propositum erat, vnâ cum Reuchlino bonarum literarum studia opprimere, & de his triumphare, quasi hæresen causa sint. Capnionem scriptis defenderunt omnes ferè docti per Germaniam, acerrimè tamen omnium Vlricus Huttenus eques Francus, elegantis ingenij & doctrinæ homo, qui etiam carmine trium-

1520:



## V I T A · H E N R I C I

phum Capnionis scripsit : quidam vt monachis illuderent, barbarum & rude eorum dicendi genus imitati, Epistolas ediderunt Obscurorum virorum titulo inscriptas, quibus non tantum genus dicendi sed mores quoque theologorum falsè perstringuntur: hic liber cum primum Erasmo oblatus fuisset à Ioanne Iacobo Animiano Tigarino, adeò eius lectio in risum profusus fuit, vt abscessum in facie enatum, quem medici secare iusserant, præ nimio risu ruperit. Aduersus hos igitur bonarum literarum hostes Bullingerus adhuc adolescens stylum strinxit, & prima quasi tyrocinia fecit in propugnandis bonis literis: verùm hæc eius scripta publicè non extant. Eodem tempore certamina de religione augebantur, ac simul cum bonis literis, clarior lux sacræ doctrinæ mundo illucescebat, quare vt in his controuersijs à recto itinere non aberraret, quatit à quibusdam suis præceptoribus quem nam potissimum auctorem legere debeat, è quo summam doctrinæ ecclesiasticæ haurire possit, remittitur autem ab his ad Petrum Lombardum, cuius scripta aliquot seculis principem locum in scholis theologorum habuerunt. Paret igitur consilio, Lombardum diligenter euoluit, & huic adiungit decretum Gratiani, quoniam verò videbat ipsos tantum veterum auctoritate niti, & eorum testimonia congerere, statuit non alienis tantum oculis videre sed per se scripta Patrum inspicere & expendere. Habebant autem tum Colonix monachi Prædicatorij ordinis satis instructam bibliothecam, in quam illi aditus patebat per Georgium Dienerum eius facilio-  
nis monachum, quem postea Prouincialem ordinis factum fuisse quidam nobis cõmemorauerat: erat autem hic natus Eligouij in pago Tigurino, ideoque Bullingerum propter communem patriam familiariter amplectebatur. Huius igitur opera aditum in bibliothecam nactus, primùm in Chrylostomi homilias in Matthæum incidit, quas auidè legens videbat longè aliter veteres tractare res sacras quàm Lombardus aut Gratianus. Ibidè etià Ambrosij, Origenis, & Augustini quædam euoluit: præterea Lutheri libros de captiuitate Babylonica, de Libertate Christiana, Assertionè articulorū, de Bonis operibus, domi clā studiosè perlegebat. Nondū tamen ex grauissimis controuersijs se explicare & inueteratos errores atq; abusus euidenter cernere poterat,  
hoc

hoc tantum deprehendebat, Lutherum propius ad veterum theologiã quã Scholasticos accedere: obseruabat item Scholasticos sua Patrum testimonijs probare, ipsos autem Patres tantum scripturarum auctoritate niti, itaque constituit scripturas & præsertim nouum testamentum diligenter perlegere, quod cum fecisset adhibitis etiam Hieronymi & aliorum veterum commentarijs, paulatim cœpit à Papistica doctrina abhorre, & propositum de Carthusianorum vita amplectenda prorsus abiecit. Edidit eo tempore Philip. Melancthon opusculum locorum communium, in quem librum cum incidisset, se mirabiliter eo delectatum scribit. Etsi enim prima huius operis editio non ita copiosa & locuples fuit vt postremæ, tamen etiã in breui opusculo maximæ & grauissimæ cõtrouersię grauitur & perspicuè, absque omni sophistica, ex sacris literis explicatur: & vt fames optimum condimentum est, ita propter diuturnam famem cœlestis alimonie, omnia quæ ex verbo Dei depromebantur, auidè excipiebantur & legebantur: nunc etiam optima, & doctissima Philippi scripta, ab ipso postea summo studio perpolita & ornata, multi non tantum fastidiunt, sed venenatis conuicijs & calumnijs arrodunt: quos propria improbitas perdet. Atque hic quidem studiorum eius cursus fuit, anno 1521. & 1522. quo anno titulum & gradum, vt vocant Magistri accepit, cum nondum 18. annum ætatis suæ absoluisset: sed eo nunquam usus est cum ad maturiorem ætatem peruenisset, ac se dicebat in illo suscipiendo, pro eius ætatis & scholæ consuetudine vnã cum alijs insanijsse. Nō quidem improbabat præmia & honores quæ his meritò tribuuntur, qui magnos in studijs progressus fecerunt, sed titulos inanes & precio emptos ridebat, & reprehendebat veterum morem, vbi Romanæ ecclesiæ omnes in his gradibus accipiendis iuramēto obstringebantur. Post hæc domum reuersus, totum illum annum in paternis ædibus priuatis studijs & exercitationibus absumpsit. Sub initium verò anni 1523. Capellam, quod est cœnobium agri Tigurini Cisterciensis familiæ, à Vuolfgango Ionero abbate euocatus & ludo literario præfectus est. Religio illi manebat integra, neque quicquam negotij habebat cum votis monasticis, monachatu, cuculla, cantu, choro, alijsq; superstitionibus papisticis: hoc solum illi manda-



## V I T A   H E N R I C I

batur, vt monachos & aliquot bonæ indolis adolescentes in bonis literis tam sacris, quàm prophanis erudiret. Abbas enim & quidam è monachis inceperant Zuinglio docente oculos aperire, & errores aliquos Pontificiæ religionis agnoscere: nondum tamen vsquâ publica reformatio ecclesiæ inchoata fuerat: propterea quod Zuinglius in eo primùm & potissimùm laborabat, vt populus religionem veram & puram ex sacris literis addisceret, & veteres errores clarè agnosceret, ita nanque futurum videbat, vt omnis illa externa superstitionum & ceremoniarum pompa sponte corrueret, & ideo ipse strenuè scribendo docèdo pergebat, & ministros ecclesiarum erudiebat, & ad sanam doctrinam proponendam excitabat, publica etiam disputatione initio huius anni doctrinam suam iubente magistratu defendit. Eodem consilio abbas Cappellanus cùm ipse & quidam alij è monachis prædicabant, tum operam dabat vt scholam, qui anti quissimus cœnobiorum vsus fuit, institueret. Et quoniam Bullingeri, quamuis adhuc adolescentis, doctrinæ & modestiæ à multis cõmendabatur, hunc potissimum scholæ suæ præfecit. Hoc anno primùm Zuinglium docentem audiuit, cuius libellos & præsertim opus articulorum prius legerat, ab eo autem plurimùm in agnita veritate confirmatus fuit. Scholastico autem munere suscepto mane docebat sacras literas, ac auditoribus suis interpretatus est Paraclesim & Compendium theologiæ Erasmi, locos communes Philippi, & fere omnes noui fœderis libros: interpretabatur autem hæc omnia vernacula lingua, non tantùm propter monachos, quorũ aliqui exiguum Latine linguæ vsum habebant, contenti hætenus recitatione latina precum etiam non intellectarum, sed propter familiam abbatis & vicinos quorum multi nonnunquam lectionibus his interessant. Pomeridiano tempore quatuor horis quotidie docebat præcepta Grammatica Dialectica & Rhetorica, & Virgilij & Ciceronis quædam, multa etiam Erasmi, cuius scriptis plurimùm delectabatur. Vixit Capellæ annos V I. quo tempore omni non tantum docendo, verùm etiam discendo & scribendo se assiduè exercuit. Anno enim C I D I D XXVII. Tigurum missus ab Abbate cœnobij, per menses quinque illic Zuinglium concionantem & in schola docentem attentissimè audiuit, deinde

Hebrææ

Hebrææ linguæ tum primùm operâ dare cœpit Conrado Pelli-  
cano præceptore. Græce etiâ linguæ cognitionem, cuius funda-  
menta Colonię iecerat, auxit, audiens quotidie Ioannē Rhellica-  
num, Ioannē Iacobum Ammianū atq; Rodolphum Collinum,  
qui hodie vegeta senecta lectionē Græcam cum laude sustinet.  
Domi verò plurima Latinè & vernacula lingua scripsit: è qui-  
bus sequentes libelli in publicum editi sunt, De Hæresibus liber  
Octauij Florentis nomine ab ipso inscriptus, quòd ad imita-  
tionem Septimij Florentis Tertulliani conscriptus esset. Item  
de Iustitia contra iudiciorum corruptionem. Prosopopœia Dei  
expostulantis cum Heluetijs, & hortantis ad pœnitentiâ. Atque  
hi quidem Germanicè vulgati sunt Latinè autem scripsit libros  
duos de Origine erroris. Priori agitur de Dei veri inuocatione  
iusta & cultu vero, de Deorū item falsorū religionibus, & simu-  
lachrorū cultu: posteriore autē libro de institutione sacræ cœnæ  
Dominicæ, & de origine & progressu missæ Papisticæ, contra  
varias superstitiones pro religionē vera & antiqua. Excusi sunt  
hi libri primū Basileæ suasu D. Oecolam. deinde bis ab auctore  
recogniti fuerūt, & extrema manus illis imposita est anno 1568.  
Præterea plurima scripsit quæ partim perierūt, partim à liberis  
eius seruātur, integram horū enumerationē apponam, indicē &  
testē diligentia ipsius. Latina igitur hæc sunt. Narratio quo-  
modo auultus à traditionib. humanis, solis scripturis hære &  
credere cœperit. De Ratione studiorum cū sacrarum litera-  
rum tum prophanarū ad Vuernerum Steinerum. De prophetia  
libri duo. In duos locos cōmunes Phil. Melancht. de Libero arbi-  
trio, & de Peccato cōmentarij. De Diuina providentia contra  
impium carnis iudiciū liber. In Euangelium Matth. comment.  
libri 8. In Euan. Ioan. comment. lib. 7. In historiam passionis  
Domini ex 4 Euangelistis compositam comment. In Euang.  
Lucæ comment. lib. 8. In Acta Apost. annotationes. In epist. ad  
Titum annotationes. In epist. Iacobi, Ioannis, Petri annotationes.  
Epist. ad accusationē Christophori Stiltzj Ferimontani, in qua  
agitur. De modestia Christiana, De cōiitijs, De fide iustificāte,  
De cōiugio sacerdotū, De libero arbitrio, & de Eucharist. Etio-  
logia cur Missa non sit sacrificiū. De institutione & genuino vsu  
eucharistie ad Vuernerum Steinerū & Bartolomæum Stokerū.



## V I T A   H E N R I C I

Declamationes de eucharistia quinque. Oratio de cruce & patientia. Alia de charitate & pace. Alia de contemnendo mundo. Alia de nomine Iesu. Inuectiva contra libidinem. Silua omnium euangeliorum de minicaliis. Ratio scribendi. Methodus perueniendi ad philosophiam sermocinalem. Scholia in vtrunque librum de copia Erasmi. De fructu & usu copiarum epistola. Scholia in proverbium Dulce, bellum inexpectis. Vita & encomium Ciceronis. Commentariolus in orationem Ciceronis pro lege Manilia. Symbolum seuus & probæ matrisfamilias. Germanicè verò scripta sunt quæ sequuntur. De vniuersa ratione scripturæ sacræ ad Iacobi m. à Madijs Bernensem. Parænetica ad vitam Christianam. Parænetica ut fidelem pastorem agat Mathias Sengenſis. De vno solo vero viuo & æterno Deo, deq; multis factitijs & falsis dijs liber. In Epistolam Pauli ad Romanos commentariorum libri 10. In Epistolam ad Galatas comment. lib. 3. & paraphrasis. In Epistolam ad Ephesios, ad Philippenſes, ad Colossenses, in singulas comment. lib. 2. & paraphrasis. In vtrunque ad Theſſalonicenses lib. 3 & paraphrasis. In vtrunque ad Timotheum lib. 5 & paraphrasis. In Epistolas ad Titum & Philemonem lib. 2. & paraphrasis. In Epistolam ad Hebræos lib. 5 & paraphrasis. De baptismo, & paruulorū baptismo ad Henricum Simlerum. De veteri & nouo ritu eucharistiæ. Apologia ad librum R. Vuingarteri Tugini super Eucharistiæ negotio. De moribus & institutione probæ puellæ ad Annam Adlſchuilera. Institutio Christiani matrimonij. Parænesis ad Evangelicam religionem scripta Coss. Bremgartinis Muttschlio & Schodelero. Super Lucæ 24. caput copiosa commentatio de resurrectione mortuorum. Brutus siue Lucretia Germanicis rhythmis scripta tragoedia, quæ postea anno Domini 1533. Basileæ publice à ciuibus acta est, & impressa absque auctoris nomine. Commentarij varij in Psalmos 1. 2. 4. 5. 8. 14. 18. 22. 44. 45. 116. 127. 138. Commentarius in symbolum Nicenum ad Verenam Huteram. Declaratio XXXIII. articulorum Ioannis Huls ad Annam Kolinam. Dialogi duo de Eucharistia ad Vuernerum Brandenburgium. Loci communes rerum sacrarum ad Tuginos. De noua & veteri fide contra lapsos. De pœnitentia confessione & satis.

satisfactione liber. De vera & falsa amicitia libellus. De sancta cruce expositio. De contemnenda morte. Contra inuidiam pro concordia. Accusatio amoris Cupidinei. Defensio eiusdem. Consolatoria super morte filij, siue Epitaphium Ioan. Rusingeri ad Marcum Patrem. Accusatio homicidæ, & consolatio eiusdem. De scandalo. De peccatorum remissione in Ezech. cap. 18. De libertate Christiana. Acta Tigurinæ disputationis de Catabaptismo & puerorum baptismo. Quòd Christianus iusiurandum & præstare & exigere possit. Axiomata CXXIII. aduersus Fridolinum Lindouerum.

Atque horum quidem quæ iam à nobis commemorata sunt, pauca in eius bibliotheca reperiuntur, nam sicut in amicorum gratiam pleraque scripsit, ita eadem illis largitus est, nullo sibi exemplari reseruato, quòd non esset otium denuò illa rescribendi, & quòd sumptus magnos facere in notarios neq; vellet neq; posset. Quæ tamen ex his maioris operæ fuerunt commentaria in omnes noui fœderis libros, postea de integro exactiori studio ab ipso Tiguri Latinè conscripta & in publicum edita sunt: & pleraque alia copiosius & accuratius explicata, ex quibus iudicium de ipsius doctrina & diligentia fieri potest: hæc tantum à me vt industriæ eius testimonia commemorata sunt. Erat illo tempore non tanta bonorù librorum veterum & recentiorum copia quantam hodie habemus, quare maioris operæ fuit tot libros, & commentarios scripturæ sacræ conscribere quàm hodie sit, vbi quidam iuniorù ipsius Bullingeri aliorumq; labores ad verbum penè describunt & pro suis euulgant: & præsertim in his regionibus, in quibus propter tyrannica theologorum edicta, nostrorum scripta locum nullum habent. Equidem malè studijs ominari nolo, sed tamen quotiescunque patrum nostrorum ætatem cum præsentī seculo, & principum & magistratuù amorem erga literas, hominum literatorum assiduitatem & diligentiam in omni studiorum genere, eorum mutuū amorem & concordiam in excolendis bonis literis, conféro cum contemptu & fastidio literarum quo nunc plerique laborant, cum studiosorum inertia ne dicam, an negligentia, aliorum verò fastu & arrogantia: cum animum ad disceptationes nostri seculi conuerto, vbi de rebus grauissimis vulgo ita disputatur, non



rationibus sed conuitijs, non argumentis sed calumnijs, non modestia, sed petulanti furore, vt non veritatem sed victoriam quærere plerique videantur, hæc inquam videns longè diuersa ab eorum moribus qui religionem & bonas literas patrum & auorum memoria coluerunt & promouerunt, non possum non metuere, ne rursus vastitas ecclesijs & barbaries bonis literis immineat. Sed omisis his querelis in instituta narratione pergamus. Capellæ ergo cum viueret Bullingerus, amicos habuit Vuolfgangum Ionerum eius cœnobij abbatem, & Petrum Simlerum, cum quo & tum coniunctissimè vixit, & amicitiam ad obitum eius fideliter coluit, arctiore vinculo constrictam, filia sua elocata Iosæ Simlero Petri F. à quo hæc descripta sunt. Ipsdem annis cum doctissimis viris Heluetiæ nostræ amicitiam contraxit, & in eorum familiaritatem peruenit, cum Huldrico Zuinglio, Ioanne Oecolampadio, Ioachimo Vadiano, Leone Iudæ, Bertholdo Hallero, Ambrosio Blaurero, & multis alijs viris doctis, in quorum notitiam peruenit partim Capellæ & Tiguri, partim Bernæ in publica disputatione: atque hos omnes maiores natu se coluit & amauit tanta obseruantia, vt omnibus charissimus, & quamuis iuuenis, grauissimarum rerum consilij & actionibus fuerit adhibitus.

1524.

Mutata est illo tempore, anno CIO IO XXIIII. Tiguri forma religionis, nam, vt supra indicauimus, Zuinglius iam annis quinque diligenter populum in vera Christi agnitione erudierat, & errores atque abusus iam inueteratos detexerat, præterea suam doctrinam publicis disputationibus asseruerat & defenderat, quare visum est magistratui tempus esse vt pro suo officio ea tolleret quæ iam didicerat aduersari verbo Dei. Primò autem omnium mandatum est sacerdotibus & monachis ne posthac vllas publicas processiones instituunt, & præsertim ne consecratum panem in pompa per urbem & agros circumferant, aut in templis adorandum proponant, hæc enim dicebant apertè cum institutione Christi pugnare, qui vitam æternam promiserit his qui carnem suam edant & sanguinem bibant, loquens de passione & morte sua, quæ est vnicum solatium & securitas animæ nostræ: itemque dixerit,

xerit, Accipite, edite, & bibite ex hoc omnes, non autem contemplamini tantum & aspiciat: quare cum omnis hæc pompa sit tantum theatricum spectaculum, non autem commemoratio mortis Christi, prorsus tollendam, & huius loco populo illis diebus verbum Dei annuntiandum esse. Præterea delecti è senatu vnà cum ministris, è præcipuis templis vrbis tumbas in quibus dicebantur corpora martyrum sepulta ossa sustulerunt, & his apertis, in quibusdam nulla prorsus ossa sed nescio quas quisquillas repperunt, in alijs aliqua esse inuenta sunt, quæ clam terræ mandari reuerenter curarunt, neque vt Faber & quidam alij falso scripsere, ea in flumen abiecere, aut contumelia aliqua affecerunt. Sacerdotibus quoque mandatum est, ne organis ludant in templis, ne pulsu campanarum funera plangere, aut tempestates arcere conentur, ne palmarum ramos, sal, aquam, ceteros consecrent: ne morituros oleo inungant, quem nouissimum baptismum vocant, esse enim hæc omnia superstitiosa & pugnare cum expresso Dei verbo. Interea adhuc & Missæ celebrabantur, & idola in templis publicè ad cultum prostabant, & quamuis duabus publicis disputationibus Zuinglius hæc impugnans vicisset, magistratus tamen cautè admodum in his tollendis, quæ tanto consensu omnium probabantur, agendum existimabat. Dehortabantur Heluetij omnes nostros ne quicquam in negotio religionis immutarent, ab alijs occinebatur nomen Concilij, temerarium esse si pauci homines consuetudinem tot seculorum immutare conentur: esto enim sint aliqui abusus, non tamen esse paucorum hominum de his statuere, sed iudicium vniuersalis synodi expectandum esse: nostri his è contra verbi diuini auctoritatem opponebant, quod nullius hominis & ne vniuersalis quidem concilij iudicio & auctoritati subiectum sit: adhuc iam annis octoginta Pontifices concilij expectatione ludicasse homines, neque quicquam interea emendasse, itaque nisi verbo Dei aliter edocti fuerint, constituunt in cœpta reformatione progredi. Primum igitur in vrbe pastores ecclesiarum & cum his singuli senatores ex vniuersis tribubus assumptis secum fabris & alijs opificibus, templa ingressi & his clausis



## V I T A H E N R I C I

omnia idola amouerunt , atque templa ab his expurgarunt. Deinde per vniuersum agrum Tigurinum , singulæ ecclesiæ præfente loci præfecto interrogatæ suam sententiam , omnes ferè agnouere idolorum superstitionem , & magistratuû exemplo illa communi consensu sustulerunt : pauci nondum satis edocti aut peruicaciores ea retinere, neque his vis illata est, sed ipsi postea auditis concionibus & re melius cognita , sponte vt & alij omnia hæc abiecerunt: ac nihil seditiose à quoquam factum, nullus vsquam neque in vrbe neque in agro imaginum tumultus exortus est, quemadmodû quidam nostris obijciunt nosq; Iconomachos vocant, & Iconoclastas, ipsi interea Iconolatræ & idololatræ. Imaginum adoratio in sacris literis damnatur, neq; vllus eorum in sacris vsus vnquam fuit in populo Dei & veteri ecclesia , plurima autem exempla habemus sanctissimorum regum, qui imagines contra Dei verbum factas sustulerunt & confregerunt. Nemo ignorat quanta superstitione olim homines diuorum imagines coluerint, & nunc quoq; plerique colant, quare laudandum est pij magistratus factum , qui publicas has offensiones è medio sustulit, vt homines ab idolis ad verum Deum conuertat, vt omnes per Christum vnicum mediatorem Deum inuocent, & ab eo solo & auxilium petant: & præterea inutiles sumptus & expensæ in idola hætenus factæ , in vsum pauperum , qui sunt viuæ imagines Dei , conuertantur. Atque hæc quidem facta sunt anno C I D I D X X I I I I. Sublatis autem idolis, Missa adhuc restabat, cuius auctoritas quotidie vilescibat , neque enim quisquam amplius ad missas cogebatur, & pleriq; ex concionibus & disputationibus Zuinglij didicerant, falso tribui Missæ quòd sit expiatorium sacrificium pro peccatis viuorum & mortuorum : & quia Missa sacrosancta ab omnibus habita fuerat, noluit eam tolli , nisi prius plebe bene edocta de institutione & vero vsu cœnæ Dominicæ, quæ in locum Missæ substituenda erat. Videbat enim doctrinam *μυσταγωγίας*, aut *συνουχίας* non multum à priore differentem, omnium abusuum & superstitionum Missaticarum fontem atque originem esse , itaque de vera ratione sacramenti huius populum paulatim erudire cœpit, ac postea sententiam suam publico scripto in libro, De vera & falsa religione exposuit:

atque

atque ita demum XXV. anno post millesimum & quingentesimum Missa abolita fuit, & in eius locum sacra actio cœnæ domini iuxta Christi institutum substituta. Contulit prius Zuinglius suam sententiam cum viris doctis compluribus: atq; cum superiori anno mense Septembri Bullingerus illum accessisset, exposuit ei suam sententiam, & petijt etiam quid ipse sentiret de sacramento corporis & sanguinis Christi, ille bona fide exposuit suam sententiam, quam ex fratrum Vualdensium & D. Augustini libris didicerat, & tum etiam totus in eo erat, vt Patrum iudicium de hac re cognosceret. Ac tum quidem Zuinglius iudicium eius probauit, monuit tamen ne cui id mysterij explicaret, nondum enim tempus idoneum esse vt publicè proponatur: ita nanque papistica opinione carnalis & corporalis præsentia mundus fasciatus erat, vt nefas putaretur de hac re cogitare aut dubitare, ac multorum conscientia grauius in hoc dogmate excruciatæ sunt, quòd id credere non possent, & tamen meruebant iram Dei & damnationem si de eo dubitarent. Ac memini Pellicanum dicere se antequam Zuinglius & Lutherus docere cœpissent, legisse & obseruasse perspicuam huius questionis explicationem, quòd sacramenta sint signa quæ accipiant nomen rerum signatarum, atq; ita panem esse & nominari corpus Christi, nempe in sacramento: colloquutum etiam esse de eo cum Cl. viro D. Vuolfgango Capitone, sed tamen ita falso titulo auctoritatis ecclesiæ obcæcatum & communi errore fasci-  
 natum fuisse, vt non auderet tum temporis de his rebus cogitare aut simpliciter Augustinum sequi, cui alias tribuebat plurimum. Cum verò hos conscientiarum ætus nosset Zuinglius, vt & consuleret afflictis, & ecclesiam non offenderet, paulatim de his rebus ex verbo domini suos erudire cœpit, & Bullingero omnibusq; alijs eiusdem moderationis suator & auctor fuit. Quod autem hæc doctrina tot controuersis postea peperit, eorum culpa factum, qui maluerunt hanc causam coram vulgo tribuitijs concionibus exagitare, quàm amicè & moderatè veritatem rei inquirere, & scripturarum rationes ac patrum testimonia seposito omni affectu diligenter examinare & inter se ponderare. Cæterum vt Zuinglius Tiguri in magna populi frequentia, ita Bullingerus Capellæ suis quoque auditoribus do-

## VITA HENRICI

- doctrinam de sacramento exponebat, & eandem etiam scripto complexus est, quod Steineri & Stokeri Tuginis misit. Secuta etiam illic abrogatio Missæ, & sequente anno 1526. cœna domini in templo ritè iuxta Christi institutionem ab Abbate & monachis omniq; ecclesia celebratur: ac tum sublatus fuit cantus ille monachorum superstitiosus, & à plerisque non intellectus: monachi præterea ætatis integræ, sed ad ministerium ecclesiæ inepti, opificia & manuarias artes didicere. Fuere autem tempora illa admodum turbulenta; id quod reformationem cœnobij retardasse crediderim: tumultuatum enim est à rustica plebe anno CIO IO XXV. per vniuersam ferè Germaniam, neq; ager Tigurinus horum tumultuum expers fuit: ac rustici cœnobio Capellano vicini iam consilia inter se iniurant de illo occupando, sed ea res autoritate Senatus Tigurini oppressa & composita est. Præterea nuper conflagrat Carthusianorum domus Ittinga nomine ad Turum fluuium, & quoniam nostri homines tum eius incendij authores vulgò ferebantur, pontificiæ religionis propugnatores, se incenso Capellæ cœnobio par pari relatueros minabantur: ideoq; qui illic erant, in grauissimo discrimine versabantur & diu noctuq; vigilias agere cogebantur. Et quia Bullingerus nouæ religionis, ut illi vocabant sacram euangelicam doctrinam, præcipuus eo loco doctor et ardens propugnator erat, eò maiori odio omnes ipsum petebant cum publicè tum priuatim. Sed Deus non tantum in his periculis ipsum conseruauit, verum animum & vires addidit, ut scribendo & docendo quotidie plus proficeret, neq; absque fructu: & qui hactenus tantum in cœnobio monachos & familiam docuerat, publicè in templis cœnobio proximis strenuè concionari cœpit, idque totius Synodi iussu & approbatione. Anno 1528. Bernam etiam cum Zuinglio iussu magistratus profectus, celeberrimæ disputationi quæ sub illius initium anni habita est interfuit: quo tempore in multorum doctorum virorum amicitiam receptus est, ut scripsimus.
1529. Proximo deinde anno Bremogartum vocatus est. Cœperat antea pater ipsius in ea vrbe publicè damnare papisticos errores, sed quidam potentiores è ciuib; id non ferentes, eum vrbe eiecerunt: itaque Tigurum profectus negocium senatui exponit,



ponit, neque vllis impensis aut operæ parcit, vt euangelij doctrinam promoueat, ac tandem effectum est vt ciues oppidi Geruasium Scholasticum virum pium & doctum deligerent in pastorem. Quoniam verò Bullingeri nomen iam celebre apud nostros erat, idè multi ciuium ipsum quoque audire desiderabant, vocatus igitur ab illis vt in patria semel atque iterum concionaretur, consilio fratrum illuc abiit, & X V I. Maij, quæ erat dies Pentecostes, patriæ suæ Christum prædicare cœpit: tantumque effecit vt iussu magistratus postridiè aræ & idola è templis sublata fuerint, & edicta promulgata sint de emendandis moribus contra blasphemos, adulteros, ebrios. Petebat etiam ab ipso Senatus oppidi vt maneret & docere pergeret. Quibus ille respondit, se amplissimo Senatui Tigurinæ vrbis atque etiam R. domino abbati cœnobij obstrictum esse, sine quorum voluntate & consensu nihil agere possit: Missus est ergo legatus Capellam, & inde Petro Simlero comitante Tigurum venit, negotium postulationemque ciuium Consulibus & tribunis proposuit, qui Bullingerum iussere in patria permanere. Mox igitur vnanimi ciuium consensu sacris concionibus præfectus est, & vnâ cum collega Geruasio triennium ferè in hac statione permansit, vt Dominicis diebus à meridie & tribus proximis diebus manè concionaretur: & præterea singulis diebus ea hora qua ante vespertinæ preces decantabantur, noui testamenti lectionem ad veritatem Græcam tractabat. Eodem anno quo in patriam redijt, vxorem duxit Annam Adlischuile ram honesto loco Tiguri natam: fœminam piam, veræ religionis studiosam, modestam, mariti & liberorum amantem, ex qua illi nati sunt filij VI. filia vna minus: sed ex filijs tres minimi pueri adhuc & infantes mortem obierunt: quartus Christophorus nomine in aula illustrissimi principis Hessorum vixit, & castra principis Aurani secutus, in Gallia obiit anno 1569. duo maximi natu Henricus & Ioannes Rodolphus ministerio ecclesiæ funguntur: è filiabus maximam natu Annam Huldrico Zuinglio, alteram Margaretam Ludouico Lauathero, tertiam Elizabetham Iosæ Simlero ministris ecclesiæ nostræ elocauit, verû Margareta anno millesimo quingentesimo sexagesimo quarto, alię duę proximo anno peste apud nos


## V I T A   H E N R I C I

grassante magno patris & maritorum dolore ex hac vita migrarunt: è duabus superstitionibus maior natu Veritas Henrico Tüb-  
 bio honesto ciui, & qui diu nomine senatus publicam eleemo-  
 synam, & postea Xenodochij redditus administrauit, nupsit: mi-  
 nima Dorothea patri fidelissimè ad obitum vsque interuixit, &  
 rem eius domesticâ sedulò ab obitu matris administrauit. Vxor  
 ipsa coniunctissimè cum marito absque vlla offensione annis  
 XXXV. vixit, fida custos familiæ, & quæ mariti curas & labo-  
 res quos maximos sustinebat, morum suauitate quantum pote-  
 rat leuabat. Excessit hæc è vita incredibili dolore mariti anno  
 1564. peste correpta, cum idem morbus maritum prius inua-  
 sisset, pro quo ipsa sollicita tantùm de eius salute cogitabat & lo-  
 quebatur, ipsumq; Deo commendans inter pias preces astanti-  
 bus liberis, generis, & cognatis animam efflauit: post huius obi-  
 tum, quamuis annos ferè XI. superstes fuerit, nunquam tamen  
 adduci potuit, vt aliam vxorem duceret. Non quòd secundas  
 nuptias Christiano homini atque etiam ecclesiæ ministris non  
 concessas esse crederet, sed primam vxorem in animo suo ad-  
 huc viuere dicebat, quæ tot sui charissima pignora reliquisset,  
 & quia filiam haberet quæ familiam optimè administraret, se  
 hac ætate (erat autem sexagenarius) nolle de nuptijs & cōiugio  
 sollicitum esse. Equidem non desunt qui hoc eius factum & con-  
 silium damnant, hoc maximè nomine, quòd eum melius consul-  
 turum fuisse suæ valetudini existimant, si alteram vxorem du-  
 xisset: homines ridiculi, quasi in coniugio viuentes non æquè  
 nephriticis & dysuriæ doloribus obnoxij sint atque cœlibes.  
 An verò existimant eum nullam suæ valetudinis rationem ha-  
 buisse, & tantæ ætatis atq; prudentiæ hominem ignorasse quid-  
 nam suæ naturæ conueniens sit, atq; vt maximè vera sit eorum  
 ratio, eas tamen ille fortè habuit consilij sui rationes vulgo in-  
 cognitæ, vt etiam cum damno valetudinis id sibi persequen-  
 dum statuerit. Sed his missis ad actiones eius Bremogartinas re-  
 deamus, accidit hic illi idem ferè quod Zuinglio Tiguri, cum e-  
 nim Euangelij negotiû feliciter procederet. Anabaptistę, quod  
 ante Tiguri fecerant, ecclesiam nascentem turbare cœperunt.  
 Cum his igitur publica disputatione congressus coram vniuer-  
 sa ecclesia, eorum conatus maxima ex parte infregit, & paulò  
 post

post eodem anno 1531. quatuor libros vernacula lingua contra Anabaptistas edidit, ac præterea librum de Censibus & Decimis: de his enim tum præcipue contendebant, quærentes Evangelij titulo & nomine novas tabulas, & immunitatem ab omnibus publicis & priuatis oneribus. Eosdem libros Leo Iudæ in Latinam linguam vertit, & ex Elencho Zuinglij multa intertexuit, postea verò auctor totum opus ad incudem reuocauit anno 1560, cum multis in locis & præsertim in Germania inferiore Anabaptistarum numerus augetur, ac sex libros Germanicè aduersus Anabaptistas edidit, quibus Anabaptismi originem & progressum, & varias sectas eorumque præcipua dogmata & argumenta exponit atque confutat. Scripsit etiam Bremogarti explanationem hebdomadam Danielis, anno 1530. in publicum editam, quam tamen postea recognouit in Commentarijs in Daniele. Confecit etiam alios libros non editos in publicum. Chronicon rerum ab Heluetijs gestarum. Decades tres in Psalmos XXX. quos ex Hebræo Latinè & Germanicè verterat. Commentarios in IIII. Euangelistas. Interea temporis grauissimi motus in Heluetia exorti sunt, ac anno CIO IO XXIX. Bernates exercitum Bremogartum miserunt, ipsi quoque illis socia arma iunxerunt: sed tum absque sanguine civilis ille motus sopitus fuit: sed mox rursus nouæ belli causæ oblatae sunt, quod vt tolli posset, cum alibi tum etiam Bremogarti comitia Heluetiorum habita, ac tum sæpe legati Heluetiorum concionibus illius interfuere, non tantum hi qui nostræ religionis studiosi essent, sed nonnunquam etiam aduersæ partis, cupiditate quadam cognoscendi quid nostri & quomodo docerent eo adducti, etsi verò diuersæ auditorum erant de religione sententiæ, in eo tamen sentiebant omnes quòd pacis eximiū quendam amorem & studium in illo probabant. Publicè enim omnes frequenter adhortabatur, ne mutuis sese iacerent vulneribus, sed dissidium in religione publica disputatione dirimerent, concionatores inter se committerent, vt verbo Dei & gladio spiritus inter se pugnarent. Idem agebat Zuinglius, & seipsum disputationi offerebat, sed hunc adeò oderant, vt conciones eius nemo aduersæ partis audiret: & quæ rectè & moderatè ab ipso dicebantur, nonnunquam alij errore, quidam malitia,

1530.

D





# VITA HENRICI

1531.

perperam explicabant, & longè aliter quàm ab ipso dicta fuissent, ad alios deferebant. Et quamvis probarent omnes Bullingeri modestiam & pacis studium, plerique tamen nihil minus volebant quàm ex scripturis publica & libera disputatione hanc controuersiam dijudicari. Ventum est igitur tandem ad arma, & vincentibus his qui Romanam religionem sequuntur, Bullingerus vnà cum patre & fratre atque Geruasio collega suo à patria discedere iussus est, quòd illis hostes necem minarentur, & ciuibus de libertate & vita periclitandum foret, si eos tueri & retinere vellent. Noctu igitur iter ingressus, & Dei beneficio euitatis hostium insidijs, manus eorum qui ipsum persequerentur effugit, & Tigurum cum his quos modò nominauimus venit, anno CIO IO XXXI. die XI. Calen. Decemb. ac triduo post in summo templo petente id Leone Iuda & alijs ministris concionatus est. Hospitio ipsum excepit cum suis Vuernherus Steinerus vetus ipsius amicus, qui religionis causa fortunas suas Tugio Tigurum transtulerat. Vacabat eo tempore Basiliensis ecclesia pastore, paucis enim diebus post Zuinglij cædem, Ioannes Oecolampadius eorum pastor & pijsimus atque doctissimus Theologus, graui morbo oppressus ad Dominum migrarat, quia verò illis Bullingeri nomen notum erat, & eum legati ipsorum Bremogarti concionantem audiuissent, placuit senatui ipsum in demortui Oecolampadij locum substituere, itaq; missò nuncio eum ad se vocabant, Bernates quoque missis ad ipsum literis petebant vt Bernam veniret, sed mandante senatu Tigurino ne aliò migraret, Tiguri mansit, ac nona Decembris à collegio ecclesiastico & senatu vrbs in locum Clar. viri Huldrici Zuinglij creatus est pastor Tigurinæ ecclesiæ, idque ex Zuinglij voluntate, qui in castra profecturus Bullingerum, si quid aduersi sibi accideret, successorem nominauit. Ad tantum munus tempore difficillimo vocatus omnem operam impendit, vt ecclesiam afflictam & grauiter concussam erigeret & confirmaret, nam vt fieri solet in rebus aduersis multi erant qui nostris insultarent: editi sunt etiam libelli aliquot contumeliosissimè scripti, quibus multa mendacia de nostris spargebantur: inter alios Ioannes Faber, vetus Zuinglij antagonista, libro edito cladem nostrorum exaggerabat, ac nostros propter falsam  
ipsum.

1532.

ipforum doctrinam victos gloriabatur, huic publico quoq; scripto Bullingerus respondit, & eius mendacia arguit, deinde ostendit de religione non esse iudicium ferendum ex prospero aut aduerso rerum successu. Zuinglium quoq; multi inmerito traducebant, itaq; eodem anno orationem quam in cœtu ministrorum recitarat, De officio prophetæ, in publicum edidit, in qua Zuinglium dignis laudibus euehit. Quotidianis etiam concionibus populum consolabatur, & in fide confirmabat, & ad perseuerantiam excitabat, & modeste confutabat acerbas obiectiões & calumnias quę à maleuolis hominibus in vulgus diffeminabantur. Erant illa tempora propter superioris anni cladem admodum difficilia & exulcerata, neq; cessabant pontificij vicinos minis & promissis ad veterem Rom. sedis obedientiam reuocare, ac aliquot locis imagines & missæ restitutæ sunt, Salodori quoq; euangelicus concionator vrbe pulsus est: non paucis in locis Anabaptistæ ecclesias turbabant: his etsi mederi cuperet, neq; tamē ubiq; id præstare posset, multum diu noctu cruciabatur. Domi tamen omnia quietiora erant, quoniam nihil in doctrina, nihil in ecclesiarum ritibus bene institutis commutabatur, etsi homines turbulenti & nouarum rerum studiosi, quales in omnibus rebus pub. inueniuntur, quædam nonnunquam acerbiora & contumeliosa aduersus ipsum & ministerium ecclesiæ domi forisq; molirentur, multa tamen dissimulando & patienter ferendo vicit, ne vel magistratui alias sollicito & occupato molestiam afferret, aut turbas & seditiones amare & illis studere videretur. Præcipuè autem sibi in eo elaborandum existimauit, vt ecclesię ministeria rectè administrarentur, & ea quæ à Zuinglio inchoata nondum tamē perfecta absoluerentur. Synodos autem maximè necessarias esse cum ad concordiam dogmatum, tum etiam ad disciplinam morum inter ministros conseruandam, omnium peritorum iudicio & consensu non est dubium, instituerat aut Zuinglius synodum ministrorum, quæ nunc etiā quotannis bis celebratur, sed nondum cōstitutiones synodi ordine cōscriptę, à ministris receptæ & publica senatus auctoritate cōprobatæ erant. Extāt hæ publicè, quare nō est vt plurib. illas exponā. Quoniā verò ecclesiā videbat multis ministris opus habere, cum late pateat ager Tigurinus, multum in eo laborauit, vt iustus numerus

## V I T A   H E N R I C I

studioforum publico stipendio ad ecclesiæ ministeria educaretur: initio quidem, quod maxima pars opum ecclesiæ in presbyteros adhuc superstites erogabatur, exiguus admodum eorum numerus fuit, sed paulatim crescentibus ecclesiæ opibus, Bullingero subinde vrgente, auctus est, adeo vt etiam vicinis nostris Turgeis, Toggijs & alijs vrbs nostra ecclesiarum ministros suppeditet. Bibliothecam publicam quæ hæctenus ferè neglecta iacebat, pauci enim sacerdotum libros amauerant & curauerant, per optimum & doct. virū C. Pellicanū in ordinē redigi curauit, & plurimū bibliotheca Zuinglij coempta & publicè addita auxit. Natus autem collegam Theodorum Bibliandrum, virum doctissimum & trium linguarum peritissimum, qui in schola sacras literas docebat, ipse totum publicis concionibus se dabat, & quotidie populum docebat, nihilominus domi scribendo se assidue exercebat: nam præter alios libros quorum suo loco mentio fiet, præter epistolas & responsa quæ quotidie in diuersa loca illi scribenda erant, primis sex annis quibus Tiguri docuit, commentarios in Acta Apostolorum & omnes D. Pauli atque Catholicas epistolas absoluit & in publicum edidit: extabant autem tum præter Erasmi paraphrases, quibus se multum adiutum fatebatur, per pauca recentiorum in omnes epistolas commentaria, itaq; magno applausu hic eius labor excipiebatur etiam ab illis qui non per omnia nostræ doctrinæ consentiebant. Genus enim dicendi simplex est & dilucidum, quo sensum scripturæ fideliter explicat, quæstiones intricatas & à proposito alienas nusquam immiscet, patrum sententias adducit, sed moderatè, neque in his citandis nimius est, aliorum explicationes aut prætermittit, suam exposuisse contentus, aut honorificè eorum mentionem facit, indicans cur dissentiat: neq; prolixitate fastidium mouet lectori, neq; rursus nimia breuitate tractationem obscurat. Sed hæc aliorum iudicio relinquimus, extant enim omnia publicè & manibus theologorū teruntur, nos ad institutam narrationē redeamus, & seruata annorum quos viuendo confecit Bullingerus serie exponemus quid memorabile ei & vniuersæ ecclesiæ nostræ singulis acciderit, & quibus præcipuis magnarū rerū tractationibus adhibitus, deniq; quod curriculum vitæ ipsius fuerit vniuersum.

Anno



Anno igitur 1532. Argentinenſes in conuentu Suinfurti habitato ad Confefſionem Auguſtanam acceſſere, ſic tamen vt ingenuè teſtarentur, ſe à confefſione ſua & eius Apologia, quæ quatuor erat ciuitatum, non recedere. Bucerus tum negotium concordie tractans ſcribit eccleſiæ Tigurinæ, Lutheri ſententiam de ſacramentis ſibi tolerabilem videri, neque multum à Zuigliana diſſerre, & in verbis potius quàm in ipſa re diſſenſionem eſſe poſitam. Reſcribunt illi Bucero eumq; hortantur ne à manifeſta veritate, quam tot concionibus, prælectionibus, diſputationibus & ſcriptis publicè propugnari, ad Lutheri dogma de corporali præſentia Chriſti in cœna deſleat. Bucerus quòd ſe videret defectionis inſimulari, proximo anno 1533. cum Bartholomæo Fontio Veneto Tigurū profectus eſt vt ſe purgaret, & miniſtris perſuadere conabatur, Lutherum tantum verbis & loquendi modis non ſententia & reiſa à ſe diſſentire. Hortabatur etiam ne quid acerbius contra Lutherum tentarent & ſcriberent. Illi accepta eius purgatione, ſe quidem optare Lutherum reiſa nobiſcum ſentire, ſed in libello nouiſimè ad Francofortenſes edito ſic ab eo tractari negotium Eucharistiæ, vt ſilere præſtitiffet: ſe conſtituiſſe Deo adiuuante, in ea doctrina quam hætenus eccleſiæ ſuæ tradidiſſent tantisper permanere, donec ex ſacris literis aliter edoceantur: interim quæ ad pacem pertinent, ſalua veritate diligenter curaturos. Hoc anno Bullingeri pater apud ipſum diem ſuum obiit, vterque enim parens ipſum Bremogarto diſcedentem ſecutus eſt, & ad obitum vſque cum ipſo permance: obiit autem anno ætatis 64. ac moriturus puram Euangelij doctrinam diligentiffimè filio cõmendauit, exhortans ipſum vt in agnita veritate ad finem vſq; vitæ conſtanter perſeueret, hanc enim vnicam & ſolam eſſe ſalutis viam.

Anno ſequenti 1534. cum Bucerus ſolicitaret paſſim eccleſias ſuperioris Germaniæ ad collationem doctrinæ & concordiam cum Luthero ineundam, Bullingerus nomine miniſtrorum eccleſiæ Tigurinæ confefſionem fidei conſcripſit, quæ Conſtantiam ad Bucero miſſa eſt, vbi etiam Sueuicarum eccleſiarum miniſtri Synodum habebant, atque tam Buceri quàm totius Synodi iudicio approbata eſt. Edita eſt eodem anno Baſilienſis eccleſiæ Confefſio. Bullingerus verò præter commentarios ſcri-

1533.

1534.

## V I T A   H E N R I C I

pturarum, duas rationes euulgauit, vnam de testamento seu fœdere Dei vnico & aeterno, aduersus quosdam qui omnia antiqui fœderis testimonia rejiciebant: alteram qua asserit contra varias hæreses duas in Christo naturas, diuinam & humanam. Occasionem huic assertioni præbuit Claudius quidam Allobrox Serueticus emissarius, qui commiscebat in Christo diuinitatem cum humanitate, aut potius vtriusque veritatem negabat: quorum hic nonnunquā Tigurum & ad alia Helueticæ loca commeabat, & periculum erat ne aliquibus venenum suum asfaret: scripto hoc, malo illi obuiam ire voluit. Anno 1535. Illustris & generosus princeps Georgius comes Vuirtenbergenfis, ecclesias suæ ditionis in Altiatia reformare, & in pura Christi religione instituere volens, quamuis Argentinensem ecclesiam viris doctis abundantem vicinam haberet, quæ nuper vt dixi se Augustanæ Confessioni adiunxerat, Tiguro tamen ministrum euocauit, qui ecclesias reformaret. Nullus autem est ad illum Erasmus Fabritius, ac quamdiu princeps piissimus vixit, eadem doctrina & ritus nostræ ecclesiæ conformes in illis locis remanserunt, & quo tempore edicto Cæsareo multis in vrbibus Germaniæ quædam religionis immutatio facta fuit, constanter in veteri doctrina & simplicitate rituum perseverarunt, atque Illustris & verè Generosus ac sanctus princeps eo tempore in Heluetia & plerunque Tiguri commoratus, Bullingerum amanter complexus, eius consilio in grauissimis de religione controuersijs vsus est: sed post ipsius obitum, piorum magno cum dolore, tota ferè ecclesiæ forma immutata est. Proximus annus obitu Erasmi Roterodami, viri omnium ferè eruditorum quos Germania tulit clarissimi, insignis est. Bernates cum socijs Sabaudobellum intulerunt, & totam ferè Antuatû regionem cœperunt, qua victoria Geneuensi reipublicæ & ecclesiæ pax ab extero hoste parta est, & Euangelium latius per Sabaudiam propagatum. Actum est de concordia inter Lutherum & Helueticas ecclesias, atq; hoc nomine conuentus aliquot Basileæ habiti, quibus omnibus Bullingerus interfuit. Et quia multi Zuinglio tribuebant, quòd nuda tantùm signa in sacramētis agnosceret, etsi ex alijs scriptis abundè confutari poterant, tamen vtile visum est Bullingero, in publicû edere libellum eius ad Christianum Regem

Regem nondum hætenus publicatum, quo brevis fidei illius confessio continetur. Concordiæ autem inter Saxonicas & Helueticas ecclesias mediator erat Bucerus, qui pluribus annis hoc negotium egit, de quo non est quod multa scribam, cum tota actio publicè descripta extet, & præterea summâ eius diligenter & fideliter Lauatherus noster in Sacramentaria historia exposuerit. Id tantum nunc addam, Bullingerum non tantum his actionibus omnibus interfuisse & præcipuas partes sustinuisse: sed in eo plurimum laborasse, vt firma concordia inter Lutherum & nostras ecclesias constitueretur, adeò vt quidam eum in suspicionem vocarint, quasi ad Lutherum defectionem moliretur: verum ipse & verbis & facto suam innocentiam comprobauit. Etenim cum Capito atq; Bucerus propositiones quasdam ad constituendam concordiam nostris proposuissent, easq; explicassent eo sensu qui nihil à nostrarum ecclesiarum doctrina discrepabat, & affirmassent Lutherum hoc modo sentire, facile quidem illis acquieuit, vt hanc eorum explicationem piam & orthodoxam cum alijs ministris ecclesiæ approbaret. Sed in propositionibus inerant aliqua ambigua & fucosa, ideò posita, vt Lutherò satisfacerent, quæ & rectum sensum habere possent, quomodo etiâ ea Capito & Bucerus interpretabantur, & rursus videbantur carnali & crassæ præsentia carnis Christi, quâ nostri impugnabât, patrocinari, hæc vt reciperet, nunquam vel ipse vel alij nostræ ecclesiæ ministri adduci potuerunt: nempe vt docerent Christi corpus corporaliter & substantialiter, & inuisibiliter atq; supernaturaliter cum pane præsens esse & exhiberi: monebat etiâ alios, vt ambiguitates & flexiloquentiam huiusmodi cauerent, neq; enim hac ratione vllam firmam & stabilem concordiam posse fieri. Id quod euentus rei postea comprobauit. Postquâ enim huiusmodi phrasæ antea inusitatæ, à plerisq; ecclesijs superioris Germaniæ receptæ sunt, paulatim commutatio doctrinæ secuta est, & primi quidem veteresq; ecclesiarum ministri, qui norant quo sensu hæc recepta ab ipsis, & rursus quare à nobis repudiata essent, non adeò à nobis alieni fuerunt, sed amicitia & fraternitate nobiscum coluerunt. Postquâ verò his alij minus exercitati in controuersijs ecclesiæ, sed magis feroculi successerunt, prorsus obtinuit crassa illa carnalis præsentia, ac nunc non tantum explicatio.



## V I T A H E N R I C I

illa Bucerī, sed ne ipsæ quidem illæ pacificatoriæ propositiones amplius locum habent in illa ecclesia, in qua olim Bucerus tanto studio summa cum laude docuit, sic vt Zuingliani sint, hoc est ipsorum iudicio omnium mortalium pessimi, qui docent & scribunt iuxta illarum propositionum sententiam. Ac sicut in veteri ecclesia cum Orthodoxi defenderēt *τὸ ἐκείνου*, Eunomius contra doceret *τὸ ἀντικείμενον*: quidam vt contentionem hanc grauissimam componerent, duo hæc vocabula sustulerunt, & docuere Christum esse patri *ἐμοιοῦντα*: sed hæc formula contentiones magis auctæ sunt quàm sublata, dum alij docent similem per omnia etiam secundum substantiam atque *ἀναπαράστατος*, alij contra similem fatentur, sed non per omnia: ita etiam phraſes ambiguae in cœna Domini controuersiam hanc magis obscurarunt & auxerunt, quæ tamen bono studio pacificandi receptæ ab initio à multis rectè sentientibus fuerant. Bullingerus igitur sapienter hæc præuidit, & constanter ac fortiter cauit, plerisque aliter sentientibus, solus cum suis veterem simplicitatem retinuit, interim concordia nunquam defuit, pro fratribus alios agnouit, neq; à se dissentientes damnauit, imò postquam denuò ab alijs certamen renouatum est, quantum potuit, à conuitijs & omni verborum acerbitate abstinuit. Sed de his iudicent æqui lectores, qui diligenter tam ipsius quàm aduersariorum scripta legerint, & iuxta bilance examinarint, nostra oratio pergat in præcipuis rebus iuxta annorum seriem exponendis. Anno igitur 1538. magistratus Tigurinæ vr̄bis Bullingeri suasu nouum collegium studiosorum instituit: Vr̄bs enim nostra duo habet peruectusta collegia, summi templi vnum à Clodoueo III. Francorum Rege fundatum: hoc attributum est ministris ecclesiæ & his qui publicè in schola docēt, qui vnà cum administratoribus decem numero in locum totidem Canonicorum succeſſerunt, reliqui redditus collegij in vsum scholarum expendantur, & studiosi adolescentes supra quinquaginta stipendium annuum vt literis vacent accipiunt: alterum collegium à Lodouico Germanico Pij F. extructum, nobilibus virginibus olim dicatum fuit, eo loci institutum est nouum collegium, in quo X V. adolescentes vnà cum præceptore aluntur, atque illis victus, vestitus, libri, omniaque necessaria liberaliter suppeditantur, idque Bullingerus

gerus suo consilio instituit quoad vixit, amavit, & diligentem eius curam habuit. Venere his annis aliquot Angli nobiles Tigurum, qui Bullingeri hospitio vſi sunt, & de præcipuis doctrinæ Christianæ capitibus, de quæ ecclesiæ ritibus & ceremonijs eius sententiam diligenter perquirebant. Postquam enim Henricus V III. Seren. Anglæ rex iugum Papæ abiecit, Anglorum studia ad amplectendum puram doctrinam quæ dudum ipsis illuxerat, magis accensa sunt. Qui igitur Tigurum venere, instabant Bullingero vt aliquid regi suo scriberet, de scriptura & episcopis, de quibus multa in Anglia controuertantur, quò confirmari possit in instituto suo reformandæ ecclesiæ: his igitur obsequens scripsit ad Henricum Regem libros duos, Primum de scripturæ sanctæ auctoritate, certitudine, firmitate & absolute perfectione, ac his omnibus demonstratis, exhortatur ipsam vt omnibus hominum decretis postpositis & neglectis se totum verbo Dei tradat, & secundum scripturas Canonicas omnia in regno suo instituat: Secundum verò de episcoporum qui verbi Dei ministri sunt institutione & functione, cōtra superstitionis tyrannidisq; Romanæ antistites. Sequenti anno 1539. libros de Origine erroris recognitos & auctos magna acceptione denudò publicauit, & præterea Vigilij libros vnà cum Vadiani ad se epistola, qua explicatur quæstio an corpus Domini nostri Iesu Christi propter coniunctionem cum verbo inseparabilem, sumat sibi alienas à corpore conditiones. Gasparus enim Schuencfeldius nobili familia natus apud Silesios, amicus quondam Zuinglio & nostris ecclesijs, de corpore Christi docebat, istud post assumptionem in cœlos & sessionem ad dextram patris, ita deificatum & verbo exæquatum esse, vt non amplius sit creatura. Hanc eius doctrinam multi per Sueuiam viri nobiles amplexi sunt, eamq; cōmendabat cū studium gloriæ Christi, quam se asserere & huic vni studere cum suis gloriabatur, tū auctoris ipsius mores & vitæ integritas quam pleriq; commendabant, & præsertim singularis humanitas, neq; enim à se dissentientes conuitijs, vt multi tum consueuerant, proscindere, sed patienter ferre & amicè complecti solebat. Quoniam verò multi de hac controuersia Bullingerum consulebant, noluit ille pro sua modestia quicquam priuato cōsilio respondere,

## VITA HENRICI

sed & domi cum collegis de hac controuersia deliberant, & Vadianum virum longè doctissimum atque lumen Heluetiæ, quo familiarissimè utebatur, etiam consuluit, & quoniam ipsius responsio doctè & accuratè conscripta sibi admodum placebat, eandem alijs communicauit, atque vt veteris ecclesiæ sententia de eadem quæstione simul cognosci possit, Vadiani epistolæ adiunxit libros Vigilij martyris olim contra Eutychianum errorem conscriptos, in quibus humanæ naturæ veritas & veri corporis proprietas in Christo seruatore etiam in gloria existente perspicuis ac solidis scripturarum testimonijs asseritur. Est quidem Vigilus vnus ex posterioribus patribus qui D. Augustinum secuti sunt, verùm ita perspicuè ita solidè ex scripturis diuinis disputat, vt meritò superioris seculi patribus æquari possit. Vtinam verò pari simplicitati & perspicuitati in hac ipsa longè grauissima controuersia de cognitione Christi seruatoris, nostræ ætatis theologi seriò studerent, minus esset controuersiarum in ecclesia. Quid enim simplicius symbolis veteris ecclesiæ, in quibus profitemur nos credere Iesum Christum vnigenitum Dei filium vnum eundemque esse, verum Deum verumque hominem, salua vtriusque naturæ proprietate, hunc natū ex virgine, pro nobis passum, crucifixū mortuum & sepultum, & à mortuis surrexisse, atque in cælos receptum, ibi retinere depositum carnis nostræ aliquando in gloriam quoque resuscitandæ, in hac carne vera & aspectabili venturum denuò ad iudicandum viuos ac mortuos? Sed hæc simplicitas multis rudis & crassa videtur, qui quotidie nouas loquendi formas cudunt, & se solos subtiliter atque spiritualiter de Christi corpore loqui, & mera oracula fundere persuasum habent: at his subtilitatibus simplices auditores stupefaciunt, vt doctores hos subtiles admirentur magis quàm intelligant. Ab huiusmodi docendi genere per omnem suam ætatem plurimùm abhorruit Bullingerus, non deerat illi ingenium in percipiendis atque etiam excogitandis huiusmodi speculationibus, si huic rei studere voluisset, sed sæpe monebat, Christum ita sua docuisse & apostolos docere voluisse, vt ea etiam à simplicibus hominibus disci & cognosci possent, corda eorum illustrante spiritu sancto, qui suo afflatu non inspirat ænigmata & obscuras & spinosas disputationes.



disputationes, sed ea potius quæ alioqui humanæ rationi obscura aut incognita sunt in mysterio Christi, illustrat, & fidem confirmat illa apostolis prædicata *παραπομπή* vt hæc credamus & amplectamur. Consentiebat autem cum Bullingero non tantum in capitibus doctrinæ Vadianus cuius epistolam tum edidit, sed similiter simplici perspicuitati maximè studebat: ac amborum summa fuit quamdiu vixere coniunctio. Amicitiam contraxerunt anno millesimo quingentesimo vigesimo quarto, cum Vadianus à republica sua legatus ad Tuginos missus, quorundam insidias metuens quòd liberè de religione verba fecisset, Capellam venisset, vbi superiori anno Bullingerus ludum aperuerat, ab eo tempore amicitiam absque vlla offensione mutuò coluerunt, atque post obitum Vadiani qui Bullingerum præcessit, sæpe nobis multa iucundè & libenter de illo commemorare, & tanti viri virtutes & doctrinam singularem prædicare solebat: ostendebat etiam iustæ magnitudinis librum epistolarum, quas à Vadiano acceperat, quibus omnis ferè illorum temporum historia continetur. Edita est etiam à Vadiano proximo anno Epistola ad dominum Ioannem Zuichium Constantiensis ecclesiæ pastore de quaestione ferè eadem cum illa de qua priore anno ad Bullingerum scripserat, in hac post explicatas in Christo naturas diuersas, & personam ex diuersis naturis vnā, Iesum Seruatorem nostrum vel in gloria veram esse creaturam, tum oraculis scripturarum sacrosanctis, tum interpretum orthodoxorum autoritate docetur & demonstratur: addita est huic Antilogia siue Responsio ad Gaspari Schuencfeldij argumenta, quibus Christum dominum in gloria receptum, etiam secundum carnem, amplius creaturam nullo modo esse contendit. Hæc vt in publicum ederentur præcipuus auctor fuit Bullingerus, qui etiam ad alias huius generis operas Vadianum impulit: nam in ipsius gratiam cum scriberet Commentarios in Acta apostolica, Vadianus composuit Epitomen triū terræ partium Asiæ, Africæ & Europæ, compendiariā locorum descriptionē continentem, præcipuè tamen quorū Lucas in Actis & passim Euangelistæ & Apostoli meminere: sed hoc opus annis VI. illas de quibus loquimur epistolas antecessit. Porro hoc ipso anno Bullingerus edidit institutionē

1540.

Christiani matrimonij lingua vernacula. Sequens annus plures illi dolores & molestias attulit, pestis enim hoc anno Tiguri grassare cœpit, quæ è tribus filijs minimũ natu illi abstulit, sed Dei beneficio maturè compressa est. Matrem quoq; iam septuagenariam & amplius, sesquimensē ante filium sepehijt. Basileæ verò mortui sunt Andreas Carolottadius doctor, & Bullingeri quondã collega cum primũ Tigurum venit, & præterea optimus elegantissimus atq; doctissimus vir Simon Grynæus, qui cognitus Bullingero in actione Concordiæ, ab eo tempore amicitiam arctissimam cum eo coluit. Videbantur etiam in Heluetia res ad arma spectare, Roteuilani ob quasdam controuersias irati Ioanni Landenbergio illum cœperant, hæc cõtumelia adeò doluit Christophoro illius filio homini militari, vt quamuis liberato patre nihilominus bellum Roteuilanis indixerat, Heluetij ex fœdere Roteuilanis præsidium misere mille hominum, sed hi Roteuilam non peruenere, Schaphusæ subsistere iussi à Roteuilanis, neque tum vltèrius quicquam hostile vtrinq; gestum, sed opera Vuirtenbergici ducis pax facta fuit. Atque hæc quidem tristitia mœrorem & solitudinem aliquam attulere, sed pro his longè maiorem lætitiā percepit ex restitutione Geneuensis ecclesiæ. Superioribus annis ecclesiam illam instituerant, & gubernarant Guilielmus Farellus & Ioannes Calvinus, ambo pietate & doctrina vniuerso orbe celeberrimi, hi deinde paucorum factione vrbe pulsi sunt: sed non multo post accidit vt Syndici, qui auctores pellendorum ministrorum fuerant, aliorum criminum meritis pœnas luerent, moxq; ciuitas vniuersa veteres ministros requirere cœpit. Docebat tum Calvinus sacras literas in schola Argentinensi, & quia ægrè munus hoc suscepturus credebatur, ægrius etiam dimittendus ab Argentinensibus, Senatus Geneuensiũ intercessionē nostrorum petijt, qui tam Senatum Argentinensem quàm ipsum Calvinum hortabantur vt postulatis Geneuensium satisfacerent, idq; rationibus eorum auditis sibi persuaderi passi sunt, atque Calvinus ad instaurandam Geneuensem ecclesiam redijt. In Neocomensi vicina ecclesia tum etiam ab improbis quibusdam aduersus sanctissimum eorum pastorem Farellum tumultuatum fuit, quem vrbe eijcere conabantur: hunc

motum.

motum nostri sedare tentarunt, literis cum ad Bernenses arbitros huius controuersiae tum etiam ad Neocomenses ipsos datis, quibus etiam amplissimi senatus literae adiunctae fuerunt: exhortantur autem primum Farellum ipsum ne gregem sibi à Domino commissum propter turbas & odia improborum deserat, sed patienter hæc ferens errantes in viam reducat, fore Dei beneficio ut qui nunc odio ipsum prosequuntur, poenitudine ducti ipsum præ ceteris amaturi sint. Reliquos deinde ministros per ecclesias urbis & comitatus Neocomensis monent, ut Farellum, cuius ministerio prima apud ipsos fundamenta veræ religionis iacta sunt, & cuius opera Deus in maximis rebus usus sit, constanter iuuent, neque patiantur eum ab improbis expelli, ipso nanque eiecto ipsorum ministerium luxatum non posse consistere porro & suam auctoritatem tueri: Farelli nomen & virtutes à Germanis plurimum celebrari, & beatam iudicari Neocomensem ecclesiam quæ hunc pastorem habeat, quare si hunc eiici patiantur & quidem insontem atque indemnatum, rem fore pessimi exempli, & quæ perpetuam ignominiam illis iniurat: Dan tam autem ipsis esse operam ut Synodus conuocetur, Farelli accusatores sistantur & audiantur, & ita causa legitime cognoscatur. Postremò iisdem literis senatum quoque & populum Neocomensem grauitè officij sui admonent, & docent Farellum nihil iniqui ab ipsis petere, & quod non pro suo officio magistratus præstare debeat, ut constituatur disciplina in ecclesia, & certus ordo seruetur in ordinatione ministrorum, à qua pastores non secludantur. Fuit autem Dei gratia hæc nostrorum admonitio non inefficax, Farellus enim in suo ministerio populi totius suffragio confirmatus est, & turbæ omnes sopitæ sunt: atque hunc finem exoptatum proximo demum anno hic motus habuit. Bellum gerebat eodem tempore rex Franciscus cum Carolo V. Imp. & anno sequente Rex exercitum duxit Perpinianum: cum autem Gallus militem in Heluetia conscriberet, Ordines imperij legationem Badam ad conuentum Heluetiorum misere petentes ut quiescerent, & domi retinerent suos milites: Tigurini hortantibus atque approbantibus ecclesiarum ministris, legem qua vetatur militia mercenaria denudò renouarunt, & his qui ad bellum proficiscebantur, transi-



1542. tum per suas regiones denegarunt. Euocauit dominus ad se hoc anno eximios in nostris regionibus ecclesię ministros, Doctorem Ioannem Zuiccium Constantiensem, virum nō minus singulari humanitate & morum suauitate quā doctrina clarum: hic cum pestis in oppido Turgez quod Episcopi cella vocatur pastorem abstulisset, illuc profectus, ne grex pastore destitutus papistis qui illic canonicorum collegium habent contempui & ludibrio esset, aliquandiu ibi concionatus est, donec ipsum quoq; letalis morbus inuasit & abstulit. Alter fuit Leo luda Zuinglij primum & postea Bullingeri collega atque ecclesię Tigurinę ad D. Petri pastor. Anibo fuere multis annis coniunctissimi Bullingero, curarum & laborum socij, quare non dubium est morte horum animū eius nō leuiter vulneratū fuisse: sed hunc dolorē minuit, quod Leone qui senex fuerat post multos labores curas & sollicitudines ad quietem & perpetuam felicitatem euocato, in eius locum successit Rodolphus Gualtherus à pueritia Bullingeri discipulus, in domestica eius disciplina educatus & institutus, qui his diebus trigesimo tertio anno ab obitu Leonis, in locum ipsius Bullingeri magna bonorum gratulatione substitutus est. Laborauerat Leo aliquot annis ante obitum in Biblijs Latinē transferendis quā fidelissimē iuxta Hebręam veritatem, opus tamen integrum, ante obitum absoluere non potuit, sed id sequenti anno à fratribus & collegis absolutum atque in publicum editum est: huius operis exemplar typographus eleganter compactum D. Martino Luthero misit, ille per epistolā eum monuit, ne posthac sibi aliquid mittat quod à ministris Tigurinę ecclesię profectum sit: se enim nullum cum eis commercium habere, libros eorum nec recipere nec legere velle. Nam ecclesias Dei cum eis communicare non posse. Multos quidem labores eos sustinere sed irritos & frustraneos: quandoquidem & ipsi iam damnati sint, & alios quoque miseros homines secum ad inferos abducant. Se itaque damnationis & blasphemę doctrinę eorum nolle consortem esse: sed quoad vixerit, eos & precibus & libris oppugnare constituisse. Bullingerus igitur cum videret quo animo Lutherus in Zuinglium eiusq; doctrinam esset affectus, quidq; deinceps ab eo esset expectandum, cum Typographo egit vt opera  
Zuinglij

Zuinglij collecta ederet, vt præsentēs & posteri ex eorum le-  
ctione cognoscere possent, qualem doctrinam Helueticis eccle-  
sijs tradidisset. Quæ vernacula lingua à Zuinglio scripta fue-  
rant, eius gener Rodolphus Gualtherus in Latinam linguam  
conuertit, & operibus Apologiam pro Zuinglio & operum eius  
editione præfixit. Bullingerus verò scripsit in Euangelium Io-  
annis commentariorum libros X. quorum exemplar cum mi-  
sisset Melanchtoni, ipse scriptis ad eum literis opus eius proba-  
uit & laudauit. Edidit etiam hoc tempore Ioannes Cochleus,  
Papisticæ doctrinæ propugnator magis strenuus quàm doctus  
& disertus, librum contra Bullingerum de scripturæ canonicæ,  
& ecclesiæ catholicæ auctoritate, huic Bullingerus anno qui  
hunc sequitur publicè respondit: & altero libello eiusdem Re-  
plicam de eadem controuersia refutauit, addita expositione bre-  
ui de sancta Christi catholica ecclesia. Præterea hoc anno edi-  
dit in Euangelium Matthæi commentariorum, libros XII. Cæ-  
terum in Saxonia editæ sunt annotationes Lutheri in Genesim,  
quibus acerbè passim in Sacramentarios inuehitur. Mox Lu-  
therus ipse frustra obfistente & repugnante Melanchtone, edi-  
dit breuem confessionem de cœna Domini: in qua Zuinglium,  
Oecolampadium, eorumque discipulos Tiguri & alijs in locis  
apertè hæreticos, sacramentorum hostes, æternumque dam-  
natos esse dicit: & nihil nisi conuicia, damnationes, diabolos-  
que toto libro crepat. De hoc libello Melanchton scribebat ad  
Bullingerum: Fortassis priusquam hæ meæ literæ ad te perfe-  
rantur, accipies atrocissimum scriptum Lutheri, in quo bellum  
de cœna Dominica instaurat. Nunquam maiore impetu hanc  
causam egit. Desino igitur sperare ecclesiarum pacem. Tollent  
cristas inimici nostri, qui defendunt idola monachorum, ac rur-  
sus ecclesiæ nostræ magis distrahuntur, quæ ex re ingentem ca-  
pio dolorem. Nam priuato periculo, quod nunc mihi impen-  
det, etsi non est leue, tamen tantum non moueor, quantum  
ecclesiarum nostrarum & literatorum distractionibus. Ali-  
quot viri boni & docti inter quos Bucerus, hortabantur Ti-  
gurinos, vt cum multo iam tempore multa patienter dissi-  
mulassent, non sinerent suam nunc tandem patientiam expu-

gnari: sed Luthero iam seni & de ecclesia Christi optimè merito parcerent, qui, vt credendum esset, non tam sua sponte quàm adulatorum impulsu tam atrox scriptum emisisset. Quòd si omnino respondere decreuissent, oriturum grauissimum in ecclesia incendium, quod postea nò nisi magno ecclesiæ malo posset restingui. Alij verò omnino respondendum censabant & quidem acriter: quòd nec priuatim nec publicè læsus, tanta petulantia viuis & defunctis insultaret. Etli enim Lutherus bene meritis sit de ecclesia, non tamen tantùm illi tribuendum vt vnus plus reliquis omnibus possit, & vt ob vnus offensionem cauendam veritas turpi silentio prodatur. Ac fore vtilem huiusmodi responsionem, cum quoad ipsum Lutherum, qui dum omnes illi indulgent atque omnia permittunt, magis in illa sua nimia vehementia confirmatur, quòd si fortiter se illi viri boni & docti opponant, rem diligentius expensurum & moderatius acturum: tum ad alios commouendos ne tyrannidem in nascentem ecclesiam inducant, atque sic eò redigendos qui nunc cunctantur & dissimulant, vt cogantur tandè apertè suam sententiam profiteri. In hanc sententiam concesserunt Tigurini, & omnino respondere constituerunt ac sui ministerij dignitatem asserere, id enim & rei magnitudo poscere videbatur: & quia morti vicinus erat Lutherus, si rem post eius obitum distulissent, periculum erat ne scripta eorum hac de causa, non solum apud Lutheri discipulos, sed alios quoque parum ponderis habitura essent: Bullingerò igitur respondendi munus demandatur, is initio sequentis anni Apologiam conscripsit Latinè & Germanicè editam. In hac primum tractat de Marpurgensi colloquio & concordia constituta inter Lutherum & Heluetios, de quibus ille quædam in suo libro scripserat. Deinde summam fidei & doctrinæ nostrarum ecclesiarum exponit. Postremò ad crimen hæreseos & alia conuitia respondet. Curauit autem Lutheri responsionem suo scripto adiungi, vt eo melius omnia inter se conferri possent, meliusque constaret vtri rationibus firmitioribus niterentur. Apologiam hanc Bullingerus multis illustribus principibus & ciuitatibus per Germaniam misit, additis etiam literis, quibus ostendebat ob quas causas Luthero respondissent, à quo renitètes & inuiti in hanc arenam protracti sunt.

Lectus



Lectus autem est liber hic avidissimè etiam ab aduersarijs & in primis pontificijs, quibus gratissimum erat ecclesias Euangelicas primi nominis ita inter se digladiari: non pauci verò hoc lectio commoti sunt vt diligentius totam hanc controuersiam expenderèt, & rectius de sacramentis sentirent. Venere huc ipsa de causa Tigurum viri clarissimi D. Albertus Hardenbergius Eufius, D. Gerardus Vuesterburgius Colonienfis, atque D. Georgius Lætus Augustanæ reipub. à secretis, qui cum de alijs doctrinæ partibus tum de sacramentis suam sententiam cum Bullingero complures dies contulerunt, & amicè disputarunt. Quare vt suam sententiam plenius explicaret, librum conscripsit de Sacramentis, quem primùm D. Ioanni Caluino iudicandum misit, & postea D. Ioanni à Lasco singulari suo amico: ab hoc postea editus est Londini hoc titulo: Absoluta de Christi Domini & Catholicæ eius ecclesiæ sacramentis tractatio auctore H. Bullingero, auctor ipse postea quæ sibi videbantur necessaria Decadibus suis inseruit. Sequuta est proximo anno mors Lutheri & bellum Germanicum. Accusabant multi nostros, quòd mortuo Luthero insultarent, eumque in Domino quiescentem conuicijs proscinderent, & gloriarentur ipsum præ dolore mortuum, quòd nostræ Apologiæ non posset respondere. Item nolle nos eos ferre qui confelsioni nomine Helueticarum ecclesiarum Basileæ conscriptæ & Luthero oblata se adiungant. Monuit de his Bullingerum illustris Hessorum princeps Philippus, is re cum fratribus deliberata omnium nomine principi rescribit, ac primùm gratias agit Deo qui principem tanto zelo promouendi gloriam Dei & ecclesiæ concordia atq; salutem donarit: deinde. Ill. principi pro beneuolentia sua & fida admonitione gratias agit, ac ostendit sibi plurimùm dolere quòd turbulenti homines huiusmodi criminationibus falsis nos in odium principis adducere conentur. Etenim non esse moris nostri, vt quenquam in concionibus publicis aut lectionibus theologicis conuicijs proscindamus, nedum Lutherum optimè de ecclesia meritum: & quamuis ipse Lutherus in concertatione sacramentaria nos contumeliosissimè appellarit, nunquam tamen nos nisi honorificam eius mentionem fecisse. Constare autem nobis hodie quoq; in Saxonia complures ministros non

1546.

## VITA HENRICI

nisi cum contumelia aliquam nostri mentionem facere, nos Suermoros, Iconomachos, sacramentarios & blasphemos nominare: atque Marpurgi in ipsius principis Academia, Theobaldum Thamerum in publicis lectionibus nos multis probris onerare: petere igitur nos ab ipsius Clementia ut nostræ innocentiae rationem habeat, & silentium huiusmodi conuicatoribus indicat. Magnam præterea nobis fieri iniuriam, quòd dicamur expellere eos qui Basiliensem confessionem amplectantur: nam propter hanc controuersiam neminem vnquam à magistratibus nostris eiectum: neque hic opus esse magistratuum animaduersione, cum summa sit inter omnes de hoc dogmate confessio. Basiliensem confessionem nos agnoscere, modò verba quædam non trahantur in alienum sensum quàm à nobis scripta sunt: si Lutherus cum suis hac confessione quam approbant contenti, publicis scriptis nunquàm nos contumeliosè prouocassent, pacè conseruari potuisse. Atque quod nobis obijcitur id ipsum in his locis contingere vbi Lutheri libri regnant, ut pii homines qui Basiliensem confessionem profitentur, locum habere non possint: id nos clementiæ principis expendendū relinquere. Quòd autem in Aula Imperatoriæ maiestatis controuersia hæc sacramentaria illustris, principi obiecta fuerit, nobis dolere, sed nos non esse certaminis auctores, sed prouocatos non debuisse causam bonam deferere, & ecclesiarum nostrarum & ministrorum eius cum viuorum tum mortuorum famam negligere. Paratos esse nos, quod etiam vltima Responsione ad Lutherum testati sumus, perseverare in ea fidei simplicitate & integritate quam in confessione Basileæ publico nomine conscripta professi sumus. Sed à nobis plura exigi, ut nullam mentionem faciamus spiritualis manducationis, & corporale tantum presentiam confiteamur, id nos facere salua conscientia non posse, multo minus cum Lutherò confiteri, panem esse naturale corpus Domini, quod impij ac Iudas non minus corporaliter sumant quàm Petrus & omnes sancti: hæc enim ipsius Lutheri verba sunt. Adhæc Lutherum cum suis scripsisse, excepta transubstantiatione, de sacramento per omnia consentire cum Romana ecclesia, quod nos nullo modo probare possimus. Paratos tamè esse nos ad pacem seruandam, modò petant ut ea dicamus & concedamus.

damus, quæ neq; intelligimus neq; alios docere possumus, quoniam perspicuè in ecclesia loquendum est, & simplices non turbandi. Postremò petit vt illust. princeps nostram excusationem clementer recipiat, & nos etiam apud alios illustrissimos & illustres principes excuset, ac si in posterum aliqui nos accusent, ne illis fidem habeat, sed pro sua clementia nostram defensionem prius audiat, semper enim paratos nos fore ad reddendam rationem doctrinæ si id à nobis postuletur, nos veritati maximè studere, & simul concordia inter magistratus cõseruandæ. Non displicuit hæc responsio Landtgrauio, qui semper pacis ecclesiarum studiosus & nostris nunquam inimicus fuit, Bullingerum quoq; magna beneuolentiâ complexus est. Et quoniam mox secutum est bellum Germanicum, aliquoties ex castris ad Bullingerum scripsit: petebat autem vt Heluetij quoq; qui Euangelium profitentur, suas copias auxilio mittant Protestantibus, sed id ob graues causas illi facere renuebant: & docebant magis è se esse principum vt bello abstineant, alioqui reliquos quoq; pagos Romanæ religionis suas copias Cæsari auxilio missuros, qui nunc quamuis petente hoc Cæsare & Papa nostrorum exemplo quiescant. Interea tamen aliquot millia nostrorum absque publica auctoritate vrbibus imperij militarunt. Ministri, quod ipsorum muneris erat, publicas preces instituerant, ac conuocato populo Deum pro pace & salute totius Germaniæ religionis deprecabantur. Sequens annus tristem belli exitum attulit Saxone & Hesso principibus captis, ac omnes qui vbiq; Euangelium profitebantur, in maximo versabantur periculo, itaq; nostri imperatorem belli creant, & in vrbe atq; agro passim militum delectum habent, si fortè hostes ingruant & Heluetiam inuadant, vt patriam defendere possint. Eodem tempore post infelicem belli exitum illustis princeps Georgius comes Vuirtenbergicus Tigurum venit, qui multis in rebus Bullingeri cõsilio vsus est, & non paucas de religione quæstiones illi proposuit, ad quarum nonnullas scripto respõdit. Ioannes quoq; Hopperus postea Glocestræ episc. in Anglia & martyr, iisdem tēporibus Tigurum venit cum vxore, Bullingero familiarissimus, cum quo de omnib. cap. religionis tū præcipuè de sacramētis sæpè disseruit, et quæ nostrorū esset sentētia exquirēs, & qd aduersariorū obiectis

1547.



respondendum sit discere cupiens : quæ autem ipsius sententia fuerit, & quàm consentanea doctrinæ nostrarum ecclesiarum, scripta sanctissimi martyris testantur à viro Cl. Ioanne Foxo hystoriæ martyrum Anglicorum inserta. Annus 48. monstrosum partum & toti Germaniæ pestilentem protulit, INTER M nominarunt, edictum Cæsareum, quo promulgatur certa quædam religionis formula seruanda interim donec vniuersali concilio coacto religionis controuersiæ cognoscantur & tollantur. *Quidam* putarunt admittendum esse hoc edictum, & aliquam seruitutem in rebus externis ferendam: sed quia non tantùm agitur de rebus externis, verùm de capitibus fidei nostræ, sanior pars theologorum Germaniæ sese opposuit, videbant enim neruos quodammodo sanæ doctrinæ succidi, si dogmatum explicatio talis approbetur, qualis in hoc scripto Interimistico traditur. Refutauit id publico scripto Caluinus: similiter Bullingerus fecit, sed eius scriptum nō exijt in publicum, nam metu Cæsaris tam nostri quàm Genuensium typographi id publicare noluerunt. Acriter namq; Cæsar edictum hoc vrgebat, & pleræq; vrbes, ac principes ipsi mandabant suis vt id reciperent, qui renuissent id admittere, his arma intentabantur: ex harum vrbium numero erat Constantia sita in finibus Heluetiæ ad lacum Acromum, pro qua cùm ob viciniam tùm ob veterem amicitiam & eiusdem religionis professionem, nostri solliciti admodùm erant: multumq; in eorum causa Bullingerus laborauit, non tantùm apud Heluetios verùm etiam apud exteros principes: sed consilia ista atque actiones irritæ fuere, quorundam fortè studio qui nimis religiosi, nihil vltius putabant tentandum quæ Cæsar offendi posset, neque amicitiam iungendam cum illius hostibus. Dum igitur incerti suorum consiliorum hærent, Hispani sexto Augusti urbem ex improviso oppugnant, etsi autem non absque clade amisso etiam duce repulsi fuere, tamen è ciuibus multi quoque & egregij viri occubuerunt: itaq; proscripti ab imperatore & varijs modis vexati, tandem se Austriacæ domui deditere: Ministri ecclesiarum nullum amplius locum habentes vrbe deserta in Heluetiam se recepere, ex his Ambrosius Blarerus primarius honesta familia natus, & magna eloquentia præditus, Vitoduri consedit, Ioannes Iunius Arouiæ

Arouiæ & postea Basileæ, Iacobus Funclius Biennæ. Passim etiam per Germaniam ministri ecclesiarum, quod editum de religione non approbarent, solum vertere coacti sunt, & qui hoc tempore mansere, horum multi postea anno 1551. domo expulsi sunt: ex his quidam ad Heluetios & Tigurum profecti, humaniter à Bullingero & fratribus excepti sunt, qui eos & domi nostro magistratui, & alijs per Heluetiam urbibus quæ Euangelium profitentur, per literas diligentissimè commendauit, quamuis non ignoraret quosdam eorum nostris insensibilissimos aliquando fuisse: ac nonnulli postmodum domum reuersi, obliiti humanitatis sibi præstitæ, acerbissimi nostrorum hostes fuerunt. At Vuolfgangus Musculus antea quoque nostris amicus cum Tigurum venisset, & inde Bernam ad docendam theologiam vocatus fuisset, tam humaniter à Bullingero exceptus & vicissim tanto amore ipsum prosecutus est, ut ad obitum usque coniunctissimi fuerint: quid autem senserit de Cœna Domini & alijs doctrinæ Christianæ partibus, quàm plurimi libri ab eo editi abundè testantur. Quoniam verò maximi motus erant tota Germania, & periculum erat ne Heluetij vel ab extero hoste oppugnarentur, vel religionis causa inter se committerentur, quærebatur à multis quomodo huic rei obuiam iri posset, atque Pagi qui se Catholicos nominant, postulabant à reliquis num se Concilio vniuersali & libero atque Christiano subijcere velint, atque ea quæ ab hoc ex spiritu sancto decreta fuerint recipere. Deliberatum est de hac re à legatis urbium, difficile enim videbatur Concilium vniuersale & liberum atque Christianum contemnere, & nolle probare quæ ex spiritu sancto decreta fuerint: rursus simpliciter huic postulationi assentire, periculosum esse iudicabant, propterea quod Pontificij omnibus his titulis ornarent Tridentinum concilium: consulti igitur sunt de hac re ministri ecclesiarum, apud nos deliberatione habita Bullingerus scripto respondit. Ac primùm ostendit quæ ratio fuerit conciliorum in veteri & apostolica ecclesia, & quæ item esset Conciliorum papisticorum, longè nimirum diuersa à priorè. Deinde docet quale sit concilium, quod Cæsar in comunijs imperij celebrandum promittebat Tridenti. Primùm id à Papa ex consilio Cardinalium po-

## V I T A   H E N R I C I

stulante Cæsare indictum fuisse, ac in eo nomine Papæ tres  
 Cardinales præsidere. Deinde neminem in illo ius suffragij &  
 dicendæ sententiæ decisivæ habere præter patriarchas, episco-  
 pos & prælatos papæ iuratos. Tertiò ad mitti hos qui Papæ con-  
 tradicunt sub fide publica, sed ad hoc tantum vt audiantur. Præ-  
 terea in Concilij indictione scribi id conuocari ad extirpandas  
 hæreses: certum autem esse nostram doctrinam à Papa & suis  
 hæresim atq; nos hæreticos nominari. Quartò Episcopos & re-  
 liquos qui ad Conciliū euocantur, iuramento Papæ obstrictos  
 esse ad defendendam Romanam sedem & extirpandos qui huic  
 aduersantur. Quintò sententias ferendas in hoc concilio non  
 tantum ex Scripturis verum etiā ex Patribus, Traditionibus, &  
 secundum ecclesię interpretationē. Sextò multos episcoporum  
 esse indoctos & turpis vitæ, quibus tamen contra ius & æquum  
 locus in Concilio sedendi conceditur. Cum igitur tale sit conci-  
 lium, quod hodie omnium sermone iactatur, non posse nos huic  
 subijcere nostram doctrinam. Neq; hanc recusationē iniquam  
 esse, quoniam & Paulus Apostolus, & Athanasius atq; Ambro-  
 sius episcopi se iniquis concilijs subijcere recusarint: concilium  
 enim æquum non recusari à nobis, si quando Dei gratia tale  
 aliquod quod sit vniuersale liberum & verè Christianum, in  
 quo nō sit alius iudex quàm sola Canonica scriptura, indicatur  
 publicè, & certò constet vbi, quomodo, à quibus, & cur cele-  
 brandum: alioqui non esse tutum se concilio subijcere, de quo  
 non constet quale futurum sit. Instituisse nostros ab initio reli-  
 gionis causa colloquia quædam & disputationes publicas, pub-  
 licasse etiam suę fidei confessionem, addita semper hac clausula,  
 si quis meliora edoceat, semper paratos fore vt nos humiliter  
 verbo Dei subijciamus, quare si Christianum & liberum Con-  
 cilium solum ex scripturis canonicis iudicet, & de controuer-  
 sijs religionis pronuntiet, nos paratos esse illius sententiam au-  
 dire. Placuit hoc consilium magistratui & in eandem ferè sen-  
 tentiam plerique aliarum vrbium theologi suo magistratui re-  
 sponderunt. Etsi enim simplex promissio, nos probaturos sen-  
 tentiam vniuersalis liberi & Christiani concilij in spiritu sancto  
 congregati per se non fuisset impia, tamē quia aliter Concilium  
 Christianum Pontificij aliter nostri intelligant, satius iudica-  
runt



runt sententiam suam ab initio perspicuè exponere, quàm postea ubi ad rem ventum fuisset, de verborum interpretatione ac sensu altercari. Anno sequente facta est consensio Caluini & Geneuensium cum Tigurinīs in re sacramentaria. Etenim multis videbatur Calvinus diuersum quid à Tigurinæ ecclesiæ ministris de cœna Domini tradere, ac consubstantiationi non nihil fauere, quare vt se ab hac suspitione liberaret, adiuncto sibi Farello Neocomensium pastore Tigurum profectus est, & cum ministris Tigurinæ ecclesiæ de causa cœnæ contulit, facileque inter eos vtrinque veritatis amantes & studiosos conuenit. Consensionis huius formula à Caluino & Bullingero conscripta, ab reliquis Heluetiæ & Ræticiæ ecclesijs approbata, & postea in publicum edita est: atque hoc vinculo non tantum ecclesiæ arctius inter se coniunctæ sunt, sed multi quoque viri boni alijs regionibus in agnitione veritatis hoc scripto confirmati fuerunt, aduersarios autem nostros consensio hæc magis irritauit, vt acerbius scriptis in nos inueherentur. Scripsit quoque hoc tempore Bullingerus Sermonum Decades quinque, quæ hoc anno & proximè sequenti in publicum editæ sunt. Mortuo in Gallia Francisco Rege eius successor Henricus cum Heluetijs agere cœpit, de renouando fœdere, & Tigurini non tantum à Regijs legatis, sed ab Heluetijs quoque hoc nomine sæpe appellabantur: & quia Bullingeri magnam esse auctoritatem omnes norant, qui suos à fœdere hoc dehortabatur, multis rationibus illi persuadere conabantur fœdus hoc vtile reipublicæ fore, ideoque omnino nostros assentiri debere. Sed ille constanter in veteri sententia persistens, senatum populumque Tigurinum ab hoc fœdere dehortabatur, docens non esse ius aut fas homini vt se mercede conducī patiatur ad fundendum sanguinem miserorum, & plerumque innocentium hominum, à quibus nulla ipse vnquam iniuria affectus sis. Maiorum nostrorum qui forti manu libertatem Helueticam asseruerint, mores imitandos esse, qui ab huiusmodi vitæ genere alienissimi, domi suo sibi labore victum parantes, nulli principi se addixerunt, neque suam libertatem venalem habuere. Huiusmodi fœderibus libertatem Helueticam imminui, & exteris Regibus atque principibus prostitui.

## V I T A   H E N R I C I

1550.

multis rationibus adductis ostendebat, & quæ incommoda hoc fœdus afferret commemorabat. Facile autem à nostris obtinuit vt hoc fœdere abstinere: memores enim cladium quas acceperant dum exteris Regibus se addicunt, & ciuiliū quoque dissensionum quæ inde exorta fuerant: & cum his conferentes pacem & tranquillitatem qua domi fruebantur, omnes in repudiando fœdere & veteribus legibus atque consuetudinibus seruandis consentiebant. Annus qui hunc excepit quinquagesimus, tranquillus fuit: æditæ sunt Decades sermonum duæ I III. & V. Serenissimo Angliæ Regi Eduardo VI. inscriptæ, & quoniam tum libera Euangelij prædicatio Anglis concessa fuit, frequētes literæ à Bullingero ad Principes aliquot Anglos & episcopos atque ecclesiarum ministros conscriptæ sunt. Respondit etiam ministris ecclesiæ Emdensis, quibus tum proponebatur Reformatio quædam noua introducenda in ecclesiam, non dissimilis in quibusdam Interim Cæsareo. Monebat autem eos, cum constet Papistas & Interimistas insidiari nostræ doctrinæ, vt eam infamem reddant, & ideò ceremonias abolitas nobis obtrudere, vt gloriari possint nos assumere quæ olim abiecerimus, & ædificare quæ ante destruxerimus, cauere ne veteres Papisticos ritus recipiant, cum magno ecclesiæ offendi culo atque etiam dissipatione. Deum requirere à nobis puram simplicitatem & simplicem puritatem, quam ipse tradidit nobis in verbo suo perfectissimam: ab hac non licere nobis recedere vel ad dextram vel ad sinistram. Perseuerandum igitur in his quæ accepimus & tradita sunt ab Apostolis, ea autem fugienda quæ fugere præceperunt Apostoli, prædicantes in postremis temporibus venturos illusores, qui & doctrinam & ecclesiam suis figmentis & artibus corrumpant. Decretum illud Interim dictum arridere quidem multis, sed nihil aliud esse quam Isagogen quandam ad Papismum. Clamare quidem aduersarios, nos qui hæc reiijcimus, cerebroso homines esse & publicæ pacis perturbatores: sed hoc immeritò nobis impingi, qui ea sapimus quæ scripturarum sunt, & in his constanter perseueramus: ab illis potius turbari pacem, qui cōscientias fidelium perturbant, & seruituti Antichristi rursus subijciunt. Ornari multa titulo indifferentium, sed ea nō posse defendi vllis scripturis, ac mera hominum

hominum commenta esse, nō obtrudenda hominibus Christianis, de quibus Paulus: Pretio empti estis, nolite fieri serui hominum. Imò pleraq; ex his pugnare cum scripturis ex diametro. Proinde standum in veritate, & sanctificandum nomē domini: orandumq; ardentem eum qui solus sapientissima consilia sufficiat, & vires efficiendi quod vult dare potest. Simul etiam ad quaestiones ab ipsis transmissas ordine responderet. Huius anni tranquillitatem luctus & disceptationes grauissimarum rerum quæ anno insequente quinquagesimo primo subsecutæ sunt, compensarunt. Tiguri enim hoc anno mortui sunt Henricus Engelhartus doctor, & Henricus Brenualdus quondam præpositus Embracensis, ambo amicissimi Bullingeri, & qui ab initio reformationis nostrarum ecclesiarum Zuinglio fideles socij & adiutores fuerunt. Deinde Vadianus consul S. Galli quem semper vnice dilexerat, à Domino ex hac vita euocatus est: his accessit mors summi theologi D. Martini Bucer, non Bullingero tantum sed toti ecclesiæ luctuosa. Visus ille quidem fuerat aliquanto alienior à Bullingero & nostris factus esse, postquam anno XXXVIIII non potuit ab eo tale responsum quale petebat ad Lutherum impetrare: sed nihilominus amicitiam nobiscum coluit, & in Anglia ardentius nostros denuò amare cepit, cum vidisset consensionem nostræ & Geneuensis ecclesiæ, eiusque nomine toti ecclesiæ gratulatus est. Adhæc Petrus Martyr Bucer, cum iisdem ferè verbis in causa cœnæ quibus Bucerus diu vsus fuisset, quod existimaret hanc rationem conuenientem esse ad componendum dissidium inter Lutheranos & Zuinglianos: tandem cum videret multos sua verba ita accipere, ac si crassam aliquam corporalem præsentiam statueret, noluit amplius obscure loqui, sed quam apertissime suam de cœna Domini sententiam proposuit. Huius exemplo multi viri boni Bucerum vt idem faceret hortabantur, sed cum ingressus esset hanc causam, Cantabrigiæ incredibili luctu & mœrore bonorum omnium decessit. Mense Junio huius anni Badæ in publico conuentu Heluetiorum, Nuncius Pontificius allato Breui (vt vocant) Apostolico, ab Heiuetijs petit, vt prælatos suæ regionis, Tridentum mittant ad Concilium, item vt efficiant quò doctores & cōcionatores ipsorum, ibidem



## V I T A   H E N R I C I

appareant: hortatur etiam illos vt maiorum suorum exemplum imitentur in reuerentia & obedientia suæ sanctitatis & sedis Apostolicæ: quartò petit responsum de his postulatam, se enim paratum esse ad mittendum legatum, qui plura de negotio Concilij cum ipsis agat, postremò num Heluetij velint sedem Romanam & statum atq; libertatem ecclesiæ defendere, & contumaces atq; rebelles coercere & punire, ab ipsis cognoscere cupit. Quoniam verò actio hæc maiori ex parte ecclesiastica erat, Bullingerus cum collegis ea de re consultus fuit. Et quia tum Papa Concilium ubiq; vrgebat, multi per literas à Bullingero quærebant quid respondendum sit ad hæc postulata: itaq; librum cōscripsit, quo demonstrat Concilium Tridentinum institutum esse ad opprimendam veritatem: qui Latinè quidem non est editus, sed Italicè tantum translatus in eam linguam & auctus à P. Paulo Vergerio cui auctor legendum dederat. Cæterùm summa responsionum Bullingeri hæc erat. Primùm non videri sibi quicquam Papæ respondendum esse, cum quo iam ab annis 30. nihil negotij nobis fuerit, attamen quia hæc in publico confœderatorū conuentu proposita sint, illis respondendum esse. Ac primùm quoniam iugum Papæ abiecerint edocti ex sacris literis, nō debere nostros illius vocationi parere & se denuò eius seruituti subiicere: præsertim cum ab eo tempore Papa suam doctrinam, ritus, consuetudines, imperium & potentiam ex scripturis nunquam probare potuerit. Heluetios Romanum imperium agnoscere à quo etiam multa priuilegia habeant, neque tamen ad conuentus imperij venire etiam si à Cæsare vocentur, id grauibus de causis ab illis fieri, multo minus Romano episcopo parendum in his rebus quæ ad fidem & animarum salutem pertinent, in quæ nullum ius habet. Non esse in agro Tigurino prælatos qui mittantur ad Concilium, neq; consultum esse vt Pontificij prælati è publicis præfecturis quarum imperium ad nostros quoq; pertinet illuc mittantur, parci posse in hac re magnis sumptibus: finem Concilij esse vt Papistica religio seruetur, id quod prælati isti alioqui faciant. Quod concionatores attinet, eos aliter vocari quàm prælatos, nam in Breui nullam horum mentionem fieri, sed tantùm à nuncio Papæ vocari: ita autem vocari, quasi his missis omnia pacata futura sint, belli

belli autem periculum imminere si non mittantur. Verum obseruandum esse hic non de persona ministrorum sed de doctrina agi, vt qui mittunt suos in concilium, seiplos suamque doctrinam Papæ & concilij iudicio subijciant. Ita nanque Cæsarem in Comitij imperij postulasse, vt Principes & status Imperij se determinationi Concilij subijciant, Etsi autem aliqui mittantur, id nulli vsui fore, quicquid enim proposuerint aut disputarint, concilium nihilominus suo more perget, præsertim cum iam septem sessiones habitæ atque conclusæ sint. Non posse autemstrarum ecclesiarum ministros, atque ipsas ecclesias, se subijcere Tridentino aut vlli Pontificiorum concilio. 1. Concilium Tridentinum non esse conuocatum, neque celebratû apostolico more & ordine: id quod ex sessionibus iam habitis facile demonstrari possit. 2. Concilium hoc nobis iniquum & partiale esse: præsidet enim papa per suos legatos: assessores autem & patres concilij sunt, Patriarchæ, Cardinales, Archiepiscopi, Episcopi, Abbates, Generales ordinum, Theologi à Pontifice, à Sorbona, à monachis & præsertim Mendicantibus missi: qui omnes quocunq; nomine nuncupentur, creaturæ sunt Romani Pontificis, & illi ipsi quos hætenus publicè accusauimus, & quibus non tantû à nobis, sed ab omnibus veræ pietatis studiosis & seriò aliquam reformationē ecclesiastici ordinis querentibus, culpa omnis corruptionis in ecclesia iam ab aliquot seculis tribuitur: hi contra omne ius naturæ volunt esse iudices, cõsiliarij, testes, accusatores & planè omnia: & ijdem iuramento obligati sunt ad defendendû Papatum contra omnes quicunq; illi fuerint. 3. Papa in Concilij indiçtione testatur hoc ad extirpandas hæreses conuocari: ipse autem cum suis dudum nos iniquissimè hæreseos damnauit: itaq; insaniremus prorsus, si vellemus in tali concilio apparere. 4. In concilijs Pontificijs & hoc ipso Tridentino nemo habet vocem decisiuam præter prælatos, Cæsar ipse dicitur tantum aduocatus concilij & eius defensor, itaq; nulla moderatio à politicis principibus sperari potest: vt iâ non dicamus Cæsarem & multos alios nos quoque; vnâ cum Papa damnasse. Tale igitur Concilium accedere & se huic subijcere, quid aliud esset quàm veritatem prodere? Christus & Apostoli nunquam accesserunt Concilia hostium fidei veræ, imò Dominus Apostolis prædixit fore vt tradantur in eorum

## V I T A   H E N R I C I

concilia & virgis cædantur. Et si autem non iniiciantur manus ministris Christi in hoc Concilio, tamen si illuc mittantur, gloriari posset de obedientia sibi præstita, & videretur sibi meliorem occasionem habere persequendi bello eos qui finito concilio determinationi illius non pareant. Nostros anno **XLIX.** pollicitos, non recusaturos se Concilium, si quod Dei gratia ad inquirendam veritatem conuocetur, quod sit vniuersale, liberum, securum, Christianum, sed Tridentinum concilium non inquirendæ veritatis causa sed confirmandi Papatus gratia indictum, quod bulla indictionis testetur. Non esse vniuersale neque enim omnia membra Christianitatis admitti: & Angliam & alia plura regna in illud non consentire. Non esse liberum & securum, cum vniuersa potestas sit penes solum Papam. Non etiam esse Christianum quamuis ita nominetur, agi enim de honore & gloria Papæ, non de Christi gloria. Postremo constitutum iam esse quarta sessione, ut in hoc concilio non tantum secundum scripturas sed etiam secundum Traditiones, libros non canonicos. Patrum doctrinam concludatur, neque alius sensus scripturæ recipiatur quam quem habet Romana ecclesia. Atque hæc ferè summa est eorum quæ varijs scriptis cum amplissimo Senatui Tigurino, tum alijs de eadem re quærentibus respondit. Interea in Geneuensi ecclesia dissidium ortum fuit de Electione diuina: Hieronymus enim Bolsecus medicus publicè doctrinam Caluini oppugnare cœpit, & plebem hortari ne se ab eo seduci pateretur, respondit huic Caluinus, & eius errorem testimonijs scripturæ & D. Augustini complurimis confutauit. Quoniam verò ille in errore suo contumaciter perseuerabat & iactabat se in alijs ecclesijs complures habere ministros secum sentientes, visum est Senatui & fratribus Geneuensibus Helueticarum ecclesiarum sententiam percontari, & præsertim Tigurinæ, quoniam Bullingerum eiusdem secum esse sententiæ mentiebatur. Respondit tum Bullingerus vnà cum alijs fratribus, & ita respondit, ut omnibus appareret istum qui docebat electionem ex fide pendere, fidemq; ipsam non minus ex proprio hominis motu quam ex cœlesti inspiratione oriri, malitiose abuti nostrorum nominibus. Equidem scio Bullingerum multis suspectum fuisse, quasi



quasi non idem quod sanctæ memorię Zuinglius de ęterna Dei  
 prouidentia & electione, humanoque arbitrio sentiret, sed qui  
 sic iudicarunt, magnam illi fecere iniuriam. Etenim cum qui-  
 dam in priuatis congressibus & publicis etiam cętibz ita de  
 his mysterijs disputarent, vt dicerent hominem etiam inui-  
 tum cogi ad peccandum, & Deum causam peccati simpliciter  
 assererent, sese his opposuit, ac monuit sobrię de tantis mysterijs  
 loquendum, ne inde homines ansam arripiant culpam suorum  
 scelerum aliõ transferendi & blasphemandi Deum. Itaque hoc  
 studebat vt doceret suos agnoscere gratuitam Dei beneuolen-  
 tiam, qua nos absque vllius dignitatis nostrę respectu elegit: si-  
 dem semper prædicabat donum Dei esse idque gratuitum, per  
 quam Christi efficiamur participes: viribus hominis non rena-  
 ti nihil esse attribuendum nisi corruptionẽ culpam & pœnam.  
 Exposuit autem in varijs scriptorum suorum locis quid de tan-  
 tis mysterijs sentiret, maximẽ in Decadibus sermonum, in li-  
 bris aduersus Anabaptistas, in Compendio Christianę religio-  
 nis. Ac fuit reuera summus consensus inter ipsum & Caluinum  
 atque Martyrem, quod non tantum arētissima eorum amicitia  
 confirmat, sed Consensio etiam cum Caluino & Geneuensi ec-  
 clesia in re sacramentaria testatur, vbi ab initio summa huius  
 negotij paucis sed dilucidẽ comprehenditur. Sequitur iam an-  
 nus quinquagesimus secundus quo bello tota ferẽ arsit Germa-  
 nia, nam Turca regi Romanorum, Rex Gallus & illi confœde-  
 rati principes Germaniæ Cæsari bellum mouerunt, atque vn-  
 dique circa Heluetiam arma perstrepebant, domi tamen pax e-  
 rat, nisi quod annonæ caritas aliquandiu nobis molesta fuit.  
 In tanta igitur rerum omnium perturbatione conciones ali-  
 quot vernacula lingua in publicum edidit, tempori huic ad con-  
 solandos afflictos, & ad veram pœnitentiam persuadendum ac-  
 commodatas. De vero auxilio & liberatione in omnibus peri-  
 culis, ex Euang. Matthæi X. lll. cap. De vera & firma fide in  
 omnibus aduersis & tentationibus, ex Euang. Matth. xv. cap.  
 De resipiscencia siue vera pœnitentia hominis peccatoris, ac  
 immensa Dei misericordia erga peccatores, conciones lll. ex  
 Iona propheta De vero Christianorum sacrificio ex XIII. cap.  
 epistolæ ad Hebræos. Latine quoque edidit Apodixim, qua

1552.

## VITA HENRICI

1553.

ostendit ecclesias Euangelicas, neq; hæreticas, neque schismaticas, sed planè orthodoxas & catholicas esse. Amisit autem hoc anno non absque ingenti mœrore fidum collegam Otthonem Vuerdmüllerum, virum solidè doctum, & verè pium, qui aliquando magno ornamento nostræ ecclesiæ futurus erat, si illi longior vita contigisset. Bello principum Germaniæ illustris. Hessorum princeps è captiuitate liberatus & patriæ suæ restitutus est: is XXV. Decembris literas ad Bullingerum scribit, quæ IX. Ianuarij insequentis illi redditæ sunt. Mox XIII. Aprilis denuò ad illum scribit, ac petit det operam vt Theobaldum Thamerum, si fieri possit, ab errore in viam reuocet: mittit verò cum Thamerò Fridericum à Thann virum nobilem, qui actioni intersit. Bullingerus adhibitis alijs fratribus multis cum Thamerò egit sed frustra. Impugnabat Thamerus doctrinam de fidei iustificatione, scripturæ auctoritatem eleuabat, ac scripturarum simplicem & grammaticum sensum non pluris faciebat quam vt Aristotelem scripturis æquaret: duo ponebat principia suarum disputationum Conscientiam & creaturam. Audierunt nostri illum placidè, & humaniter ad eius argumenta responderunt, ille contra adeò immodestè & ridiculè se iactabat & vociferabatur, vt plerisque videretur non satis mentis compos esse. Damnabat tum ex æquo Papistarum & Lutheranorum doctrinam, & nullum fidei dogma rectè ab illis tradi asserbat, postea tamen ad Papistas defecit. Scripsit hoc anno Bullingerus libros IIII. De gratia Dei iustificante propter Christum, per solam fidem absque operibus bonis, fide interim exuberante in opera bona. Tractantur in his libris præcipua capita, de quibus in controuersia de iustificatione quæri solet, de Gratia Dei, de Redemptione per Christum, de Fide vera & indubitata, qua Christus recipitur, & quæ nobis ad iustitiam imputatur, quomodo hæc sola absque bonis operibus iustificare dicatur, de Operibus legis & fidei, adeoque de verè bonis operibus. Librum hunc Melanchton in publica lectione commendauit, & literis ad Bullingerum scriptis ei gratulatus est. Eo tempore Lugduni aliquot pij fratres in carcere detinebantur religionis causa, egere horum causam Geneuenfes fratres & nostri ecclesiarum ministri apud Respublicas ciuitatum Euangelicarum

licarum Heluetiæ, & impetrauere vt pro illis intercederent: sed Cardinale Turnonio vrgente illorum damnationem, intercessio nihil profuit. Cæterum sicuti hi insontes supplicio affecti sunt: ita eodem tempore meritis blasphemiarum pœnas luit Michael Seruetus. Coniecerat hunc in vincula amplissimus senatus Geneuensis reipublicæ, atque causam illius ad Helueticas ecclesias retulit, quarum communi sententia impietatis & blasphemie damnatus est. Historia à Caluino descripta publicè extat. Iulio mense die nona Mauritius Saxonie dux elector prælio congressus cum Alberto marchione Brandeburgico, & victoria potitus, triduo post ex vulnere obiit: eodem mense sexta die Sereniss. Angliæ rex Eduardus VI. incredibili omnium bonorum dolore, & ecclesiæ incomparabili damno obiit: successit illi in regno Maria soror ex Hispana matre nata, quæ formam religionis ab Eduardo institutam mutauit, & regnum Angliæ denuò Romano pontifici subiecit, atque eos qui veram religionem profitebantur, acerrimè persecuta est: itaque multi viri nobiles, multi etiam doctrina clari in Germaniam, ac sequenti anno complures in Heluetiam venere, ac Tiguri peculiare collegium instituerunt, plurimum eos adiuuante Bullingero, qui cum ante Henrici VIII. temporibus cum Anglis amicitiam contraxisset, hoc tempore arctius illis coniunctus fuit. Vsi sunt tum illius consuetudine familiariter, Ioannes Parkurstus, Ioannes Iuellus (qui tamen biennio post Tigurum venit) Robertus Hornus, Iacobus Pilkintonus, Ricardus Chamberus, Thomas Leuerus, Laurentius Humfridus, Thomas Spenserus, Michael Renningerus, Thomas Benthamus, Guilielmus Colus, & alij plures. Nobilissimi quoque & clarissimi viri D. Ricardus Moritinus, D. N. Carus, D. Ioannes Checus, alijque plures eum Tiguri inuisentes amicissimè salutarunt, & de multis rebus sermonem cum ipso contulerunt. Locarni ad lacum Verbanum collecta fuit hoc tempore piorum studio mediocris fidelium ecclesia, sed quoniam eius loci imperium ad 12. pagos Heluetiorum pertinet, Septem ex his qui se Catholicos nominant, cœperunt agere de pœna horum qui à Romana ecclesia defecissent, & illis capitis supplicium comminabantur, cæteri se opponebant, & existimabant eos non habere ius



## VITA HENRICI

1555.

animaduertendi in ipsos nomine religionis, propterea quod in conuentione pacis publicæ religionis libertas concedatur, illi contra existimare nihil ad hos pertinere: agitata est hæc res com pluribus Heluetiorum conuentibus, tandem sequestrata controuersiam composuere, vt omnes qui nollent Romanam religionem profiteri, Locarno saluis suis omnibus facultatibus emigrarent. Huic sententiæ vt subscriberent Tigurini nunquam ad duci potuere, attamen quia suffragiorum numero vincebant aduersarij, sequenti anno in exilium eiecti sunt supra centum homines religionis causa, quorum plerique Tigurum, nonnulli Basileam aut ad Rætos abiere. Laborauit multum ac diu Bullingerua cum cæteris ministris, vt ecclesiam in finibus Italiæ constituerent, neque illis in hac re studium magistratus deerat: sed pontificij omnem lapidem mouere vt hoc impedirent, atque vt creditur non absque instinctu pontificis cui letale vulnus videbatur, si cogeretur libertatem religionis & ecclesiam Euangelicam tolerare in ipsa Italia. Postquam verò Locarnensium complures Tigurum venerunt, cum Germanicæ linguæ vsum nullum haberent, ne verbo Dei destituerentur, peculiaris ecclesia ipsis concessa fuit, & honesto stipendio à magistra tu oblato Bernardinus Ochinus Senensis Tigurum vocatus est, vt ecclesiam Italicam administraret. Receptus autem est in ministrorum ordinem ea conditione vt nostræ confessioni subscriberet, & legibus atque statutis synodi pareret, quod ultro & libens fecit, & sibi ecclesiam Tigurinam à multis annis præ alijs placuisse asserbat, præterea confessione fidei facta sese ab Anabaptisticis alijsq; peruersis opinionibus alienum esse testabatur. Quare cum talis tum esset aut haberetur, Bullingero præ alijs charus fuit, quem etiam nato sibi infante testem in Baptismo adhibuit. Diximus supra de Consensione Caluini & Tigurinorum in re sacramentaria, quàm grata fuerit multis viris bonis, sed contra homines quidam turbulenti eam nullo modo ferre poterant, inter alios Ioachimus Vuestphalus denuò bellum sacramentarium editis libris instaurauit, in quorum vno nominatim Consensionem hanc vellicat, sunt & ab alijs libri editi in quibus nostri acerbè perstringuntur. Quare Ioannes Caluinus defensionem Consensionis suscipiens, librum edidit hoc titulo, Defensio fa-

fio sanæ & orthodoxæ doctrinæ, de sacramentis eorumque na-  
 tura, vi, fine, usu & fructu, quam pastores & ministri Tigurinæ  
 ecclesiæ, & Geneuenses ante aliquot annos breui consensionis  
 formula complexi fuerant. Quoniam verò Consensio edita fuit  
 communi ecclesiarum consilio, hoc quoque scriptum à Caluino  
 priusquam ederet, Bullingero & nostris missum fuit, ac postea  
 Tiguri addita Bullingeri epistola excusum est, cum prius etiam  
 id Geneuæ excudisset Crispinus. Paschalibus feriis sequentis  
 anni Conradus Pellicanus sacrarum literarum Hebraicus pro-  
 fessor in schola Tigurina, ad dominum migravit, hic inter pri-  
 mos in Germania Hebream linguam didicit & docuit, & Cap-  
 tionem in consiciendo Lexico iuuit, tum adhuc Franciscani  
 ordinis monachus, in quo vitæ genere socium & discipulum in  
 studijs habuit Sebastianum Munsterum, clarissimum Hebræ  
 linguæ doctorem. Docuit Tiguri annos XXX. non minus vi-  
 tæ integritate & morum suauitate quàm doctrina omnibus cha-  
 rus & venerandus. In eius locum successit Petrus Martyr Ver-  
 milius, quo nescio an alium Bullingerus chariorem habuerit.  
 Coniunxit eos non tantum summa in omnibus doctrinæ par-  
 tibus consensio, sed quædam etiam morum & vitæ similitudo.  
 Cum enim ambo essent summi viri, tanta tamen erat vtriusque  
 modestia & humanitas vt alterum sibi præferret: erat in Mar-  
 tyre magnum acumen in enucleandis grauissimis quæstioni-  
 bus, singularem habebat gratiam siue in schola disputandum si-  
 ue docendum esset: Bullingerus plurimum pollebat in admi-  
 nistratione ecclesiæ siue esset concionandum, siue agenda pu-  
 blica aliqua ecclesiarum negotia, cuiusmodi multa deliberanda  
 etiam ab exteris ecclesijs proponebantur. In vtroque fuit singu-  
 lare perspicuitatis & simplicitatis studium, & quamuis doctis-  
 simi essent, spinosas tamen & inutiles quæstiones, quibus mul-  
 ti ad ostentationem ingenij delectantur, cane & angue peius o-  
 derant. Par etiam fuit in vtroque humanitas & comitas sermo-  
 num erga domesticos & peregrinos, quos salutantes, & de re-  
 bus dubijs interrogantes libenter admittebant, & illis prom-  
 ptè respondebant. In conuictu vterque frugalis & temperans,  
 sed hilaris & iucundus gratusque omnibus qui cum ipsis ver-

## VITA HENRICI

farentur : quod semper aliquid commemoraret quod delectare  
 simul & iuuare posset. Cæterum hoc anno qui nobis tranquil-  
 lus & pacatus fuit, hæc à Bullingero in publicum edita sunt,  
 Apologetica expositio, qua ostenditur Tigurinæ ecclesiæ mini-  
 stros nullum sequi dogma hæreticum in cœna Domini, libellis  
 quorundam acerbis opposita, & ad omnes sinceram veritatem,  
 & pacem amantes Christi fideles placidè scripta. Quoniam ve-  
 rò in hoc libro controuersiam Eucharisticam modestè absque  
 ullis conuicijs disceptat, plurimi id legere, quos petulantia &  
 immodestia Vuestphali, Heshusij & aliorum offendeat, & mul-  
 torum responsiones his oppositas nimis quoque acerbis puta-  
 bant. Deinde, Compendium Christianæ religionis, in quo sim-  
 plex & breuis summa fidei nostræ ex verbo Dei petita traditur,  
 idque absque omni contentione & conuitijs. Tertiò, Homiliæ  
 centum in Apocalypsim Iesu Christi, reuelatam quidem per  
 angelum Domini, visam verò & exceptam atque conscriptam  
 à Ioanne Apostolo & Euangelista. Hunc librum pro publica  
 concione cœpit interpretari anno 1554. sed hoc demum an-  
 no finijt, & sequenti anno conciones Latinè scriptas in publi-  
 cum edidit. Annum hunc Bullingero lugubrem fecit mors ami-  
 cissimorum hominum, Ioannis Rodolphi Lauatheri consulis  
 Tigurini, & Petri Simleri, coluerat cum his amicitiam annos  
 plus quam triginta, & amborum filij ipsius filias duxerant : ad-  
 hæc Lauatheri mors, qui summum dignitatis locum in nostra  
 republica obtinebat, non tantum ob priuatam coniunctionem,  
 sed propter ipsam rempublicam, quæ optimo ciue & prudentis-  
 simo fortissimoque consule orbata erat, tristis & luctuosa fuit.  
 Conatus est etiam hoc tempore quidam monachus nostros  
 cum Heluetijs committere. Vixerat hic in cœnobio Præmon-  
 stratenfis ordinis Ruti dicto, & tempore reformationis cum a-  
 lijs habitum abiecit, in cœnobio tamen permansit, ministris  
 verbi semper infensus, vtcunque id dissimularet : postea nescio  
 qua spe inflatus hoc demum anno è cœnobio & agro Tiguri-  
 no Rapersuilam profugit, & illic Missam primùm celebrauit:  
 inde profectus ad Helueticos pagos Pontificiæ religionis, pete-  
 bat vt sibi adessent quò nostri cœnobij reditus ipsi darent: ve-  
 rum



rum cum pauciora spe sua obrineret, neque eos quos sperauerat honores apud suos consecutus fuisset, miserè tandem periit, manè in fœdo loco domus suæ mortuus repertus est. De morte eius variè hominum coniecturæ & suspiciones fuerunt. Non minus tristitia ex alijs locis afferebantur. Vuormatiam conue- rant præcipui Germaniæ theologi ad colloquium, de compo- nendis controuersijs religionis tractaturi, sed dum quidam pri- mò omnium nostros damnari volunt, & actionem ab anathe- matismis ordiuntur, inter ipsos schisma ortum est, & ita Papi- stis seiplos ridendos propinantes re infecta discesserunt. In Gal- lia Henricus Rex fratres quos Valdenses vocant, crudeliter persequebatur: deinde Lutetiæ intercepto cœtu piorum qui in vico Iacobæo ad celebrandam cœnam Domini conuenerant, persecutio sæuissima orta est. Miserunt ad senatum nostrum le- gatos ecclesiæ Geneuensis & Neocomensis, quorum causam egit Bullingerus atque effecit, vt hoc anno his à nostris legati ad Regem in Galliam missi fuerint, idem impetratum fuit à princi- pibus Germaniæ, atq; ita accedentibus alijs etiam causis tempe- stas hæc ad tempus quieuit. Gerebant tum temporis bellum Rex Gallus & Papa Romanus cum Cæsare, oppugnante Papa Columnios, Hispano contra illos defendente. Libet autem hic paucis, causas & euenta bellorum quæ annis circiter vndecim maximi monarchæ gesserunt commemorare, vt etiam ab ipso Bullingero adnotatæ sunt, vt eo diligentius pij homines admi- randa in his Dei iudicia expendant. Primum igitur singulari Dei beneficio lux Euangelij pluribus annis Germaniæ fulsit, sed nostri ingrati Deo fuere ob immensum hoc beneficium, ne- que vitam Euangelio conformem instituere, quare Deus gra- ui bello Germaniam afflixit anno M. D. XLVI. Ac Cæsar fœdere inito cum Paulo III. PP. miris artibus Germanos in- ter se disiunxit, atque non tantum ex Germania militem quo contra communem patriam vteretur conscripsit, sed princi- pes aliquot magni nominis & præcipuas Germaniæ vrbes sibi coniunxit. Papa X. millia illi auxilio misit Ingolstadium, at- que ita auctis copijs Cæsar victoria potitur, & principes Saxo- nem atque Hesselum in suam potestatem redigit. Cæterum hi duo principes antea Henricum Brunswicensem capita-

## V I T A H E N R I C I

lium criminum & quidem horrendorum facinorum reum pereg-  
 egerant, sed cum hunc in suam potestatem redegis-  
 sent, nunquam in eum animaduerterant. Victoria potitus Cæsar conuen-  
 tu Augustæ indicto eo adducit principes captiuos, vt omnibus  
 spectaculo essent, Deinde edictum de religionis noua formula  
 INTERIM dictum Germanis obtrudit, quod cum quidam re-  
 ciperent, alij id facere nollent, graues dissensiones inde ortæ  
 sunt, & multò maiora scandala & blasphemix aduersus veram  
 doctrinam. Isdem comitijs Mauritius Saxo solenniter creatus  
 est elector Rom. Imperij. Magdeburgum celebris Saxonum ci-  
 uitas, quæ se Cæsari opposuerat, obsidetur & oppugnatur, id  
 bellum artibus Cæsaris inducti Germani principes gesserunt;  
 Saxo, Brandeburgicus, Mechelburgicus. Simul quoque Conci-  
 lium Tridentinū renouatur, cuius munus erat damnare Euan-  
 gelicam doctrinam: Cæsar vt sua vicinitate patrum animos con-  
 firmaret, Oenipontem abit, & nihil restabat nisi vt extirparetur  
 doctrina Euāgelica. Ecce verò interea Magdeburgi pax fit, Rex  
 Gallus, Mauritius Saxo, Albertus Brandeburgic⁹, & Hessi filius  
 Vuilhelmus fœdus inter se faciunt ad asserendam oppressam hæ-  
 ctenus Germaniæ libertatem, & captiuos principes liberandos:  
 mox copijs instructi principes Augustam proficiscuntur, & de  
 inde Erebergo expugnato & capris alpium faucibus Cæsarem  
 in fugam conijciunt, vt Oeniponte ad Carnos vsque profuge-  
 ret. Atque hic fuit finis amicitix Cæsaris cum his principi-  
 bus, qui eum paulò ante in opprimenda Germania iuuerant.  
 Concilium quoque eodem bello dissipatum fuit. Potentissime  
 vrbes Germaniæ Vlma & Neroberga, quæ opibus suis bello Ger-  
 manico Cæsarem iuuerant, à Brandeburgico grauiter afflictæ  
 fuerunt. Postea cum principes exercitum Francofurtum duxis-  
 sent, Mechelbergicus tormento ictus moritur: Mauritius cum  
 Cæsare pace facta reconciliatur, id improbens Brandeburgicus  
 episcopis malè mulctatis ad Regem Gallorum transit. Liberatis  
 autè principibus captiuis Mauritius cum copijs aduersus Tur-  
 cas proficiscitur: Brandeburgicus verò denuò episcopis & No-  
 rinbergen- sibus bellum infert, atque ita hi qui totius belli flabel-  
 la fuerant, ipsi quoque belli participes facti sunt. Postea Cæsar  
 ingentibus copijs Metensium urbem obsidet, sed maxima pars Germa-

Germanici militis frigore morbisq; periit, pœnas luens oppugnatae antea patriæ. Congrediuntur etiam inter se ipsi principes Saxo & Brandenburgicus, ac Mauritius in prælio vulneratus paucos post dies moritur. Postremò omnium à summo huius certaminis præside inter se committuntur Cæsar & Papa, & qui antea coniunctis viribus Germaniam conati fuerant opprimere, postea crudelissimè inter se pugnarunt: huic bello Papæ auctoritatem secuti Galli & Heluetij sese immiscuerunt, & gravem ipsi quoque in Italia cladem hoc anno acceperunt. His omnibus sequens annus coronidem adiecit mortem multorum magnorum principum, præcipuè tamen Caroli Imperatoris, qui resignato imperio & omnibus regnis, in Hispania privatam quasi vitam instituens mortem obiit: deinde Mariæ Anglorum reginæ quæ Philippo Caroli filio nupsit: huius obitu res Anglicæ in melius commutatae sunt, atque succedente illi sorore Elizabetha libertas puræ & sanæ doctrinæ Anglis denuò restituta est, Papatu rursus proscripto & eiecto. Hoc anno Bullingerus edidit Sermones ecclesiasticos XXIIII. Festorum dierum Domini & Servatoris nostri Iesu Christi: in quibus plena ferè & continua habetur historia Domini nostri Iesu Christi, nempe Incarnationis eius, Natiuitatis, Circumcisionis, Revelationis, Passionis & mortis, Resurrectionis ex mortuis, Ascensionis in cælum, Missionisq; Spiritus sancti in apostolos: & explicatur quis inde ad nos fructus redeat, & quæ vicissim illi debeamus officia. Præmissa est his præfatio de Sabbatho & ferijs Christianorum. Additi item sunt duo sermones de Officio magistratus & subditorum, item de iureiurando. Edidit autem hos sermones duabus de causis, primùm ut gratificaretur multis ecclesiarum pastoribus & doctoribus qui sæpè hoc ab ipso petierant, quò sincerius in ferijs istis Christum prædicarent: deinde ut quorundam pontificiorum calumnias refelleret, qui dicebant apud nos plebem non edoceri plenè de historia Servatoris nostri, & præcipuis eius operibus, item contumeliosè nos loqui de beata virgine. Hoc anno illustis princeps dux Vuirtembergicus Christophorus edictum de religione promulgavit, in quo Zuinglianorum mentio fit, & ducatu pelii iubentur: quod plerique ab eo factum mirabantur, qui sciebant pa-

1558.



trem ipsius Illustris, ducem Huldricū Zuinglium amasse, & eius consilio in rebus grauibz vsū esse, præ terea Heluetijs & præsertim Tigurinīs coniunctissimū fuisse: omnis tamen huius rei culpa in theologos quosdam deriuabatur. Superiori anno Pagi aliquot à Glaronensibus (qui & ipsi sunt pagus Heluetiæ, in quo maior pars euangelium proficitur, reliqui Romanam religionem sequuntur) petierant vt ministros verbi è sua regione pellerent, & vbique in templis imagines aras & Missas restituerent, & ex pacto nescio quo eos teneri ad id contendebant: illi contra sibi religionem volebant liberam esse, neque illos imperandi sibi ius vllum habere, ac suas conscientias à nemine obstringi potuisse. Acta est hæc controuersia vtrinque acriter, idq; aliquot annis, ac nonnunquam res ad arma spectare videbatur, semper tamen alij pagi Heluetiorum vt sequestres se interposuere, & tandem illam controuersiam sopiuere. Multum verò in hac causa laboris suscepit Bullingerus noster, quum enim Glaronensibus amicus esset, & paci atque tranquillitati Heluetiæ vnice studeret, sedulò hoc quærebat, vt salua religione controuersia componeretur. Infinitæ literæ, vt alios labores taceam, ab ipso in hac causa scriptæ sunt: dum afflictos consolatur, & confirmat, dum hortatur eos ad perseuerantiam in professione veræ fidei, dum illis suadet patientiam, & monet ne quid temerè moueant, dum eorum interrogatis respondet, & ipsis in rebus dubijs consultit, dum causam hanc alijs per Heluetiam commendat. Quoniam verò plerique motum aliquem metuebant, actum fuit anno altero qui est quinquagesimus nonus post millesimum quingentesimum, de fœdere Heluetico denuò sanciendo solenni iuramento, quæ causa aliquoties mea memoria tractata fuit, sed nunquam decidi potuit. Pagi qui sunt Pontificiæ religionis, petebant vt iusiurandum daretur & acciperetur non tantum per Deum sed etiam per sanctos, id reliqui qui Euangelium profitentur, facere renuebant, quòd hoc fidei ipsorum contrarium sit. Erant autem in quibusdam locis viri politici qui censerent de hac re non esse litem mouendam, nam & illi qui verbis præit & iusiurandum dat non fieri iniuriam si per sanctos iusiurandum det Pontificijs, qui etiam in precibus se à sanctis iuari petant: dari enim iudæo iusiurandum

iuxta

iuxta suam fidem, & ea ratione qua ipsum obstringit, idem quoque cum Papistis obseruandum esse: quòd si nostris ita detur iusiurandum à papisticis pagis, tamen eos non teneri vt verbis præeuntem sequantur, sed satis fore si omissa sanctorum mentione ipsi solius Dei nomine iurent. Fuit igitur ministris ecclesiarum laborandum, vt populū diligenter de hac re edocerent, id quod Bullingerus diligenter præstitit, non tantum Tiguri vbi minus periculi erat ne quicquam tale nostris persuaderetur, sed alibi etiam per literas ministros ecclesiarum & magistratus admonens, ne puram fidei confessionem pollui paterentur. Docebat enim iusiurandum esse inuocationis partem, quare sicut non licet inuocare Deos alienos, neq; conuenit magistratui pio vt cultum alienorum Deorum in sua ditione ferat aut instituat, ita idem de iureiurando statuendū quod non fit per vnus Dei nomē. Adducebat itē plurima scripturæ loca quibus seuerè præcipitur, vt iusiurandum tantum per vnus Dei nomen fiat. Existimabat autem iusiurandum per Diuorum nomen exigī à nobis ad comprobandā assensione hac aduersariorū religionē: etenim non est diserta cōditio fœderis, iusiurandum hoc modo concipiendum esse, sed tantum præcipitur fœdus sanciendū iureiurando, & eius fit mentio tali formula quæ tum maximè in vsu erat: atq; formam iureiurandi non pertinere ad capita fœderis inde constat, quòd non vbiq; eadē ponitur in antiquis fœderibus. Quia verò vtriq; conueniunt in eo, iustū & piū esse iusiurandum quod Dei nomine concipitur, hortabatur vt in eo consentirent, & forma quæ vtriq; parti cōueniret vterentur, & more maiorum fideliter fœdera seruarent. Basileæ hoc anno demū cognitum fuit Georgium Daudem fuisse illum, qui ficto alio nomine diu illic habitarat: itaq; post obitū demum agnitus fuit, & eius hæresi detecta publico iudicio damnatus est, de qua re Basiliensium scriptum extat. In Gallia persecutiones sæuas hactenus aduersus fideles exercuerat Henricus Rex, veruntamen sæuiores imminebant ecclesiæ: pace enim cum Hispano facta & nouis nuptijs confirmata, omnia paratissima videbantur ad opprimendos fideles, verum Rex ipse in ludis equestribus fragmento hastæ in capite vulneratus paulò post obiit, & morte sua consilia iam inita evertit. Non possum præterire iudicium.

## V I T A   H E N R I C I

Domini quod eodem tempore in Heluetia vidimus. In vrbe Heluetiæ non obscura, consul eius ciuitatis, viropulentus & potens ædes regali luxu ædificabat, euocatis aliunde artificibus, inter alios quendam Tridentinum sculptorem & latomum excellentem conduxit, erat is religionis perquàm studiosus & amans, & ideò suam operam illi locare noluerat, dicens se diuersam religionē amplecti, nec posse tutò in eo loco laborare quoniam à sacris ipsoꝝ abstineat. Ille contra pollicebatur nullum illi periculum fore, ac se religionem liberam ipsi relicturum. Sed cum diu illi inseruiisset, & mercedem sui laboris postularet, quædam inter illos contentio orta est, ac iussu domini in carcerem coniectus fuit, & ab eodem accusatus quòd ad vsurata Pontificiorum sacra non accederet, & quædam contra ipsoꝝ religionem locutus fuisset, capite damnatus fuit. Cum autem ad suppliciũ abduceretur, hilari fronte, animo forti & constanti mortem subiit, coram omnibus testatus sese libenter pro fide sua quam veram esse nosset mortem subiturum, consulem tamen qui mortis suæ auctor fuerit, se intra triduum secuturum, & iudicio domini sistendum. Atque ita accidit, consul enim qui adhuc in flore ætatis erat, & firma valetudine vtebatur, illa ipsa die subitò modò æstare modò frigere, & nouo nescio quo morbo configi cœpit, atque ita ante tertiam diem Ioannem Tridentinum subsequutus est. Fuerat hic Tridentinus notus & familiaris Bullingero, & sæpe cum eo de religione collocutus est: & ante multos annos cum melancholia quadam laboraret, & sibi persuasisset se Heliam esse, Bullingerus amica admonitione eum ab hoc errore abducere conatus est, nec parum profecit, eius enim consilium secutus, domi se continens & medicorum consilio vsus optimè conualuit, & phantasias illas omnes abiecit, atque ob hanc causam hoc loco exitum eius annotare volui. Habet autem nostra ætas multa huiusmodi exempla iudiciorum Domini contra truculentos tyrannos & piorum hostes, sed ea est stupiditas nostri seculi vt pauci hæc obseruent, paucissimi ex obseruatione horum solidum fructum confirmationis fidei & veræ resipiscentiæ percipiant. Papæ etiam diligentia in damnandis libris hæreticorum hoc loco annotanda est, qui præter superiora edicta novos catalogos hæreticorum Romæ hoc



hoc anno edidit, quibus multa Patrum scripta tantummodo quod ab Erasmo recognita fuissent damnata sunt, multi etiam libri, vel propter præfationes nostrorum hominum, vel quia in Evangelicis urbibus Germaniæ excusi fuissent, in hunc catalogum relati sunt: tantus autem bonorum librorum numerus damnatus fuit à Pontifice, ut multi professores publicè in Academijs Italiæ, conqueierentur se legere non posse, si edictum hoc ratum maneat, Scripsere tum Francofurtenses, & nostri quoque ac præterea aliæ quædam Germaniæ urbes ad senatum Venetum, eumque hortati sunt ne hoc edictum, quo mutua librorum commercia tollantur, recipiat. Sub initium huius anni Angli qui religionis causa passim per Germaniam exulabant, in patriam rediere, inter quos, etiam hi qui ut supra diximus Tiguri vixerant, domum reuersi sunt. Ac tum rursus cœpere ecclesiæ Evangelicæ restitui in Anglia, non tamen absque magno & difficili labore, summa quoque Papæ indignatione. Annus qui iam sequitur, CIO IO LX. luctuosus fuit omnibus literatis, propter mortem Philip. Melanchtonis, qui vnicum literarum decus & totius Germaniæ ornamentum, hoc anno è viuis excessit, decima nona Aprilis. Præcesserat eum Ianuarij 8. vir Clarissimus Ioannes à Lasco. Hic nobiliss. familia in Polonia natus, Tiguri à Zuinglio ad agnitionem Evangelicæ veritatis conuersus est, & quoniam in Polonia nullum erat religionis libertas, maximam vitæ partem in Frisia & Anglia transegit, ubi & ecclesias sanctissimè prudentissimeque rexit, & Anabaptistas, quorum multi erant in his locis, doctissimè confutauit, postremò autem vitæ suæ tempore in patriam reuersus, renascenti illic ecclesiæ plurimum autoritate, studio & opera profuit. Viriusque obitum magnæ turbæ in ecclesia sequutæ sunt non alienæ ab instituta nostra narratione, quoniam inter alios Bullingerum quoque multum exercuere.

In Polonia enim Franciscus Stancarus ecclesijs magis insultare cœpit, docens Christum tantum secundum humanam naturam mediatorum nostrum esse, atque ita disserens de Christi naturis, ut eas non tantum distinguere, verum etiam separare plerisque visus fuerit. Adiunxerunt se nostris in Stancaro oppugnando Itali homines, qui dum simulant se Nestorianis-

1560.

## V I T A H E N R I C I

num oppugnare, Tritheitarum & Samofatenij dogmata in Polonia introducere, inter hos primum locum tenent Valent. Gentilis & Georg. Blandrata medicus, in quo recipiendo, utinam non tam facilis & benignus fuisset Lascus, non ita nunc blasphemata dogmata publicè spargerentur, præsertim cum impietatis suæ indicia alibi prodidisset: sed facile fuit versuto medico bonum virum, & qui ex seipso alios æstimaret, fallere: simulabat enim Blandrata magnum religionis studium, & si quid de his rebus disceptaret, tantum discendi studio à se fieri dicebat. Itaque non difficulter à Lasco impetrauit, ut locum in ecclesia haberet, sed ipsum cum alijs viperam in sinu fouisse, euentus docuit. Exercuerunt ut dixi hæ controuersie non tantum Polonos, verum etià Caluinum, Bullingerum, & reliquos nostrarum ecclesiarum ministros, qui libris editis, literis etiam publicè & priuatim scriptis, iuuerunt ecclesias Polonicas, & hæreses nascentes detexerunt & confutarunt. In Saxonia verò post Phil. obitum, Flacciana factio altius cristas erigere, & omnes à se dissentientes publico iudicio damnare conata est: huius factionis Coriphæi libellis editis, & literis ad principes quosdam missis, diu multumq; laborarunt hoc anno, ut Synodus aliqua publica indiceretur. Fuisset autè hoc ipsorum institutum pium & laudabile, si ex animo concordiam ecclesiarum & sanctam ac liberam Synodum quæsiuissent: Verum nolebant in hanc Synodum admitti nos, quos Sacramentarios vocant, neq; Schuenckfeldianos, Osiandristas, aut alios iam antè à se damnatos, sed tantum audiri volebant eos qui sunt Augustanæ confessionis, & de eorū controuersijs pronuntiari, ut anathemate feriantur, quas Synodus improbauerit. Hæc eorum publica & priuata scripta, illustris quidam Germaniæ princeps Bullingero misit, eius iudiciū de his requirens: Respondit ille copiosè, & primum omnium quod ad nostras ecclesias attinet, ostendit nobis fieri insignem iniuriam, si à Synodo nostræ ecclesiæ excludantur, tanquā dudum damnatæ, cum nunquā causa legitimo iudicio cognita damnatæ sint: nam damnationes illas paucorū hominum non debere valere, posse enim nos similiter obijcere, Saxonicas ecclesias à nostris damnatas esse, quæ nō pauciores neq; ignobiliores sint Germanicis ecclesijs: ipsorum quoq; Ihenensium doctrinam dudum

confuta-

confutatam esse à viris doctrina & pietate, Claris. Objici ab ipsis Buceru reuocationē, nos contrā eius exemplum adducere, qui post reuocationem hanc nunquā se opposuit in Anglia, vel R. D. Crammero Archiepis. Cantuariensi, vel P. Martyri amiciss. suis, qui disertē & cōstanter nostram doctrinā tradebant. Adhēc illorū colloquijs nos opponere frequentissimā Synodum, quæ Londini anno 1552. coijt, & nostram doctrinā de cœna disertē professā est, & realē corporalemq; corporis & sanguinis Christi in cœna præsentiā reprobauit. In Germania verò nunquā hactenus de re sacramentaria in publica & legitima aliqua Synodo actum esse, sed tantū colloquia quēdam paucorum hominum instituta fuisse: quod verò objiciant iudiciū comitiorū imperialis, id nobis mirū videri, cū sciant suam ipsorū quoq; doctrinam sæpē in comitijs damnatā fuisse: quod si omnino audiendū non sunt, quos semel Lutherus damnauit, cur Illustris. princeps Hessorum colloquiū de hac causa Marpurgi constituit, ad quod etiā ipse Lutherus venit? Ad hęc vt maximē fuisset damnati, non tamē consequitur nos eo loco nunc esse, vt in conuentibus Christianis nihil amplius nobiscū agi possit: Nouatianos enim fuisse damnatos, & tamen postea eorum epif. Agelium in concilium admissum: Arrium damnatū fuisse in Synodo Nicæna, & tamen nihilominus causam Arrianismi disceptatā esse Sardicæ, in quo cōuentu cū Orientales adesse nollēt nisi excluso Athanasio & Paulo quos antē damnatos dicebant, eorum petitionem vt iniustā Occidentales reiecerunt: Donatistas quoq; olim damnatos fuisse, & tamen nihilominus in iudicijs & conuentib. ter postea auditos esse, multaq; alia huius generis illustria exempla cōmemorat. Ac ostendit Ihenensium Synodum parum differre à Papistico cōcilio, vbi Protestantiū legati nuper Tridenti neq; ad disputandum, neq; ad controuersias tractandas vnquā sunt admissi, nimirū quod viderentur antea in habitis concilijs sæpē damnati: Item eos Donatistarū more tantū pro fratribus agnoscere, qui vnā cum ipsis consentiant, Ecclesiamq; valdē in angustum detrudere, & ad numerū hominum benē paruum contrahere. Porrò quod aiunt Ihenenses, se in sua illa Synodo solū velle agere de Synergismo, Maiorismo, & Adiaphorismo, se mirari ait cur hos admittant, cū si illis credendum sit, &



## V I T A   H E N R I C I

tres isti errores dudum sint damnati, & ideò non minus quàm Zuinglianismus iuxta ipsorum hypothefin, excludendi essent: sed non obscurum esse inquit quid istos potius incitet ad hos errores discutiendos, & à causæ nostræ cognitione contra arceat, primùm quòd arbitrentur se non posse tam faciliè in nostra causa consiliterè, atque in altera, aut breui tempore ipsam posse expedire. Deinde quòd animi ipsorum Domino Philip. Melanchtoni piæ memoriæ parum sint propitij, quem ut viuum vexarunt, ita mortuum iam non patiuntur quiescere in Domino, virum alioqui de illis ipsis utpote discipulis suis, & de bonis studijs, studiosisquæ omnibus optimè meritum, qui dum vixit laboriosissimus fidelissimusquæ in docendo fuit, præterea mitis, benignus, pacis amans, & varia sancta; eruditione, moribusquæ integerrimis, non tantùm Vuittembergensi scholæ, sed vniuersæ Germaniæ præluxit. Esto autem illi quoq; ut omnibus etiam sanctissimis hominibus sua vitia fuerint, longè aliud tamen præmium ab omnibus bonis promeruit, quàm quod feliciter mortuo iam ab ingratis discipulis rependitur. Sanctissimi patres veteris ecclesiæ & martyres Christi, suos quoque næuos habuerunt, nemo tamen vnquam in eos ita debacchatus est, ut Ihenenses in omnes eos debacchari solent, qui vel modicum à semel conceptis ipsorum opinionibus dissentiant: Videri igitur bonos istos fratres modestia, & charitate Christiana destitui, & nimia quadam ambitione laborare, qua cupiant sibi asserere hanc gloriam, quòd cæteris deficientibus soli purum Lutheranismum retinuerint. Maiorismi nomen in nostris ecclesijs ignotum esse, de libero arbitrio & de adiaphoris non obscurum esse quid nostri sentiant: Ihenenses verò, qui adiaphorismum oppugnant, multa papistica in suis ecclesijs retinere, vestes pontificias, lucernas, imagines, priuatam quandam confessionem & absolutionem parum à papistica differentem, cur igitur hæc ferunt, si nolunt cum papa colludere? cur ista tollentes persequuntur? negare ipsos vbiuitatem corporis à se doceri & affirmari (etenim ab hac sententia tùm alienissimi videri volebant, in quam tamen postea plerique eorum concessere) sed nos mirari quomodo congruant per omnia, sicut se conuenire affirmant, cum Lutheri & Brentij scriptis, qui vbi-

quitatem

quitatem disertis verbis defendunt, sicuti & plerique alij Theologi Saxonici, si modò fides farragini Timanni habenda sit, nos itaque magis optare quàm credere eos à portentosa hac doctrina ubiquitatis, & curiosis disputationibus quæ ipsam consequuntur, alienos esse. Videri præterea Ihenenses nimium tribuere suæ synodo, dum ex illa pollicentur illustrissimis principibus omnia fore tuta & integra, pacem ecclesijs reddendam, & veritatem puram omnino restituendam. Nam ex historijs constat nunquam fuisse eam synodorum vim, ut prorsus lites tollerent, & ecclesijs restituerent integram pacem tranquillitatemque: unde etiam sui temporis exemplis commotus Nazianzenus scripserit, se hætenus non vidisse ullius synodi utilem finem, aut in qua res malè se habentes non magis exacerbaretur quam curata fuerint. Non tamen propterea nos dicere nullam omnino synodorum utilitatem esse, conducit enim, si legitimè celebrentur, cognoscendis controuersijs, quæ multos interdum latent. Id quod in primis optandum esset de causa sacramentaria, quæ natura sua facilis & aperta, longa altercatione & intertextis spinosis quæstionibus, apud multos inuoluta, in tenebris iacet, sed hanc commoditatem è sua synodo isti auferunt, dum de hac causa nihil penitus cognosci discuti aut disputari volunt. Optare quidem eos sibi dari pacatam ac tranquillam synodum, sed talem ipsis præsentibus sperari non posse, si modò iudicium faciendum sit ex prioribus ipsorum actis, & rebus Vuormatiæ gestis, & scriptis atque vociferationibus eorum contra pacificationem Francofurti à principibus institutam. Ipsos enim velle omnibus præiudicare, neque aliorum sententias, quæ vel minimum ab ipsorum opinionibus dissentiant, audire vel ferre posse, ideoque etiam ubi de iudicibus concilio præficiendis agunt, non se explicare, sed solum concludere, postquam multum se torserunt, inuocato nomine Dei, facile posse fieri ut idonei homines deligantur. Videntur autem inquit omnino existimare se, qui iam formam synodi celebrandæ præscripserint, absque ulla in numerum iudicum cooptandos esse, ut de cætero reliquos omnes ex alto despicere, & quoscunque visum fuerit anathemate ferire possint. Quoniam verò aduersarij ita atrociter in nos debacchabantur, ut plerisque iam persuasum es-

## VITA HENRICI

set nos non tantum in re sacramentaria ab ipsis dissentire, sed de reliquis quoque dogmatibus breuem summam doctrinam Helueticarum ecclesiarum subiicit, & postea addit ex hac facile colligi posse, nos non contemnere aut rejicere in vniuersum confessionem Augustanam: non tamen omnia illius simpliciter approbare, neq; illi tribuere eandem cum scripturis auctoritatem vt huic contradicere non liceat. Ac nominatim ait à nobis non recipi decimum confessionis articulum: Esi enim quidam viri boni & pacis amantes, huius duritiem commoda interpretatione lenire voluerunt, alios tamen nolle admittere hanc interpretationem, sed ex Apologia confessionis velle iudicium de sensu fieri: ibi autem scribitur, Decimus articulus à Cæsarea maiestate  
 22 approbatus est, Nos defendimus receptam in tota ecclesia etiam  
 23 Romana sententiam. Vnde apparet eo contineri papisticam opinionem cum scripturis sanctis & fide pugnantem. Cum autem  
 24 huiusmodi papisticam doctrinam, annis aliquot priusquam ederetur Augustana confessio, per Dei gratiam abiecerimus, non posse nos ipsam iterum recipere, ideoque studio puræ religionis & synceræ confessionis coram Deo & sancta eius ecclesia, nullo priuato odio aut affectu sinistro, decimum articulum hæcenus non agnoscere à nobis, quatenus ex aduersariorum interpretatione papisticam doctrinam de Eucharistia continet. Secundò cum missa per omnes Euangelicas ecclesias Helueticæ abrogata sit, ita vt nullum eius vestigium vsquam appareat, non possumus, inquit, subscribere verbis confessionis de missa.  
 25 Falso accusantur ecclesiæ nostræ quod missam aboleant, retinetur enim missa apud nos, & summa reuerentia celebratur,  
 26 seruantur & vsitatae ceremoniæ ferè omnes, præterquam quod Latinis cantionibus admiscantur alicubi Germanicæ. Vbi hoc quoque approbare non possumus, retineri in sacris publicis linguam plebi non intellectam. Notum enim est quid ea de re iudicet Apostolus 1. Corinth. 14. Tertiò non possumus agnoscere  
 27 in confessione verba ista: Confessio in ecclesijs apud nos non est abolita. Confessio enim auricularis cum priuata sacerdotali absolutione, iustissimas ob causas à nobis reiecta est, neq; vlla necessitas aut mandatum Dei vrget nos ad eius restitutionem. Quarto loco, potestas (inquit) in ecclesias & ministros ecclesiarum

sticos



sticos apud nos erepta est episcopis papisticis, sed sub finem Augustanæ confessionis huius rei aliquid adhuc episcopis concedi videtur. Quare hac etiam in re ab illa declinare cogimur. Cum autē papistæ plurimum in his rebus spei collocent, & per hæc existiment, se aliquando in integrum restitui posse, cur Ihenenses quibus est religio cum papistis colludere, hæc ferunt? aut dissimulant? & potius in nobis vexandis laborant? Et si igitur ait in his rebus dissentimus ab Augustana confessione, tamen modestè semper sententiam nostram proposuimus, & interim quantum fieri potuit pacem coluimus, ac nisi Lutherus reiectis omnibus pacis cōditionibus, publicum scriptū tale proposuisset quod dissimulare non potuimus, nisi ecclesias nostras & veritatē prodere voluissemus, nunquā peruenissemus ad pugnā publicā, & nunc quoq; libenter nos contineremus si liceret per aduersarios, ipsorumq; conatus & libellos aculeatos varios. Nō abhorremus à publicis cōuentibus, modò ad eos accedant talibus animis ex quibus spes aliqua confessionis appareat, neq; metuendum sit rebus magis turbatis à colloquio discedendum esse, ingenti cum exultatione cōmunium hostium & offendiculo infirmorum. Parati sumus ad reddendam rationem fidei nostræ iuxta præceptum apostolicum, & ideò Synodos & collationes æquas ac Christianas nō refugimus, sed cum Dominus nos liberarit à iugo Papæ & Romana tyrannide, non patiemur, adiuuante Domino, nos premi noua tyrannide eorū, qui sub prætextu Euangelij, ad primatū & dictaturā in ecclesia aspirant. Nolumus ergo excludi à cœtibus sanctorum, pro Ihenensium libidine & arbitrio, nolumus vocari ab eis tanquā rei indictæ die, & quidē ad ipsos tanquam iudices & actores. Nolumus ipsos agnoscere in ecclesia Christi libera, dominos, pontifices, censoresq; & dictatores, qui omnibus præscribant, dicent, ac præcipiāt quòd libet. Si ideò tantopere se efferūt quod se ecclesiam Christi esse credunt, nos quoq; ecclesia Christi sumus, si existimāt se habere singulares ecclesias & dona præcellentia, habemus eadem (absit hic iactantia) & nos. Nos quoque ministri Christi sumus per Dei gratiam, sigillaque nostri legitimi ministerij, dubitantibus ostendere possumus. Cur itaque feremus insolens istorum imperium? Quòd si Synodus aliqua videtur cum fructu conscribi posse, consulent prius ea de re,

## V I T A H E N R I C I

non pauci aliquot homines, odijs & altercationibus dediti, sed omnium ordinum præstantissimi quique, viri prudentes, pij, constantes, synceri, pacifici, ex principibus, Rebus publicis, ex doctis, atque plebe etiam delecti, hi consilia conferant & statuant de loco, tempore, modo agendi, atque alijs huiusmodi, vt synodus legitima & pacifica haberi possit. Et hæc quidē ille cum suo tum publico totius ecclesiæ nomine respondit, quæ paulò copiosius commemorare volui, quoniam synodi nomen semper ferè iactatur in ecclesia, & omnes boni synodum exoptant ad componendas controuersias: vt illi admoneantur, ne sibi inani nomine fucum fieri patiantur: quoniam sæpè insolentes homines qui sibi imperium in ecclesias vendicare conantur, sua conuenticula, in quibus alios inauditos damnant, pro vera synodo venditant: diligenter itaque expendendum est, qui homines ad publicum conuentum conuocentur, & à quibus, quis locus, & quod tempus sit idoneū synodo habendæ: potissimū verò, quo ordine & ratione vtatur in controuersijs cognoscendis & sententia pronuncianda. Sed iam omiſſa synodo ad alia pergamus. Sub finem huius anni pluribus locis per Heluetiam, cælum arsit. Anno verò qui hunc sequutus est, Concilium Tridentinum à Pio IIII. Papa rursus est instauratū, ac permultæ ea de re consultationes vbique agitatæ sunt: per Germaniam, principes & reliqui status Protestantium id recusarunt: Idem fecere Angli, & Helueticæ vrbes Euangelicæ religionis. In Gallia colloquium de religione Posiacci institutum fuit, atque illuc abiit P. Martyr euocatus ab ecclesijs Galliarum, accepta à Rege fide publica, magnaq; spes à regina matre nostris fiebat reformationis alicuius instituendæ: sed hæc omnia ficta fuisse res ipsa postmodum ostendit. In Polonia Georgius Blandrata suas opiniones apertius prodere, & ecclesias turbare cœpit, maximè autem omnium Caluinum accusabat & Bullingerum quoque, quòd hic ipsum audire & pacis condiciones cum Caluino querere noluerit. Ob hanc causam illustrissimus princeps & Dominus D. Nicolaus Radzuilius, dux Olicæ & Palatinus Vilnensis, Martinum Seconitium cum literis ad Bullingerum misit, & denuò de negotio Blandratæ & pacificatione cum Caluino egit. Respondit illi Bullingerus, Blandratam cum Tigurum venisset, semel

semel tantum secum collocutum esse, quo tamen colloquio facile animaduertit illum non sincere de filio Dei sentire, pacificationis vero nullam ab eo mentionem factam, sed tantum comminatum esse se contra Calvinum scripturum, cui ipse responderit, satis alioquin contentionum esse in ecclesia Christi, quas si ille pergat multiplicare, Deum fore vindicem: Illum vero diramiantem & imprecantem discessisse. Quod si nunc Blandrata resipuerit, & agnoscat sanam & orthodoxam fidem nostram, ac profiteatur Christum patri coeternum & consubstantialem, nos sane gaudere & Dominum orare ut ipsum in hac fide confirmet, si autem hæc confiteri nolit, & obscure atque inuoluntè loquatur, cauendum esse Illustrissimo principi ne sub patrocinio pietatis ipsius, noceat puritati religionis veræ, & ecclesiæ Christi: habere celsitudinem ipsius in principibus aliquot Romanis euidètia exempla, qui vasserrimorum hominum Arrianismum spirantium blandiloquentia, assentatione & simulatione decepti, plurimum obfuerunt ecclesiæ Dei, ubi maxime commodare nitebantur: pulcherrimam quidem esse fratrum concordiam, & Deum pacis Deum esse, sed tamen eum nolle propter concordiam perire sinceram veritatem, nec approbare consensum cum hominibus qui in fide insinceri sunt. Agi hic non leuem causam, sed maximi momenti & salutis nostræ, si enim Christus Dominus non sit verus Deus patri per omnia coeternus & coequalis, non posse ipsum esse caput ecclesiæ, seruatorem mundi & pontificem vniuersalem seculorum omnium, vinci ergo nos à Iudæis & Turcis, nostram quoque fidem inanem esse. Hæc describere magis propter rem ipsam, & dogma fidei purum conseruandum & asseruandum, quàm ad Blandratæ personam insectandum, neque enim se vltum priuatum odium aut offensionem aduersus illum habere, modò etundem nobiscum Christum sincero pectore confiteatur. Sed cum nuper Valentinus Gentilis impiam suæ fidei confessionem euulgarit, & publico scripto symbolum Athanasij petulanter oppugnarit, passim etiam vagentur impij illius Seruerti discipuli, (quo homine secula aliquot impuriorem non tulere) qui Arrianismum aliasque hæreses ab inferis excitare conentur, & quiduis sibi contra Deum & mysteria fidei permittant, diligenter



## V I T A   H E N R I C I

ter certè huiusmodi homines obseruandos esse, & omni cura prospiciendum ne turbent renascentes ecclesias, easq; infament & corrumpant. Calvinus quoq; cui Blandrata notior erat, breue compendium historię illius ministris ecclesię Vilenfis & Polonię minoris transmisit: sed apud plerosque ita se Blandrata hypocrisis quadam, fallacijs & dolis insinuauerat, vt admonitiones hæ parum profuerint, per ipsum enim & Valentinum Gentilem, Antitrinitariorum heresis plurimùm confirmata est. Postea tamen crescente impietate ijsdem locis docuit, quod & adhuc in Transsylvania asserit, Christum seruatorem esse tantum merum hominem, itaq; euentus ipse docuit saniores, quam malè fecerint impium hominem post tot admonitiones fouendo. Domi verò Bullingerus hoc tempore amicum hominem, ecclesię & reipublicę vtilem amisit, Ioannem Habium, qui annis X VIII. Consulatum in reipublica nostra gessit, & ab initio reformationis nulli neq; sumptui neque labori pepercit in promouenda pura Euangelij doctrina. In eius locum successit vir nobilis D. Bernhardus à Cham, cui Bullingerus hoc anno inscripsit libros duos de Cōcilijs: quomodo scilicet Apostoli Christi domini in primitiua ecclesia suum illud concilium Hierosolymis celebrauerint, & quanto cum fructu quantaq; pace: quomodo item Rom. pontifices à 500. & amplius annis sua concilia celebrauerint, & quāto cum damno perturbationeq; fidelium. Alterum etiam librum tum edidit, cuius occasione in contentionem & certamen cum D. Ioanne Brentio Vuirtenbergenfi Theologo nulla sua culpa & præter opinionem incidit. Enarrabat tum publicè Euangelium Ioannis, cumq; peruenisset ad caput 14. multorum rogatu euulgauit tractationem verborum domini: In domo patris mei mansiones multæ sunt: qua demonstrat spem salutemq; fidelium certissimam esse, & cælum in quod ascendit Christus, & in quod suscipiuntur electi omnes, locum esse in excelsis certum. Agit etiam de dextera Dei & de vbiuitate vt vocant corporis Christi. Eodem tempore prodijt Ioannis Brentij liber, de vnione personali duarum naturarum in Christo, de ascensione eius in cælos, & sessione ad dexteram. Vult autem ex his probare veram & substantialem præsentiam corporis Christi in cœna, quando ea sit ratio vnionis.

persona-

personalis, vt vbiunque est diuinitas, ibi etiam sit humanitas ab illa assumpta. Ad hunc librum P. Martyr rogatu amicorum respondit, Dialogo edito, attamen tacito Brentij nomine, vt qui non cum homine sed cum causa dissideret. Dissertit autem de duarum in Christo naturarum vnione in vnam personam inseparabilem, quæ cum fiat saluis naturarum proprietatibus, ostendit humanam Christi naturam propter vnionem personalem non esse vbiq; : responder etiam ad Brentij & aliorum argumenta quæ in hac controuersia obijciuntur. Antequam verò hic dialogus in manus hominum perueniret, editus est alter libellus à Brentio in quo suam sententiam de Bullingeri libro profert, idq; vt ipse asserit mandato principis : & etiã propter conscientia suam, multasq; offensiones, se inquit dissimulare non potuisse quin Bullingeri sententiam de cælo confutaret. In hoc autem libello eadem ferè habet, quæ & in altero illo priore, nempe vbiunque Christus est secundam diuinam naturam, ibidem etiam esse humanam eius naturam, propter personalem vnionem. Mirabantur autem multi Brentium non prouocatum à Bullingero, cum ipso in certamen descendere propter absurdum dogma de vbiquitate corporis Christi, quod tum pleriq; in ipsa Saxonia oppugnabant. Bullingerus cum bona conscientia non posset tacere ad damnationem doctrinæ suæ, ne dissimulando causam veritatis prodere videretur, respondit ad librum Brentij, atque ostendit sententiam suam de cælo & dextera Dei, ex sacra scriptura & beatis patribus propositam aduersa Brentij sententia nequaquam esse euersam, sed adhuc firmam perstare. Seruat autem hunc ordinem. Primò responder ad Brentij præfationem, deinde agit de cælo certa se de Christi Domini & beatorum in excelsis, non vbiq; diffusa: Mox de dextera Dei patris certo in cælis loco. Hinc de vnione personali naturarum Christi, & quòd corpus Christi non sit vbiq;. Postremò tractat de cœna Domini, ostendens quæ fuerit veteris & purioris Ecclesiæ, & etiamnum Helueticarum Ecclesiarum de hac sententiã: quibusq; authoribus infœlix illud sacramentariũ dissidiũ cœperit. Edidit postea Brentius vehemẽtem & aculeatũ librũ, contra Martyrem simul & Bullingerum,

1562

quem de maiestate Christi inscripsit, in quo nostros accusat quod impugnent gloriâ & maiestatem Christi, negent Dei omnipotentiam, cum tamē omnibus notū sit, ita ut ne Brentius quidē ignorare possit, his contraria nostros docere. Sed quia videbat ubiquitatem portentosam plerisque videri, visum est alio nomine nouum dogma ornare, quasi verò Maiestas Christi in hoc posita sit, ut humana eius natura, amissa sua proprietate ubique existat ubi est diuinitas. Legit hunc librum Martyr, & indignabatur hominem Theologum adeo Sophisticē suam causam agere, ut cruntamen respondere illi quemadmodum constituerat, non potuit. Etenim 12. Nouembris huius anni ex hac vita ad Dominum migravit incredibili dolore & iactura scholæ nostræ. Hoc anno, renouato Concilio Tridentino citatio concilij Tigurum missa est, qua vocantur eius vrbs concionatores, & illis mittitur fides publica, itaque cum non solum domi hæc quaestio rursus ageretur, sed passim per Germaniam, & Illustrissimus princeps Hessorum de hac ipsa causa ter hoc anno ad Bullingerum scripsisset, denuò tractatum de recusatione Tridentini concilij confecit, qui tamen non est in publicum editus. Hoc anno cepit bellum Gallicum, quo veram religionem conuerti Papæ penitus excindere constituerant: quantas curas, labores & sollicitudines id Bullingero nostro attulerit, malo prudentes viros ex ipsius rei magnitudine aestimare, quàm id meis verbis exponere. Initio sequentis anni Bullingerus respondit ad librum Brentij de Maiestate Christi, atque ut simpliciores, quos huiusmodi controuersia offendunt, aliquid utilitatis inde perciperent, initio libri ostendit, quod nam sit fundamentum firmum, cui tutò quiuīs fidelis inniti possit, hoc præsertim difficili sæculo, quo dissidijs multorum & aduersarijs scriptis omnia conturbata sunt. Altera deinde libri parte Brentij sophismatibus breuiter & simpliciter respondit. Eodem tempore Bernardinus Ochinus Locarnensis ecclesiæ minister, à Senatu Tigurino in exilium missus est, hæc de causa. Ediderat hoc anno Dialogos triginta Italica lingua, quos Sebastianus Castalio in Latinam linguam conuertit: In horum vno polygamiam asserere conatur: nondum visi aut lecti fuerant hi dialo-



dialogi à nostris, sed fortè accidit vt quibusdam nostris senatoribus ab exteris obijceretur, Bernardinum edidisse librū in quo hereses doceat, & nominatim polygamiam defendat. Re ad Senatum delata vocantur Ecclesiarum ministri, & ab illis quæritur quales dialogos Ochinus ediderit, ab his respondetur se initio anni huius admonitos fuisse, Bernardinum Ochinum edere scripta quædam, quæ satius sit suppressi, ac se tum accessisse ipsum & commonuisse, vt memor sit datæ fidei, qua iureiurando promiserit se nullum nouum dogma publicaturum, quod non antea vniuersali Synodo nostrarum ecclesiarum, quæ quotannis bis habetur, examinandum proposuerit: præterea mandato magistratuum illi parendum esse, ne quid edat in publicum quod non antea ab ordinarijs censoribus visum & approbatum fuerit. Nunc autem fama de his dialogis sparsa, se denuò illum accessisse & cum eo expostulasse, quòd fidelem ipsorum admonitionem spreuerit: Ipsum verò hac excusatione usum, dialogos iam tum fuisse sub prælo, itaque se non amplius potuisse eorum euulgationem impedire. Quod dialogum de Polygamia attinet, disputari in vtramque partem, sed ita vt facillè appareat quoniam ipse inclinet, præsertim cum ita concludat, & moneat eum qui plures ducere volebat, vt si non possit se continere, & vna contentus esse, sequatur instinctum spiritus in hac re. Addunt deinde de alijs quoque dialogis multos bonos viros per literas apud se conqueri, ideoq; se eosdem diligenter perlecturos esse, & daturos operam, quantum in ipsis est, vt puritatem doctrinæ & bonam famam ecclesiæ nostræ conseruent. Priuatim etiam cum Ochino, ante & post Senatus sententiam, diligenter egerunt, vt edito scripto aliquo suam sententiam de his quæstionibus disserteret & orthodoxè explicaret, & graui scandalo ecclesiæ cuius author fuisset mederetur: verùm nihil ab eo impetrari potuit. Senatus verò hoc decretum tulit: Quoniam Ochinus contra leges & edicta Magistratum librum publicasset, quem satius erat suppressi, & cuius nomine ecclesia & Respublica malè audit, ideo se velle & iubere, vt quamprimum ex vrbe & agro Tigurino discedat. Ochinus antequam discederet, per communes amicos literas commendatitias petebat à Bullingero, respondit ille, se casum Ochini, cum propter ipsius senectam, tum

# V I T A H E N R I C I

propter liberos dolere: vti ùm quia ab alijs inquietis hominibus se, vt ipse existimet, huc adduci passus sit, vt praua dogmata & offensionis plena euulgaret, Senatum non potuisse aliter agere, quàm quemadmodum fecerit, ac nunc quidem reliqua dogmata nondum esse examinata, quod tamen breui etiam futurum sit, itaque se Bernardino significare, quòd nequaquam in his dogmatibus cum illo consentiat, sed illa iudicare erronea, perniciofa & plena offensionis, neque credidisse ipsum post confessionem à se factam, & iusiurandum datum, quicquam tale tentaturum. Quare cum nostram & Locarnensium ecclesiam turbarit, se non posse salua conscientia & saluo honore ipsi literas dare, ac bonis viris & ecclesijs ipsum commendare, quibus postea negotium facessat. Ochinus verò Tiguro discedens Basileam primùm venit, atque illic petebat, vt ministri ecclesiarum & professores à Senatu impetrarent, vt sibi illic habitare liceret. Interrogatus autem à quibusdam, quænam esset ipsius sententia de dialogorum capuibus, respondit se de omnibus cum ipsis sentire, quare eum hortati sunt vt retractionem scriberet, qua suam sententiam verè & ex animo rectèque exponeret, vt ita & Tigurinae & Basiliensi ecclesiae satisfacere, & suam existimationem labefactatam repararet. Ille his auditis recepit se ita facturum, quoniam sic ipsis videatur, modò Basileæ cum liberis hyemare possit. Senatus verò Basiliensis audita doctorum sententia de dialogis Ochini, simul & ipsius postulatione respondit, de dialogorum volumine & ignominia qua urbem suam affecerit, quòd hinc turpissima sua dogmata diuulgari curauerit, alio tempore consultandum fore, nunc verò se omnino velle vt Ochinus vrbe exeat, nec vllum ibi locum habeat, nisi magistratui Tigurino & ecclesiae suae reconciliatus fuerit, proque ea nota qua ipsos affecerit satisfaciatur. Itaque senex, miser magis quàm miserabilis inde discessit, in Poloniam abiturus oblata itineris commoditate. Ferunt eum dum Schaphusium transiret, incidisse illic in Cardinalem Lotharingum suasque ipsi calamitates exposuisse, quòd nunc exulare cogatur Dialogorum suorum gratia, quos se non alio animo scripsisse affirmabat, quàm vt triginta hasce veritates, quas in sacra nostra religione obseruasset, creditu difficiles, ab aduersario-  
rum

rum calumnijs assereret, ac vindicaret: simul oblati aliquot Dialogorum exemplis, rogasse Cardinalem vt eos legere dignaretur: Ad quæ Cardinalem respondisse ferunt, se quidem inspektorum, sed vbi non placuerint, mox combusturum: adiecisse his Ochinum, se longa ista sua peregrinatione obseruasse 24. errores in nostris ecclesijs, ac pollicitum esse de hisce facile conuicturum Euangelicas ecclesias. His siue ludens siue seriò agens respondit Cardinalis, nimium esse 4. vt maximè viginti non adijciat. In Poloniam cum peruenisset, dicitur palam illic oppugnasse hypostasim spiritus sancti, sed nec illic ei diutius consistere licuit. Quare se in Morauiam ad Anabaptistarum conuenticula recepit, & illic obiit. Castalio quoque Dialogorum interpres hoc ipso anno Basileæ ex hac vita migravit, priusquam senatui petenti ratione susceptæ translationis reddidisset.

Sequentes duo anni propter domesticas calamitates Bullingeri admodum lugubres fuere. Anno enim 1564. pestis atrox & sæua urbem nostram inuasit, quæ etiam Bullingerum ipsum corripuit, idq; tam grauiiter, vt omnes de vita eius desperarent. Ipse quoq; vocatis ad se ecclesiæ ministris, illis valedixit, eos sui officij graui oratione admonens, ac postea seipsum assidujs precibus deo cõmendans, in singulas ferè horas exitum ex hac vita expectabat. Sed singulari Dei beneficio, piorum precibus donatus & ecclesiæ suæ restitutus est, & cum antea morti proximus crederetur, illa ipsa hora qua frequentissimus cœtus die dominica conuenerat, paulò melius valere & quasi reuiuiscere cœpit. Veruntamen eodem morbo vxorè amisit, & de filiabus vnam, Ludouici Lauatheri coniugē, ipse interim & morbum, & mortem suorum tanta constantia pertulit, vt vtrò eos qui ipsum plurimi quotidie visendi & consolandi causa accedebant, cõfirmaret, & scripturarum testimonijs corroboraret. Prius tamē quàm in morbum incideret, respondit denuò Ioan. Brentio. Is initio huius anni vehementissimum librum contra Bulling. ediderat, quem inscripsit *Recognit. prophet. & apost. doctrinæ, de vera maiest. D. N. Iesu Christi ad dexteram Dei patris sui omnipot.* In hoc scripto iisdem ferè argumētis quib. antea vsus fuerat, sed tamē paulo aliter fucatis, vbiquitatē humanæ naturę in Christo asserit. In fine etiam probare vult Zuinglianos ipsorum sententiã de cœnâ



# VITA HENRICI

Domini mala conscientia oppugnare, non autem alio argumen-  
to nititur, quàm quod hæcenus cõcordiam & pacem cum ipsi  
facere studuerint. Huic libro Bullingerus breuem responsio-  
nem opposuit, qua vniuersæ vetustatis orthodoxam de hac re  
doctrinam, totiusq; disputationis summâ complexus est, ideoq;  
eam inscripsit hoc titulo, Repetitio & dilucidior explicatio con-  
sensus veteris orthodoxæ Catholicæq; Christi ecclesiæ, in do-  
ctrina prophetica & Apostolica, de inconfusis proprietatibus  
naturarum Christi Domini, in vna indiuisa persona permanen-  
tibus, adeoq; de veritate carnis Christi ad dexteram Dei patris  
in cœlo sedentis, & non vbique præsentis. Ac altera parte huius  
libelli perstringitur vltimus ille Ioan. Brentij liber inscriptus  
Recognitio. Edidit etiam postea Theodorus Beza vir doctissi-  
mus, egregium scriptum quo omnia ferè Ioan. Brentij argu-  
menta, quibus carnis Christi omnipræsentiam nititur compro-  
bare, modeste & placide confutat. Proximus annus peste denuò  
grassante Bullingeri duas filias abstulit, Zuinglij & Simleri con-  
iuges, & Gualtheri vxorem, quibus domesticis vulneribus non  
minor luctus accessit, ex morte doctissimorum virorum Con-  
radi Gesneri, Ioan. Frisij, & Sebastiani Guldibeccij, quorum  
primus scriptis suis per orbem notissimus immortalis sibi &  
patriæ gloriam peperit. Reliqui duo ludum literarium singulari  
eruditione, summa fide & diligentia rexerunt. Accumulato  
huic luctui nouus morbus accessit, calculi incredibiles crucia-  
tus, quibus hoc primum anno vexari cœpit. Inter tot tamè mo-  
lestias, curas & sollicitudines, inuieto robore nō tantum docen-  
do suum munus sustinuit, verumetiam hoc anno homilias in  
Danielem, quas ante initium pestis incœperat, absoluit & in  
publicum edidit, addita etiam epitome temporum & rerum ab  
orbe condito ad primum vsque annum Iothan regis Iudæ. In  
qua præcipuè attinguntur quæ pertinent ad sacras literas illu-  
strandas, & ad veram antiquamq; religionem, & eius certitudi-  
nem, progressum item, ac mutationē cognoscendam, vnâ cum  
6. tabulis Chronicis à temporibus Iothan vsque ad excidium  
urbis Hierosolymorum, deductis, potissimum pertinentibus ad  
expositionem Danielis prophetæ. Annus 66. post millesimum  
quingentesimum, alijs quidem celebris est propter mortem  
Solymani

Solymani Turcarum Imperatoris, & nouos motus religionis causa in Belgico exortos, quorum finem ne hodie quidem cer-  
nere possumus: Nobis vero hac nota insignis est, quòd Confes-  
sio Helueticarum Ecclesiarum tum publicata est. Cum enim  
Theologi quidam inquieti & turbulenti non cessarent, multa  
de dissensionibus nostrarum ecclesiarum in vulgus spargere, &  
præterea nos criminari, quòd de nullo ferè dogmate fidei pu-  
ram, & rectam fidem habeamus, existimarunt viri prudentes  
vtile fore, si còmunis aliqua Confessio edatur, ex qua iudicium  
fieri possit de doctrina nostrarum ecclesiarum. Actum est ea de  
re primùm à Tigurinis, Bernatibus, & Geneuensibus. Scripse-  
rat autem superiori anno Bullingerus in gratiam Illustrissimi  
cuiusdam principis confessionem, in qua præcipua dogmata  
comprehendebantur, & certa quædam forma doctrinæ propo-  
nebatur. Hoc cum scirent quidam fratrum & audiuisent illam  
principi ad quem missa fuerat, ac viris doctis, plurimùm placuisse  
eam sibi ostendi petierunt, & postea cognoscendam & iudican-  
dam Bernam & Geneuam misere. Qui cum & ipsi eandem ap-  
probassent, actum est cum reliquis quoque fœderatis nostræ re-  
ligionis: Ac Rodolphus Gualtherus Schaphusum, Basileam &  
Mulhusum missus fuit. Approbarunt itaque illam, & huic sub-  
scripserunt omnes Euangelicæ aliæ Ecclesiæ per Heluetiam, &  
Rætiam, vna Basilea excepta: Huius enim ecclesiæ ministri, re-  
sponderunt, nuper denuò à se editam esse Basiliensis ecclesiæ  
confessionem, cui omnes subscripserint: quare non videri sibi  
necesse, vt denuò alteri subscribant. Rursus ab illis petitum fuit,  
vt liceat bona ipsorum gratia, in præfatione honorificam facere  
mentionem Basiliensis confessionis, ac testari quòd reliquis vr-  
bibus probetur & inter se consentiant, sed ne hoc quidem illis  
placuit. Itaque edita est confessio cum harum ecclesiarum sub-  
scriptione Tigurinæ, Bernensis, Schaphusianæ, Geneuensis,  
Neocomensis, ecclesiarum Rætiae cis & vltra Alpes, S. Galli,  
Mulhusanæ, & Bipennium. Postquam verò hæc confessio in  
Scotiam perlata est, ac illic quoq; ministri ecclesiarum subscri-  
pserunt, & hunc consensum literis à se subscriptis & Academiæ  
sigillo obsignatis testati sunt. Hungari quoque fratres in præfa-  
tione suæ confessionis, quam blasphemijs & furoribus Blan-

## V I T A H E N R I C I

1567.

dratæ & Francisci Davidis opposuerunt, apertè testantur se præbare per omnia confessionem ecclesiarum Helueticarum & Geneuensis, probarunt eandem Poloni, Gallica verò & Anglicæ confessio, cum hac per omnia consentiunt. Capita verò confessionis huius enumerare & summam eius exponere non est necesse: cum Latinè & Germanicè descripta in manibus hominum versetur. Deus Optimus Maximus suo spiritu efficiat, ut quemadmodum hætenus, ita deinceps quoque in hac simplici fidei confessione, ad nominis ipsius gloriam & ecclesiæ ædificationem constanter perseueremus. Anno qui priorem sequitur euulgauit homilias in Esaiam prophetam, cœperat hunc in concione publica Dominicis diebus interpretari ante quinquennium, ac domi postea homilias conscripsit, quæ hoc anno editæ sunt: atque cum peste grauiter laboraret anno 64. hortabatur generum suum Lodouicum Lauatherum, ut ipse si quid sibi humanitùs accideret, conciones in Esaiam ad finem usque pertexeret. Sed Dei beneficio, ecclesiæ restitutus cœptum opus docendo & scribendo absoluit. Inscripsit autem hunc librum Illustriss. Hessorum principi Philippo seniori, nam hunc præcipuè inter principes ob eximium studium tuendæ religionis obseruabat: Qui vicissim singularem beneuolentiam erga ipsum sæpè testatus, & multis in rebus ad Ecclesiam pertinentibus ipsius consilio usus fuerat. Obijt autem hoc anno Illustriss. princeps magno dolore piorum, incomparabili iactura ecclesiæ. Nam in omnibus Imperij conuentibus Euangelicam religionem constanter semper professus est, & vnus maximè omnium laborauit in tollendis dissidijs ecclesiarum, solus etiam sese Theologorum quorundam furoribus opposuit, qui toti in hoc erant ut nostræ ecclesiæ publico principum iudicio damnarentur. Domini quoque Resp. nostra vtilem virum hoc anno amisit Georgium Mullerum Consulem, qui multis annis Bullingeri non tantum amicus, sed intima quoque familiaritate illi coniunctus fuit. Conuenere hoc tempore Illustrissimi aliquot Germaniæ principes, & deliberatione habita de componendo certamine Sacramentario, visum est illis, ecclesijs vtile fore, & initiũ futuræ pacis hoc cõstituunt, ut partis vtriusque theologi nihil de hac causa Jenuò in publicum edant, quandoquidem causa hæc scriptis vtrinque

satis



satis disceptata sit, atq; Illustriss. Hessorum princeps Vuillhelmus  
 literis ad Bullingerum datis, petit vt & ipse pro sua moderatio-  
 ne huic sententiæ pareat, & reliquis per Heluetiam ministris  
 auctor sit vt idem faciant. Non difficulter hoc à nostris impe-  
 tratum fuit, qui alioqui pacis amantes, inuiti in hoc certa-  
 men pertracti fuerunt, ac paruere principum voluntati, donec  
 rursus coacti importunitate aduersariorum, qui nunquam in-  
 terea cessarunt nostros impugnare & conuicijs proscindere, iu-  
 sta & sanctæ causæ defensionem denuò susceperunt. Bellum  
 in Gallia eodem anno renouatū est, ac 18. Iulij 6000. Heluetio-  
 rum è pagis Pontificiæ religionis, in Galliam ad Regem abiire,  
 quos quatuor deinde millia sequuta sunt. Vicissim 6000. Ger-  
 manorum equitum & 3000. peditum, Duce Casimiro Palatini  
 filio, Condæo principi auxilio venire. Cum verò Rex nostris  
 imparem se videret, pacem proximo anno fecit, promisso sti-  
 pendio Germanis equitibus, & partim persoluto, verum pax  
 hæc dolo malo facta ad opprimendos nostros nō fuit diuturna.  
 Princeps enim Condæus, & reliqui Euangelicę religionis pro-  
 cures, cum animaduertissent paratas sibi insidias, Rupellam se  
 receperunt, quò breui magnus nobilium numerus confluxit.  
 Inde Condæus legatum ad Heluetios misit, Lodouicum Sene-  
 schalcum Valentiz, qui Tigurum venit 7. Septembris, pecu-  
 liariter Bullingero à principe cōmendatus: Substitit illic totum  
 mensem, vt causam sui principis in publico Heluetiorum con-  
 uentu ageret. Petebat autem princeps vt Heluetij legatis missis  
 sua postulata diligenter cognoscerent, neq; aduersum se & suos  
 militarent, antequā cognouissent iure ne arma sumpserint. Sed  
 cum publicus cōuentus ad 30. Septemb. indictus fuisset, Pom-  
 ponius Belliuræus Regius legatus ad 26. Septemb. legatos septē  
 pagorū Pontificiæ religionis Salodorū euocauit, ab hisq; petijt,  
 primū supplementū ad restituendum iustum numerū signo-  
 rum quæ ante cum rege erant, deinde præter hoc supplementū  
 nouū delectum 4000. quorū vtrumq; facilè ab illis impetrauit:  
 Cæterum in cōuentu publico nihil actum est, maior enim pars  
 legatorum pontificiæ religionis instigante Belliuræo legatum  
 Condæi principis audire nolle, neq; illi fidem publicā dare ve-  
 niendi in hunc conuentum voluerunt. Itaq; re infecta, clam ad-  
 euitandas aduersariorum insidias Tiguro discessit 21. Octobris.

1568.

## V I T A   H E N R I C I

Cum hoc anno Simlerus edidisset libros de æterno filio Dei  
 & de spiritu sancto, Bullingerus his addidit prolixam præfatio-  
 nem, qua confutat anonymi cuiusdam scriptum, quo ille velli-  
 carat iudicium Tigurinorum & Heydelbergenſium Polonis  
 tranſmiſſum. Dicitur autem huius ſcripti author fuiſſe Cardi-  
 nalis Oſius, qui cum ſcribendo ſe hætenus Arrianis non oppo-  
 ſuiſſet, quos vnà nobiſcum damnat, tamen ferre non poterat  
 Polonos alibi in cauſa religionis quàm apud Papam Rom. con-  
 ſiliū quærere. Initio ſequentis anni, qui eſt ſexageſimus no-  
 nus poſt milleſimū quingentefimum, Illuſtris princeps Vuolf-  
 gangus, dux Bipontinus, cum magnis equitum & peditum co-  
 pijs Condæo auxilio venit, & quamuis cæſo Condæo, nihilo-  
 minus tamen cum exercitu in Galliam penetrauit, & ſe Ammi-  
 ralis iunxit. Obijt autem 15. Iunij. Dum ita bellum in Gallia  
 vbique ſæuit, magnus miniſtrorum & aliorum bonorum viro-  
 rum numerus, qui tutò illic conſiſtere non poterant, aut ſe intra  
 noſtrorum præſidia recipere, Geneuam paratum ſemper pijs  
 hoſpitiū, & in vicina Bernatum loca ſe receperunt. Cum au-  
 tem plerique magna inopia premerentur, ſedulo laborauit Bul-  
 lingerus, non tantum domi apud noſtros, ſed etiam extra Hel-  
 uetiam vt publica aliqua collecta, inopia ipſorum ſublenaretur.  
 Amiſit hoc anno filium Chriſtophorum, qui Auranijs principis  
 caſtra ſequutus, nō longè à Catalauno in caſtris obiit. Ipſe quoq;  
 grauiter Iſchiade ſimul & calculo laborauit, à decima tertia Maij  
 vſq; ad initium Iulij menſis: ideoq; ſcriptionibus minus vacare  
 potuit: veruntamē ex omnibus quos potuit habere authoribus,  
 vitas Pontificum Romanorum in compendiū contraxit. Opus  
 hoc diu antè animo concepſū, hoc demum anno abſoluit. Se-  
 quenti verò anno ſcripſit confutationē Bullę papifticę, & defen-  
 ſionem Orthodoxę Reginæ & vniuerſi regni Angliæ: Promul-  
 gata enim fuerat Romę Bulla à papa, qua damnata Regina An-  
 gliæ, omnes à fide illi data liberātur: ſcilicet vt hac ratione plures  
 Anglica ad ſeditionem aliquam concitari poſſet. Liber hic in  
 Anglia editus, & in Anglorum etiam linguā conuerſus eſt. Ami-  
 ſit etiam hoc anno fratrem germanū Ioannem nomine, qui diu  
 fideliter perfunctus miniſterio eccleſiæ, 15. Auguſti in vera fide  
 & inuocatione D. N. Ieſu Chriſti feliciter ex hac vita migravit.

Hoc

Hoc anno Heluetij rursus 6000. Regi auxilio misere sexta Martij: Sub initium verò Aprilis 10000. quæ prius in Gallia fuerant domum redire, attamen media fere parte militum aut fortè amplius, morbis, fame, bello amissa. Pax demum hoc anno facta, magnam non tantum Gallix sed Germanix quoque & Helvetix, pijs denique omnibus lætitiā attulit: Atque omnes existimabant, pacem hanc dolo carere & firmam atque diuturnam fore, ut Rex præ se ferebat: verum hæc opinio multum eos fefellerit. Sub finem huius anni, Doctor Vuilhelmus Bidenbachius Theologus Vuirtembergensis, edidit Testamentum Brentij, ecclesiæ Christi verè inofficiosum: Etenim in hoc testamento veram & orthodoxam doctrinam de Christi servatore & sacra eius cœna, atrocius quàm vnquam antea damnauit, classicum quodammodo canens, & omnes exhortans ne vllum locum nobis in ecclesiâ Christi relinquunt. Quare Bullingerus initio proximi anni septuagesimi primi, nomine omnium fratrum ad hoc Testamentum respondit, ac primum docet doctrinam nostram qua impugnamus essentialē præsentiam & coniunctionem corporis Christi cum pane, sic ut impij illud etiam ore sumant, non esse falsam & erroneam, sed eos errare qui præter scripturas multa comminiscuntur de modo præsentix, quo substantia corporis Christi essentialiter & corporaliter, non tamen carnaliter aut visibiliter, sed modo quodam & ratione ineffabili vnà cum pane præsens, ore corporis manducetur. Deinde simpliciter ac perspicuè exponit doctrinam ecclesiarum nostrarum de cœna Domini, & de præsentia & manducatione corporis & sanguinis Iesu Christi, in sacra eius cœna, & ostendit 6. caput Euangelij Ioannis rectè ad expositionem cœnæ Domini adhiberi, postea eandem testimonijs patrum confirmat. Dissertit etiam de ascensione Christi in cœlos, de cœlo beatorum sede, in quod Christus ascendit, de omnipotentia Dei, de corpore Christi, an illud ubique præsens existat, an circumscriptionem & naturam veri corporis seruet, & de personali vnione diuinæ & humanæ naturæ in vnica Christi persona, quæ non soluatur seruata in ipso Christo duarum naturarum distinctione. Postremò nos rectè de maiestate & gloria Christi sentire demonstrat, & de personali vnione orthodoxam doctrinam scripturis & veteri ecclesiæ consen-

1572



## VITA HENRICI

tinentem retinere: Ideoq; doctrinam nostram, suum habere lo-  
 cum in ecclesia, & falsò nos accusari Arrianismi, item mendacij  
 & cædium: Augustanam confessionem nos nunquam simplici-  
 ter reieçisse, neque etiam eandem approbasse, aut fucatis verbis  
 conatos esse in illam irrepere. Placuit hæc responsio plerisque  
 viris bonis, & auidè lecta est, quòd præcipua capita controuer-  
 siæ dilucidè & modestè absque vllis conuicijs explicentur. Hoc  
 anno cum Gallia pace frueretur, præcipui Gallicarum ecclesia-  
 rum ministri Rupellè sub initium Aprilis synodum habuerunt,  
 ac ea quæ videbantur ad *vniuersarum* ecclesiarum pertinere, consti-  
 tuerunt. Ad eam synodum cum nostri legatos non possent, lites  
 ras saltem miserunt ad testandum mutuam confessionem in E-  
 uangelij doctrina, & singularem perpetuamq; beneuolentiam  
 in vniuersas ecclesias Gallicas. Rescripsere illi nostris, ac primù  
 gratias illis egere, pro literis ad se misis & perpetua beneuolen-  
 tia, deinde quo loco sint res ecclesiarum paucis exponunt, ac  
 primùm aiunt in hoc conuentu se operam dedisse, vt facta recta  
 maneret fidei confessio communi consensu ante annos aliquot  
 perscripta, ac Regiæ Maiestati oblata & verbis penè ipsis cum  
 Heluetica consentiens. Sed in hac re non multùm laborandum  
 fuisse, cunctis per Dei gratiam eandem fidem summo studio re-  
 tinentibus, idq; non sine principum ac procerum applausu qui  
 huic synodo frequentes interfuerunt. Inde disceptatum esse de  
 singulis disciplinæ capitibus, ac summam concordiam ac con-  
 sensionem voluntatum apparuisse. Postremò scribunt, actum  
 esse de varijs rebus ad ecclesiarum restitutionem necessarijs, ac  
 præsertim de multis maculis, quibus bellorum calamitates ec-  
 clesias inquinarunt, sedulò repurgandis, atque adeò de ijs, quos  
 sæuissimæ istæ tempestates abriperunt, in viam reuocandis.  
 Studuisse autem sese pro virili in his rebus illum modum reti-  
 nere, quem Christiana charitas præscribit, & pacis concessæ con-  
 ditiones patiuntur. Atq; hæc quidem illi ad nostros scribebant,  
 sed interea à quibusdam, nescio quo consilio, spargitur nos esse  
 damnatos à synodo Rupellana, propterea quòd illic palà dam-  
 nentur qui in negotio cœnæ nolint vti voce substantiæ, & sub-  
 stantialiter. Scripsere ea de re nostri ad D. Theodorù Bezam, &  
 ad proximam synodum quæ Nemausi instituta fuit. Beza verò  
 respon-

respondit nihil minus fratribus propositum fuisse quàm nos hoc canone damnare, cùm constanter eandem fidei confessionem nobiscum tueantur. Sed synodum in hoc capite Gallos quosdam spectasse, qui pro re per panem & vinum significata, solam energiam, id est effectum pro re ipsa statuentes, imperitiosos turbarint. Nam quod ad vocem substantiæ attinet, fratres qui synodo interfuerunt, substantialem illam præsentiam, vnâ nobiscum detestari & damnare. Quia tamen hoc illis perpetuò fuerit obiectum, quòd corporis & sanguinis *κοινωνία* inficiantur, idcirco retinuisse substantiæ vocem, non vbi de eo quod est præsens, siue eo loco situm, vbi nos sumus & cœnam celebramus, sed cum quid nobis à Deo detur, in cœna participandum disseminatur. Additam autem esse perspicuam istius vocis totiusque adeò spiritualis per fidem communicationis explicationem, vt minimè metuendum sit, ne vel transsubstantiationis vel *μετενοσία* monstrum per hanc rimulam in ecclesiam irrumpat. Adhæc Bullingerus Bezæ respondit, se quidem quotiescunque cogitet de animis tot tantorumque virorum qui synodo interfuerunt, vel tantillum sinistri de ipsis concipere nefas quodammodo sibi videri, ideoque facillè sibi persuaderi, ista propter alios fortè inquietiores, & ipsis magis quàm nobis cognitos, interposita esse: sed vt ea res habeat, videri decretum, verbis paulò inconsideratius conceptum & pronuntiātū esse, Damnamus eos qui non recipiunt substantiæ vocabulum. Quis enim ignorat nos ex eorum numero esse, qui hoc non recipimus neque vnquam recipere volumus: quamobrem consultissimum fore, vt cum iterū in synodum coierint, hac de re sermones & decreta sua sic temperent, vt omnibus vbiq; manifestum fiat, neque de nobis neque de nostri similibus vbiq; locorum fuerint canonem locutū esse: Neque se dubitare fratres id nō difficulter facturos, pro sua pietate & pacis conseruandæ studio. Nos enim nostri hīc nihil querere, sed tantū hoc agere, ne condemnatio hæc pariat suspiciones, dissidia, & contentiones ecclesijs nostris perniciosas. Atque ita quidem postea contigit. Sed hoc ipso anno, propter insolentiam hyemis asperitatem, infelix fuit vini & frumenti prouentus, ac omnium rerū pretijs auctis insolitū in modū, vulgus fame grauipremebatur, ideoque Bullingerus cū reliquis ecclesiæ ministris ad

## V I T A H E N R I C I

1572.

senatum retulit, vt publicæ preces instituantur, & ratio aliqua ineatur qua pauperibus consuli possit, sic vt ignauæ & otiosæ mendicitati locus non concedatur. Ac tum supplicationes per urbem & agrum tertijs quibusque ferijs institutæ sunt. In elemosynę ordine instituendo, multum quoque laboratum est. Ac durante diutius annonę caritate, maximos sumptus senatus noster fecit in vestiendis & alêdis pauperibus, nō tantum domesticis sed exteris quoque, qui gregatim huc confluebant. Sequenti anno à fratribus Gallis synodus Nemausum indicta fuit, prima die lunæ mensis Maij, idque nostris per literas ab illis significatur, ac petunt vt nostri quoque suos legatos eò mittant. Amiralus quoque scribit se cum concordiam nostræ ecclesiæ cum Gallica intellexisset, maxima lætitia perfusum, quòd videat quā multum illa amplificandę gloriæ Dei inseruire posset. Etsi autē non dubitet nos summo studio huc niti vt eadem vnitas concordiaque conseruetur, tamen ob desyderium quo omnes flagrare debemus, hoc idem à nobis obnixè se petere, ac rogare vt quemadmodum videmus diabolum non dormire vt aliquid mali moliat, sic nos quoque omnes vigilemus, quò frangatur illius cœpta & consilia: petit etiam vt in fœdus quod rex isthic icere in animo habeat, consentiant, propterea quòd istuc cedat vsui & commodo omnium ecclesiarum benè institutarum, & in genere bonis omnibus profuturum sit. Nostri Amiralio respondent, ac initio maximas illi de eo gratias agunt, quòd benignissimis à se scriptis literis, propensissimam erga nos suam voluntatem attestetur. Quod autem concordiam & consensum attinet, se quoque huius necessitatem agnoscere, & daturus operam vt pię ipsius voluntati, etiam nostra desyderia, vota, studia, atque officia coniungant. Sed quoniam ipse & dignitate & auctoritate apud ecclesias Gallicas, atque ipsum adeò regnum præstet, atque ideo & apud has & apud ipsum regem ac regni procures plurimùm possit, neminem omnium hominum esse, ipso vno magis idoneum ad conseruandam tuendamque concordiam. Itaque si (vt solet Sathan, in ecclesiarum emergentium initijs, omnem mouere lapidem ad obruendam veritatem) nonnulli velint studere rebus nouis, vel in ecclesiarum gubernatione constituenda in alterutram partem nimis à mediocritate recedere,



cedere, vel affectibus suis indulgere nimium, & plus æquo disciplinam aut remittere aut intendere, vel alios alij inuectiuis acerbè diuexare, & non tentatis antea omnibus lenibus remedijs temerè contemnere ac condemnare, tùm ipsum exemplo Constantini magni qui priscis ecclesijs pacem primus dedit, debere tales interposita sua autoritate coercere, & ad pacis atque ædificationis ecclesiasticæ studium illos cohortari. Ad fœdus autem quod attinet, eam rem alienam esse ab officio suo, & in senatus populique voluntate atque potestate positam. Itaque se sic exultimare, cum quid eius rei ad ipsos relatum fuerit, quæ rei Christianæ, publicæque saluti maximè consentanea viderint, pro eo ac decet ac expedit, haud grauatè facturos. Missæ sunt etiam literæ ad synodum Nemausensem, neque enim vtile videbatur legatum hoc tempore mittere. Synodus verò fraternè admodùm rescripsit: ibi docent qua de causa ab initio vocabulo substantiæ in confessione sua vsi sint, de de quænam de eo fuerint controuersiæ in ecclesia Gallica, ac tres rationes afferunt cur synodus hanc voculam de confessione tollere noluerit. Primùm quòd iudicaret si quærat quidnam per communionem adipiscamur, dicendum esse non tantùm merita & fructus Domini, verùm etiam in primis ipsum Dominum, qui est fons istorum bonorum, à nobis spiritualiter per fidem percipi. Id quod substantiæ nomine significatum voluerint. Deinde cum duplex scopulus propositus esset, vnus eorum qui Christum ipsum è cœna tolli accusant, alter autem illorum qui metuunt, ne posita substantiæ communicatione, corporalis ille communicationis modus stabiliri videatur, vtrique malo se occurrere voluisse, & prioribus quidem os occludere retento substantiæ nomine, istorum verò timori mœderi, addita ea interpretatione, quæ omnem ambiguitatem vocis tolleret, & merè spirituales ac mysticam esse istam ipsius Christi communionem demonstraret. Postremò cum non ageretur de hac voce confessioni inferenda vel non inferenda, sed de illa vel retinenda vel expungenda, non potuisse se illam expungere, ni vellent magnam leuitatis notam incurrere. Ob has rationes Rupellanam synodum non simpliciter eos dam-

## VITA HENRICI

nasse qui hac voce abstinere, sed eorum duntaxat opinionem  
 reieciſſe, qui nollent vocem hanc eo ſenſu aſſumere, quo illic  
 uſurpatur. Itaque ſibi fieri iniuriam ab his qui ſynodi verba ita  
 interpretati ſunt, ac ſi aduerſus noſtras eccleſias præſcripta eſ-  
 ſent, deinde ſynodum tantum Gallicis eccleſijs canones præ-  
 ſcripiſſe, & præterea Helueticam confeſſionem, non minus  
 quam Gallicam in omnibus & ſingulis approbare, ut ambas ex  
 puro Dei verbo depromptas penitusque inter ſe conſentien-  
 tes. Cæterum ut omnis diſſenſionis ſuſpicio tollatur, ſcriptum  
 » Rupellanz ſynodi ſic à ſe emendatum eſſe: Synodus ſine ullo  
 » prorsus exterarum eccleſiarum iudicio, quæ certis de cauſis  
 » ſubſtantiz vocabulum non uſurpant, vocabulum quidem ſub-  
 » ſtantiz retinet, ſed eo demum ſenſu quo in prædicto 36. arti-  
 » culo continetur, &c. Actum eſt in eadem ſynodo de altera  
 controuerſia, quidam enim Franciæ provinciæ viri docti, for-  
 mam diſciplinæ hætenus receptam oppugnabant, inter hos  
 fuit Petrus Ramus, eloquentiæ nomine toto orbe celeberrimus.  
 Is cum ſuperioribus annis bellum fugiens Tigurum veniſſet,  
 de doctrina ſacra nobiſcum contulit, ac nobis libros de ſacra  
 Theologia à ſe ſcriptos legendos dedit, qui ſanè non tantum e-  
 legantes & diſerti, ſed etiam pijs & orthodoxi nobis viſi ſunt.  
 Tum autem contendebat nõ aduerſus diſciplinam, ſed penes quos eſ-  
 ſet eccleſiaſtica gubernatio, volebat enim non penes paucos, ſed  
 penes vniuerſam eccleſiam eſſe iudiciũ doctrinæ, electionem & ab-  
 iectionem miniſtrorum, excommunicationem & abſolutio-  
 nem. Non interfuerunt hi ſynodo quamvis vocati, ſcripta ta-  
 men eorum à capite ad calcem diligentiffimè recitata ſunt, id-  
 que palam & publicè, & tandem denuò ſancita & approbata  
 eſt diſciplina hætenus in eccleſijs Gallicis uſurpata, illorum  
 verò opiniones ſunt exploſæ. Iniunctum eſt autem illarum  
 partium eccleſijs, quas illi perturbare ceperant, ut omni ſtudio  
 & diligentia ſteſtere illos, & manſuetè, ſi non ad mutandam ſen-  
 tentiam adducere, at certè eò pertrahere conentur, ut pacem  
 & concordiam colere porius in animum inducant, quam rebus  
 nouandis ſerendisque vllis diſcordijs ſtudere: atque hæc qui-  
 dem ſynodi ſententia fuit. Et veriſimile eſt eam ſi non ſtatim,  
 at ſuc-

at successu temporis aliquid ponderis apud aduersarios habitu-  
ram fuisse ad tollendam hanc controuersiam ex ecclesia, sed  
dum homines tardius rationibus flectuntur, noua persecutio  
præter expectationem orta, omnes illas domesticas & intesti-  
nas contentiones sustulit. Rex enim qui se amicum nostris si-  
mularat, inaudita crudelitate & perfidia, Amiralium ac reliquos  
proceres, qui ad Nauarreni Regis nuptias Parisios venerant,  
trucidari iussit, & Parisijs alijsque in urbibus plebi potestas sæ-  
uendi in nostros data est, ita ut paucis diebus supra 30000. ho-  
minum religiosorum trucidata dicantur. Hoc factò variè ho-  
minum animi commoti sunt, & plerique, cum tantus rex con-  
tra fidem tot modis confirmatam hæc fecerit, indè colligebant  
papistis nullam prorsus habendam esse fidem: Omnes enim eo-  
dem modo ad opprimendam religionem nostram affectos esse.  
Multorum etiam animi prorsus consternati & deiecti fuerunt,  
quibus mirum videbatur Deum permittere tantum improbis  
hominibus, eosque pati adeò crudeliter sæuire: Bullingerus igitur  
ad consolandum pios homines, qui hac persecutione vel pre-  
mebantur vel offendeabantur, librum scripsit & sequenti anno  
euulgauit, De persecutione, in quo grauissimas Christianæ ec-  
clesiæ persecutiones enumerat, causas earum exponit, ad patien-  
tiam & constantiam hortatur, & pœnas persecutorum enume-  
rat. Visa est etiam hoc tempore noua stella in ipso Cassiopeiæ  
sydere, tam splendida ab initio, ut cæteras omnes superare &  
cum Lucifero splendore certare videretur. De ea diuersa fue-  
runt doctorum virorum iudicia, quorum multa publicè extant,  
plerique tamen existimabant Deum signum hoc dedisse ad con-  
firmandos suorū animos in tam atroci persecutione. Apud nos  
hoc anno altera turris summi templi, in quo Bullingerus con-  
cionabatur, de cælo tacta conflagrauit, idque incendium nō tam  
sui damno quàm tristi omine animos hominum terruit. Obijt  
etiam hoc anno Ioannes Vuolfius ecclesiæ nostræ minister, vir  
pius & doctus, multisque donis ornatissimus, & inter alios Sym-  
mytas maximè gratus et acceptus Bullingero. Anno hoc qui cru-  
delissimam Parisinā cede sequitur, admodum aduersus nostros sæ-  
uitū fuit in Gallia, & reliquæ piorū quæ Rupellā confugerant



## V I T A H E N R I C I

obfessæ & oppugnatae sunt. Eodem tempore cum Poloni de novo rege deligendo deliberarēt, Gallus misso illuc Monlucio episcopo Valentino, miris artibus & multis pollicitationibus vix tandem effecit, ut fratrem suum Henricum ducem Andegavensem Regem Poloniae crearent. Eius discessu persecutio aliquantulum mitigata est. Domi verò hic annus nulla re præcipuè memorabilis fuit, sed eum quietum in literis & munere suo obeundo Bullingerus transegit. Multum etiam occupatus scriptione epistolarum, quibus affictos consolabatur, aut petentibus consilium respondebat, cuius generis quamplures literas in Poloniam misit. Nam viri principes eius gentis cum ageretur de electione novi Regis, de illa laniena Parisiensi, de statu ecclesiarum per Galliam, de moribus, natura & studio ducis Andegavensis, subinde per literas sciscitabantur. Venit etiam hoc anno Tigurum ex Italia domum rediens vir doctissimus, Erasmus Michaelius Lætus Cimber, ac humanissimè à Bullingero exceptus, amicitiam cum eo ac alijs viris bonis contraxit. Vtinam tanti viri humanitatem multi alij per Germaniam imitarentur, qui doctrina & ingenio Læto nequaquam pares, tamen aliorum amicitias non tantum aspernantur, sed doctissimos viros hostium loco habent, si suis opinionibus vel tantillum contraderint. Sequitur annus 1574. morte regis Galliarum Caroli IX. ubique celebris, nobis tristiori nota insignitus, quòd Curiae Rætorum oppidi, maxima pars 23. Iulij hoc anno conflavit. Edidit hoc anno Bullingerus conciones in Psalmos 130. & 133. Item responsionem ad septem præcipua accusationis capita, quæ hodie quidam inquieti homines maxima importunitate per calumniam Tigurinæ ecclesiæ ministris obijciunt, in quo libello breuiter totam controuersiam Eucharisticam, ab origine ad nostra tempora complexus est. Sub initium verò mensis Octobris incidit in grauissimum morbum, is siue fuerit dysuria, seu ardor vrinae, certò affirmare non possum, nam tum quoque medici non per omnia idem statuebant. Laborauerat superioribus annis Lithiasi, & infinitas arenas, calculorum quoque magnum numerum excreuerat: sed iam integro anno & aliquot mensibus nullas arenas neque calculos senserat, vrinam

rinam autem sæpè, sed non magna quantitate ingenti cum do-  
 ore & ardore aliquo reddebat. Hic morbus latera etiam maxi-  
 nè vexabat, ac Octobri mense paulatim crescens, eum in lectū  
 coniecit, ac diutius miserè cruciavit. Tandem tamen sub me-  
 dium Decembrem ita priori valetudini restitutus fuit, vt rur-  
 sum publicè docendo suum munus obiret. Allatum est ad nos  
 hoc tempore Iacobi Andreæ scriptum, quo Testamentū Bren-  
 tij defendit : Bidenbachius enim qui Testamentum Brentij  
 euulgarat, & propterea etiam defendere debuerat, subitanea  
 morte, de qua varij hominum sermones fuerunt, è medio sub-  
 latus fuit. Quoniam verò Iacobus Andreæ non tantū testa-  
 mentum Brentianum propugnabat, sed simul etiam priuatim  
 Bullingeri libellum conuellebat, quo ille septem accusationi-  
 bus aduersariorum responderat, visum est vt reliqui ministri  
 communi nomine Iacobo Andreæ responderent, ac Bullingero  
 in hac re parcerent. Ipse verò separatim ad ea quæ in ipsum scri-  
 pserat respondit, ac eius calumnias & obiecta diluit ac confuta-  
 uit. Scio autem quosdam reprehendere Bullingerum, quasi ni-  
 mius fuerit in accusando, aut etiam irridendo hoste suo, neque  
 eandem modestiam in hoc scripto seruavit atq; in reliquis suis:  
 à quibus ego velim cognoscere, quænam sint illa adeò dura ac  
 aspera quæ ferri nō possint. Iacobus Andreæ in suo scripto no-  
 bis singulis penè paginis mendacij & homicidij spiritum tri-  
 buit, doctrinam nostram impiam & damnatam esse contendit,  
 nos vocat Arrianos, & Machometanos, & quiduis liberè con-  
 tra nos dicit, sed hæc neminem mouent, nemo hunc accusat  
 quòd modestiæ fines egrediatur, quòd non ducatur mansueto  
 spiritu Christi, sed si quid nostri contra illum verissimè dicant,  
 id ferri non potest. Adductis & notatis locis euidenter ostendi-  
 mus, ipsum impudenter nunc ea negare, quæ antè docuit, &  
 falso nobis tribuere quæ nunquam sensimus aut docuimus:  
 huiusmodi calumnias ita manifeste oculis subiecinus vt ne  
 verbum quidem respondere possit: appositis item ipsius Ia-  
 cobi Andreæ verbis ostendimus, quantum illa discrepent à ve-  
 teris ecclesiæ doctrina, & cum nouis Arrianis cōsentiant. Qua-  
 re etiam hominem calumniæ & mendacij conuictum, improbum  
 quadruplatorem Bullingerus vocet, & calumniatorem, & ho-

1575.

## V I T A   H E N R I C I

hominem vanum ac impudentem, non debet id cuiquam mirum aut durum videri, cum talem esse antea cuicerimus. Indignum fortè videtur, quòd tantum doctorem circumforaneo agirtæ confert, sed huius rei ipse causam præbuit, qui tam impudenter se ipsum iactat, & quidem in rebus stultis. Quod si etiam alicubi liberius iocatur & ludit aduersus illum ridens Bullingerus, venia illi danda est, qui tot contumelijs provocatus, calumnijs petitus, conuicijs laceratus, aduersarium libere & verè, ac simul etiam falsè perstringit. Atque hoc quidem vltimum scriptorum Bullingeri, non deerunt vt spero qui defendant aduersus calumniatorum morsus. Nos quoniam series & ordo narrationis huc peruenit, quod vnum restat vltimum vitæ eius actum & ex hac vita exitum paucis exponemus: vigesima igitur quarta Maij mensis, anni 1575. denuò idem morbus, quo superiore anno laborauerat eum inuasit, exercuerat se multum superioribus diebus festi Pentecostes docendo: itaque ex illa vocis & laterum contentione morbum ortum aut saltem auctum fuisse putabamus, & idè sperabamus minus fore diuturnum, quiete ipsa confirmante rursus vires & pellente morbum. Dolor omnis in excernenda vrina sentiebatur, cuius tamen varix fuere vicissitudines, aliquando enim eadem hora quater aut quinquies natura vrinam impellebat, magno impetu, sed tan. en parum aliquid reddebatur, idque tanto cum ardore, vt prorsus feruens & ignita videretur, & in excernendo totum corpus tremebat & concutiebatur, rursus nonnunquam copiosissima vrina fluebat, sed ne ipsa quidem absque cruciatu, verùm tanta copia, vt potum quo minimo utebatur, duplo nonnunquam superaret. Impetus etiam illi naturæ pellentis, modò crebriores modò rariores, erant plerumque acerrimi, nonnunquam verò aliquantulum remissi: durarunt hi cruciatus quatuor integris mensibus, tentatis interea diuersis & varijs remediorum generibus, quæ vel medici domestici præscribebant, vel aliundè ab amicis mittebantur: sed plerisque magis irritata quàm mitigata fuit atrocissimi morbi vis. Ipse interea omni hoc tempore verum fortitudinis & patientiæ exemplar in perferendis tantis doloribus sese præbuit. Nam inter acerrimos



mos dolores, nunquam illi verbum excidere audires, non etiam aliquem alium habitum corporis in eo animaduertes, aut aliquid quod esset indignationis aut impatientiæ indicium, sed in summis doloribus, quò intentiores illi essent, eò ardentius ille Deum deprecabatur. Re. tittente verò dolore, quasi morbo iam omni liber, iucundè cum præsentibus sermones ferebat, non tantùm cum domesticis, verumetiam cum peregrinis, quorum multi videndi & salutandi causa ipsum accedebant. De se ipso autem dicebat, si Deo visum fuerit & illi placuerit mea opera ulterius in ecclesiæ ministerio vti, ipse vires sufficiet, & libens illi parebo, sin me velit, quod opto, ex hac vita euocare, paratus sum illius voluntati obsequi, ac nihil est quod mihi iucundius possit contingere, quàm vt ex hoc misero & corruptissimo seculo ad Christum seruatorem meum mihi migrandum sit. Socrates, inquit, apud Ciceronem in Tusculanis, gaudet sibi moriendum esse, propterea quod Homerum & Hesiodum & alios præstantissimos viros se visurum crederet: Quanto magis, inquit, ego gaudeo qui certus sum me visurum esse Christum Seruatorem meum, æternum Dei filium in assumpta carne, & præterea tot sanctissimos patriarchas, qui ab origine mundi vixerunt, eximios illos Dei prophetas, Apostolos item seruatoris nostri, quibus pares mundus non habuit, & omnes sanctos qui vnquam fuerunt: Hos inquam, cum me visurum sciam, & participem fore credam felicitàtis eorum, quam habent in Deo Seruatore suo, quidni libens ex hac vita ad hanc piorum societatem & perpetua gaudia discedam? Denique omnes eius sermones huc spectabant, vt appareret ipsum totum iam in illius futuræ vitæ cogitatione versari, sic tamen vt semper nihilominus sese paratum ostenderet, ad perferendam patienter crucem, si Deo videretur eum diutius in hac vita & laborioso munere ministerij ecclesiastici retinere. Atque multa alia eius generis quotidie cum amicis colloquebatur, morbo autem nihil remittente, die decimo sexto Augusti omnes ecclesiæ ministros & professores in suas ædes conuocauit, qui vbi in musæo eius (illuc enim interdum si posset, se recipere solebat) prolixam ad eos orationem habuit,

## V I T A   H E N R I C I

primò omnium gratias omnibus diligentissimè egit, quòd ad se vocati ad horam constitutam venissent, deinde dixit se contulisse, illis in tempore valedicere, dum integrum adhuc usum rationis haberet, ac demùm de se verba faciens, se inquit agnoscere magnam quidem vim morbi, quam tamen facillè Dominus depellere possit, quòd si integræ valetudini à Domino restitua-  
tur, nihilominus & vtilem, & vt speret, non ingratam fore illis orationem suam. Atq; dum de his rebus initio orationis verba faceret, lachrymas continere non poterat, quas tamen excusabat, ac testabatur se non tam metu mortis quàm charitate qua singulos complecteretur, ad lachrymandum comoueri, adducens exemplum Pauli, qui cum in Mileto conuocasset ministros ecclesiæ, multis lachrymis illis valedixerit: Non quod Paulo se conferat, qui suæ tenuitatis probè sibi sit conscius, sed vt summi Apostoli exemplo ostendat, sibi vitio non esse vertendum, quòd absque lachrymis ipsis valedicere non posset. Postea ad doctrinam accedens profitetur se mori velle in vera Apostolica & orthodoxa doctrina, atque vt omnibus constet quæ sit illa, Symbolum Apostolicum recitauit & addidit doctrinam suam contineri & breuiter exponi confessione Helueticarum Ecclesiarum, quam veram esse ex animo agnoscat, sic vt ne verbum quidem in ea mutatam velit: Brentio & Smidelino aduersarijs suis, se inquebat ex animo agnoscere, & quia eum ad tribunal Dei vocent, se libenter coram eo compariturum, certumq; esse de victoria. Hortabatur deinde omnes vt hanc eandem doctrinam, quam hætenus vnà secum professi sint, constanter in posterum etiam profiteantur, & Deum ardentè orent, vt spiritu suo eos regat, ac in consensu sanæ doctrinæ, & mutua concordia ipsos conseruet. Quoniam verò ebrietas Germanicæ nationis sit vulgare vitium, illud cauendum admodum esse dicebat, eos enim qui huic flagitio obnoxij sunt, non posse ædificare ecclesiam & cum fructu docere populum, propterea quod etiam eorum bene dicta rideantur & contemnantur: monebat etiã vt nullum locum dent calumnijs, odio inuidiæ: debere enim hæc vitia longè turpissima aliena esse à ministro ecclesiæ. Debere ipsos se mutuò amare, & alter alterius authoritatem atq; honorem tueri, & augere, Quando ministri seuerè vitia hominum

taxant,

taxant, semper existere aliquos è vulgo qui id ægrè ferant & de ministrorum seueritate conquerantur, turpe autem esse si ministri tales confirmant, & fratribus suis qui vitia reprehenderint inuidiam consent, tantum vt sibi conciliare possint improborum hominum gratiam. Postea iubet vt Senatum, qui hæcenus constanter veram doctrinam defenderit, ament & colant, & si opus sit, de reb. ad ecclesię vtilitatem spectantibus priuatim erudiant. Et quia multa vulgo temerè sparguntur, etiam de optimis & potentissimis quibusq; cauendum illis esse ne quiduis temerè credant & spargant: sed res certas & exploratas modestè proponant. Postremò denuò de suo in omnes amore testatur, se hæcenus omnes fratrum & filiorum loco habuisse, ipsos syncerè amasse, & seriò pro illis orasse Dominum, orare igitur se nunc, vt quicumq; ipsi in ministerio succedat, se alijs non præferat: sed eos amet & diligat, alij vicissim ipsum obseruent & colant, non illi inuideant, non odio habeant: atque ita gratiarum actione addita & versib. aliquot Prudentij recitatis orationem clausit. Cæterum vt ministris præsentibus viuâ voce, ita Magistratui literis sua manu scriptis valedixit: Literas tamen illas obsignatas, post mortem demum suam ad Consulem deferri voluit. In his magistratum ad diligentiam in obeundo suo munere cohortatur, curam Ecclesiarum & scholarum illi commendat, pro beneficijs in se collatis gratias agit, & diligenter monet, qualem in suum locum ministrum deligere debeant, ac illis nominatim Rodolphum Gualtherum commendat, vt maximè idoneum successorem & ecclesię Dei vtilissimum. Literæ hæc post obitum ipsius, in confessu ducentorum magna vniuersorum attentione, lectæ sunt, & communibus suffragijs is quem nominauerat in suis literis substitutus est. Sed ab illa cohortatione, quam ad ecclesiarum ministros habuit, superstes adhuc fuit dies triginta duos. Extremis verò morbi diebus, destillationes capitis eum vexare cœperunt, morbus plerisq; literatorum infectus. Defluxionibus illis pectus paulatim repletum fuit, & difficilius loqui deinceps poterat. Mansit tamen illi integer rationis vsus, & postrema die quæ fuit 17. Septembris, pauca verba faciebat, nisi quòd submissa voce precabatur, modò quinquagesimum primum, aut 16. 42. Psalmum, modò orationem



## VITA HENRICI BVLLINGERI.

Dominicam, modò alias preces recitans: tandemq; se quasi ad somnum componens, sub ipsum solis occasum animam suam Deo reddidit. Atq; hic fuit illius ex hac vita exitus, ipsi quidem lætus & exoptatus, atq; etiam vtilissimus, quippe qui omnium molestiarum & curarum finem illi attulerit, & initium fuerit veræ & beatæ vitæ, qua nunc perpetuò in cœlo cum Christo fruitur. Nobis tamen dies illa tristis & luctuosa fuit, qui ægrè adhuc desyderium tanti viri sustinemus, & scimus, quantam in illo iacturam Ecclesia fecerit. Sed quoniam & illius bonis gaudere debemus, & nostra mala patienter ferre, non lachrymis & querelis, sed precibus narratione nostram concludamus: orantes Deum patrem Domini nostri Iesu Christi, vt sicut spiritu Eliæ Elysæum donauit, ita donis Spiritus sancti, quibus Bullingerum ornauerat, reliquos ecclesiæ ministros superstites, quotidie magis locupletare velit, quò Ecclesiam & scholam fidei ipsorum commissam, doctrina & vitæ exemplo salutariter regant, & gloriæ Domini & populi saluti fideliter inserviant, donec tandem omnes in vnum gregem, sub vno summo pastore Christo in cœlis coniuncti, perpetuò agnum ducem sequamur & celebremus, cui soli debetur honor & gloria, in secula seculorum.

Amen.

HENRICI BVLLINGERI  
VITAE FINIS.

APPENDIX

## APPENDIX

## QVA ABSTERGVM.

TVR CALVMNIAE IACOBI ANDREAE,  
QVIBVS TIGVRINAE ECCLESIAE MINI-  
stros & R.V. HENRICVM BVLLINGERVM,

*nuper edita Responsione postrema ad ipsorum  
Apologiam, aspersit.*

**A**BSOLVTA narratione vitæ Henrici Bullingeri, admonitus fui ab amicis, mei officij esse qui vitam eius scripsissem, vt etiam mortuū & nunc in Domino quiescentem, à calumnijs Iacobi Andree defenderem: etsi enim Responsio eius nuper edita non tantum aduersus R.V.D. Bullingerum, sed contra omnes ecclesiæ nostræ ministros scripta sit, tamen non opus fore publica & cōmuni Ministrorum responsione, cum argumenta & obiecta Apologiæ nostræ, vix vno aut altero loco attingat, neque aliqua cum spe publicæ vtilitatis disputationem cum illo institui posse, quem scripta sua testantur id agere, vt controuersiam hanc suis sophismatibus magis obscuret & inuoluat: præterea cum perpauca sane argumenta in hoc libro proferat, eaque futilia & infirma, non magnum laborem mihi in his confutandis suscipiendum esse, neque quenquam fore qui me arrogantiae arguat, quòd ad hæc solus pro omnibus respondere ausus fuerim, & lectores veritatis cognoscendæ studiosos breui & dilucida refutatione contentos fore. Quoniam verò non contemnendæ videbantur rationes quas proponebant, lubens eorum consilio parui, quibus alioqui mea studia & labores obnoxij sunt, & Appendicem hanc Vitæ Bullingeri adieci, vt calumnias Andree abstergerem & dilucidè confutarem, an id affectus sim, iudicent Lectores pij & moderati. qui eius scripta & Apologiam à ministris ecclesiæ nostræ editam prius legerint, ad hanc enim plerunq; lectorē remitto, ne idem denuò repetere cogar.

## CONFUTATIO RESPONS.

*De conuitijs.*

Primum conqueritur nullum vehementius acerbiusque scriptum vnquam à Zuinglianis editum, quàm nunc aduersum fœdifici enim nos illi quòd errorem nostrum sic detexerit, vt omnes videre possint nos duci Spiritu mendacij. Equidem non miror quòd se durius exceptum conqueritur, habet enim tenebras aures, & quæ veram admonitionem & iustam reprehensionem ferre non possint. Verùm ne lectores nos conuitijs & contumelijs indulgisse credant, obseruent primùm nostræ responsionis duos esse partes: vna cõmuni ministrorum nomine scripta est, qua ipsius sophismata confutantur, de hac meritò conqueri non potest, nullis enim conuicijs proscinditur: arguuntur quidem eius sophismata, calumniæ, mendacia, sed ita manifestè locis notatis, vt ab omnibus animaduerti possint, & nunc nihil ad hæc respondit, neq; se purgauit. Altera pars Responsionis à R. V. Henrico Bullingero conscripta est, qua suum nomē à conuitijs quibus ipsum nominatim Doctor Andreæ prosciderat asserit: quæ si acerba alicui videatur, conferatur prius cum Andreæ scripto, & facillè apparebit eum modestiæ fines non excessisse. Nam D. Andreas in defensione Testamenti Brentiani, tot conuitijs & contumelijs nostras ecclesias proscidit, vt qui legerint testentur se vix maledicentius quicquam legisse: summam illorum habes pag. 144. & 145. Apologiæ nostræ: itaque Bullingerus primus pastor nostræ ecclesiæ iusto zelo commotus, improbum hunc calumniatorem grauius reprehendendum existimauit, & suis coloribus depingendum, vt pij oculos aperiant, & ipsum tandem agnoscere incipiant, qui hypocrisis sua hætenus multis imposuit. Quare cum Lutherum, quo nemo acerbiores & vehementiores libros vnquam edidit, præterquam eius Carozelos nuper natos, D. Andreas excuset, quòd ita meriti fuerimus vt tam contumeliose in nos inueheretur, quod tamen falsum est: valeat hic eadem ratio, nihil enim Bullingerus contra ipsum scripsit quàm quod commerebantur eius calumniæ antea in vulgus editæ. Vocat eum mendacem, calumniatorem, sophistam, sed plus quam viginti locis nostræ Responsionis horum criminum productis testimonijs conuincitur: vocat eum garrulum & thrasonē atq; agyrtæ confert, sed talem esse scripta ipsius ostendant, cum verbosa, tum pleraq; iactatione aliqua & gloriatione



gloriatione suisplius referta: vocat eum polypragmona, hominē valdē negotiosum, sed hoc ipse de se cōfiteatur: ridet eius magnificos titulos & ipsi non parum lucrosos, sed hoc non solus facit, multi enim viri boni rident & improbāt in his qui Euangelium profitentur, Pontificios titulos, Abbatū, Præpositorū & similes. Non itaq; Bullingerus damnandus est, si & iocatur liberius in magnifici Doctōris fastū, & eius calumnias & conuitia apertē arguit: nisi fortē alijs quidē licet salua veritate redarguere suos aduersarios: sed Zuingliani id facere piaculū est: si contumelias ferunt & amicē rescribūt, sunt hypocritę: si indignantur & nunquam pro merito in improbos sophistas inuehuntur, amiserunt spiritum Dei, & non tantū humano affectu ducuntur, verū à malo spiritu impelluntur.

Quod verò iactat se nostros errores detexisse & nos mendacij conuicisse, more suo facit, qui amat de rebus falsis gloriari: vult autem fortē apud suos sibi amplam hanc laudem comparare, quòd cum Lutherus & multi alij contra Zuinglianos scripserint, solus tamen Iacobus Andræ & primus Zuingliani errorē detexerit. Sed Dei beneficio neq; erroris neq; mendacij nos conuicit, neq; etiam convincere poterit, multominus Ariasmi damnare: verū dum alios arguit, suos errores turpissimos prodit, cuius rei ipsam & ante conuicerunt Heidelbergenses theologi, in Appendice confessionis suæ editæ superiori anno pag. 145. & sequentibus: & nos quoque in nostra Responsione errores & mendacia eius deteximus, ac plura illi obijciemus si prius saltem ad vnum & alterum locum responderit, & excuserit mendacia quorum ipsam arguimus à pagina 123. ad finem vsque cap. 12. Et ad ea responderit quæ pag. 115. & proximis illi obieciimus, & ostendimus qui nam cum Nestorianis & Samaritanianis colludent.

*Andreas erroris nos nō conuicit.*

Porro quod gloriatur de suis rebus gestis, & studio procurandæ pacis in ecclesia, non opus habet nostra confutatione, exitus enim acta probabit, & iam se prodere incipit præclara illa concordia, quæ breui ni fallor plura nobis Corpora doctrinæ, & Examina pariet, quàm olim Summas & Commentarios in Magistrum sententiarum scholæ papisticæ protulerunt. Sed facile est illi gloriari de concordia: si enim aliqui contradicant eius

## CONFUTATIO RESPONS.

erroribus, quod viri doctissimi Vitenbergensis Academiae fecerunt, mox damnabuntur Zuinglianissimi. Ac non dubito si theologi qui Torgæ Zuinglianam doctrinam damnarunt, & in aliorum locum Vitenbergæ successerunt, noluerint Vbiquitatem approbare, breui fore ut ipsi quoque dicantur occulti Zuingliani & Calviniani esse.

Postrema accusatio est, quod nos huius incendij auctores simus, quod nunc deploramus: sed hanc calumniam satis superque primo capite Responsionis nostræ confutauimus, & ostendimus quinam conuenta Marpurgi, Concordiam Vitenbergæ factam violarint: qui inducias principum iussu constitutas fregerint: quod nos non fecimus sed Lutherus atque Brentius & horum discipuli.

Deinceps rem ipsam aggreditur, atque ait rem tandem iudicio committendam esse, quo finis diuturnæ controuersiae imponatur. Rectè quidem, neque est quicquam quod malleus, quam æquo aliquo iudicio controuersiam hanc dijudicari: sed noster Andreas tanta equitate utitur, ut se solum ac suos in iudicio audiri velit, atque ita ipse solus erit actor & simul iudex, & quod plus est patronus noster: nostris defensionibus omnis aditus præclusus est: & non minus diligentes sunt in librorum examine & damnatione quam papistici inquisitores: sed tamen ne fortè queramur nos inauditos damnari, bonus ille doctor nostræ doctrinae summam proponit, sed ea fide & diligentia, quæ ab acerrimo nostro hoste expectari potest.

*Cur de cœna  
agit omissa  
vbiquitate.*

*Controuersia  
de verbis  
cœnae.*

Ante annos non ita multos cum Mulbrunnæ Doctore nostro de cœna Domini disputandum esset, noluit eam disputatio nem ingredi, nisi prius de Omnipræsentia corporis Christi discipletaretur, non enim posse alteram quæstionem absque hac explicari, nunc verò nulla mentione facta Omnipræsentia tantum de cœna agit: fortè quod videt se in altera causa non posse consistere: aut ut illis gratificetur qui substantialem præsentiam carnis Christi absque Vbiquitate defendere conantur. Cum autem controuersia inter nos sit de sententia verborum Domini, **HOC EST CORPUS MEVM, HIC EST SANGVIS MEVS,** sibi & suis hoc sumit quod inhæreant verbis Christi,

Christi, & eorum naturalem & simplicem sensum retineant, quod tamen falsissimum esse sæpè ostendimus. Simplex verborum sensus est, panem esse corpus Christi: demonstratiua enim particula *H O C* panem indicat, quod enim Christus accepit, fregit, distribuit, hoc dicit esse corpus suum: & panem esse subiectum in hoc enuntiato de quo prædicetur quòd sit corpus Christi, vt veteres taceamus, Lutherus cuius maior quàm omnium Patrum apud Aduersarios est auctoritas, apertè testatur. Respondeat autem nobis dominus Doctor cur hic à Luthero dissentiat, cuius tamen sententiæ assertor videri vult? Nos panem esse & dici corpus Christi sed sacramentaliter affirmamus: item verum corpus Christi dari & communicari nobis in sacra cœna vi & efficacia diuini spiritus, & fide spiritualiter à nobis percipi, credimus, vt communione ineffabili Christo iungamur, ac simus os de ossibus eius & caro de carne eius, ac ipse sit caput nostrum. Negamus autem corporis Christi substantialem præsentiam & coniunctionem cum pane, & eius consubstantiationem siue impationem, qua fiat, vt ore simul cum pane substantia corporis Christi sumatur. Veram tamen veri corporis communionem quæ spiritu & fide fit apertè docemus.

*H O C particula panem demonstrat.*

Contra Iacobus Andreæ cum suis negat particulam, *H O C* panem demonstrare, aut idem valere has propositiones, Panis est corpus meum, & hoc est corpus meum, sed contendit cum pane, siue sub pane, aut in pane dari & distribui à ministro ecclesiæ verum & substantiale Christi corpus, & id non tantum fide spiritualiter, sed ore quoque corporeo sumi: sed hoc verba Christi non dicunt, ipsi hanc interpretationem afferunt. Probant tamen suam interpretationem egregijs similitudinibus, si vinum donetur in cantharo, pecunia in fisco aliquo, auena in sacco, dici ecce do tibi vinum, pecuniam, auenam, cum quis cantharum, fiscum, saccum hæc continentem porrigat. Sed hæc locutiones quamuis sint claræ & ex vsu notæ, non tamen sunt propriæ sed tropicæ: ipsi verò tropum in verbis Domini admittere nolunt, deinde scripturarum mysterijs hæc nequaquam congruunt: neque etiam affirmare audent corpus Christi pani inclusum esse, aut sanguinem eius eodem modo poculo contineri quo vinum cantharo.

*Aduersarium sententia.*



# CONFUTATIO RESPONS.

*Aduersarij  
falso iactant  
se seruare ῥ  
ῥῥῥ.*

Contra nostri docentes panem esse corpus Christi non quidem substantialiter, sed sacramentaliter quòd sit signum & figura corporis Christi, quod nobis communicatur non ore sed spiritaliter fide percipiendum, hanc suam sententiam multis rationibus probant, & similes locutiones ex sacris scripturis proferunt, quas tamen Aduersarij surda aure prætereunt. Interim clamant se retinere ῥῥῥῥ simplicem & grammaticum sensum verborum domini, & quia ipsi falsa opinione decepti non vident aut videre nolunt, aliud verba Christi sonare, aliud ipsos, & ipsorum verbis non idem dici quod verbis Christi, sed sensum verborum Christi qualis ipsis esse videtur exprimi, ideò omnes item cæcos & surdos esse putant qui hoc non animaduertant. Hoc ipsum sedulò hic agit D. Andreas, & nos in inuidiam vocat quasi homines abducamus à simplicitate verborum Christi quam tamen ipsi minimè omnium retinent: interim cum faciunt simplicibus, quasi simplicem sensum verborum Christi, retineant. Atque vt ex Mulbrunensi colloquio apparet, D. Andreas studiosè subterfugit disceptationem de verbis Domini, sint ne tropica nec ne. iactant omnes clara esse, sed an nò tropi sepè clari sunt? & ipsi exempla tropica proferunt cum quibus verba Domini conferunt: & cum disceptetur quis sit verus & grammaticus sensus verborum, deinde quæ horum explicatio: illi pro argumento sumunt ipsa verba. Cum enim quæritur, an Christi corpus spiritaliter manducemus per fidem, an ore corporis inuisibiliter tamen, mox obijciunt Christum dixisse: Accipite & edite, HOC EST CORPVS MEVM, quasi verò hæc verba asserant corpus Christi substantialiter in pane esse & ore corporis manducari, quibus tamen hoc tantum præcipitur, vt edant panem hunc quem Christus porrigens corpus suum vocat: cæterum quod ipsi pro confesso sumunt panem esse substantialiter corpus Christi, aut corpus Christi substantialiter in pane esse, & cum pane aut sub pane dari, hoc ipsum controuertitur, & cum petimus vt suam sententiam aperto aliquo testimonio probent, & non sumant pro argumento ipsam questionem, exclamat Smidelinus quasi magnam ipsis iniuriam faciamus, & iniquissima postulatione vtamur, cum tamen sibi optimè conscius sit hanc esse argumentandi rationem vitiosam & ineptam

*Aduersarij  
petunt prin-  
cipium So-  
phisticè.*

ineptam, quæstionē argumenti loco sumere. Petimus vt ipse fatetur, apertum testimoniū scripturæ quo probetur, Christi corpus integrū seruatis humani corporis proprietatibus, simul vno loco circumscriptum esse, & nihilominus incircumscriptum inuisibiliter, substantialiter, & corporaliter alibi existere. Proferūt ipsi verba cœnæ, quibus inquit clarè asseri corpus Christi nobis substantialiter manducandum dari, & mandari vt ore corporis nostri id sumamus. Sed manifestum est non confici ex verbis cœnæ hanc sententiā, nisi prius probent panem esse substantiale corpus Christi, aut in pane esse substantialiter corpus Christi præsens: hoc nunquam probarunt, neq; probare vnquā poterunt, & ideo verba cœnæ perperam pro argumento assumunt, nisi hunc sensum antea demonstrarint, id autem si fecerint, non erit amplius inter nos controuersia.

Nos contra docemus & credimus verba Christi esse verissima quòd panis hic sit corpus Christi, nō transubstantiatione aut consubstantiatione, sed quòd panis hic sit sacramentū corporis Christi, signum, figura, symbolū, significans nobis, & obsignans corpus Christi pro nobis verè in cruce fractum, & sanguinem eius verè pro nobis in nostri salutem profusum, hæc nostra quasi mancipio facta esse, sicut Paulus panem vocat *κοινωνίαν* corporis Christi, vt hæc verè nos alant & vegetent in spem vitæ æternæ, longè efficacius quàm corpus ipsum alatur pane & vino. Quod sanè est ineffabile mysterium, quod non potuit significantius & efficacius exprimi quàm ijs verbis quibus vsus est Dominus, Accipite, comedite, hoc est corpus meum. Neq; veritati verborum quicquam derogatur, si ea non accipimus substantialiter, sicut verba quibus Christus vicis dicitur nos paluites, vera sunt, & tamen non substantialiter intelliguntur: & sanguine Christi ablui mur in baptismo quando aqua abluimur, neque tamen aqua est substantialis sanguis Christi, aut eum substantialiter continet. Atq; cum his verbis Christus sacramentum instituerit, certum est illa pro ratione & natura sacramentorū intelligenda esse. Sacramentum autē Augustino definiente est *sacræ rei visibile signum*. Quare cum panis sit sacramentū corporis Dominici pro nobis in cruce fracti, eiusdem sacratum signatum existat necesse est: itaq; quod de pane hoc dicitur iuxta sacramentorum, hoc est

*Vera explicatio  
uerborum cœnæ,*

## CONFUTATIO RESPONS.

signorum naturam & analogiam explicari debet, quam talem esse Augustinus iterum multis in locis ostendit, vt symbola accipiant nomina rerum signatarum: In fœderibus faciendis communis loquendi vsus eodem modo nomina permutat, & signo nomen rei significatæ tribuit. In omnibus quoq; sacramentis veterum nomina sic permutantur, & tamen omnes intelligunt nomen rei significatæ sacramento attribui symbolicè, neq; quisquam vnquam hæc realiter & substantialiter explicauit. Sic vt veterum sacramenta prætereamus, Baptismus dicitur ablutio peccatorum & regeneratio spiritualis, Item dicitur in Baptismo Christus indui, & nos ei commori & sepeliri dicimur. Præterea verbum Dei promissio inquam accedens facit sacramentum, si cut dicitur Accedat Verbum ad elementum & fit sacramentum, promissio aut non fit symboli respectu, sed eorum qui vtuntur: itaq; cum panis dicitur corpus Christi, non pani vnitur corpus Christi, sed ad sumētes pertinet promissio, qui pane illo sumpto indubitatè credunt corpus Christi per se datum vt eo nutrian- tur per fidem: Atq; sic Paulus ait panem quem frangimus esse communionem corporis Christi. Adhæc cœna Domini institu- ta est ad commemorandam mortem eius, & cōmunionem no- stram cum Christo, vt viuamus in Christo & fiamus os ex ossi- bus eius & caro de carne eius: hoc autem non consequimur car- nali manducatione oris nostri, sed fide vita illa in sacramentis propofita acquiritur, & Christus per fidem in nobis habitare di- citur. Quòd si verba adiuncta, & omnes circumstātias probè ex- pendamus, quod semper in explicatione scripturarum facien- dum est, omnibus his confirmatur nostra interpretatio: quæ ta- men omnia nunc prætereo, quòd sæpe & diligenter sint à no- stris exposita.

*An verba coe-  
ne interpre-  
tanda.*

Quod autem aduersarij reiiciunt omnē interpretationem verborum Christi, & negant in his esse tropum aliquem, imò in sacramentis noui testamenti nullam esse figuram, & significa- tionem seim Deuteley: falsissimum est: & ipsi facto & re con- tradicunt, nam verba Christi nō simpliciter retinēt vt diximus, sed ea interpretantur, & absq; figura seu tropo ea explicare non possunt: ac manifesti tropi sunt in verhis cœnæ, quos acerrimi troporum hostes negare non possunt, vt cum Paulus & Lucas de



de poculo loquuntur. Quòd si nihil figuræ & significationis est in sacramentis noui testamenti, non sunt signa & sacramenta, quandoquidè illis definitio sacramentorū nō conuenit. Taceo nunc patres qui tropum in verbis cœnæ agnoscunt & figuratiuas locutiones esse testantur, testimonia horum plurima nostri protulerunt ex Dionysio, Origene, Tertulliano, Basilio, Chrysostomo, Augustino, & alijs. Interpretatio autem Aduersariorum qualis sit sæpe dictum est: nititur hæc falsæ opinioni animo ante conceptæ de corporis Christi substantiali præsentia: neq; ægre ferat D. Andreas quòd ipsis tribuimus crassam & Papisticam opinionem carnalis præsentia, quandoquidem Lutherus in Confessione maiori & minori, Papistarum crassam opinionē probat.

*Aduersario-  
rum falsa in-  
terpretatio  
verborum  
cœnæ.*

Pugnat autem opinio hæc substantialis præsentia & vnio nis corporis Christi cum pane, cum definitione, natura, analogia & fine sacramentorum, quam nobis in omnibus alijs sacramentis proponunt sacræ literæ. Contraria item est doctrinæ Christi Ioann. 6. vbi vera manducatio carnis Christi docetur, & carnalem & corporalem manducationem nihil prodesse ostenditur. A Christo ipso confutatur qui negat se amplius in mundo præsentem fore, aut fideles ipsum habituros: quod non nisi de absentia corporis eius intelligi potest: si enim illud præsens esset etiam inuisibiliter vt aduersarij volunt, quid opus erat pro se Paracletū promittere consolatorē, qui ipse quoque inuisibiliter adest. Tollit hæc doctrina veritatem humanæ naturæ in Christo, & illi ante passionem corpus in-circumscriptum, inuisibile & per omnia dissimile nostro corpori tribuit, Articulum fidei de Ascensione in cœlos euerit. Et hæc manifesta sunt ex scriptis Aduersariorum, qui disputationibus suis de Vbiquitate corporis Christi, mysterium incarnationis ita quæstionibus nouis implicarunt, vt ne ipsi quidem se euoluere possint. & palam ex Ascensione euanescentiam & disparitionem faciunt: & vt statuunt corpus Christi substantialiter præsens in pane, negant id esse in cœlo, quandoquidem D. Andreas cœlum nondum creatum esse asserit. Iudicent ex his Christiani lectores quid de hac theologia sentiendum sit, quæ vt vnum tropum in sacramentis scripturæ

## CONFUTATIO RESPONS.

visitatum non admittat, articulos fidei tropicè interpretatur, ex historia figuram facit, & partim non tantùm cœlum terræ, sed etiam cum inferis miscet, vt Brentius in sua doctrina de cœlo Vbiquario, partim tollit, vt nuper ipse D. Andreas.

Porrò quæ ad nostram sententiam impugnandâ D. Andreas profert de manducatione sacramentali, de discrimine sacramentorum veteris & noui fœderis, ad ea in communi nostra Apologia respondimus pag. 16. item 123. & deinceps. Repetit etiâ explanationem vocum Realiter & substantialiter, & affirmat tantùm significari his præsentiam veri corporis non autem modum præsentix: sed si non contendunt de modo præsentix, cur nos damnant, qui veri corporis præsentiam nō in vniuersum negamus, sed reijcimus localem & corporalem modum præsentix, quem ipsi quoq; improbari sibi aiunt? Si nō contendunt de modo præsentix, cur tantopere risantur corpus Christi in pane esse, cum eo manu ministri porrigi, & ore corporis sumi? sed vt in nostra Apologia illis obiecimus modū præsentix exprimunt, qui tamen ineffabilis illis dicitur, & verè ineffabilis est, qui consistere non potest cum contradictoria affirmant.

*De omnipotentia.*

Alterum argumentum quo Aduersarij vtuntur, est ab Omnipotentia Dei desumptum, ad quod bifariâ nostri responderunt: Primum argumenta desumpta ab omnipotentia non concludere, nisi prius de voluntate Dei constet, itaq; illis probandum esse quòd hæc sit Dei voluntas, vt corpus Christi simul sit circūscriptum & in vno loco præsens, & rursus incircūscriptū & ubiq; præsens. Deinde addiderunt Dei omnipotentiam infinitam esse, sed tamen quædam ab illa excipi quæ suo vitio & defectu fieri non possint, salua & incolumi nihilominus diuina potentia, vt Deum mentiri impossibile est. Ita quæcunq; naturæ rei & definitioni repugnant, ideoq; contradictionem implicant, hic excipiuntur, nam si Deus talia faceret, simul idem vellet & noller, quod esset inconstantia, & hoc non nos soli docemus, sed constans est omnium theologorum sententia: neque ita hebes est Doctor Smidelinus vt hæc vera esse non cernat, præsertim cum idem affirmet Clarissimus ipsorum philosophus, quem honoris causa nomino, Doctor Scheggius: sed conatur nos apud imperitos in odium adducere quasi negemus Dei omnipotentiam,

tiam, aut Christum seruatorem non agnoscamus omnipotentem qui possit ea facere quæ vult. Sed illi hoc ostendendum erat, Deum velle corpus Christi vbique præsens esse, siue etiam Christum promississe hanc substantialem Vbiquitatem corporis sui: item non esse hæc cōtradictoria, Corpus Christi substantia sua & actu primo esse in vno loco, & idem actu primo & substantia sua non esse tantum in vno loco sed in pluribus, vel etiam vbique: nam de substantiali præsentia, inter nos disputatur: & hoc illi obiecimus, & rationem nostram perspicuè exposuimus in nostra Apologia, ac ostendimus fucum esse, cum fingit naturaliter Christi corpus in vno loco esse, sed modo maiestatis aut sessionis ad dexteram Dei vbique esse: nam si substantia sua & actu primo vbique est, non ponitur diuersus modus, sed diuersa causa præsentiæ: si loquitur de actu secundo, de eo non est controuersia.

Quapropter nequaquam illi sumus qui negemus principia, *Aduersarij negant principia.* sunt enim principia nostra sacræ literæ quibus firmiter credimus, & scripturas collatione aliorum locorum, habita ratione argumenti de quo agitur, & eorum quæ antecedunt, omniumque circumstantiarum, secundum analogiam fidei interpretamur. Sunt etiam principia nostra articuli symboli Apostolici, quibus simpliciter fidem habemus. Principium natura notum est, nihil simul verum & falsum esse, quod nobis immotum manet. Vos autem tantum vt pertinaciter defendatis Papisticam opinionem de substantiali præsentia carnis Christi in pane, primum naturæ principia conuellitis, atque contradicentia simul vera esse per omnipotentiam Dei probare vultis, deinde labefactis scripturam & articulos fidei nostræ, ex Ascensione Christi euanescentiam siue disparitionem facitis: quamuis enim hoc Andreas negare ausus fuerit, tamen contrarium ostendimus ex scriptis Brentij, Illyrici, Andreæ Musculi, & nunc non pudet alios hoc idem publicè magna contentione asserere. Quid autem hoc aliud est quàm Martioniticam hæresim ab inferis reuocare, & Machometo viam sternere? Eadem serie historiæ Euangelistæ describunt Christi seruatoris nostri passionem, resurrectionem, ascensionem in cælum. Noui isti theologi ascensionem faciunt euanescentiam siue disparitionem, & illis non



## CONFUTATIO RESPONS.

videtur conuenire maiestati Christi vt illi tribuatur secundum simplicem scripturarum sensum corporalis motus & locatio. Quid igitur obstat quo minus cum Machometo negent Christum verè passum, sed disparuisse, & Simonem Cyrenæum pro ipso fuisse crucifixum? num passio & mors magis pugnat cum maiestate Christi quam ab ipsa conceptione illi tribuunt, quàm ascensio in cœlum? Si enim articulum fidei licet illis impune ex simplici sensu in allegoricum detorquere, & idem facere in clarissima narratione historiarum, qua fronte se opponunt alijs idem in coniuncta historia tentantibus? Attendant hæc quæso pij homines & diligenter expendant, neque enim temeritas prophana immutandi articulos fidei nostræ in vno consistet, sed longius aliquando progredietur.

Cæterum quod disputationē de Cœna Domini attinet, nos quoque libèter eā iudicio Christiani lectoris relinquimus, modò vtrinq; partem audiat, & veritatis studiosus sit, quàm Andreas magis obscurare quàm illustrare studet. Atque quæso ne lectori molestū sit, si denuo hic repetā statum cōtrouersię, quid primò & potissimū dijudicandum sit, antequā longius in hac cōtrouersia vtrinq; progrediamur, nam id studiose dissimulat Andreas.

*Prima cōtrouersia.*

Quæstio vt diximus, est de verbis Domini, Hoc est corpus meum, ac inter nos non conuenit, quid demonstret vocula HOC, nos dicimus demonstrare panem, & nostram sententiam ex contextu historiarum simpliciter deducimus, id enim quod Dominus accepit, benedixit, fregit, discipulis dedit, ostendit hæc particula, itaque hæc propositiones æquipollent, Hoc est corpus meum, & Hic panis est corpus meum: confirmauimus etiā nostram sententiam auctoritate Patrum & ipsius Lutheri, & complurium doctorū nostrę ætatis testimonijs. Hic primò nostram sententiā confutare debebat D. Andreas, quod tamen non facit neque potest: itaque hanc cōtrouersia tacitus præterit, & pro confesso sumit eum sensum verborū quem ipse fingit, & de quo cōtrouertitur: non tantum inter nos, sed inter ipsos Lutheranos: alij enim cum Luthero volunt panē demonstrari & dicunt panem esse substantiale corpus Christi (quæ sententia absurda est sequeretur enim panem pro nobis traditum esse, & impossibilis quoque, quoniam manifestam repugnantia includit, adeò vt Papi

stæ quò

stæ quò hæc incōmoda effugerent, transubstantiationē confin-  
 xerint) Illyricus particula HOC ipsum corpus demonstrari ait,  
 & rei ex pluribus compactæ partem vnam ostendi. Idem rursus  
 alibi neq; panē neq; corpus Christi demonstrari ait, sed totum  
 cibum panē & corpore constantē. Iacobus Andreæ similem lo-  
 cutionē esse contendit, atq; cum allato cantharo dico hoc est vi-  
 num, & cunis cum infante allatis dicitur, hic est infans: quæ lo-  
 cutiones non sunt propriæ, sed per synechdochen aut metony-  
 miam pars pro toto aut continens pro contento accipitur. Cum  
 autē tantam Lutheranorum consensionē iacet D. Andreas, de-  
 bebant hanc diuersitatē sententiarū prius è medio tollere, & cer-  
 tis demonstrationib; probare hūc esse sensum verborū domini,  
 quod cum panē coniunctum substantiale corpus Christi ore su-  
 matur ab omnibus qui panem hunc ederint. Quoniā verò dispu-  
 tationem & explicationem verborum Domini subterfugit, qua  
 fronte audet pro argumento proferre quod in quæstione est,  
 & nos calumniari quod impudenter & improbe petamus, ne  
 verba Christi pro argumento afferat? Nos verbis Christi fidē ma-  
 gis habemus quā vel ipse vel quisquā suorum, nolumus autē  
 ea in argumentū afferri hoc sensu quem non ipsa verba præ se  
 ferunt, sed ipsi affinxerunt, & nondum probarunt: hoc enim vt  
 sæpe diximus est sophisma petitionis principij. Ante omnia igitur  
 statuendum est de sensu verborum Domini, antequam vltē  
 rius progrediamur, & priusquā his argumenti loco vti possint.

Altera calumnia vtitur cum fingit nos conuellere omnipo-  
 tentiam Dei, aut Filium hominis negare omnipotentē, & eum  
 à dextra maiestatis detrahere, quæ mendacia publicè & priuatim  
 de nobis spargere ipsū nō pudet, sed ea satis nostris responsion.  
 confutata sunt si modo liceret illas audire atq; legere: & quis hic  
 sit status controuersię supra ostendimus, vt videat Lector quo  
 respicere debeat. Quare cum meris calumnijs vtatur, & veritatē  
 de industria obscuret, iudicet viri boni quo loco haberi debeat.  
 Obijcit Lutherum qui scripta cōfessione maiori & libro Quod  
 in verbis cœnæ maneat firmum *apud*, tantum postea addiderit  
 Confess. minorē: sed cur nō addit duo priora scripta ita cōfutata  
 fuisse à Zuinglio & Oecolamp. vt nō haberet quod respondere  
 posset: cur nō addit post priora illa scripta in Marpurg. cōuentu

## CONFUTATIO RESPONS.

pacem inter Lutherum & aduersarios factam, & postea Concordiam studio Bucerii denuò initam, & ita demum Lutherum contra pacta & conuenta Confessionem istam minorem edidisse, qua apud moderatos homines exiguam laudem adeptus est.

*De locali  
præsentia.*

Postea duo coronidis loco nobis obijcit. Primum quòd malignè verba ipsorum huc detorqueamus quasi localem præsentiam affirmant, cum verba essentialiter & corporaliter duntaxat ab ipsis opposita sint nostræ significationi corporis Deuteley, & falsæ doctrinæ, quod Christus tantum diuinitate præsens sit, secundum humanitatem nihil nobiscum in terris agat. Et si autem hæc satis explicata sunt in nostra Apologia, pauca tamen hic repetam. Primum agnoscimus eos localem præsentiam corporis negare: sed interea substantialem veri corporis præsentiam affirmant, corpus autem verum & circumscriptum quale Christum habere scripturæ testantur, vbicunque est, substantia sua ibi localiter est, alioqui non amplius verum corpus est, itaq; id quod verbis negant, nihilominus ex eorū doctrina consequitur. Deinde viuuntur his formis loquendi quæ vulgo absque localitate aliqua vix intelliguntur: corpus Christi cum pane in eodem loco esse, pani vniri absq; interuallo, manu ministri porrigi, ore eius qui sacrum panem accipit sumi. Damnant eos qui negant corpus Christi cum pane in eodem loco præsens esse, qui ponunt distantiam localem inter signum & rem signatam, & nos qui localem præsentiam in sacramentis non admittimus, ferre non possunt. Non debent igitur ægrè ferre, si dicimus eos docere talem præsentiam corporis Christi, quæ etsi non absolute quodam tamen modo localis existit.

*Christum secundum humanitatem nihil nobiscum agere, falso nobis attribuitur.*

Quod autem dicit nos affirmare Christum secundum humanitatem nihil nobiscum in terris agere, calumnia est ante confutata, quam tamè verbis nostris probare conatur, eo quòd scripserimus carnē Christi nunc hic infra in terris non amplius nobis prodesse, neq; hic infra esse: & hinc concludit nos affirmare carnē Christi in cœna nobis nihil prodesse. Verum nisi odio nostri excæcatus esset, facile videre poterat nos loqui de substantiali siue locali præsentia carnis Christi. Quæstio illic proponitur an naturale Christi corpus verè præsens adsit in cœna, item an panis Domini sit ipsum naturale corpus eius, quemadmodum



modum Lutherus docuit: Contra nostri adductis locis scripturæ de absentia Christi & discessu ex hoc mundo, ex illis concludunt corporalem præsentiam corporis Christi in terris pugnare cum scripturis, ideoque nos hanc præsentiam & eius utilitatem non posse agnoscere. Carnem eius in terris utilem fuisse ad consuminandam salutem, nunc non utilem esse eius præsentiam hic inferius, nec eam inferius esse, sed supra in cœlis, ac illic multum nobis prodesse, ut in sacerdotij & regni Christi ratione explicatum sit. In eadem sententia nunc quoque persistimus, & substantialem siue corporalem præsentiam corporis Christi in terris negamus, sed anathema esse pronuntiamus eam qui dicit Christum secundum humanitatem nihil nobiscum agere: quomodo enim Christus mediator noster esset, si secundum humanitatem nihil nobiscum agit? sed aliud est Christum secundum humanitatem nobiscum agere, quod nunquam negauimus, & energiam humanitatis non minus clarè quàm Aduersarij prædicauimus, & aliud rursus est humanitatem Christi substantia sua nobis in his terris præsentem esse.

Altera obiectio est, quòd falsò ipsis affingamus Capernaiticam manducationem carnis Christi, & quòd tantum agnoscamus corporalem manducationem panis & vini, & fidem in Christum, reiiciamus autem veram manducationem carnis Christi quæ ore fit in Sacramento, ad confirmandam fidem, quam semper agnouerit ecclesia. Scripsimus de hac re Apologiæ nostræ pagina 28. Ibi ex sententia Chrysostomi constituimus duplicem manducationem ipsius carnis Christi, carnalem, quæ est Capernaitica, et spiritualem siue mysticam. Aduersarij volunt carnem Christi ore manducari. talis autem manducatio non est spiritalis, non enim fit spiritu, sed ore corporis, quare carnalis est, & propterea Capernaitica: etsi enim non particulatim corpus Christi in frustra comminutum se edere deant, tamen cum ore & dentibus fiat hæc manducatio, ut Lutherus in confessione maiori scribit, carnalis est, non spiritalis, spiritus enim non edit Christum ore corporeo. Quæ nam sit sacramentalis manducatio, exposuimus 133. pagina Apologiæ, quo loco apparet quantum ea differat & à carnali tantum & nuda panis manducatione, quam nobis tribuunt, & ab orali & substantiali man-

*Manducatio  
carnis Christi  
duplex  
tantum.*

## CONFUTATIO RESPONS:

ductione quam ipsi nobis obtrudunt, contra simplicem verborum Christi sensum, & omnium sacramentorum rationem nuper à se confictam. Conatur autem tecum facere dum tria proponit quæ verè Christianus habeat in usu Sacramenti, fidem, panem & vinum, & corpus atque sanguinem Christi. Sed cur fidem cum partibus Sacramenti coniungit? Nonne duæ tantum partes sunt Sacramentorum, terrena & cœlestis, signum & res signata: duob. itē instrumentis hæc sumimus, sensibus corporis signum: spiritu & fide rem signatam? Et corpus Christi utroque modo sumi dicitur, ore quidem sumitur sed in Sacramento, non ipsa substantia corporis Christi, sed eius Sacramentum: spiritualiter autem in ipsa veritate manducatur, vt Augustinus docet. Et cum veritas hic opponitur Sacramento, non veritas ad modum sumendi refertur, sed ad corpus Christi: modus enim sumendi expressus est cum dicitur spiritualiter sumi. Quare cum veteres dicunt corpus Christi in Sacramento aut

*In mysterio.* in mysterio edi, non loquuntur de manducatione reali substantiæ carnis Christi quæ ore fiat, attamen non carnali vel terreno & locali modo, quod idèò mysteriū sit quòd substantialis præsentia occulta sit: sed mysterium idem est atque Sacramentum, & in mysterio reali præsentia opponitur à Chrysostomo in Matthæum homilia vndecima operis imperfecti, vbi inquit, In vasis quibus Sacramentum administratur, non esse verum corpus Christi, sed mysterium corporis eius contineri. Atque cum Sacramenti siue mysterij proprium sit aliquid significare, immeritò nostram interpretationem reprehendit. In mysterio igitur, vel in Sacramento, idem atq; Sacramentum edere quod suo modo dicitur corpus Christi, relatione arcana & efficaci vi Spiritus Sancti, non consubstantiatione aliqua, aut vniōe substantiali corporis cum pane: & hoc est quod veteres corpus symbolicum & mysticum vocant, veluti Origenes in Matthæum, qui etiam scribit cibum hunc iuxta id quod materiale habet, in ventrem abire, atque in secessum eijci: huic autem opponit ipsum Verbum quod factum est caro verusque cibus, quem nullus malus potest edere. Sunt autem Sacramenta mysteria & arcana, non quòd substantialiter caro Christi sub

pane

pane deliteſcat : ſed quòd ſymbola & ſigna ſunt rerum ſpiri-  
tualium & cœleſtium, quæ non humana ratione ſed fide & ſpi-  
ritu cernuntur & cognoscuntur, idcòq; initiati tantùm, in fide  
Chriſti inſtituti & ſpiritu donati hæc agnoscunt. Sed hæc in  
Apologia noſtra pagina 43. & ſequenti rationibus, & veterum  
teſtimonijs probauimus, quæ vbi confutari Andræas, plura  
illi proferemus. Nam quod ait Chriſti verbis Accipite, edite,  
hoc eſt corpus meum, clarè doceri, corporis Chriſti ſubſtan-  
tiam verè & realiter ore manducari, & hanc fuiſſe fidem & do-  
ctrinam omnium piorum doctòrum tam veterum quàm recen-  
tium : hoc inquam tam falſum eſt, quàm quod falſiſſimum, &  
noſtri libris pluribus in lucem editis, & hanc interpretatio-  
nem verborum Chriſti, à verbis & ab ipſa ſententia ſeruatoris  
diſſidentem confutarunt, & quæ fuerit ſententia veteris ec-  
cleſiæ copioſè expoſuerunt. Horum vel ſumma capita repe-  
te longum foret & inutile, quoniam hæc legere & cognoscere  
Aduerſarij prohibent : quibus autem hoc facere licet, & veri-  
tatis indagandæ ſtudio tenentur, legant quæ Oecolampadius  
& Martyr de Patrum teſtimonijs ſcripſerunt : & præter hos in-  
numerari ferè libri poſtunt in quibus hæc diſcutiuntur.

Ait nos nihil noui proferre, ſed ea quæ dudum ſint confu- *Nihil noui*  
tata: ſed quam bene noſtra cõfutarint Lutherus, Brentius, An- *proferimus.*  
dreas & alij, iudicet eccleſia: rectè tamen dicit nos nihil noui  
proferre, ab initio hucusque retinuimus & in poſterum Deo  
volente retinebimus eandem doctrinæ formam ſummo con-  
ſenſu, ſermo quoque noſter non eſt, eſt & non, ſed conſtans &  
verus : ſed noſtri Aduerſarij noua dogmata & veteri eccleſiæ  
inaudita proponunt, & ſubinde mutant genus doctrinæ, &  
non tantùm cum alijs aut inter ſe, ſed vnus quiſque ſecum ipſe  
pugnat, quod exemplis allatis de Luthero, Brentio, Apologiæ  
noſtræ pagina ſecunda, tertia, & plurimis locis de Iacobo An-  
drea oſtendimus. Sibi ergo habeat hanc laudem quòd ſubinde  
nouum aliquid pariat, veluti ſuperiori libro nouum dogma pepe-  
rit, Cœlum nondum eſſe creatum, & tamen Chriſtum in cœlos  
aſcendiſſe, & in cœlis eſſe : ac miror eum hunc ſuū partum non  
deſendiſſe hoc libro contra noſtrorum tela in ipſum coniecta.



## CONFUTATIO RESPONS.

*Nostra non sunt confuta.* Sed si nostra omnia argumēta tam infirma sunt & dudum prolata, in Lutheri Confessione maiore, & libro de verbis cœnæ, & Andreana defensione testamenti Brentiani, cum libri in omnium manibus versentur, cur tam seuerè vetant & diligenter cauent ne nostri libri, ac saltem Apologia nostra legatur, quò vtriusque partis rationibus auditis & examinatis pij lectores de tota causa pronuntiare possint?

Vellicat deinceps viros doctos & bonos, quibus ipse nullo modo comparandus est, impunè enim se existimat his insultare posse, quibus non licet suam causam agere & se tueri: neque facile alteri licebit eos tueri, ne dum illos defendimus, Principes viri se oppugnari credant. Obijcit illis horrendam & summam vt videri vult blasphemiam, quòd Christus secundum humanum spiritum, non habeat plenam notitiam Dei, & omnium operum eius, vt sciat omnia quæ ab æterno fuerunt aut futura sunt. Verùm cum Iacobus Andreæ mala fide aliorum dicta citet, fieri potest, vt hic quoque verba ipsorum pro suo arbitrio detorserit, atque cum ipsi fortè distinxerint, notitiam quam habet secundum humanam naturam ab æterna & infinita scientia Dei, & alteram huic non exæquandam dixerint, ipse verò scribat eos Christo secundum humanam naturam plenam notitiam Dei & operum eius adimere: Quare cum non addat à quibus & vbi hæc scribantur, nō est quod ad hæc respondeam: hoc tantum dico, rationem ab ipso subiectam non esse firmam, hominem Christum Deum esse, & propterea scientiam humani spiritus parem esse scientiæ diuinitatis. Est enim homo Christus Deus, sed non ex natura humani spiritus: si autem ex natura humani spiritus Deum dicit, non autem ex natura verbi sustentantis hominem, tum humana natura statuitur mutata in diuinitatem ex Eutychetis sententia, ad quam sæpe inclinat noster Doctor, id quod manifestis argumentis in Apologia docuimus.

*De Eusebij Cleberi causa.*

Postrema parte libri D. Andreas, D. Eusebio Clebero respondit, quem ob Vbiquitatē Memminga eijsi curauit: virum, vt hi qui eum norunt, sanctè testantur, doctum & pium: ea vero quæ illi obijcit pleraq; ipsius Cleberi personam attinent, qui & antea publico scripto se defendit, & hanc accusationem peculiari

culiari libello refutauit, quare hæc tantum obiter attingam. Primum eum mendacij accusat, quod Memmingenses post acta Concordiæ, nostræ sententiæ fuisse arguat: eos enim ait anno 1536. reuocasse suam confessionem Cæsari oblatam, & priorem doctrinam mutasse. Sed in eo seipsum mendacij arguit Andreas, nam Concordia non ita est instituta vt priorem doctrinam recantarent, & suam confessionem damnarint vrbes illæ quatuor quæ communi consensu eam ediderunt: id quod acta Concordiæ testantur. Et quod Augustanæ confessioni subscripserunt, non est argumentum defectionis à nostra doctrina: articulus enim X. Augustanæ confessionis ita verbis conceptus est, vt nos eum sano sensu recipere possimus, atque ita V. Cl. Ioannes à Lasco Augustanæ confessioni subscripsit, quem tamen perpetuò nobiscū consensisse negari non potest. Præterea Geruafius Scholasticus, pastor primarius Memmingensis ecclesiæ, librum proximo anno post initam Concordiam edidit, in quo nobiscum consentit, idq; verbis eius citatis Cleberus in sua Defensione edita ostendit. Idem cum post bellū Germanicū & promulgatū Interim, coactus Memminga discedere ad nos Tigurū profugisset, & nostram confessionem probauit, & ab ea se nunquam discessisse testatus est. Prouocat etiam Cleberus ad se-  
num testimonia, qui optimè testari possint, an post Concordiæ acta, doctrinæ genus mutatum sit: cui non video cur minus fidei haberi debeat quàm Andreæ, toties conuicti falsi.

De sua confessione, quam ipsi Andreas obijcit, Cleberus ita respondet, se neque Zuinglianam doctrinam vsquam illic dam-  
nasse, neque mentionem aliquam fecisse oralis manducationis  
impiorum, quam ipse vult notam esse dignoscendi Zuinglianis-  
mi, neq; vsum esse verbo substantialiter: iniuriam igitur sibi fie-  
ri ab Andrea, qui asserat se olim aliter quàm nunc sensisse. Et cer-  
tè quod me attinet, non mirarer si nostram sententiam quam  
probabat, non apertè ab initio profiteri ausus fuisset, tantū enim  
odium nobis aduersarij ubiq; concitant, & tanta crudelitate no-  
stros prosequuntur, vt multi viri boni nō ausint palam profite-  
ri quid sentiant, qui taciti secū hanc ecclesiæ conditionem atq;  
calamitatem deplorant. Atq; ita bonus vir vt ecclesiæ inferuire  
posset & pacem in ea conseruare, alteri quoq; confessioni colle-

## CONFUTATIO RESPONS.

⁂ ge sui cum exceptione subscripsit, hac forma: Hanc confessionē  
 ⁂ vt vera & orthodoxa est ita eam recipio, eidemq; libenter & ex  
 ⁂ animo subscribo, ita tamen vt legendo discam, & discendo in  
 ⁂ spiritu proficiam, Quæ autem vis sit huius exceptionis Smide-  
 linus nouit, qui ipsum suis articulis hac forma subscribere no-  
 luit, Quibus autem verbis subscriptionem suam exposuerit, &  
 quæ in conuentu fratrum dixerit Cleberus, hic commemo-  
 rare longum esset.

Quod postea obiecit de communione humanæ naturæ in  
 in Christo cum diuinitatis suæ omnipotentia, ad id satis per-  
 spicuè Cleberus in sua Apologia respondit: & dudum Heidel-  
 bergenses Theologi ex hac latebra Andream extraxerunt, &  
 eius sophisticam detexerunt, & in nostra Apologia eadem am-  
 biguitas explicatur, pag 74. & 75.

Postremò ne quid intactum relinquat, Clebero obiecit li-  
 brum eius à viris doctis eiusdē sententiæ emendatum & corre-  
 ctum esse, neq; tamē quicquam habere ad quod non dudum re-  
 sponsum sit. Sed hoc Cleberus negat, & illi fidem habeo, vidi  
 enim exemplar manuscriptum antequam ederetur, à quo nihil  
 differe publicatum exemplar agnosco: neque tamen in hac  
 re quicquam peccatum fuisset, quod meritò Clebero posset  
 obijci. Sed vult scilicet Andreas in vno Clebero multos hero-  
 as vincere & prostrernere. Imò pro victis habet, quando omnia  
 ante confutata gloriatur: ita enim solet nunc respondere ad ar-  
 gumenta, quibus firmis rationibus satisfacere, aut nouis sophis-  
 matibus eludere non potest. Iudicent autem pij inter nos & ip-  
 sum de his confutationibus: & quoniam hætenus impetrare  
 non potuimus vt publicè in libera aliqua & pia synodo causa  
 hæc disceptetur & iudicetur, rem omnem summo iudici & ca-  
 piti ecclesiæ Domino & seruatori nostro Iesu Christo commit-  
 timus, eumq; rogamus vt inter nos & aduersarios iudicet,  
 ac pulsus Papistarum & Sophistarum tenebris, claram  
 sui agnitionem omnibus ipsum inuocan-  
 tibus donet. Amen.

CARMINA



# CARMINA DOCTO-

RVM VIRORVM IN OBITVM D.

HENRICI BVLLINGERI, ECCLE-

siæ Tigurinæ Pastoris fidelissimi, scripta.

## ELEGIA

### DE MILITIA CHRISTIA-

NORVM, IN HIS TERRIS ADVER-

sus Satanam, carnem & mundum militantium, in obi-

tum C L. V. verè Christiani militis, Domini

Henrici Bullingeri, conscripta à

Rodolpho Gualthero F.

**M**ilitat omnis homo, qui CHRISTI numen adorat,  
Qui CHRISTVM sequitur, militat omnis homo.  
Quam petière duces virtutem in milite forti,

Hanc etiam in seruis vult Deus esse suis.

Militiæ vulgò partes ac iura feruntur,

Tutari patriæ dulcia cæssa sua:

A socijs arcere minas, punire tyrannos,

Hostis & incursum continuisse vagos.

His causis populos mars in fera concitat arma,

Et dulces somnos classica pulsa fugant.

Quid si sint eadem turbæ patienda fideli,

Nec minor hos crebro territet hoste metus?

Falsa quidem multis, nec non ingrata videntur,

In proprio quiuis horret & ista sinu.

Nec tamen immerito iocus est his mascula virtus,

Ocia quæ vitæ mollietiesq; placet:

Felicesq; putant, quibus est in seignibus annis

# CARMINA IN OBITVM

Concessum lato claudere sine dies.  
 At quos sancta mouent diuini oracula verbi,  
 Inscriptiq; optant ciuibus esse Dei:  
 Quos tenet inuicta studium virtutis, amorq;  
 Placandiq; Deum sacra cupido trahit:  
 Hos manet insomnis cura, & per mille labores  
 Difficilis cliuis huc via præbet iter.  
 Hostis adeſt Ecce enim dextrâ leuâq; timendus,  
 Vicinôq; metu terret vtrunq; latus.  
 Hostis, ſeuiriâ quo non immanior alter,  
 Nec magis aſtuta calliditate vaſer.  
 Nam neq; Buſiris nobis contrarius armis,  
 Qui ſauis homines pabula fecit equis.  
 Nec Phalaris, cuius feritas cantata Camænis,  
 Qui falſum lento torruit igne bouem.  
 Scyllaue virgineam canibus ſummīſta figuram,  
 Quæ ſædo Siculas inguine terret aquas.  
 Aut quæ præterea ruitura potentia mundi eſt,  
 Quam vero abſimilis pagina priſca canit.  
 Eſte procul ludiq; leues, & fabula falſa,  
 Securiſ nimium fida miniſtra iociſ.  
 Nobis, circumſtant quos magna pericula rerum,  
 Occupet hac nullum fabula parte locum.  
 In nos aſſurgit SATANAS, qui peruigil hoſtiſ  
 Aſiduè ſancto ſanguine bella gerit.  
 Cui facile eſt vel verba dare, et componere fraudes,  
 Artibus & cæcis exagitare pios.  
 Vel forti pugna ſuperare & viribus altis,  
 Cùm melius robur viſ & aperta placet.  
 Semper enim vt noceat nobis in vtrunq; paratus,  
 Plus mille inſtructus fraudibus atq; dolis.  
 Inſuper armatum terrendis viribus inferi  
 Horrendum, æterno quod furit angue, caput.

Addit

*Addit se comitem huic subiecta potentia MVNDI,*  
*Immundis molus tanta referta malis.*  
*Nec tantum hinc iris mortalia corpora spumant,*  
*In cinerem & fumos rursus abitura breui.*  
*Agmina que in terris errantia multa ferarum,*  
*Quæ natura homini tota inimica creat.*  
*Sed quocunque oculos vertas, contraria cernis,*  
*Immanesque hostes angulus omnis habet.*  
*Hec quoque, queis sensus possunt gaudere videri,*  
*Nil nisi mortem animis perniciemque struunt.*  
*Et tanquam tranquilla forent reliqua omnia nobis,*  
*Tristia ceu nusquam cetera bella forent,*  
*Proh dolor, insidum nutrimus pectore ciuem,*  
*Interius nobis quo nihil esse potest.*  
*Namq; CARO, insomnes pro qua tot ducimus horas,*  
*Vt vigeat varijs accumulata bonis:*  
*Insidias nobis struit undique, & omnia tentat,*  
*Vt captos misera sub dirione premar.*  
*Et pro qua toties caput obiectare periclis*  
*Nos inuat, atque animo tristia cuncta pati,*  
*Cum Satana & Mundo nostris, heu, fœdera pangit*  
*Hostibus, & domino perfida facta suo est.*  
*Cumque illam exigui scintilla pudoris aperta,*  
*Propriaque utilitas, bella mouere vetet,*  
*Hoc agit, ut viuos faci sortisque futura*  
*Ignaros, longa calliditate necet:*  
*Blanditijque hosti sopitos tradat, herumque*  
*Æternum perdat prodizione sua.*  
*Hinc nobis tantò grauiora pericla parantur,*  
*Quantò vis minor est inferiorque dolo.*  
*Quippe vbi nec causas, nec apertos cernimus ictus,*  
*Atque vbi, quâ veniant tot mala, cæca via est:*  
*Cæca etiam ratio est, cæca est quoque cura medendi,*



# CARMĪNA IN OBITVM

*Incertum est & opem quæ bonæ parte feras.  
 Cui non aperiunt gelidas præ tempora sulcor?  
 Attonito cui non ossa timore tremant?  
 Cum subeunt hostisque, & inevitabile bellum,  
 Et variæ fraudes, exitijque metus?  
 Ergone securæ celebrabimus ocia pacis,  
 Stertemus victi membra sopore graui?  
 Obiectum miserè flemus capiti esse tumultum,  
 Cum Maiors dubias miscet ubique manus.  
 Nunc maris in tantum ventis iactamur, & hostem  
 Spernimus, inque iocis delituisse iuuat?  
 Proque armis gerimus saturatas murice vestes?  
 Pro clypeo imbelli tangitur arte lyra?  
 Fæmineoque (nefas) frontem redimimus honore  
 Segnes, delicijs mollis Adoni tuis?  
 Hæc pax, crede mihi, bello est crudelior omni,  
 Apparet quanvis sanguinolenta minis.  
 Qui cum delicijs pacem, qui fœdera pangit,  
 Hic violat sancti fœdera sacra Dei.  
 Nanque ideò sacro Baptismi in fonte lauaris,  
 Ut tibi cum vitijs lucta perennis eat.  
 Ille igitur felix, fortunatusque laborum,  
 Qui sequitur CHRISTI bellica signa ducis.  
 Quem neque tardat iners metus, haudq; ignavia terret  
 Præmia militiæ puluerulenta sequi.  
 Dum vernat sanguis, dum strenua sustinet ætas,  
 Assuescit miles tristitia quæque pati.  
 Post ubi depositis annosus secubat armis,  
 Et vetus in templo bellica parma vacat,  
 Fessus in acceptos ad pacem ducitur agros,  
 Tutæque deposito poscitur ense rudis.  
 Hæc quò quisque magis premitur tardante senectæ,  
 Indigæque auxilij frigida membra labant,*

*Hoc*

Hoc magis his aptus bellis & idoneus armis,  
 Quæ nos, teste Deo, fata subire volunt.  
 Ac veluti intentus neruo levis arcus equino  
 Vincula semper habens irresoluta manet:  
 Vsq̃ue laborandum sic, dum tibi lumine casso  
 Emeritus claro luceat igne rogas.  
 Sin, hæc vitalis dum carpitur aura, quietem  
 Speras, nã sterili vomere littus aras.  
 SED nouisse modum bene quo patiare labores,  
 Proposita ex magna prælia parte leuat.  
 Non opus est armis ferroque, vbi spiritus hostis,  
 Quid miser incassum bellica tela paras?  
 Non iaculis, non ense potes, celerius sagitta,  
 Nec lucta vinci vulneribusque Satan.  
 Scilicet, horrendos qui primus protulit enses,  
 Vulneribus crebris discat habere metum?  
 Quique igni aeterno, & diris serpentibus ardet,  
 Ferrata accipiat vulnera cruda fude?  
 Corpus inane petis, Sygiam malè percutis umbram,  
 Pregnantem heu quantis in pia membra malis?  
 Urbibus obsessis porta munimina præbent,  
 In tuaque lucant fossa vel agger humo.  
 At hunc nec muri prohibent, nec mœnia fossis  
 Clausa, nec horrore ferrea turris erit.  
 Omnia communi, atque armata cinge corona,  
 Et centum duris postibus adde seras:  
 Intra limen erunt lethali tincta veneno  
 Tela hostis, cuius excipienda pio.  
 At tibi & arma dabit Tarsensis cura magistri,  
 Et certa in bellis vndique cinget ope.  
 Ne tu turmarum expectes fortissima signa,  
 Aut peditum iniunctas ad fera bella manus.  
 Quis armata acies geminos lunetur in arcus,

CARMINA IN OBITVM

Hastarumque procul fulgeat alba seges.  
 Te duce, ad hunc belli venies, te milite, finem:  
 Ipse eques, ipse pedes, signifer ipse tibi es.  
 Nec teneros duplex vrat lorica lacertos,  
 Aut grauis imbelles atterat hasta manus.  
 Tegmina iustitiæ, Lernaïs nescia vinci  
 Viribus, in pugnâ induet, tutus eris.  
 Ista tibi proprio quæsiuit sanguine CHRISTVS,  
 Qui tibi, Mors, moriens mors truculenta fuit.  
 Castide liber eris ferro radiante, vel auro,  
 Cristarumq; caput pondera nulla prement,  
 Vestricem æternæ galeam sed sume salutis,  
 Quam CHRISTI nobis hostia sancta dedit.  
 Hæc caput armatus Satana contemne furores,  
 Cuius ab hac validè vis pudefacta cadet.  
 Sin his munito tamen instat, & vsq; repugnat,  
 Cingatur nudum fortiter ense latus.  
 Non, quem desessus rigidis incudibus olim  
 Immiti sæuus duxerit arte faber,  
 Sed quem diuini præbent oracula verbi,  
 Viribus, ô demon, certa ruina tuis.  
 Picta alijs claro splendet parma Pyropo,  
 Et præbent cæsi balthæa lenta boues.  
 At te mendaci lingua haud superabile Verum  
 Protegat, & scutum sit tibi sancta Fides.  
 Hæc sola inuictum ad quæcunque pericula reddet,  
 Excipiet Satanaë spicula sola fides.  
 Hæc vel ad ignita secura est cuspидis ictus,  
 Hæc sola demon ægide victus erit.  
 Hæc si quando animum furtim deprendat inermem,  
 Inuitum ducet sub sua iura caput.  
 Ille quidem tempus legit astu, & resia tendit,

Quæis



Queis hominis facilis mens sit & apta capi.  
 Mens erit apta capi, tunc cum latissima rerum  
 Luxuriant pingui pectora nostra solo.  
 Tunc quoque, cum tristi grauiter contracta dolore  
 In luctu & tenebris aspera fata trahunt.  
 Tu neque felici successu attollito cristas,  
 Nec rerum aduerso deiiciare statu.  
 Inter vtrumque manens vestigia tuta locabis,  
 Hoc facile eludes tela inimica modo.  
 Tunc quoq, cum nihil est quod te delectet & angat,  
 Peruigili constans in statione mane.  
 Sæpe latent fraudes ubi nec caua fossa, nec agger,  
 Nec sint saxa licet fallere plana solent.  
 Omnia tuta time, queis te crebro impetat hostis,  
 Non sinet ignauo tela sopore premi.  
 In Polypi morem rebus se concolor addit,  
 Et sæpe incautis hac vaser arte nocet.  
 Tu parma armatus fidei, sub fraude latentem  
 Insequere, & voti postmodo compos eris.  
 Ille quidem, vt Proteus modò se tenuabat in vndas,  
 Nunc leo, nunc truncus, nunc erat hirtus aper:  
 Sic te fallendi confinget mille figuras,  
 Queis sese ex manicis explicuisse queat.  
 Et fidei ceteris supire afflatibus ignes  
 Tentabit fumis squallidus, atque dolis.  
 Omnia contemnas, qui pro te tristia passus,  
 Hanc, Deus, vt viuat ventilat ipse facem.  
 Hic nos aduersus quæcunque pericula seruat,  
 Ne possint nostros anticipare dies.  
 Hoc duce quidquid ager demon, quæcunque parabit  
 Vt cadat in casses præda petita suos:  
 Ceu, vacui tantum quæ sunt simulachra timoris,  
 Signa caua, & pictos experiri metus:

## CĂRMÎNĂ ÎN OBÎTVM

Quæq; ita turbabant mentem cruciatibus ægris  
 Aeria nubes diripienda ferent.  
 Ipse triumphali deuinctus tempora lauro  
 Dæmonis inuictæ sub pede colla premes.  
 Omnia ridebunt tibi sydera, & ipsa fauorem  
 Spondebunt rebus fata benigna tuis.  
 Sin tua segnities his te spoliauerit armis,  
 Heu tibi curarum millia quanta dabit?  
 Ad proprij motam trepidabis corporis vmbra,  
 Crudeli & viues præda relicta lupo.  
 Qui te correptum flammæ torrebit abeno,  
 Hic ubi sulphureo tartara fonte patent.  
 SED non vlla hostis melius solertia vires  
 Debilitat, nunquam tam citò terga dabit,  
 Quàm si, quæ scelerum crudelia pabula præbet,  
 Imponas carni delicijsq; modum.  
 Hæc hæc mortiferis implet tibi pocula succis,  
 Immemorem & vita te facit esse pie.  
 Hæc te securum furtim deprendere tentat,  
 Ut pendens liquida ripa subicitur aqua.  
 Quòd si centum oculos stellat aq; pectora gestes,  
 Argus vti custos, Inachi vacca, tuus,  
 Haud tamen hanc satis obserues, quin vsq; repugnet,  
 Et tentet cæcis te superare dolis.  
 Non te vel rasis vertex, pinguisq; cucullus  
 Imperio carnis liberet, atque beet.  
 Candida non vestis, non ianua clausa palati,  
 In proprio hanc tecum fers miser vsque sinu.  
 Quocunque exieris, quacunque quieueris vmbra,  
 Assiduè est cæptæ duxq; comesq; via.  
 Hanc si diuinis possis frænare rebellem  
 Legibus, in liquida nat tibi linter aqua.  
 Hoc facile assequeris si sancti oracula verbi

Extiterint

Exriterint pedibus semina sola tuis.  
 Hostia custodes illi, hæc bene limina pones,  
 Quæ supra nunquam pes inimicus eat.  
 Nec metuas ne sint rapidis ludibria ventis,  
 Ceu quæ sunt folijs scripta, Sibylla, tuis.  
 Hæc certe sortes, hæc sunt mysteria cæli,  
 Vincere quæ nunquam visq; dolusque queat.  
 Hoc duce præclaro carnis potiùre triumpho,  
 Quæ tradet victas sub tua iura manus.  
 Non tamen antè tuam quàm verset callida vitam,  
 Inijciatque animo tristitia multa tuo.  
 Peccati varia tentaberis illice primùm,  
 Hæc est venturi certa fauilla mali.  
 Opprime dum noua sunt subiti mala semina morbi,  
 Vel minimùm flecti te patiære, cades.  
 Si parua exigua dederis vestigia culpæ,  
 Quàm citò de paruo magnus aceruus erit?  
 Si fors peccatum quadam dulcedine inescat,  
 Inferna at reuocent vincula sæua rota.  
 Qui peccare volunt foribus veloue serauæ  
 Contenti non sunt, lumina cæca timent.  
 Oblinitur minima si qua est suspectio rimæ,  
 Et puncta exigua quæ cerebrantur acu.  
 Tu quocunque abeas, haud vnquam impunè latebis  
 Qui proprio cernit lumine cuncta, Deum.  
 Denique syncerum gestare in pectore testem  
 Vitæ inculpatæ sit pia cura tibi.  
 Hoc corda armato mundi bona cuncta caduci,  
 Et regum fragiles despiciantur opes.  
 Hic tibi sit potior vel flumine diuitis auri,  
 Hic tibi sit proprio sanguine pluri amor.  
 Ardua quis præcepta vocat, nos esse fatemur  
 Dura, sed ut valeas aspera multa foras.



# CARMINA IN OBITVM

*Vt corpus valeat ferrum patietur & ignes  
 Ager, & optatis abstinet ora cibis.  
 Vt valeas animo quidquam perferre recusas?  
 Dignaq; non aliquo est ista labore quies?  
 Leniet hunc pariter seum medicando dolorem,  
 Si spes de certo munere fixa tibi est:  
 Munere quo nihil est toto praestantius orbe,  
 Quodq; tibi nunquam finiat vlla dies.  
 Induit aduersis contraria pectora telis  
 Miles, ut aeternum sanguine nomen emat:  
 Nos, quibus aeterni spondentur tempora honoris,  
 Atque immortalis vita salusq; datur,  
 Quod carni haud gratum est infida ferre negamus,  
 Vetrici & nobis imperat illa manu?  
 Quae tamen inde venit merces? crudelis Erinny,  
 Vtricos curae, perpetuusq; tremor.  
 I nunc obsequitor carni, gratare malignae,  
 Delicijs careant tempora nulla tuis.  
 At postquam aeterna infelix torquere flamma,  
 Heu nimium serò hac irrita facta petes.  
 H I S equidem cuncti possent fortasse moueri,  
 Vt Domini sanctè sub iuga colla darent.  
 At mundi assidue scelerata potentia restat,  
 Cui triplices adsunt ad scelus omne manus.  
 His neruum incendit, quò nos educat inermes,  
 Nequitiaeq; suae non sinat esse rudes.  
 Occidit ille pijs, ut vicia impune relictæ  
 Austera, potius dulcia castra legant.  
 At quos spe fallax longum decepit inani,  
 Inferni tandem mergit in antra lupi.  
 Sirenes veluti blandæ, quæ voce canoni  
 Quaslibet admissas decinuere rates:  
 Post miserè illectos dulci modulamine nautas*

*Fluctibus*

Fluctibus immergunt, exitioq; necant.  
 Voce pius CHRISTI patulus verum oblinet aures,  
 Atq; huius vinclis porrigit ipse manus.  
 Quis vinctus nunquam peccati in retia tendit,  
 Nec seruum vitijs pectus habere potest:  
 Illecebrasq; fugit, tanquam si pocula Gorgon  
 Porrigat, & dulci toxica mista mero.  
 Surdo igitur cantat mundus, nullaq; moueri  
 Nec prece, nec precio quit, rigidus ne minis.  
 Diuitie tentant, multaq; pecunia curâ  
 Strangulat, & miseros vsq; timere iubet.  
 Qualiter in Scythica religati rupe Promethei  
 Nuda in perpetuum pectora rodit avis.  
 At pius has flocci facit, & ceu sentibus erret  
 Ne notet obscæno vulnere crura, cauet.  
 Pauperies multis peccati fomes & author,  
 Ieiunusq; parum vir rationis habet.  
 At neq; paupertas rerum, nec turpis egestas  
 Officij immemores efficit esse pijs.  
 Quosdam contemptus, spretaq; iniuria fama,  
 Atq; carens titulis pagina mergit humo.  
 Hinc reddit promptos, vt nulla ad facta tremiscant  
 Turpia, nam sancto corda pudore carent.  
 Nonnullos tumidos immensa potentia reddit,  
 Audacesq; facit conspiciendus honor.  
 Vt quodcunq; animus suadet, quodcunq; libido,  
 Immunes veluti legibus, omne patrent.  
 At pia mundani haud tangunt præcordia motus,  
 Auspicijs vincunt omnia, CHRISTE, tuis.  
 Cur hos ambitio demens perfusaq; furo  
 Gloria in exitium præcipitare queat?  
 Cur pudeat mundi vel dira piacula dici,  
 Vel sterilis causam perniciemq; soli?

CARMINA IN OBITVM

Quis caput est CHRISTVS, qui cum virtute potenti  
 Immenſo quidquid ſpirat in orbe regat:  
 Attamen in terris pro nobis factus genus,  
 Tristem ignominiam pauperiemq; tulit.  
 Quiq; ſuos donis & diuice copia adauget,  
 Quo caput inclinet non habet ille locum.  
 Ac non vlla magis res æquo à tramite recti  
 Auocat humanos lubricitate pedes:  
 Barbara quàm feritas qua mundus ſanguine ſpumans  
 Inceſtat crebro funere teſta pij.  
 Non aries murum cornu tam frangit abeno,  
 Cùm longa inductum vinea munit opus:  
 Quàm frangit vires hæc res in milite, cuius  
 Mens facile ancipiti viſta tremore labat.  
 Aſt qui peſtus habent firmum, atq; adamantina corda,  
 Nulliq; quos Dominus fata timere docet:  
 Cur metuant mundiꝝ minas moriſq; furores,  
 Cuius viſ CHRISTI morte ſepulta iacet?  
 Hinc potius fidei clypeus noua robora ſumat,  
 Hac tu ſpem ſubigas cote, noueſq; tuam.  
 His vult interdum medijs viſ noſtra probari,  
 Excitat ignauos hac ratione Deus.  
 Et velut abſumptis paulatim viribus ignis  
 Cùm latet, ac ſummo candet in igne cinis,  
 Admoto extinctus ſi tangas ſulphure flammas  
 Inuonis, & lumen quod fuit antè redit:  
 Sic vbi torpenti ſimilis malè languit, iſtis  
 Acribus eſt ſtimulis elicienda fides.  
 DENiq; in his mundi, Carnis, Satanaq; procellis  
 Impavidus fortem qui reget vſque ratem:  
 Fælix bellator, fælix pius: en tibi charo  
 Seſe offert virtus excipienda ſinu.  
 Fælix bellator, qui terræ hac mole ſolutus



Cum CHRISTO cæli testæ beata coles.  
 Talis erat, quemcunq; sacri cælestia verbi  
 Dogmata laude canunt emicuisse sua.  
 Talis eras, quo non quisquam præstantior alter,  
 BVLGERE Heluetici gloria magna soli.  
 Cui varijs fesso curis sanctoq; labore  
 Militiæ tribuit præmia clara Deus.  
 Eſt tibi sacra quies etenim, noua patria parata,  
 In qua ter felix vita parata tibi eſt.  
 Te cæli pietas rapuit sibi, nam tua cælum  
 Reſpexit pietas, & tua facta Deum.  
 His ergo exutus curis, rebuſq; moleſtis,  
 Eternis felix vsq; fruare bonis.  
 At tibi dum nunquam morituri fructus honoris  
 Carpitur, heu fiunt omnia acerba tuis:  
 Quos miserè in terris tanto in certamine linquis,  
 Auxilio & priuas subsidioq; pio.  
 Te gemit absentem lachrymis Ecclesia mæſtis,  
 Tutela gratum munus opusq; tuæ.  
 Nam te defensa eſt non tantum milite, verum  
 Aduersum hæc fidus prælia ductor eras.  
 Illa tuis humeris veluti trabe nixa vigeat:  
 Heu sacro CHRISTI quanta columna gregi?  
 Ve nobis æterna foret, nã funeris expers  
 Debit humanis altior eſſe malis.  
 At quid ego exigua coner te dicere charta,  
 Cum mea sint meritis ora minora tuis?  
 Tu ſcripſiſ præſtas doctis, ne priſca vetuſtas  
 Doctrina fama ſecula noſtra premat.  
 Deniq; talis eras, cuius virtute videri  
 In terris virtus ſe preſcioſa probat.  
 Nunc eadem pugnis grauiter ſua pectora ründit,  
 Ceu tecum pariter contumuletur humo.

CARMINA IN OBITVM

*Sed bene consuluit CHRISTVS, super ardua viuit  
Spiritus astra tuus, membra sepulta iacent.  
Fama sed immensum volitat praeclara per orbem,  
Et nulla virtus interitura die.  
Et cum rupta situ monumenti saxa iacebunt,  
Amplaq; cum tumuli pondera pulvis erunt:  
Te tamen ora legent, & erit quàm plurimus hospes  
Ad patrias sedes qui tua scripta ferat.*

קִינָה בַּמּוֹת אִישׁ חֶבֶס בַּעֲלָה

לְצוֹלָה הַיָּגוּר בּוֹלִיגָר לְשֵׁם וּלְתַחֲלָה  
קִינָן תַּלְמִידוֹ הַצַּעִיר הַמְּכֻבָּד  
יִוְהָנָן יַעֲקֹב פְּרִיסִיוֹס  
וְהוּא שִׁיר מְרַבֵּב  
מִיָּד וְהַצֹּעֵת.

הֲלֹא מִסְפָּר לְבּוֹלִיגָר בְּכֹל הַבֵּל  
אֲשֶׁר נָרַם בְּקָהֶל יְהוָה רַבֵּר הַבֵּל  
וְהוּא רָאָה עֵרָה אֲמִית אֱלֹהֵינוּ  
וְחִיָּה תֵב וְנָקִי הוּא כְּתוּבָנוּ  
צַעֲתָן טוֹבָה בְּשִׁיבָה מֵת : וְאַהֲרִיז  
יְהוָה טוֹב כְּהַחֲמִידָה לְעַם יִהְיֶה  
וְתַחֲלָנוּ בְּיַד הָאִישׁ בְּלִבִּיר  
וּמְלִיץ כּוֹל וְלֹא יָדוּס דְּבָרֶיךָ  
לְעוֹלָם חֵי וְעֲמָנוּ בְּכֹר עֲלִינוּ  
תְּשׁוּעָה עִם מֵאֹר יִרְבֵּה כְּחַשְׁבוֹן.

ΕΠΙΤΑΦΙΟΝ

## ΕΠΙΤΑΦΙΟΝ ΕΡΡΙΚΟΥ ΒΟΥΛΑΙΝΓΗΡΟΥ

ἡβ' Θεολόγων τῶ πάνυ.

Οπώτῃ Βελγῆρῳ θάνατ' ὀφάτ' ἀμφεκέλυψεν  
 Ηελίε, γλυκερὸν κῶμ' ἐπιπεμψάμεντ'.  
 Φροῖσι τιχομένη παῖς φιλέεσθαι, παρειλὼ  
 Εσκέπασ' ἀπαύτως δακρύσι πεγρομένη.  
 Αἶ, αἶ, πῶ γε ξαπύμαι; ἐπεὶ θάνει, ὧ ὅτῃ πᾶσαι  
 Ἦσαν ἐμῆς ψυχῆς ἐλπίδες ἐκρεμείς.  
 Εκτρέφοντο γὰρ θάψαι ἐπισταλνίως ἀγορήσι  
 Λαμπρότατον χρεῖς φέρους ἀναχόμενον.  
 Ησυχίης ἔτος ἔμν' ἐτύξατο, ἡμετέρης δὲ  
 Φροῖνιδ' ὅτ' ἔτε λόγ' ὅ γίγνεται, ἔτ' αἰεθμός.  
 Μῶμ' ἀπενύζα, σοβαρῶ τέ ἰσχυρὴς ἀναιδῶς  
 Οφρυν, αἰεὶ ἀγίοις ἦθεσι μεμρόμεντ'.  
 Ἀλλ' ἐμπης τέτε τὸ βαθύκλιες ἔνομα λήθη  
 Οὔποτε μετ' αἰῶν ἀρπάσσεται σελίδων.

Ρόδολφ' ὁ Γαλθῆρ.

## IDEM LATINIS VERSIBVS EXPRES.

sum à Ioanne Pontifella F.

Nuper ubi in longam BVLGERO lumina noctem  
 Mors regeret, dulci membra sopore rigans,  
 Turbida mœrentem velavit patria vultum,  
 Inq̃ pias lachrymas tota soluta fuit.  
 Heu quò vertar? ait: Cecidit fixa hætenus omnis  
 In quo nostra vno spesq̃ salusq̃ fuit.  
 Nam busto inferimus, quo non infractiùs alter  
 Hoc seculo Christi signa corusca tulit.  
 Ille quidem placida compositus pace quiescit,  
 At patet in curas area lata meas.



CARMINA IN OBITU M

*Mome quid oggannis? Ponas cum fronte pudorem,  
Nec careat probris hora lociue tuis:  
Huius nulla tamen laudatum obliuio nomen  
Deceret, & qui sit, charta loquetur anis.*

ΕΝΡΙΧΟΥ ΒΟΥΛΛΙΝΓΗΡΟΥ

τῷ πάνυ ὀπιφανέῳ Θεολόγῳ

ΤΑΦΟΣ.

Ιακώβου Ουλδρίχου Τίγερινου.

Χαῖρε τὸ πληθὺς ὁδοιπόρεον: τί γὰρ ἀμφιχαλύπτεις  
Τὴν κεφαλὴν; θάρσει, καὶ φρεσὶ ταῦτα βάλε.  
ΕΝΡΙΧΟΥ ΒΟΥΛΛΙΝΓΗΡΟΥ ταῦτ' εἰσὶ μέγιστα  
Ὁσοδὲ χαῖρα, καλὰ σώματ' ἔδευ' ὁδῷ.  
Χώρῃ μὲν κοινῇ, β. & ἄσπ. & ἔτι θ' ἐπιζαίνει  
Βυκτὸς, πρύμνα καθὼς ἄλγεα πολλὰ φέρων.  
Σῶμα λίθῳ κεῖται, πύξας εὐρηκεν ἑταίρους,  
Μάρτυρα, Πέλλικανοι, Βίβλιον ἀνδρα γέρον.  
Ανθρώποισιν, ἔφη, ἀνθ' ὧν κειμήλι' ἀναιρεῖς,  
Εὖσημον σοφίης, ἐμὸν αὖ τῆς ἀρετῆς;  
Εμπνῶ & ἔξ' ἐπὶ πότῳ, λείψω βελοῦματα βίβλοις  
Τῆς ἐνεργείας, πάντ' ἔπισημείω.  
Ψύχῃ δ' ἀθανάτῳ, παμφαίνων ἔρει δὲ αὐτήν  
Εὖ μὲν ἔχει, χρίσδ' ἄνδρα, νεῦμα δεῖτε βλέπει.  
Ὡς μάκαρ ἐν ωράσων, ἀπαύσει πνεῦμα, νόος ζῇ  
Ἡσυχίῃ πολλῇ, πολλὰ διδασκόμην &  
Νῦν θεὸς ἄλλον ἔδωκε πόλιν ἵτε παντὶ τε δήμῳ,  
Εὐχρηστον, σοφὸν ἄνδρ', ὡς πάνυ χρυσόλορον.

ΣΑΔΡΑΧΟΥ

Ο ΧΡΙΣΤΟΣ ΚΑΙ Η ΕΚΚΛΗΣΙΑ  
διδέχονται ἀλλήλους.

Τί κλαίεις ὦ ἐμὴ νύμφη Εκκλησία ἀγνή;  
Δεσπότα Ἐρρίκον κλαίω ὀδυρμένη,  
Τὸν Βελλιγγήρον, τὸν μοι κοσμήζ' ἔδωκας.  
Ὅς μοι κηδεμόνων φίλτατος ἔπεν ἐμῶν.  
Ζωὸς γὰρ μ' ἐδίδαξε τὸν νόον, ἡ δέ μ' ἐκόσμει,  
Νυμφίῳ ὡς εἶλω σοι χαρίεσσα ἑμαί.  
Ἡ δ' ἀπ' ἐμοὶ κακοδαίμον' ἀμυέτ' ἀλάστορ' ἀσελγῆ,  
Εκπύγλως τ' ἄλλους ὥστατο δυσμενέας,  
Θείους παμφαίνων ὡς ἡλέκτωρ ὑπερίων  
Τεύχεσ', αἱ οἱ δῶκε πνεῦμα σὸν οὐρανόθεν.  
Νυνὶ δ' αἰνῶς δίδωκε καὶ φρένα καὶ καρδίαν,  
Ἀνθίου προμάχου μὴ παρεόντος ἔπι.  
Μὴ με βίη ἀέκοισαν αἰκίαση κακοδαίμων,  
Μηδὲ με αἰσχυρῇ μαχλοσυνῇ συζέῃ.  
Νύμφη, μή τοι ταῦτα μετὰ φορεσὶ σῇσι μελόντων.  
Ἐρρίκον μὲν ἐγὼ ἐς δόμ' ἐδέξω ἐμὸν.  
Ὅς δυο πενήτην τὰ τ' ἐπιμέλει πόλλ' ἐμόρησεν  
Εἵνεκ' ἐμῆς τιμῆς, εὐτυχίης τε τεῆς.  
Σεῖο δὲ οὐκ ἐπιλήσμαι ὦ χίλη, οὔτε σ' ἐάσω  
Δαίμονι χάσμα γαῖαν οὐ λυμένῳ καὶ ἔλωρ.  
Ἀλλὰ ἐμὴν χάσασον ὑπερίξω, καὶ σε σπῶσω,  
Ἱμερόεντος ἕως ἡμετέροιο γάμου.  
Ὅν παῖς ὑψιμέδοντος, ἐκ οὐρανίων τ' ἐν ὅπω παῖς  
Τεύξομεν, ἀλλήλοισι χάσμασι γηθόσυνοι.

CARMINA IN OBITVM  
IOANNIS IACOBI HAL-  
leri F. Επικήδιον.

Αἰλινὸν, Ἀμνὲ Θεῷ, διατὶ παρὰ καιρὸν ἐπῆγες  
Κῦμα Θεογνώσοις, κτώμενος ἄνδρα, τέον,  
Ὅς σελίδας καματῶν ῥητὰς Θιητοῖ πνέχραψε,  
ΒώτορΘ ὅσε δίκην ῥῆνας ἔφερφε Θεῷ.  
Ἀλλ' ἔμπης; τὴ μορμύρομεν τὸν παῦσιν ἔχοντα  
Ἀλγεσι τιχομένῳ τ' ἀρετῆς ἔχον.  
Νῦν ὁπότεν συνετὸς μετελέμνΘ ὄλβον ἔτυχε,  
Πῶ σωμαχρῶμνΘ πᾶς Θεὸν ἀγνὸν ὁρῶν.  
Κήρυκας ἔνθα πάλα νόμιμον συνεχῆντας ἀθροίζων  
Τοῖς μὲν Ἰσδαίοις, Μωσέα καὶ Σαμβέλ.  
Μήτεκεν ὀφύμοιρον πόνεων κατὰ πῶμα δύελλης,  
Μήτε δυσωπύαν βέλλερα βελομένε.  
Ἀλλάγε τὴ βεάχομν; μά δι' εὖτε μογῶμν ἀπαντες,  
Εἰμὲν ἀνήκασσι φελλίεις εἰμὲν ἐπάν.  
Φεῦ Διός: ὅσγ' ἀγέλης ἀβοάς καταλάμψας ἄνωθεν,  
Παισὶν ἀνισάμνΘ βώτορα ζῆτον ἰοῖς.  
Ἄνδρα φιλογνώσῃν, καθερὸν, φιλόμυσον, ἄοκνον,  
Ρήτορα καὶ σπονδῆς ὀρθοπομῆντα λόγον.  
ΠρῶτΘ ΤθαλεῖκΘ τ' ὅς τ' βριάοντα βέβελα  
ΖιγγλιΘ Ἀντίδικον, φέγγΘ ἀμειβόμενΘ.  
Εἰς ὅς ἀγῆνωρας μετόχοις ὀρμήτας ἀδαμβεῖ  
Μάρτυρ ἀνησώδη, ἡτῆσεν ἄλθΘ ἔχον.  
ΕρρικΘ οἰχόμενον διεδέξατο Ζιγγλιον ἔνθεν  
ΒαλλιγγῆρΘ, ἐὼν ἄστεΘ αὐτὸς ἔφα.  
Γαμβεὺς Τθαλρεῖκ κληρέμνΘ, ὅς μὲν ἀνῆται  
Ιχνεσιν ἐδνωτῇ, ψῆφον ἔχει ξένον.  
Αὐτὰρ ἐπευξόμενοι θαλερὸν βίον, ἥματα καινὰ  
ΝίστορΘ ἡμετέρῳ βώτορι πρόσθεν, ἄνω.

REVEREN-



## REVERENDO VIRO, COM

MVNIQUE OMNIVM CHRISTIANAR. EC-  
CLESIAE. PASTORI, D. HENRICO BVLL-  
LINGERO, THEOLOGO SVMMAM DOCTRI-  
NAE PIETATIS ET MORVM CANDORIS  
LAUDEM, OMNIVM BONORVM IVDICIIS  
ADEPTO, ALTERI IN CHRISTO PA-  
TRI SVO, THEODORVS BEZA VEZE-  
LIVS HIS VERSIBVS PARENTABAT.

*Doctrina si interire, si Pietas mori,  
Occidere si Candor queat:  
Doctrina, Pietas, Candor hoc tumulo iacent,  
Henrice, tecum condita.  
Mori sed absit illa posse dixerim,  
Quæ vivere iubent mortuos.  
Immo interire forsan illa si queant,  
Subireque sepulchri specum,  
Tu, tu illa doctis, tu pijs, tu candidis,  
Et non mori certissimis,  
Tenaci ab ipsa morte chartis asseras,  
Ipso approbante numine.  
Fœdus beatum: mortuum illa te excitant,  
Et tu mori illa non sinis.  
At hunc, amici, cur fleamus mortuum,  
Qui vivat alijs & sibi?*

RODOL. GVALTHERVS PATER.

*Cum Bullingeri PIETAS heic conderet ossa,  
Hoc sit a sunt (dixit) viscera nostra loco.  
Et tota in lachrymas effusa, hæc addidit: Eheu  
Nate vale, ab nulli nate secunde, vale.*

CARMINA IN OBITVM

*Quid loquar? est toti virtus tua cognita mundo,  
 At miseram prohibet dicere plura dolor.  
 Quòd tamen optata sopitus pace quiescis,  
 Et tua mens cœli tecta beata colit,  
 Me recreat mœstam: At tu Christe salutifer, ipse  
 Sume pedum, atq; tuas nunc rege Pastor oves.  
 Pelle lupos stabulis, hircos procul inde salaces  
 Eijce, & vnanimem protege CHRISTE gregem.*

VALENTINVS AMPELANDER  
 Bernensis.

*Urbs Tigurina suos Doctores fortè rēcensens  
 Eximios, claros, præcipuosq; viros,  
 Et propriæ tribuens cunctis encomia laudis  
 De Bullingero talia verba refert:  
 Magna licet multis dederit Deus amplaq; dona,  
 At Bullingero maxima quæque dedit.  
 Sint alij clari scriptis, alijq; docendo,  
 Non est qui melius præstet vtrumq; simul.  
 Vtilibus magnum scriptis ditauit vt orbem,  
 Sic viua docuit dogmata voce Dei.  
 Si spectes quàm quisq; pius, quàm candidus atque  
 Syncerus, nullis ille secundus erit.  
 Si sanctæ quàm pacis amans, patiensq; laboris,  
 Totius vitæ facta beata docent.  
 Cui Verbum Domini scriptis et voce docenti  
 Annis cum binis lustra peracta decem.  
 Tam diuturnus erat labor, & longæua senectus,  
 In qua nil studuit quàm placuisse Deo.  
 Ergo qui tantos in sancta messe labores  
 Pertulit, & fructus protulit ipse bonos:  
 A Domino messis promissæ præmia vitæ*

*Accipit*

Accipit, æternis nunc fruiturq; bonis.  
 Percipit æternæ nunc gaudia cuncta salutis  
 Inter sydereos angelicosq; choros.  
 Hæc eadem sperat, votisq; Ecclesia Christi  
 Assiduus optat, suppliciterq; petit.  
 Cum Christo iungi cupiens, vitamq; beatam  
 Accipere, electos qua beat ille suos.  
 In qua cum sanctis Seruator Christus Iesus  
 Nos sibi coniungens in sua regna locet. Amen.

IOANNES IEZLERVS  
 Schaphusianus.

Mecum, NATE, mane: quò tendis? respice matrem:  
 Viscera discessus sauciat ima: mane.  
 Auffert vna dies natum, fidumq; patronum.  
 Nam mihi natus eras: & pater alter eras.  
 Quicquid, te viuo, mens, quicquid corpus habebat,  
 Non tibi, sed nobis nocte dieq; datum.  
 Cor gemit, scripsere manus, et lingua locuta,  
 Atq; preces dixit pro PIETATE labrum.  
 Norunt Heluetij: nouit Germania: nouit  
 Gallia cum Scotis: Anglia nouit item.  
 Quis reget orbatam? me quis defendet vt antè?  
 Nescio: permittat forsitan esca lupis.  
 Conquereris iustè: nimios sed pone dolores:  
 Quem lachrymæ reuocant fata tulere virum.  
 Lustra decem Christi docuit mysteria: lustra  
 Vixit in his terris quatuor atque decem.  
 Fixa fuit meta hæc: non fas transcendere metam.  
 Ne cupias vetitum: desine mæsta queri.  
 Semper eras cura: curæ dilecta manebis:  
 Si licet orba, tamen non eris orba diu.

PIETAS  
 queritur.

CHRISTVS  
 solatur.



# CARMINA IN OBITVM

*Pastorum princeps, pastoris munere fungar:  
 Presidio nunquam destituere meo.  
 Si tulit vna dies, anni quem mille requirant:  
 Et alium per nos afferet vna dies.  
 Si pulsus gremio, quo vix tibi charior vllus:  
 Reddetur gremio dignus amore satis.  
 Et quanquam dabitur dispar fortasse priori:  
 Partibus ex cunctis non tamen, ecce, minor.  
 Non procul hinc abeas: quæ sunt peregrina caueto:  
 Quelibet ornantur fructibus arua suis.  
 Lumina circumfer: NATO sunt pignora multa:  
 Pignora defuncto substituenda patri.  
 Sydera sed radijs ut vincit cætera Phœbus:  
 Vnus sic reliquis præstat in vrbe senex.  
 Illi zelus inest, pietas, facundia, candor:  
 Illi mentis inest robur, amorque gregis.  
 Illum ne dubites patronum sumere: sume  
 Cuius ad imperium viuere tuta queas.  
 Crede mihi, stabulis arcebit noxia quæque:  
 Et calamo diris obstruet ora lupis.  
 Ad me confugito supplex, si pressus ab hoste es:  
 Ad Martem noster spiritus arma dabit.*

F.

M.

HENRICI BVLLINGERI, VIRI DEI, TIGVRINAE  
 ECCLESIAE PASTORIS. QVI QVVM RENASC  
 ENTIS EVANGELII LVCE SVMMO DEI BENEFIC  
 IO PRODIISSET, FORTIS ATHLETA IN HOC  
 CERTAMINE VICTOR COMPLVREIS ANNOS  
 STETIT, VARIIS VARIE DEBELLATIS PROFLI  
 GATISQ. HOSTIBVS. NVNC VERO CHRISTI  
 PLENAM VICTORIAM EXPECTANS,  
 SECESSIT IN COELVM FELIX.  
 SERRANVS PIIS LACRVMIS PARENTABAT.

EIDEM

EIDEM IDEM.

*Mosis ministri voce maximam Deus**Hereditatem addiderat**Suo Israël: non eam Moses tamen**Adit, sed eminùs vider.*

HENRICE, maius contigit quiddam tibi:

*Cum Zuinglio primus propè**Ad initia pugnavisti. Dei imperio aſc ubi**Athleta magnus Zuinglius**Ceſſit quietem conſequutus, tu novis,**Henrice, viribus potens**Prodis: peremptis hostibus victoriam**Refers: trophæa ſplendida**Victoriæ victor ſtatuis. Luſtris meant**Per plurimis curſus graues,**Quum victor iſtas, patriæ in dulciſſimo**Felixque votorum ſenex**Compoſ tuorum. Tum Deus dixit tibi**Quieſce tandem, ô optime**Quieſce tandem ſerue, iam ſatis tibi**Satis laborum eſt: percipe**Parata cælo præmia. edixit Deus.**Henricus annorum ſatur**Conceſſit in cælum: beatus & modò**Fruitur beatæ ſedibus.*

Τῶς αὐτῶς ὁ αὐτὸς.

Οὐ θάνατος, ἐσθλὴ γεραιότης δὲ πέλων ὑποφύτης,

Νημερτὲς ζωαί, καὶ φθιμῶσι νειῶν.

Οὐ θάνατος, οὐρανίοισιν ἀπὲρ δώροισιν ἐπαυρῶν,

Αἰδάναν ὄν χρονίοις σὸν λίπες ἀμμι κλέθ.

CARMINA IN OBITU M

IOANNIS BAPTISTAE ROTANI.

*Relligioſe ſenex, Sacrorum Maxime vatum,*

*Te viuente mihi viuere dulce fuit.*

*Viuere dulce fuit: nam te viuente, Parentis*

*Vixit ſancta Dei filia Relligio.*

*Vixit, per quod erat mihi tantum viuere dulce,*

*O mihi ſi liceat te moriente mori?*

TETRASTICHON SVPER EXIMIA

D.H.Bullingeri eruditione, maioriſque  
in Deum pietate.

*In te num pietas fuerit Doctrinae maior,*

*Contendunt, quibus eſt veraque nota probè.*

*Vicerit at Pietas, Doctrina iuncta per orbem*

*Te memorans, caelo viuere ſola facit.*

I. I.

D. H. BVLLINGERO IN COELIS

viuenti Simon Goulartius.

*Magnus eras annis: zelo, pietate ſecundus*

*Nulli: te ſcriptis quis ſuperare queat?*

*At tua nunc pietas vitæ celeſtis amores*

*Excitat, & calamo pandis ad aſtra viam.*

*Euge, vides oculis, humili quem mente tenebas,*

*Atque capis zeli præmia læta tui.*

IOANNES PONTISELLA MINI-

nifter eccleſiæ Curienſis.

*Tunc etiam BVLGERE huius lux aurea mundi*

*Occidis? & fœdis vermibus eſca iaces?*

*At ſaltem diuina, alios que viuere fecit,*

*Debuerat fatiſ te eripuiſſe Fides.*

*Eripuit,*



Eripuit. Quid enim? vitæ mors meta caputque,  
 Vivere quò posses vita soluta tibi esset.  
 Impia & vt Lachesis tellure potita triumphet,  
 Pars melior Phæbi complet veranque domum.  
 Sancta anima, & sibi erat quæ cælum sape, superstes  
 In gremium cælo pulchra recepta Dei esset.  
 Hic tanquam integro prorumpat fonte perennis  
 Vita, manu fati non resecanda fluit.  
 Vix igitur felix, certa que in sedè beatus  
 Ipsare Vtopium fallere dogma doce.  
 Tu verò incerti quicumque assertor Olympi es,  
 Ne Styga certam obiens experiare, sape.

## RODOLPHI COLLINI PATRIS.

Quando seni mihi finis erit deslere sepultos?  
 Qui deslendus eram, qui tumulandus eram?  
 Martyr obit, Gesnerus obit, meus atque Amianus,  
 Quos ego defleui versibus & lachrymis.  
 Nunc extremus ades dolor & ter maximus idem,  
 Ex Bullingeri funere proveniens.  
 Qui me cassum animo, spoliatum sensibus imis,  
 Assidua posthac carpet amaritie.  
 Nec sinet excultis elegis euoluere luctum,  
 Vocibus at dicam sic miserabilibus:  
 Bullingerus erat patriæ pater, & regionum,  
 Qualescunque forent, innumerabilium.

## RODOLPHI COLLINI F.

Nemo meam celebret funesto carmine mortem,  
 Vixus enim volito multa per ora virum.  
 Qualia præstiterim passim mea scripta loquuntur,  
 Quæ viua ingenij sunt monumenta mihi.

# CARMINA IN OBITVM

Nunc viuo in cælo, & cum sanctis omnibus illud,  
 Quod docui, experior: nam fruor ore Dei.  
 Hæc mea spes fuerat, nunc sunt mea lucra laborum,  
 His fruor in Christo, qui mihi certa salus.

IOSVA VINSLERVS TIGVRINVS  
 ecclesiæ Bielenſis miniſter.

Silachrymis redimi, paſtor, tua funera poſſent,  
 In lachrymas iret Limagus ipſe pius.  
 Numinis at ſpecti nequeunt pia ſata potentis,  
 Omnibus & lethi porta terenda venit.  
 Diuerſos eadem peperit (mirabile) fructus:  
 Damna dedit nobis, maxima lucra tibi.  
 Nec tua lugubri ploramus funera planctu,  
 Noſtra tamen meritò damna dolere decet.  
 Tu nunc ambroſiam carpiſ, tu neſtare viuſ,  
 Qui nos pauſiſti neſtare & ambroſia,  
 Cælitibus mixtus ſuper aurea ſydera ciuiſ,  
 Nec miſera reptas exul in vtopia.

IOANNES RODOLPHVS BYGE-  
 lius Tigurinus.

HENRICVS Bullingerus poſt fata quieſcit  
 Contiguus Petri Martyriſ exequiſ.  
 Quid mirum? vnanimis quondam nunc corpore iuncti  
 Æternum ſeruant nomen amicitia.  
 Heluetius quamuiſ erat alter, & Italus alter:  
 At vox de CHRISTO conſona vtrique fuit.  
 Excepit geminum telluſ Tigurina cadauer,  
 Fortunati ambo quo docuère loco.  
 Papa quid iſanſ? ſuperiſ in ſedibus vnà  
 Gaudia cum CHRISTO mens vtriuſq; capit.  
 Succedant alij, quibus eſt Eccleſia cura,  
 Qui legiſ hæc ſupplex uſque precare DEVM.  
 MARTI-

## MARTINVS FARNERVS.

*Si prece, si pretio, validis si viribus vllis  
 Vel lachrymis stelli tristia fata queant:  
 Non modò Nestoreos hic noster viueret annos,  
 Nil sed in hunc prorsus Mors tibi iuris erat.  
 Abstulit vna dies, quem tempora plura requirant:  
 Heu nobis tristem, pestiferumque diem.  
 Ipse quidem felix, curis & mole solutus,  
 Compleuit vitæ munia ritè suæ.  
 Vivere nec cessat, cui Christus vita salusque est:  
 . Nam commutauit sæcula, non perijt.  
 Terra fouet corpus: Fama inclita splendet in orbe:  
 Spiritus ætherea perfruitur requie.  
 Ipse Dei cætus tua numina Christe precatur,  
 Nauclerum simili des ratione tuis:  
 Qui regat in medijs vndis, tutoque reducat  
 In portum nauim, ne pereat miserè.*

IOANNES PAVLVS IERARARVS.

*Expertus longum exilium, variosque labores  
 Infiditoties sæua pericla maris,  
 Ad patrias celi remeas fœliciter oras:  
 Et tua iam portum fessa carina tenet.  
 Hic tibi parca quies, teque hic HENRICE reposta,  
 Iamque optata diu præmia digna manent.  
 Ar vos orbat tanto pia turba magistro,  
 Ne nostra æquoreis cimba fatiscat aquis,  
 Fida viri memores tanti monumenta sequamur:  
 Vitemus scopulos hoc duce nauisfragos.*

T



CARMINA IN OBITVM  
CHRISTOPHORI THRETII  
POLONI.

*Perlatum quondam Tigurum qui latus adius  
Triste nimis cogor tristis adire nimis.  
Scilicet ipse meos illius misceo luctus,  
Gaudia vt illius iuncta fuere meis.  
Communis luctus, communia gaudia, namq̃  
Cum Tiguro viuo, cum Tiguro morior.  
Langueo, nam languet, quid languet? mortuus ille est,  
Qui viuus Tiguri, certa columna fuit  
Bullingerus eheu? ille eheu? mortuus ille est,  
Qui sanctus sancti pastor ouilis erat.  
Pastor ouilis erat viuus, nunc mortuus eheu  
In luctu nimium, liquit ouile graui.  
At verò lugete virum, sanctumq̃ piumq̃  
Vos sancti verè, vosq̃ pijq̃ viri.  
En lachrymas lachrymis, en fletus fletibus addo,  
Nam vester meus est, ac erit iste dolor.*

EIVSDEM EPITAPHIVM.

*Est vixisse diu quiddam, nomenq̃, per orbem  
Per multis quæsisse libris, sed gloria nobis,  
Quòd semper Christo vixi, & sum mortuus vnà.*

RODOLPHVS LEEMANNVS.

*Fletu Ecclesia quid propè indecoro  
In cassum Tigurina te fatigas?  
Fletus & lachrymæ perinde prosunt,  
Ac si non lachrymes semel peremptis:  
Sicut flosculus exit, & repente  
Sæuis concidit arefactus Austris:  
Sicut guttula pendet, impetuq̃  
Mox euauit ingruentis auræ:*

*Sic*

Sicut somnium, & umbra noctis atra,  
 Sic nostri veniunt dies, ruuntq;  
 Ad metam properantiùs caducam.  
 Hesterni sumus, & quod huius aui  
 Tempus degimus, heu velut malorum  
 Sentina, heu scelerum velut barathrum,  
 Aerumnis scatet affatim & periclis.  
 Speq;, & sollicitudine, & labore,  
 Et curis, gelidam sub vsq; terram.  
 Ceu vestes veterascimus senectâ  
 Absumpti, & lucei in lutum redimus.  
 Nec formæ, nec honoribus, nec ullis  
 Mentis dotibus, abstinere sauas  
 Peccati precium solet sagittas.  
 Ergo Ecclesia quid nimis querela  
 Lugubri Tigurina te fatigas?

Naturam superare nemo nouit  
 Vnquam: splendida sic adimus astra,  
 Cæli municipes beatoris,  
 Hunc dum viuimus exules per orbem.  
 Facundum tulit atra mors Othonem,  
 Heu quo Zuinglius, atq; Pelecanus,  
 Gesnerus, Frisiusq;, Vuolphiusq;,  
 Quo Martyr pius, atq; Bibliander?  
 Omnes presbyteri cuiq; alumni,  
 Omnes & meritis graues & arte,  
 Nunquid præteriere? subsequutus  
 Sum fratres ego & intimos amicos,  
 Quorum perfruo alloquutione,  
 Aspectuq; polos supra suauis,  
 Inter angelicos choros, & inter  
 Tot patres, tot Apostolos prophetasq;.  
 Hic cum Flammine, qualis est Parentem,

## CÁRMINA IN OBITVM

Cum Nato Triadem sacram ter vnam,  
 In omne aspiciens beatus auum:  
 Vita purus & integer, ceterua  
 Dam contra impia sulphure & gehenna  
 Perennes super vslatur ignes.  
 Ergo O Tigurina te fatigas  
 Placitu ecclesia quid parum decoro?  
     Illuxisse diem mihi supremum  
 Crede: hinc me superũm trahente fato.  
 Tuque ô damna mei serenior  
 Valen suscipe, quam penes supersunt  
 Nostrorum monumenta tot laborum,  
 Tot miracula lucubrationum:  
 Et quod maximum, ab hoste tot trophæa,  
 Situ pyramidum perenniora.  
 Quales, nuper ab inferis vocati  
 Blasphemi Triadis sacra Arriani,  
 Gentilesque noui, noui Sophista,  
 Quales denique & Antichristiani:  
 Et quantum fuit vndequaue tectum,  
 Seu grassans gelidi palam veneni.  
 Quin quantum genio & manu valebam  
 Impendi omne tibi, cadauer ipsum,  
 Famam, arcanaque, liberos librosque:  
 Solùm spiritus ad domos beatas,  
 Ad veram patriam, atque ciuitatem  
 Ascendit stabilem, vsque & vsque vota  
 Soli summaque nostra, dum superstes  
 Vitales traherem caducus auras.  
 Ergo quid Tigurina te querelis  
 Frustrà ecclesia inanibus fatigas?  
     Si te sollicitis tamen querelis,  
 Lucundi memorem inimique amoris,

Et

Et dura nimium necessitatis,  
 Sors tristissima lachrymare cogit.  
 Non tu totam ideo pusilla mentem  
 Spemq; abieceris, immemor coronæ  
 Quæ restat tibi, quamq; tot frequentant  
 Zelo insignia & eruditione  
 Quauis lumina perpolita, quales  
 Disertissimus omnium & peracer  
 Gualtherus, vehemensq; Lauaterus,  
 Simlerus decus elegans supremum,  
 Cornis Vvikius, integer grauisq;  
 Hallerus tenoras perunctus aures,  
 Cultus Funccius, & rotundus ore  
 Leemannus: sed & vndequa; quotquet  
 Haud metrum caperet, phaleuciorum.  
 Qui ni dissidio inuicem laborent,  
 Ni fœda ambitione, ni canillis,  
 (Quod cum fiet vbi ipsa sustinebit  
 Quadrigas & aratra Amphitrite,  
 Tellus monstra natantia, & retrorsum  
 Naturæ ruet vniuersus ordo)  
 Non est quod metuas tui ruinam,  
 Quin puppi Cynosura fluctuanti  
 Christus præstò erit: ecquid ergo restat?  
 Quam ne ecclesia lachrymatione  
 Nequicquam Tigurina te fatiges.

I D E M.

Bullingerus in hac teneor celeberrimus vrna:  
 De quo si quid amas nosse viator, ades.  
 Ter quinq; à nato numerabis secula Christo,  
 Iungere quævis toridam deniq; lustra velis:  
 Mortis habes annum: fuerant sed meta senectæ  
 Bis septem menses tot quoq; lustra mee.

T 3



CARMINA IN OBITVM

*Aergouium genuit, Tigurina ecclesia sumnum  
Pastorem vndenas fouit olympiadas.  
Si quos perculerim queras pro gente labores,  
Nullum illi hospes habent innumeri numerum.*

EIVSDEM THRENODIA QVA  
alloquitur Filius Ecclesiam.

- F.** *Mater sancta cupidinum,  
Tu quæ Verbi genam Nympha colis procum:  
Quid flet? quid laceras comam?  
Obnubis posita quid faciem manu?*
- E.** *Fili, damna queror mea:  
Nam quem sollicitis ignibus arseram,  
Magni nominis occidit  
Bullingerus, eheu fato adamantino.*
- F.** *Ergo haud immeritò doles:  
Verùm tune ideo dum quereris modum  
Excedes, veluti sacram  
Quæ spem, iudicij nesciat aut diem?*
- E.** *Noui quot mala liquerit,  
Quot contra moriens gaudia adiuerit:  
Noui esse & lachrymis modum,  
Nec noui lachrymis ponere dum modum.*
- F.** *Quid si barbariem tui,  
Seu raptus timeas, vinculaq; hostium,  
Prolem denique adulteram,  
Immitem gremio vipera ceu tuo?*
- E.** *Quanquam causa sit hæc mei  
Luctus maxima: me corret amor tamen,  
Vultus sydere pulchrior,  
Vox cyanea, animus candidior niue.*

*Curam suscipiens tui,  
Quid si idem, veluti prisca redit Venus,  
Quous fidere pulchrior  
Gualtherus, lachrymas miseris & metum?*

*Cerviciō vrinam mea  
( Cogit sic quoniam dura necessitas )  
Amplexum dec & oscula.  
Hoc cum viuere amem, hoc cum moriar lubens,*

QVERELA FELICIS TRVBII TI-  
gurini in obitum eiusdem.

*In plandus gemitusq, nouos mea Musa redibis,  
Heu miser ad lachrymas sum quasi natus ego?  
Percipiam nostri lenimina nulla doloris,  
Carmen & hoc nobis flebile semper erit?  
Doctrina, pietate graues, Virtute fideq,  
Mors aliquot nobis abstulit atra Viros.  
Abstulit atra Viros, quos vexit ad æthera Virtus,  
Qui decus & nostra posteritatis erunt.  
Voce, manu, calamo, totum prodesse per Orbem  
Dum cuperent, auidas intulit illa manus.  
Nec tamen hi poterant mortem effugisse rapacem,  
Communis cunctos mors semel ista manet.  
Cum poterant melius per multos viuere menses,  
Non retrahis sæuas mors inopina manus?  
Inuida, cur properas Parcarum rumpere fila,  
Stamina nonne vides ducere plura deas?  
Ergo ego nunc sedeo mœrens, miserandus & ipse,  
Cui modò iusta nimis causa doloris ades?  
Namq, breui rapuit nobis mors tempore plures,  
Doctrinaq, graueis & pietate viros.*

CARMINA IN OBITVM

Non ego maiores numerabo ex ordine patres,  
 Non exempla mei longa doloris erunt.  
 Quos vidi, audiui, quos gratus semper amaui,  
 Hos mea doctores Musa Canora feret.  
 Martyra quid dicam? quid nostrum Martyra, lumen,  
 Quo non in toto clarius orbe fuit?  
 Quid memorem Theodore tuam cum funere mortem,  
 Qui meritum à libris, nomen habere potes?  
 Guldenbecke simul teq; ô doctissime Frisi,  
 Qui fuerant nostræ lumina magna Scholæ.  
 Quid dicam de te, toto qui clarus in orbe es,  
 Quem Mária & tellus, quem sonat alius aer:  
 Te Gesnere puto, nostri qui summus honoris  
 Dux eris, ingenij dexteritate tui.  
 Quid dicam Zuingli, facundi nomen Amanni,  
 Quid clarum Vuolphi nomen ubique tuum?  
 Quos etiam Tigurum peregrinas misit in oras,  
 Ut iacerent Verbi semina pura Dei.  
 Mors simul arripuit, nulliq; horrenda pepercit,  
 Mors passim doctis insidiosa Viris.  
 Fabritium, Eglinum, Rectorum sydera nuper  
 Quos modo doctores Curia mœsta fouet.  
 Hugonemq; pium Fridolini Castra secutum,  
 Vix patitur fessos vix posuisse pedes.  
 Te quoq; quid memorem, modo quem clarissima Berna  
 Doctorem puræ religionis amat?  
 Nunc fato functum luget Respublica tota,  
 HALLERE ô patrij lausq; decusq; soli.  
 Improba tot patriæ rapuit mors lumina nostræ,  
 Nec tamen heu paculas contrahit illa manus.  
 Eripit ecce Virum, vasto qui clarus in orbe,  
 Qui decus excellens vrbis & orbis erat.  
 BVLLINGERVS hic est, cuius super æthera nomen  
 Tollitur,

*Tollitur, immenso qui valet orbe loqui.  
Hesperijs cuius notum est ac nomen Eois,  
Vix etiam vasto claudicatur Oceano.*

*BVLLINGERVS hic est, qui tot nos pascit in annos.*

*Qui Vita purus dogmata pura docet.  
Decegit errores, tenebrasq; repellit inertes,*

*Qui Christi docuit lumina clara sequi.  
Qui cunctos potuit totum instituisse per orbem,*

*Doctrina, exemplo, nomine, consilio.  
Hunc nobis mors seu a rapis, rapis inuida, nec te*

*Hoc decus hoc nostrum corripuisse pudet?  
Quis nostrum rexisse gregem, quis doctior vltra*

*Ah populum poterit iam docuisse meum?  
Ergo tristis erit tantum perpeffa dolorem,*

*Et lachrymis totam se mea Musa dabit.  
Ferte precor capiti cineres, super addite saccum,*

*Nam video irati plurima signa Dei.  
Vosq; simul moneo patriæ concurrere ciues,*

*Et casum hunc reputes ô pia turba tuum.*

### Solatur ipsum M V S A.

*Ergo sedes mæstus turpi hoc indutus amictu,  
Perpetuò infelix ô pie cultor eris?*

*Perpetuòq; tuum perges memorare dolorem,  
Solamen miseris num superesse negas?*

*Iusta tibi, fateor, iusta est tibi causa doloris,  
Non ego te patriæ condoluisse veto.*

*Quippe breui plures amisit tempore, plures  
Quos memorare piget, quos memorare lubet.*

*Qui decus excellens, lumen, columenq; fuere  
Totius & patriæ præsidiumq; Scholæ.*

*Consilio, exemplo, doctrina, nomine clari,  
Corporis ornati dotibus ac animi.*



CARMINA IN OBITU M

Ipse etiam fateor fata immatura piorum  
 Dicier irati tristia signa Dei.  
 Ipse volo pariter concurrant ordine ciues,  
 Cogitet & casum tam pia turba grauem.  
 Non tamen vsq; velis corpus lacerare gemendo,  
 Atq; animum lachrymis discruciare tuum.  
 Quid planctus gemitusq; iuuant? quid deniq; vestis?  
 Num poteris casum sic reparare tuum?  
 Num reuocare gradus superasq; euadere ad auras  
 Vt possint, lachrymis efficis oro tuis?  
 Ergo simul gelida consumpti morte iacebunt,  
 Quos adeo infelix interiisse putas.  
 Nec reuocare gradum poterunt, legemq; profunda  
 Non vnquam soluent mortis & imperium.  
 Hi tamen & viuunt, inq; omnia secula viuent,  
 Et datur his cælo liberiore frui.  
 Corpora mandantur terræ, sed læta resurgent:  
 Iusserit extremum cum Deus esse diem.  
 Corpora liquerunt terrestria, morbida, clarus  
 Ad celsi penetrat spiritus astra poli.  
 Hic quoq; percipiunt tantorum digna laborum  
 Præmia, quos animo sustinuere pio.  
 Mille etiam curis exempti mille periculis,  
 Diuim dulce bibunt nectar & ambrosiam.  
 Semper felices dominum qui semper IESVM  
 Et monstrata pijs calica regna vident.  
 Hosne iterum quaeso mortalem hanc viuere vitam,  
 Mortali indutos corpore carne voles?  
 Cur igitur querulas calido de pectore voces,  
 Cur fundis lachrymas nocte dieq; graues?  
 Nonne precor ciues or'atos lumine cali,  
 Nunc aliud clarum lumen habere vides?  
 Nonne vides patriam multos aluisse per annos,

Qui sint doctrina, qui pietate graues?  
 Pluribus haud pergam nostrorum dicere laudes,  
 Quos modò complures vrbs opulenta fouet.  
 Liuor enim uiuos morsu discerpit edaci,  
 Quos pia posteritas diligit atq; probat.  
 Ergo monstrat adhuc sanctum Deus ipse fauorem,  
 Constantemq; docent plurima signa fidem.  
 Nos modò quæ pariter docuit pia turba virorum,  
 Quæ docet altisoni dogmata pura Dei,  
 Seruemus pariter cuncti, sanctoq; labore  
 Sedulus alterius adiuuet alter opus.  
 Hic nobis labor est, his si pugnemus in armis,  
 Quis nostra infelix oia rumpet homo?  
 Vos quoq; nobiscum chari ô contendite ciues,  
 Et simul hoc sanctum promoueamus opus.  
 Nos ita, ne dubites, Domini promissa manebunt  
 Præmia, nec famulos deseret ille pios.  
 Hoc etiam PASTOR petijt dum viueret idem,  
 Hæc sancti fuerant vltima vota viri.  
 Ergo age dormitum nostris cum patribus iuit,  
 Nunc tandem, officio functus vbiq; suo.  
 Vos grati, moneo, sitis memoresq; laborum,  
 Este boni patriæ, ciuibus este boni.

CHRISTOPHORI RUTERI

Querela.

Quæ mihi nunc tellus, quæ resant numina cæli?  
 Ni fallor, toto concidit orbe fides.  
 Impius exultat, iusto sua præmia desunt,  
 Doctos indoctos fors manet vna viros.  
 Nota loquor. Vix dum nobis tria lustra peracta,  
 Vidimus eximios succubuisse duces.

V 2

CARMINA IN OBITVM

Implerat tristem cū Marcyre Musculus vnam,  
 Vincere Nestoreos qui meruere dies.  
 Hyperium posthæc flevi Mauortis in vrbe,  
 His claudens digitis lumina chara meis.  
 Hunc comes Elysios sequitur Caluinus in hortos.  
 Denique facundus Vuolphius ipse cadit.  
 Nec mora, nec requies, mors atrox vltima tentat,  
 Dirigit in summum tela cruenta caput.  
 Non satis: Hoc nobis Hallerum temporis æstu  
 Iphis ex oculis eripuisse fuit:  
 Proh dolor, hanc etiam patitur super omnia sortem,  
 Qui pater & pastor clarus vbique fuit.  
 Hanc Bullingerus patitur, qui solus Asylum,  
 Et nitidum toto lumen in orbe fuit.  
 Cede, vale virtus, sacri concedite vates,  
 Nam vexat solos parca maligna pios.  
 Has ego iactabam mæstius super æthera voces,  
 Ipsam cū tulimus sub caua busta virum.  
 Procinus alma mihi calo delapsa Thalia  
 Astitit, & tales protulit ore sonos.  
 Tota tibi tellus, & restant numina celi,  
 Iudicij nebulas tu modò tolle tuas.  
 Peruersum mortale genus, quod numinis expers,  
 Ex subito casu facta notanda putat.  
 Si latet, aut præsens factum tua pectora turbat,  
 Accipe, virtutis premia certa dabo.  
 Incluya versatur tela inter Martia virtus,  
 Quocunque aspicias, hostis & arma sonant.  
 Hinc Venus & Venter, mouet illinc praelia Mammon,  
 Vndique Maestas horrida castra locat.  
 Intercot diras virtus immota phalanges  
 Eminent, & pulchrum monstrat vbiq; caput.  
 Illicet & charam gaudet profundere vitam,

Thalia.

Nec

Nec dubitat lenta claudere morte diem.  
 Hoc quicumque modo virtutem sanguine firmat,  
 Eternum sanè non perijsse potest.  
 Viuit, & in toto celebris cantabitur orbe,  
 Diuina solus semina mentis habet.  
 Quin homo non potis est tantos perferre labores,  
 Nec cuperet, quamuis tu quoq; posse dares.  
 Omnipotens potius Deus est in partibus illis,  
 In minimis vires sic probat ille suas.  
 O fortunatum semper, cui contigit illud,  
 Non alius summi patris alumnus erit.  
 I nunc, perge tuis virtutem illudere verbis,  
 Atq; Domini fuerit regia clausa tibi.  
 Hec postquam roseo mihi rettulit ore Thalia,  
 Diuinum mouit terq; quaterq; caput.  
 Obticui factiq; pudet, pudet esse loquutum,  
 Incensam meditor conciliare Deam.  
 Excipit auratos Elegia sparsa capillos,  
 ( Illa comes fuerat, consiliumq; mihi, )  
 O quam te memorem virgo? nam tu Dea certè,  
 Et tua presentem vox sonat ipsa Deam.  
 Vox tua durabit, si quid mea carmina durant,  
 Sola beat virtus, cætera mundus habet.  
 Enoch, Helias, & summi patris imago,  
 Tramite virtutis regna suprema tenent.  
 Hos sequitur, quis quis tandem per tela, per ignes,  
 Et memor & constans sacra fidemq; docet.  
 Inter quos primam meruit, te iudice, laudem,  
 Quem lugent mæsta carmina nostra cheli:  
 Hanc Bullingerus meruit. Si dicere fas est,  
 Hoc Deus in terris tempore ferè fuit.  
 Quid referam pacem? nostræ quam præstitit vrbi?  
 Dum Martem Musis tradidit, arma togis?

Elegia



CARMINA IN OBITVM

*Fama volat, totus mouet hūc sua lumina mundus,  
 Et tanti pendet semper ab ore viri.  
 Non loquar, hunc iactet quantum Germania vatem,  
 Hunc Nicer, hunc Lanus, Rhœnus & ipse stupent.  
 Pergimus, Europæ fertur laus inclita vastæ,  
 Quæ dubijs rebus dicta secunda tulit.  
 Hirci Sauromatæ, bellatrix Pannonis ora,  
 Sponte viro gladios deposuere suos.  
 Quæq; diu propria lacerata est Anglia cæde,  
 Hoc duce tranquilla viuere pace solet.  
 Gallia diuinum spreuit cum dogmate Vatem,  
 Sed didicit varijs nunc quoq; ferre malis.  
 Nec satis: Hæc gelidas sacra vox transcendit & Alpes,  
 Hæc Antichristo vulnera mille dedit.  
 Summa sequor: Restant tot sancta volumina patris,  
 Aurea quæ semper nomen ad astra ferent.  
 Non etenim bullas hominum tulit ille prophanas,  
 Sed fuerat verbi buccina sacra Dei.  
 Detexit stulto laruas & somnia mundo,  
 Et solum docuit ritè timere Deum.  
 Denique lustra decem tantos tulit ille labores,  
 Et nullum in toto munere crimen erat.  
 Nunc mihi Musa virum memora, si constat in orbe,  
 Hunc ipsum vatem qui superare queat.  
 Est Augustinus, quin est Hieronymus alter,  
 Qui mundum scriptis excoluere suis.  
 Quare summa quidem debentur præmia vati,  
 Si desint, melius deliquisse fuit.  
 Desierant Elegi, lachrymis simul ora rigantes,  
 Protinus hoc infic culta Thalia modo.  
 Non opus est verbis: Quis enim tam certa negabit?  
 Sunc Bullingero præmia summa tuo.  
 Multa tulit, fecitq; suam qui nauita puppin*

Thalia.

Fortis

Fortis per rapidas æquore duxit aquas.  
 Interea constans tanto discrimine rerum,  
 Assequitur populi sceptræ suprema sui.  
 Sic Bullingerus ventis iactatus & vndis,  
 Commissam Domini rexerat arte ratem;  
 Elapsus, superas post funera missus in oras,  
 Hos inter vates candida stella nitet.  
 Verba fide careant, si non res ipsa loquatur,  
 Inspice quo vitam clausurit ille die.  
 Scilicet: humanos lux septima terminat ætus,  
 Saturni requiem vesper adesse docet.  
 Adde, quod Autumnus fuerat, sic fata tulerunt;  
 Conueniunt rebus tempore sæpè suis.  
 Vndiq; maturas decerpunt vitibus vuas,  
 Strata iacent quouis dulcia poma loco.  
 Tempore non alio constat felicitior annus,  
 Munera cultori dat nemus omne suo.  
 Sic Heros ætæ iam carpit præmia vitæ,  
 Virtus auctori nunc sua dona refert.  
 Ambrosia diues, cum dulci nectare viuit,  
 Aufferet hæc illi gaudia nulla dies.  
 Inuidus est Egiptur, quisquis deducere calo,  
 Atq; iterum tumidis mergere gaudet aquis.  
 Quin potius viuat, regnet, cum laude quiescat,  
 Sit lucrum casus exuperasse suos.  
 Quæ fas est vatem mortali corpore pressum  
 Cuncta videre, sacro lumine summa videt.  
 Neu moueat gelido quod dantur membra sepulchro,  
 Plus prosunt cunctis hæc monumenta viris.  
 Scilicet in templo nunc præsens excitat Hæstor,  
 Quò via turba suum feriç, refertq; pedem.  
 Et tacet, hinc docuit, quin mystica s. cra peregit,  
 Hinc rexu nostri æ clara Lycæa Schola.

CARMINA IN OBITVM

- Hæc quem non celebris perstringet patris imago?  
Indice sic viuunt hæc monumenta suo.  
Donec magna Dei calo demissa potestas,  
Restitues vita cætera membra sua.*
- Elegia.* *Dixerat hæc. Elegis postquàm data copia fandi,  
Responsum verbis talis dedere suis.  
Non equidem inuideo, tantos quòd adeptus honores,  
Nec me sollicitum muta sepulchra tenent.  
EÛ quædam maior presentis causa doloris,  
Hanc breuibus referam, si vacat, ipsa tibi.  
Aspice, quàm primùm tenuis calor ossa reliquit,  
Texerunt nitidum sydera pura caput.  
Aspice, ventosi tumuerunt murmuris aura,  
Plurima non solitis fulgura lapsa modis.  
Obscuro tristes ceciderunt æthere nimbis,  
Sparsērunt lachrymas ventus & aura suas.  
Terret mutati tanta inclementia cali,  
Ipsam quæ mortem ponè sequuta fuit.  
Occubuit Rector, surdis Ecclesia ventis  
Linguitur, aut rabido sit pia præda lupo.  
Horrida tempestas & vis inimica fatigant,  
Ab timidam merget seuæ procella ratem.  
Tum, miseranda lues pergit regnare venenis,  
Letificum toto serpit in orbe malum.  
Ipse furens nitidis sese Mars iactat in armis,  
Incipiunt patrio bella timere solo.  
Hanc ego tam tristem, leto cum pectore sortem  
Aspiciam? lachrymas tu prohibere meas?  
Ferreus eÛ, quisquis lugubria funera ridet,  
Impius eÛ, quem non damna futura mouent.*
- Thalia.* *Sic Elegi. Postquàm solitus dolor ora repressit,  
Hos mulcet dictis casta Thalia suis.  
EÛ modus in rebus, modus optimus autor agendi,*

*Sapè nocent lachrymæ, quæ sine fine cadunt.*  
*Quis poterit medio classi succurrere ponto?*  
*Si tua perpetuis fletibus ora madent?*  
*Tolle metum, planctusq; tuos, age, collige vires,*  
*Prospice, qua nunc sint vela regenda manu.*  
*Instat tempestas: Dominus sua pignora seruet,*  
*Assiduas illi fundite corde preces,*  
*Fundite, substituas doctum fidumq; magistrum,*  
*Afflictam certa qui regat arte ratem.*  
*Tolle caput citius, tibi dux venit ecce per undas,*  
*Hinc tibi Gualcherus portus & aura venit.*  
*Hic Bullingero fidi fuit instar Achatis,*  
*Hic cœptum peraget Religionis iter.*  
*Hactenus alternis præbent solatia Divæ,*  
*Expectat voces utraq; virgo meas.*  
*Salve Sancte pater, quæ te tam læta tulerunt*  
*Secula? Tu celi missus ab arce venis.*  
*Sis felix, faustusq; precor, velut alter ab illo,*  
*O patria columen, Pieridumq; decus.*  
*Tendimus hîc tecum duplices ad sydera palmas,*  
*Ut Dominus nostræ sit comes ipse viæ.*  
*Dixi. Sacra suum pietierunt numina calum,*  
*Lataq; discessu signa dedere suo.*

IOHANNIS HALLERI F.  
Bernensis.

*Nonne satis fuerat charum amisisse parentem*  
*Helveticæ Lumen gentis in Arctopoli?*  
*Tu quoq; nunc Tigurum spoliatum lumine tanto*  
*Cogeris in summa vivere tristitia?*  
*Nam Bullingerum nulli pietate secundum,*  
*Proh, tibi, cunctipotens abstulit ipse Deus.*



# CARMINA IN OBITVM

Qui Papæ bullas confregit, robore nullas,  
 BVLLAS, heus, Christi, cum pietate GERENS.  
 Nec non schismaticos docuit meliora, rebelles  
 Doctrina & scriptis, perculit & domuit.  
 Eximie doctus, rerumq; expertus ad vnguem,  
 Syncerusq; animo, fronte serenus erat.  
 Zile quid rides, Theonino dente triumphans?  
 Et, placet, vt tales, heus, moriantur ais?  
 Sunt equidem vita naturæ iure soluti,  
 In tamen Vtopiam non abiêre tuam.  
 Sed super astriferos procul hinc ab Vbique remotos  
 Cœlis, quos Christus noster & ipse tenet.  
 At licet hi satis sint functi, nōne supersunt  
 Quàm plures docti nomine req; viri,  
 Qui pariter pessunt errorum abstergere fucos,  
 Nec non Vtopicum sternere dogma tuum?  
 Copia semper erit nobis sat multa, nec omnes  
 Zile quos velles, auferret vna dies.

IOANNIS IACOBI FRISII  
 de trib. Ecclesiæ Tigurinæ pastoribus,  
 H Z. H B. & R G.

Nuper vt apricis turgebant vitibus vna,  
 Implicitus curis, montem loca grata frequento.  
 Ecce super media fluuius qua labitur vnda  
 Limagus, aspexi ternos ex ordine soles,  
 Celso stare polo, quos inter maximus vnus,  
 Dissulit obscuram, manifesto lumine, noctem:  
 Atq; dies iam clarus erat, cùm protinus atra  
 Occlit hunc nubes squalens caligine Solem.  
 Mox alter subit, & pallentes leniter vmbas  
 Dimouet, ardentisq; intermicat ætheris ignes.

*At simul*

*At simul ex oculis placidus discessit & ille,  
Tertius exorians cœli consurgit ab ortu:  
Luceat ergo diu, nec nos tua CHRISTE perennis  
Lampas deficiat, sed corda accende piorum.*

VVOLF GANGI HALLERI  
Colophon.

*Eximias alij laudes, præclarâq; vitæ  
Bullingere tuæ versibus acta canunt:  
Dum grati celebrant virtutes, scripta, labores,  
Et quantus fueras, dum bene viuus eras.  
At viuo tibi (teste DEO) nec non morituro  
Quod fuit in votis, hoc ego dico tuis.  
Excolere in sancta quosuis pietate solebas,  
Solari, & puram tradere vbique fidem,  
Doctrina, scriptis, monitisq; salubribus, atque  
Exemplo & precibus nocte dieq; pijs.  
Hec igitur latum semper tractata per orbem  
Summatim repetens, vltima verba facis  
Huic comitum turba, zelo plenissima, sicq;  
Cygnæa claudis funera voce tua.*

D. BVLLINGERVS FVNERIS  
sui Comitibus.

*Quid gemis ô pietas? & quid mea funera plangis  
Religio? mortem cur veneranda meam  
Deploras virtus? cur sic Ecclesia tristis  
Luges? ac annis tot mihi culta doles?  
Cur tantas fundis lachrymas Respublica dulcis?  
Acq; rigas teneras plebs Tigurina genas?  
Vos mea progenies, dilecta q; pignora, vobis*

# CARMINA IN OBITVM

Cur tam mæsta mei funeris ista dies?  
 Nil nisi, cur tristes gemitus, suspiria, ciues  
 Editis, ac abiturum plangitis oro meum?  
 IAM satis indultum lachrymis, iustoq; dolori,  
 Iustaq; sufficiunt funeris ista mihi.  
 Gaudia tristitiæ subeant, mihi gaudia vitæ  
 Eternæ in cælis iam dedit ipse DEVS.  
 Nunc igitur mecum gaudete & plaudite, namq;  
 Accepi cursus præmia pulchra mei.  
 An non ô pietas? an non ô splendida virtus?  
 An non Religio, filia sancta Dei?  
 Vestro culcetri semper promissa fuere  
 Cum sanctis SVMMI gaudia summa BONI?  
 His igitur (tibi laus & honos) DEVS alme receptis,  
 Cum CHRISTO in cælis perfruar ipse tuis.  
 ET nunc non restat dilecta Ecclesia quæquam,  
 Hoc nisi, quàm sponsi sit tibi cura tui.  
 Sis fidei puræ semper memor, vnde salutis  
 Principium & finis prouenit vsque tibi.  
 Debita post illam, tibi sit Dilectio curæ,  
 Et sancto quosuis semper amore foue.  
 TV quoq; magnanima & fortis Respublica, veræ  
 Hac eadem pacis vincula sola tene.  
 Iustitiæ ac æquo, sancto moderamine præsis,  
 Et gladium gestes cum pietate tuum.  
 Sis cauta & prudens, ac imperterrita, constans,  
 Sicq; tibi solo spes tua fixa DEO.  
 Tunc tibi procedent feliciter omnia, sic tu  
 Et salua & celebris dum viget orbis eris.  
 VOS quoq; dilecti nati, chariq; nepotes,  
 Æqua discessum tollite mente meum.  
 Sic etenim vixi, sic viuo & viuere pergo,  
 Ut nunquam videar mortuus esse bonis.

Dum mea nam vobis non interitura relinquo  
 Scripta ego, per libros viuo subinde meos,  
 Et mundo & vobis, ad vestri nominis amplas  
 Laudes & famam, perpetuumq; decus.  
 Ergo mei memores semper mihi, quaeso, vicissim  
 Viuite, & ad laudes addite multa meas.  
 ET VOS nunc alij, quotquot mea funera tristes  
 Spectatis, tumulo condite membra meo.  
 Ac mecum gaudete, diu nam littoris huius  
 Optati requies contigit ista mihi.  
 Hic ego cum magno requiescam Martyre: tecum  
 Biblander nec non ô Theodore simul,  
 Escherum iuxta, qui prudentissimus olim  
 Præsuit Archiuis vrbs Tigurina tuis.  
 Dulcis & ô tecum mea dilectissima coniunx  
 Quæ fueras vitæ pars per amica meæ.  
 Corporis hic dulci requie somnoq; fruemur,  
 Angelica donec suscitetur inde tuba  
 Clangor, quò sanctis iuncti tua CHRISTE redemptor  
 Intremus cæli gaudia summa tui.  
 INTEREA ô pietas, & tu pulcherrima virtus  
 Vos ego cum sancta religione rogo:  
 Excolite hos vestris studijs, ac moribus istis,  
 Quos vestri testes nominis esse decet.  
 Vos alacres autem studiose incumbite, & ista  
 Pergite quæ verè ducit ad astra via.  
 Et reliquum vobis & vitæ & temporis huius  
 Momentum, verè, credite, dico, breue.  
 Sic illo vrimini, sic credite, viuite, vobis  
 Vt detur similis gloria, vita, salus.  
 NVNC ego deuicto mundo, mundana relinquo  
 Omnia, & in calos transeo CHRISTE tuos,  
 Possisurus ibi cælestia gaudia, quæ sunt



CARMINA IN OBITVM

*Ante tuo cunctis sanguine parta pijs.  
A Domino IESV pastorem querite vobis,  
Hunc dabit, in votis qui fuit vsq; meis.  
Is mea constanter vestigia nota sequetur,  
Et fidus vestri pastor ouilis erit.  
Ergo mei Comites, benedicta viuite pace,  
Et grati meritis, quaeso, VALETE, meis.*

B. M.

B. M.

TIGVRINAE ECCLESIAE ANTISTITI  
ET EPISCOPO,

VIRTUTE, DOCTRINA, VITAEQ.  
INTEGRITATE CLARISS.

MAGNI ILLIVS HVLDRICI ZVINGLIJ,  
INSTAVRATAE ECCLESIAE AVTHORIS,  
SVCCessori DIGNISS.

HELVETIAE GERMANIAEQ. TOTIVS  
SPLENDORI ET ORNAMENTO  
INClyTO,

HENRICO BVLLINGERO SENI  
DIGNITATIS PLENO,  
TANQVAM PATRI OPT.

THADDAEVS DVNVS LOCARN. MEDICVS  
SVO SVORVMQ. CONTERRANEORVM  
EXVLVM NOMINE

OBSERVANTIAE ET GRATITVDINIS  
ERGO  
P.

XIIII. CAL. OCTOBR.  
M.D. LXXV.



ORATIO FV-  
NEBRIS IOANNIS GVL-  
IELMI STVKII, IN OBITVM CLA-  
RISSIMI VIRI, DOMINI HENRICE  
BVLLINGERI Pastoris Ecclesiæ  
Tigurinæ fidelissimi.





NOBILI, SPECTATO, ORNATO  
QVE VIRO D. IOANNI BALTHAS-

sari Meyssio, Castri, agriq; Gryffensee præfecto in  
ditione Tigurina, Domino, & cognato  
suo honorando.

*Te BVLLINGERI quem noui semper amantem  
Illius & tristem morte dolere scio.  
Quid mirum? pater is patriæ, lumenq;, decusq;  
Exstitit & Christi pastor ouilis amans.  
Qui pauit nostras mentes, animosq;, sacrati  
Verbi ceu vero Nectare, & Ambrosia.  
Commoda magna dedit nobis, mors illius ergò  
Abstulit, heu, miseris commoda magna nimis.  
Iactura tanta quis dignos fundere fletus,  
Quæ lachrymæ damnum hoc æquiparare queant?  
Scilicet hoc meruit peccandi nostra libido,  
Vindictis & iusti sic tulit ira Dei.  
Hascemeas igitur tristes, iustasq;, querelas  
Accipe, meq;, vt amas, semper amare velis.  
Det Deus vt proauum laudes Spartamq;, tueri,  
Quam nactus, possis, terq;, quaterq;, vale.*

*Ioannes Guilielmus  
Stukius.*

# ORATIO FVNEBRIS IN OBITVM D. HENRICI

BVLLINGERI TIGVRINAE EC-  
CLESIAE PASTORIS.



VM innumera sint, patres, fratresq; obseruandi, Dei dona, atque munera, quæ ab illo ceu perenni, & inexhausto omnis boni fonte, quotidie, atque adeò singulis penè momentis in homines promanant, tum nullum, meo iudicio, præstantius, nullum augustius, nullum salutarius dici existimari uidebet, quàm eiusmodi virorum copia & facultas, qui eximijs sancti spiritus virtutibus aucti atque ornati, illis, & breuis laboriosisq; huius peregrinationis piè sanctè, honesteq; traducendæ, & illius immortalis, ac beatissimæ vitæ adipiscendæ, viam rationemq; commonstrant. Sic enim fert, semperq; tulit humanitatis ac sapientiæ diuinæ ratio, vt ad homines ea, quæ ad illorum animi corporisque salutem pertinent, docendum, non tam angelorum, quàm mortalium hominum opera, ac ministerio vteretur, idq; cum ob alias, tum hanc potissimum ob causam, quò illos hac ratione tantò firmiore inter se, arctioresq; charitatis, societatisq; vinculo conglutinet. Est autem optima, verissimaq; & hanc vitam benè beateq; viuendi, & illam alteram consequendi ratio in vera solidaq; religione posita, qua quidem sola, vt non modò Lactantius, verùm etiam ipse Plato verè licet religionis ignarus affirmavit, brutis animantibus longè antecellimus. Hæc enim est, quæ geminū illud, quo Deo hominibusq; obligati obstrictiq; sumus, officiū docet & explanat, quaq; (vt vel ipsius nominis notatio satis innuit) cū Deo pariter, & simul inter nos mutuò, ceu vinculo quodā, nodiq; firmissimo colligamur, atq; cōiungimur, ita vt omnis & diuinæ, & humanæ societatis fundamentū optimo iure dici meretur. Ac omnino verè, solidaq; religionis quanta sit vis, quātusq; splendor, vel ex eo satis apparet, quòd vel in illius falsa quadā,

## ORATIO FVNEBRIS IN

& fallaci specie, seu potius vana, & inani vmbra, hoc est, superstitione & idololatria omne olim ethnici (vt hodie quoq; ferè fieri videmus) salutis incolumitatisq; suæ, societatis deniq; humanæ præsidium atque robur collocarunt. Vnde etiam sæpe homines astutos & callidos ficta falsaq; religionis simulatione auctoritatem sibi, potestatemq; summam peperisse, & imperitam multitudinem hoc quasi iniecto fræno à defectionibus, tumultibus, seditionibus cohibuisse, in officio, obsequioq; continuisse legimus. Sic enim de Numa Pompilio, Scipione Africano, L. Sylla, Q. Sertorio, de Minoe Cretensiu, Pisistrato Atheniensium tyranno, Lycurgo Lacedæmonioru, Seleuco Locrensiu legislatoribus, deq; innumeris alijs Valerius Max, alijq; historici tradiderunt. Hanc quoq; ob causam superstitionu atq; idololatriæ doctores, & interpretes, cuiusmodi olim apud Gallos Druidæ, apud Persas Magi, apud Assyrios Chaldei, apud Indos Brachmani, apud Æthiopas Gymnosophistæ, apud Latinos & Romanos Hetrusci & augures, apud alios alij atq; alij extiterunt, magno semper in pretio, honore, auctoritate à suis habitos cultosq; fuisse prophana literarum monumenta testantur. Quod si itaq; superstitionis, quæ callida quædã veræ religionis malitiosaq; est imitatrix, quasiq; simia, tanta vis vulgò, sed falsò esse creditur, semperq; credita est, quid nobis quæso de ipsa vera, germana, solidaq; religione est sentiendum? an non illi potius soli omnis salutis, prosperitatisq; ratio, humanæ societatis conservatio accepta est ferenda? Ita sanè. Quamobrem optimo meritissimoq; iure beatæ, florentesq; illæ demu ciuitates, respub, regna iudicari æstimariq; debent, non quæ magno auri & argenti pondere, opum diuitiarumq; cumulo, quæ copijs militaribus, quæ ciuium frequentia, quæ ædificijs splendidis, atque munitis, omnium deniq; rerum ad victum cultumq; corporis, vitæ humanæ sustentatione pertinentium copia abundant: sed potius quibus veri & fideles puræ religionis doctores, diuinæ voluntatis (quæ vnica religionis est regula) præcones, vitæ morumq; duces atq; magistri suppeditant. Hi enim, hi inquam omni auro, argento, thesauris huiusce mundi infinitis partibus pretiosiores, ciuitatibus, rebus pub. regnis, in quibus versantur pacis, concordie, tranquillitatis, omnis salutis incolumitatisq; auctores, existunt,

existunt. Verùm ingens hoc Dei beneficium pleriq; hominum,  
 qua sunt naturę ingenijq; peruersitate, contemnunt, quod plu-  
 rimi ab illis fieri debebat. Tantùm igitur abest, vt huiusmodi si-  
 bi ad suam salutem diuinitus concessos, quasiq; è cœlo delapso  
 vitę duces, ipsius Dei præpotentis legatos atque vicarios, quæ  
 par erat, beneuolentia obseruantiaq; prosequantur, illorum præ-  
 ceptis monitisq; diuinis obtemperent, vt illos potius vel conte-  
 mnant atq; irrideant, vel etiã acerbo capitaliq; odio prosequan-  
 tur, calumnijs conuicijsq; onerent, ceu monstra quædã atq; por-  
 tenta ex hominum societate exturbanda, in vltimas terras rele-  
 ganda execrentur, detestentur, diris deuoueant, deniq; omni in-  
 iuriarũ genere, tormētis, supplicijsq; exquisitis & inusitatis affi-  
 ciāt. Quo sane hominũ ingratissimorũ detestabili inexpressibiliq;  
 scelere ad iram pronocatus iustus ille scelerum ultor, & vindex,  
 omnes huiusmodi beneficij sui contemptores suis illis, quibus  
 indignissimi sunt, fidelissimis ministris destitutos, falsorum do-  
 ctorum, seu potius seductorum, & impostorum, luporumq; im-  
 manissimorum prædæ expositos, in cæcis & mortiferis errorũ,  
 ignorantiaq; tenebris versari, in omnium scelerum, flagitio-  
 rumq; cœno volutari, atque ita tandem ad æternos animi cor-  
 porisq; cruciatus rapi, trahiq; patitur. Vt enim sublatis colum-  
 nis, ædificij ruina, sublato lumine, tenebræ, sublato viæ duce, er-  
 rores, sublato pastore, ouium dissipatio, sublato imperatore, exer-  
 citus clades, sublato gubernatore, naufragium: sic quoque sub-  
 latis diuino iudicio spiritualibus hisce columnis, luminibus, du-  
 cibus, pastoribus, imperatoribus, gubernatoribus, ciuitatum po-  
 pulorumq; ruinam, tenebras, errores, dissipationem, clades, nau-  
 fragia, animi corporisq; interitum sequi omnino est necesse.  
 Hinc Salomon, Prophetia, inquit, cùm defecerit, populus dissi-  
 pabitur: populus verò, qui custodit legem, beatus est. Horum  
 quæ adhuc à me dicta sunt, clarum, & illustre exemplum habemus  
 in gente Iudæa, quam Deus posthabitis neglectisq; ferè om-  
 nibus alijs nationibus, ingenti complexus amore, ingentibus  
 quoque tam animi, quàm corporis beneficijs cumulauit. Inter  
 quę principem illad locum obtinuit, quòd illis idoneos, fidosq;  
 sacrosanctę suę voluntatis interuentios atq; interpretes, sacer-  
 dotes nimirum, & prophetas largitus est, quorum ex ore tan-



## ORATIO FVNEBRIS IN

quàm ex sanctuario illis responsa, hoc est, sui legitime placandi, & venerandi, vitæ huius bene instituendæ atq; formandæ, eternæ beatitudinis potiundæ optima saluberrimæq; documenta dedidit. Quandiu igitur gens illa grata erga Deum mente diuinis huiusmodi viros amauit, coluit, obseruauit, illorum præceptis, quæ ex sancti spiritus inspiratione erant profecta, sese obsequenter, obedientemq; præbuit, tandiu foelicissimo animi, corporis, omnium rerum, fortunarumq; suarum statu floruit. At verò simulatq; (qui ferè perpetuus, vt sacræ docent literæ, illius populi mos, consuetudoq; fuit) illos Dei legatos ad se missos spreuit, irrisit, illorum oraculis, monitisq; fidem, obedientiamq; denegauit, omni iniuriarum genere vexauit, vita quoq; priuauit, Deus illos veris prophetis & sacerdotibus orbatos, planis & impoſtoribus omni mendaciorum genere deludendos, decipiendosq; permisit, tandemq; in extremas misérias, clades, calamitates, vilissimam, abiectissimamq; seruitutem detrudi præcipitariq; curauit. Quamobrem creberrimè sancti prophetæ in acerrimis illis suis actionibus, & inuectiuis, cum eximium hoc & singulare Dei erga illos beneficium commemorant, tum nefarium, scædumq; eius contemptum illis exprobrant. Sic enim, vt ex innu-

*Jeremia 7.* „ meris vnicum tantum proferam, Deum Ieremias loquentem inducit: Prophetas seruos meos misi ad vos, per diem mane sur-  
 „ gendo, & non audierunt me, nec inclinauerunt aurem suam,  
 „ sed indurauerunt ceruicem suam, & peius egerunt, quàm patres  
 eorum. His deinceps mox subiungit pœnæ comminationem,  
 quæ fuit extrema & horrenda regni regionisq; vastitas. Simi-  
 liter per Micheam prophetam in longo illo, quem texit, diuino  
 beneficiorum catalogo exprobrationis vim obtinente hoc  
 quoq; commemorat, quòd ante illos Moysen, Aaronem & Ma-  
 riam miserit, ceu optimos viæ vitæq; duces: quorum trium no-  
 mine infiniti alij sacerdotes, prophetæ, reges, duces, regni, eccle-  
 siæq; gubernatores sunt intelligendi. Sed quid opus est alienorū  
 exemplorum recitatione? Nos, nos inquam Tigurinos præ om-  
 nibus ferè alijs populis Deus misericors singulari hoc benefi-  
 cio egregiè ornauit. Quàm multos enim ab hinc ferè 50. annis,  
 ex quo tempore vera puraq; religio ex tenebris, quibus diu ob-  
 ruta, sepultaq; iacuit, in lucem rursus emerſit, viros doctri-  
 na, pie-

na, pietateque vel ad admirationem vsque præstantissimos nobis subministravit, qui partim piæ honestæque vitæ exemplo, partim egregijs suis concionibus, partim divinis literarum monumentis, maximo patriæ, ecclesiæque nostræ emolumento pariter atque ornamento fuerunt? Sed quia nos ingrati ingens hoc Dei beneficium non tanti facimus, quanti reuera facere deberemus, virisque illis præclaris, & eximijs non debita meritamque observantiam, & obedientiam præstamus, multi quoque nostrum illos contemptu, odio, malevolentiaque prosequuntur, idcirco Deus insignis huiusce nostræ ingratitude vindicandæ, & vlciscendæ gratia multos iam nobis ex egregio illo grege eripuit, & ad se transtulit. Huiusmodi sunt, ut illos tantum commemorem, qui mea ætate floruerunt, quorum etiam nonnullorum opera in literarum studijs optima, fidelissimaque usus sum, Pellicanus, Bibliander, Martyr, Gesnerus, Ammianus, Frisius, Fabritius, Vuerdmüllerus, lumina nostræ patriæ, imò vniuersæ reipublicæ Christianæ clarissima, de quorum laudibus, & egregijs in ecclesiam, scholamque nostram meritis, atque beneficijs si quis pro dignitate dicere vellet, tempus illum profecto citius, quam oratio deficeret. His annumerandus est, minimeque silentio prætereundus D. Ioannes Vuolfsius, quem postremum ex illo numero Deus hinc ad se evocavit, qui munus hoc theologicum per multos annos summa cum laude, dignitate, utilitateque sustinuit, atque obiit, Ecclesiæ, Scholæque nostræ emolumento, ornamentoque magno fuit. Fuit enim vir ille, quemadmodum nostis omnes, cum vitæ, morumque integritate, & innocentia laudabili, tum iuris divini, atque civilis, historiarum, totius *ἡμετέρας* notitia, prudentia, facundiaque admirabili præditus. Cuius præterea summa gravitas singulari quadam comitate, lenitateque condita atque temperata in ipsius oris, vultus, totiusque corporis augusta quadam amabilique forma mirabiliter eluxit. Verum harum omnium illius virtutum claro imprimis & illustri argumento, fuerunt tā actiones illius piæ, & honestæ, quā orationes & Scholasticæ, atque Latinæ, & Ecclesiasticæ, atque Germanicæ, piæ, doctæ, elegantes, quarum sæpè magna cum voluptate, utilitateque nostra participes fuimus. Testantur idem etiam nunc hodie, & quidem, quandiu hæc mundi machina stabit, testabuntur præclara eius, doctrinæ

## ORATIO FVNEBRIS IN

eruditionisq; plenissima, literarum monumenta, quorum alia quidem iam in lucem emanarunt, & extant, alia verò in illius lautilissima bibliotheca custodiuntur, donec tandem & illa filij, quem post se ceu strenuum suarum virtutum imitorem reliquit, opera atque studio ex tenebris latebrisq; illis in lucem erumpant, posteritatiq; omni seruiant. Omitto hic plurimos alios, quorum licet publica scripta nulla extent, plurimæ tamen maximæq; virtutes, & merita in patriam, ecclesiamq; nostram præstantissima, perpetua laude, prædicationeq; dignissima extiterunt. Hisce igitur omnibus clarissimis, planeq; diuinis viri, paucis ab hinc annis, cum summo non modò nostræ reipub. verum etiam vniuersi Christiani orbis detrimento, nudati spoliatiq; sumus. Quæ quidem pœna diuinæ, quauis opum, diuitiarumq; vel amplissimarum amissione longè grauior, tetrior, funestior iudicari debet. Quoniam autem nos dura indomitaq; ceruice, incircunciso obstinatoq; corde, ferrea, perfrietaq; fronte, & audacia præditi nullum peccandi, verbum diuinum, eiusque ministros contemnendi finem facimus, idcirco Deus quoque nullum nos puniendi, castigandiq; finem facit. Quantam enim, prohdolor, quàm grauem, insanabilem, mortiferamq; plagam, iam recens nobis inflixit? maior certè est, quàm vt illam quisquam vel oratione, vel cogitatione complecti possit. Eripuit enim nobis, horret animus dicere, eripuit inquam nobis, eheu, plurimis nimirum nostris vitijs atque peccatis irritatus, Bullingerum nostrum, patriæ, ecclesiæque nostræ parentem fidelissimum, pastorem vigilantissimum, lumen clarissimum, cœlum firmissimum, cuius sapientia, prudentia, consilij, virtutibus immortalibus, post Deum, maximè perditis hisce temporibus nitebamur, ac fulciebamur. O iacturam calamitosissimam, o damnum ingens, quod nullis vnquàm quantūmuis plurimis, & maximis commodis compensari, atque sarciri poterit. Qualis enim, prohd Deum immortalem, & quantus ille vir fuit, quot quantisq; sancti Spiritus donis, tanquam egregijs Ecclesiæ bene gubernandæ præsidij instrumentisq; instructus? Tot profectò & tantis, vt illum, ceu organum præstantissimum ad Dei gloriam, ad patriæ, ecclesiæq; nostræ salutem dignitatemq; natum, imò ab ipso Deo ab æternis sæculis fuisse destinatum nominant

mini dubium esse queat. Ovtinam tanta mihi dicendi vis & facultas suppeteret, qua voluntati, studioq; meo diuinas illius laudes effereudi, celebrandiq; flagrantissimo satisfacere aliquo modo possem. Sed vt mihi planè persuadeo, nullius tantum est vel ingenij lumen, vel acumen memoriæ, vel tam singulare, admirabileq; orationis flumen, quo tanti viri præclaræ ac præstantes virtutes vel adumbrari, nedum pro dignitate exornari satis, & illustrari posse videantur. Quamobrem minimè omnium mihi hoc arrogo & assumo, qui meq; tenuitatis mihi optimè sum conscius, vt id dignè à me villo modo præstari posse existimem. Verùm cùm ipsius Dei Opt. Max. virtutum immensa infinitaque magnitudo (cui vel cogitandæ, non modò explicandæ omnes homines, quid dico homines? ne omnes quidem angeli pares esse queant) minimè nos à merito debitoq; illas pro capacitate, tenuitateque nostra celebrandi munere officioque deterreat, vel certè detertere debeat: cur non similiter ausim ad optimi quoque huiusce nostri parentis virtutes non quidem pro dignitate explicandum, quod longè supra vires meas esse profiteor, sed breuiter atq; summatim cum grati mei animi testificatione perstringendum, & vobiscum vnà grata memoria recolendum accedere? Quamobrem si qua est ingenij mei scintilla, si qua orationis meæ guttula vel minima, in tanti nunquam satis laudati, laudandiq; viri laudes hoc quidem tempore vobis audientibus conferatur: de quibus vt me non tam dicentem, quàm balbutientem quis beneuolisq; animis audiat, vehementer vos, auditores optimi, etiam atque etiam rogo.

Sed quid agam? Vnde potissimùm enordiar? Maxima enim non modò animi mei præ nimio mœrore perturbatio, verùm etiam dicendi sylua, atque materies, ita mentis ingenijque mei aciem perstringit, vt neque vnde mihi sit incipiendum, neque quomodo progrediendum, neque vbi desinendum satis constituere possim. Attamen ne sine omni ordine (quod mihi in tanta animi mei perturbatione, rerumque congerie facillimè acciderit, ignoscendumque forsan fuerit) errer hæc mea atque vagetur oratio, hac quidem via rationeque progredi certum est, vt primò de animi illius præclaris virtutibus, deindè orationibus, actionibusq; laudabilibus, tum de corporis, exter-



## ORATIO FVNEBRIS IN

nisq; bonis egregijs, postremò de illius morbo atq; morte gloriosa pro mea virili verba faciam. Quæ tandè & illius, qua nunc fruitur, beatitudinis mêtione et miseriq; orbitatisq; nostræ deplo ratione, & breui quadam admonitione concludentur. His ergo quasi cancellis atq; terminis circumscriptus, definitusq; erit hic meæ orationis cursus, quem & te, Deus immortalis, vt tuæ gratiæ, atque spiritus, & vos, auditores humanissimi, vt vestræ æquitatis beneuolentiæq; aura prosequamini, supplex rogo.

Quod ad primum igitur attinet, de quo dicere mihi proposui. Veteres illi ethnicorum philosophi, quod nemo vestrum ignorat, qui vël extremis, quod dicitur digitis illorum scripta attigit, animos mentesq; humanas ex illa suprema, immensa & infinita mête quasi decerptas, ac delibatas, illi *αυράς*, hoc est, eiusdem cum illa naturæ, siue substantiæ esse sibi falsò persuaserunt. Quæ in errorè, vt est verisimile, illos impulit cùm ipsius mentis humanæ, qua quidem animantibus brutis longo interuallo antecellimus, diuina quædam præstantia, tùm quòd nonnihil intellexerūt de aura illa, siue spiraculo vitæ, quod Moyse à Deo primi illius hominis faciei inspiratum fuisse tradit. Hinc Horat.

*Atque affigit humo, Diuinam particulam auræ.*

Quòd si igitur philosophi illi, hunc nostrum verum philosophum, qui veræ sapientiæ studio, atq; cognitione mirificè excelluit, cognouissent, minimè profectò dubitassent illius potissimum mentem supremæ illius mentis particulam, auram, scintillam, surculum, riuulum appellare, quibus nominibus illi omnes humanas mentes, atq; animos insignire consueuerunt, non malè mea sententia, siquidem non hisce nominibus quandâ diuinæ atq; humanæ mentis *αυράς* intellexissent, de quo nolo hic pluribus disputare. Fuit igitur Bullingeri nostri mens (quæ nunc corporis compage & vinctulis soluta in cælis viuit & viget) minimè hebes, & obtusa, sed ipsius nimirum spiritus sancti lumine illustrata, acris valdè, acuta, perspicax, solers, ita vt nullæ res tam subtiles, tam difficiles ad intelligendum, & obscuræ, tam abstrusæ atq; reconditæ, tam intricatæ, perplexæ, atq; confusæ fuerint, quas non facillimè penetrare, inuestigare, comprehendere, dijudicare atq; discernere, explicare deniq; potuerit. In enigmatibus (quod certè magni acuminis est indicium) quibusuis dextrè celeriterq; soluendis quasi alter quidam Oedipus videtur fuisse.

Memoriæ, vti nostis, magna est præstantia, & vtilitas, quam idcirco rectè vereq; Cicero rerum, verborumq; custodem, thesaurum, fundamentum, Plutarchus τῆς νοῦς διέτας ταμίαν, hoc est, doctrinæ penu siue promptuarium, alio in loco ὑβριστῆς, hoc est, bonorū consiliorum procreatricem, poetæ deniq; Musarum matrē, atq; nutricem appellarunt. Hac ille adeò tenaci, firma, planeq; diuina præditus fuit, vt nihil quod semel illius menti esset infusum, elabi rursus, & effluere potuisse videretur. Cumq; illa vel ipsa natura mirum in modū valeret, tūm assidua exercitatione à pueris suscepta, ediscendis ad verbū multis scriptis, inter quæ fuerunt Virgilij opera *Æneidos*, quæ ad vnguē tenuit, tantū effecit, vt senectus, quæ memoriæ mors plerunq; esse consuevit, de illius virtute parum admodū detraxerit. Hac igitur ille mentis, hac memoriæ vi & virtute incredibili immensam ferē illam, & inexhaustam linguarum, doctrinarum, rerum deniq; humanarū diuinarumq; scientiam, qua cumulatus fuit, sibi comparauit. Ac trium quidem illarum linguarum Hebrææ, Græcæ, atq; Latine, quæ omnium aliarum linguarū principes, matrices, & procreatrices videntur posse appellari, summam cognitionem habuit. Lingua latina, cuius vsus hodie vbiq; terrarū maximè cōmunis est, & peruagatus, siue quid illi vel subito & ex tempore scribendum, siue loquendū esset, tam expeditè vsus est, atq; hac vernacula, & populari nostrate. Omnibus præterea illis artibus & doctrinis liberalibus, quæ summæ illi omnium reginæ & dominæ, Theologiæ ancillantur, egregiè instructus ac perpolitus fuit, in quib. ab ineunte ætate Colonia præsertim multū operæ studijq; posuerat. Quid dicā de illius insigni & cōmemorabili omnium non modò nostratiū, & domesticorū, verū etiam externorū, & priscorum, & recentium, & sacrorum & prophanorū iurium, legum, morum, consuetudinū, bellorū, rerum gestarū, exemplo rum deniq; notitia, quā ille partim vsu & experientia, partim assidua, indefessaq; oīs generis librorū lectione fuit consecutus? Testes huius fuerunt plurimæ illius, ex hac nimirum rerū cognitione eflorescentes, & redundantes publicæ, priuatq; siue familiares orationes, quas audiuius. Idem etiam nū hodie testatur præclara illius De origine errorū, De concilijs, aliaq; huiusmodi literarū monumenta, quæ in lucem sunt edita. His addere licet cūm aliis, quæ nondum extant illius scripta, tūm verò atq; in pri-

## ORATIO FVNEBRIS IN

mis ingens illud volumen, quod paulò ante morbum illum su-  
um mortiferum absoluit, nostroque collegiò dedicauit, quo res  
patriæ nostræ diligentissimè est complexus, quodq; nunc tan-  
quam præclarum illius donum ac monumentum in bibliotheca  
nostra diligentissimè asseruatur. Iam verò rerum sacrarum, cœ-  
lestium ac diuinarum, quæ à sensu intelligentiâq; humana ab-  
strusæ sunt atq; reconditæ, & ad æternam salutem beatitudinemq;  
faciunt, tanta fuit cognitione instructus, quanta dici potest ma-  
xima, de qua postea quoq; nonnihil dicetur. Hanc ille ex *bronius*  
*scipio*, hoc est, sacrosanctorum, & canonicorum illorum librorum,  
ceu fontium saluberrimorum assidua lectione, meditatione, in-  
terpretatione potissimum hausit. Plurimum quoq; in Patrum,  
præsertim D. Augustini augustissimi sanè theologi scriptis ver-  
satus, & exercitatus fuit, quæ tamen omnia summo iudicio, dili-  
gentiâq; ad canonica illa veteris nouiq; testamenti scripta, ceu  
ad Lydium lapidem explorauit. Hoc autem ille fecit ex ipsorum  
patrum sententia atque consilio, qui, qua fuerunt pia modestia,  
minimè eandem suis præclaris scriptis, quam Canonicis illis li-  
bris fidem auctoritatemq; tribui noluerunt, quin potius illa cum  
dijudicatione legi, & quæ canonicis libris consentiant, recipi,  
quæ verò ab illis discrepent, repudiari præceperunt, quod quidē  
nemo, qui vel primoribus labris illorum scripta degustarit, igno-  
rare potest. Historicos præterea illos ecclesiasticos, qui primiti-  
uæ ecclesiæ originem, progressum, statum conditionemq; com-  
plectuntur, insatiabili quodam, inexplabiliq; studio euoluit, atq;  
perlegit, ita vt omnium illarum historiarum peritissimus fuerit.  
Ipsos quoq; Scholasticos, vt vulgò appellantur, scriptores non  
omnino quidem ille neglexit, hoc tamē in illis legendis iudicio  
versatus est, vt quæ in illis consentanea canonicis veteris & no-  
testamenti literis reperiret, ea amplecteretur, quæ dissentanea &  
repugnantia, aspernaretur. Atque hac quidem ille mentis, inge-  
nij, iudicij, memoriæq; ui, acumine, celeritate, præditus, hac va-  
ria, copiosa, & multiplici linguarum, artium, diuinarum, humana-  
rumq; rerum cognitione plenus atq; refertus fuit. Quod quidē  
lautum copiosumq; suum talentum, vt ita loquar, minimè inutile &  
infructuosum iacere passus est, quin illud potius ad Dei gloriā,  
ad patrię, ecclesię, scholęque vtilitatem multiplici cum scœnore  
fide-



fidelissimèq; contulit, quemadmodum ex sequentibus magis  
 patebit. Ad hanc porro mentis, intelligentiæ, scientiæ, cogni-  
 tionisq; præstantiam accessit cordis illius omniumq; affectuum  
 summa puritas, ita vt illius cor sancti spiritus sanum & delu-  
 brum, omnium virtutum domicilium, quasiq; sacrarium  
 optimo iure dici potuerit. Cor enim habuit non duplex, sed  
 simplex, apertum, candidum, syncerum, integrum, ingenuum,  
 ab omni furo, dolo, fraude, simulationibus atque dissimulatio-  
 nibus alienissimum. Nō habuit, vt sacra scriptura loquitur, cor,  
 & cor, hoc est, aliud in ore linguaq; promptum, aliud id pecto-  
 re clausum, quin potius oris illius atque pectoris pulcherrimus  
 consensus, concentusq; extitit. Cor illius omnis secreti, & arca-  
 ni, quod quidem illius fidei commissum erat, cōtinentissimum,  
 fidelissimus quasi custos, seu depositarius fuit. Cor habuit lene,  
 mansuetum, ad iram tardum, ad veniam dandam, ignoscendum  
 ijs, à quibus læsus, offensusue fuerat, propensum, ab ira diutur-  
 na, ab odio, inimicijs, inuidia, maleuolentia alienum, charitate  
 gemina erga Deum atque proximum flagrantissimum. Cor il-  
 lius concordia, & pacis amantissimum fuit, ab omnibus con-  
 trouersijs, discordijs, rixis, contentionibus, & dimicationibus  
 vehementer abhorruit. Itaque multas ille domi forisq; contro-  
 uersias cū publicas, tū priuatas, vel politicas, vel ecclesiasti-  
 cas componere, multosq; non modò ciues, verū etiam ex-  
 traneos & peregrinos hostili à se inuicem odio, inimicitijsq;  
 dissidentes reconciliare, ad gratiam, amicitiamq; Christianam  
 reuocare sedulò est conatus. Cor præterea illius sobrium, fru-  
 gale, temperans, ab ebrietate, gula, omnium voluptatum illece-  
 bris ac lenocinijs auersissimum fuit. Cor habuit castissimum,  
 prauæ & nefariæ libidinis venerisq; expers: cuius sane testis  
 quoque est, vidua illius castitatis plenissima vita, quam post  
 optimæ castissimæq; suæ coniugis obitum, degit. Cor illius mi-  
 nimè omnium iniquæ mammonis, auaritiæq; mancipium,  
 sed potius beneficentiæ, liberalitatis, hospitalitatisq; studiosissi-  
 mum fuit, quo ille ad peregrinorum, exulum, pupillorum, vi-  
 duarum, inopum ac mendicorum inopiam subleuandam & su-  
 stentandam nullis, quas habuit mediocres, bonis ac facultati-  
 bus suis pepercit. Quid dicam de cordis illius fortitudine, & ro-



## ORATIO FVNEBRIS IN

bore aduersus omnes doloris stimulos, rerum aduersarum fulmina, carnis, mundi, Sathanæ blandimenta pariter atque terribilia firma, constanti, inuicta, & inexpugnabili? Quid de eiusdem summa modestia, humilitate, submissione, qua ab omni fastu, arrogantia, superbia, leui stultaq; verborum iactatione alienus: quò virtutibus sublimior, gloria, laude, honoribus florentior, tantò submissius se humiliorq; gessit, ita vt qui dignitate, auctoritateq; omnes superabat, omnibus par & æqualis esse videretur. O cor verè cordatum, & aureum in quo Spiritus sanctus, omniumq; virtutum chorus habitauit, cuius affectus Spiritus sancti imperio morigeri, & obsequentes, sedati, moderatiq; fuerunt. Itaque minimè profectò mirum est illum tot, & tantarum cordis virtutum comitatu septum tam puram, sanctam, religiosam, omnis criminis, vitijq; insignis, vel labe, vel etià suspitione vacuam egissè. Hac ille certè, ceu luce quadam clarissima omnibus ad piè, sanctè, honesteq; viuendum præluxit, omnibus etiam à religione nostra alienissimis, maleuolis, & obrectatoribus maledicendi quidem conuiciandiq; ansam præcidit, laudandi verò vberissimam segetem præbuit. Virtutis enim tantus est splendor, tanta vis, vt hostes etiam ad diligendum alliciât, & ab illis vel inuitis laudem extorqueat. Atq; hæc quidem de præstantissimis illius & mentis, & cordis virtutibus, non quidem pro illarum magnitudine, sed pro tenui mea facultate sint dicta. Quarum tamen præstantia, & dignitas clarius adhuc elucebit ex illarum effectis atq; fructibus, hoc est, præclaris reipub. ecclesiæq; vtilissimis orationibus, & actionibus, de quibus nunc, vt ab initio mihi proposueram, secundo loco, est dicendum. Sunt enim, vti nostis veræ virtutes actuosæ, pulcherrimarum vtilissimarumq; actionum procreatrices, in quibus etiam illarum vis maximè cernitur. Vt igitur primum ab orationibus illius publicis, sacris, siue ecclesiasticis exordiar, quibus creberrimè summa cum vtilitate, voluptateq; frui sumus soliti, quid quaeso illis non dico à me, sed à quoquam vel eloquentissimo dignum satis dici queat? Fuit enim ille admirabili dicendi vi & facultate, nò vtili modò, & salutari, verumetiam amabili, suauis, iucunda præditus, qua nò de lana, vt ita loquar, caprina, hoc est, de rebus leuiculis, vanis, inanibus, sed maximi momenti & ponderis,

deris, ad aternam salutē beatitudinēq; pertinentibus pro con-  
 cione disseruit. Consilium illud Dei arcanum & occultum de  
 redimendo liberandoq; ex potestate sathanę, peccati, mortis, in  
 ferni humano genere per vnigeniti sui filij mortem, atq; sangui-  
 nem, à Deo ab æternis seculis initum, ab eodē in paradiso pa-  
 rentibus illis humani generis post eorum lapsum primò patefa-  
 ctum, varijs postea oraculis, visionibus, ceremonijs, vaticinijs  
 adumbratum & confirmatum, tandem tempore à Deo ordina-  
 to mirabili inexplicabiliq; ratione ad exitum perductum, in vni-  
 uerso mundo promulgatū, quanta non modò animi, corporisq;  
 contentione, verū etiam perspicuitate creberrimè nobis pro-  
 posuit, & inculcauit? Id quod non sine causa fecit, hoc enim  
 concilium etsi humanę rationi contrarium, gentibus stultitię  
 nomine fordet, Iudęos plurimū offendit, tamen vnicum est  
 salutis, religionisq; nostrę caput, fundamentum, prora, vt ita lo-  
 quar, & puppis. Quamobrem si non eleganter, at amanter, veri-  
 tatiq; consentaneè illa mihi videntur dicta.

*Quę quondam cecini Graia, pinguiq; Camæna*

*In nomen tanti, ductus amore, viri.*

Βελλινγῆρε γέρον βελιφόρῳ εἰς πανάρις  
 Βελῆς ἐχὶ βροτῶν, ψευδῶν, μᾶλλον δὲ θείοιο  
 Αμβροσίῃ κήρυξ, ὅς μενογενὲς τέκνον αὐτῆς  
 Εὐσπλαγχνῶ θέλει ἀλγεα πολλὰ παθεῖν τε, θανεῖν τε  
 Οφρα ἡμᾶς ρύσῃ συγερῆς κρυερῆς αἰδῶο.  
 Ω βελῆς εὐβέλ' ἡμεντε βιός σοός ἐσιν  
 Πάντ' ὅς τις τελέθει πίσιν κεκτημένῳ ὀρθήν.  
 Χαῖρε γέρον πατρίδος γέρας, οὐχομαι τὴν κραδίην με  
 Ως σοὶ θεὸς μακρόν γῆρας, καὶ θύμῃς ὁπάξῃ.

Quàm præterea præclarè, & diuinitus de cæteris omnibus reli-  
 gionis Christianę mysterijs, omnē sensum intelligentiamq; hu-  
 manam superantibus, quàm perspicuè differere est solitus, ita vt  
 quilibet de vulgo qui modò attentas aures, mentemq; adhiberet,  
 diuina adiuuante gratia facillimè ea posset intelligentia assequi:  
 vt de Deo, de eius adorāda magis, quàm curiosius scrutanda &  
 vnitate trina, & trinitate vna, imensa & infinita maiest. potētia,

## O R A T I O F V N E B R I S I N

sapientia, iustitia, misericordia, alijsque virtutibus. Deinde de mundi, omniumque rerum tam visibilium, quam inuisibilium mirabili creatione ex nihilo, & conseruatione atque administratione, tum de angelorum natura, & nonnullorum quidem qui diaboli, hoc est, calumniatores in sacris literis appellantur, superbia, defectione, ruina, malitia, exitio æterni: aliorum vero, qui Dei ministri atque satellites, hominum custodes dicuntur, perseuerantia, beatitudine, munere atque officio. Præterea de hominis, qui ex corpore terreno, animoq; cœlesti Dei repræsentante imaginem, ab ipso Deo primum fuit conflat, beatissimo statu, turpissimo miserrimoq; casu, lapsuque, extrema mentis, voluntatisq; corruptione, ad peccandum procliuitate. Adhæc de ipsius peccati, quod per hominem in mundum inuasit, originalis, actualisq; vi pestifera, atque mortifera: de morte, quæ est peccati stipendium, prima & secunda: de lege, quæ est pædagogus ad Christum, peccati, pœnæq; speculum, & morali, & cærimoniali, & iudiciali ab ipso Deo lata ac promulgata. Præterea de Christo, qui legis finis est, eius persona vna, naturis duabus indissolubili vinculo coniunctis, proprietate distinctio: de eiusdem officio regio, pontificio, ac prophetico, inusitata ineffabilique conceptione, natiuitate humili, miraculis stupendis, doctrina salutari, innumeris, quibus est perfunctus ærumnis, animi, corporisque laboribus, atque doloribus, morte ignominiosa, sepultura honorifica, resurrectione gloriosa, ascensione in cœlos triumphali, sessione ad dextram Dei magnifica, reditu ad extremum iudicium gloriæ ac maiestatis plenissimo. Item de fide in Christum iustifica, viuâ, charitate operosa, de pœnitentia, regeneratione, bonis operibus: de verbo Dei, de sacramentis, Baptismo nimirum, & Cœna Dominica ad fidem, charitatem, societatemq; fraternam alendam, fouendam, corroborandamq; facientibus. Denique de Ecclesia Christi sponsa, & corpore in hoc mundo militante, in altero triumphante, cum visibili, tum inuisibili, de veris eius, proprijsq; notis, quæ sunt verbi diuini puri puti prædicatio, Sacramentorum legitima administratio: de eiusdem regimine, rectore, & gubernatore perpetuo spiritu sancto. Hæc ferè sunt præcipua religionis Christianæ capita atque mysteria, nobis ad salutem cognitu vtilia, imò necessaria,

cessaria, quæ breuiter nunc à me percurſa, ille pro concione copioſe, perſpicuè, ſacris literis congruenter, conuenienterque explicare conſuevit. Contra verò omnes quæſtiones plus ſutilis ſubtilitatis, quàm vtilitatis habentes, vanas & aniles fabulas, hominum commenta, atque ſigmenta, errores de Deo, rebusque diuinis peruerſos & peſtiferos improbabat, verbi diuini gladio feriebat, ac refellebat, ex hominum mentibus radicitus euellere, & extirpare conabatur. Quàm porrò ſapienter cultum Dei, religionemque non hominum ſuapte natura mendaciſſimorum placitis, opinionibus, arbitrio, ſeu potius libidine, ſed ſola voluntate diuina, vnica æquitatis, iuſtitiæque regula certiſſima, metiendam eſſe affirmabat: id quod vel ipſe Cicero naturæ lumine faciendum eſſe intellexit, cum in religionibus ſuſcipiendis caput eſſe dicit interpretari, quæ voluntas Deorum immortalium eſſe videatur. Voluntatem autem Dei, optimam cultus diuini reſtricem, & moderatricem, non in cabalis, ſiue traditionibus quibuſdam *ἀρχαῖς*, hoc eſt, non ſcriptis, in reuelationibus extraordinarijs atque inſomnijs, in mortuorum oraculis, ſed in ſacroſancta illa veteris, & noui teſtamenti ſcriptura canonica quærendam eſſe, & inueſtigandam docebat. Hanc idem ſacram ſcripturam non inſtar naſi cerei, regulæ Leſbiæ, cothurni (vt hodie nonnulli loquuntur) incertam, perplexam, flexiloquam, fallacem, obſcuritatibus atque tenebris circumfuſam, mancam & mutilam, ſed planam maxima ſui parte, & perſpicuam, certam, inſallibilem, plenam, perfectamque voluntatis diuinæ teſtem, vitæ ducem, errorum, vitiorumque emendatricem, religionis, virtutis, officiij, benedictorum, benefactorumque omnium magiſtram, denique omnium, quæ & ad huiusce vitæ morumque conformationem, & alterius adeptionem nobis cognitum, dictum, factumque ſunt neceſſaria, quaſi cornu copiæ quoddam *ἀνταρκτικότατον* rectiſſimè, veriſſimeque ſtatuebat. Hac itaque duce, & magiſtra Deum nobis ſolum *Θεός* pariter, atque *ναρκάς* eſſe colendum, ſolum inuocandum, per illum ſolum iurandum, in ſola illius miſericordia omnem ſalutis ſpem ponendam, ſolo Chriſto, vnico mediatore, patrono, hoſtia pro peccatis piaculari, eccleſiæ capite, nixis frerisque nobis ad æternam vitam aſpirandum. Deum præterea non ſacrificijs, non



## ORATIO FVNEBRIS IN

templis, aris, simulachris ebore, marmore, auro, argentoque, res-  
fulgentibus, non valis, & vestibus pretiosis, non magna, opero-  
saque ceremoniarum pompa, non thure, odoribus, vnguentis-  
que fragrantibus, non cereis & luminibus, non fidium organo-  
rum atque vocis molli fractoque cantu, non aqua lustrali, non  
gesticulationibus quibusdam histrionicis, peculiarum quarun-  
dam susurrationibus, ieiunijs superstitiosis, peregrinationibus  
laboriosis, non denique alijs huiusmodi vel ludæorum umbris,  
vel Ethnicorum tenebris esse colendum. Sed potius cum sit  
Spiritus, in spiritu & veritate, vt Christus inquit, casta puraque  
mente, vera fide, quæ nimirum charitate sit actiosa, vera spe,  
pia attentaque verbi diuini audientia atque obedientia, sacra-  
mentorum communicatione, seria diuini numinis inuocatio-  
ne, ieiunijs legitimis, castitate, temperantia, fortitudine, patien-  
tia, beneficentia erga pauperes & inopes, humilitate, alijsque  
huiusmodi virtutibus & operibus, ab ipso Deo mandatis esse  
venerandum. Iam verò quanta orationis vi & contentione ho-  
mines languentes, torpentes, oscitantes, profundo quodam, &  
letali vitiorum, peccatorumque veterno sepultos excitare, &  
nefaria peccandi consuetudine, atque libidine auocare, ad pœ-  
nitentiam, ad bonam frugem, virtutis, pietatisque studium in-  
citare consuevit? Qua quæso parrhesia, hoc est, linguæ vocis-  
que libertate omnium summæ, mediæ, infimæ sortis hominum  
peccata perstringebat, atque insectabatur? Quibus verborum  
quasi tonitruis, & fulminibus hominum animos contumaces  
spe lætitiæque vana & futili gestientes, superbia, sui confidentia,  
fastu elatos atque inflatos, iniecto illis iudicii, & furoris diuini  
metu, deijciebat, ac deprimebat? Quos ille verborum stimulos,  
quas faces admovebat omnibus, quibus ad fidei, spei, charita-  
tis, omniumque virtutum studium, ad vitæ æternæ, & immor-  
talis cupiditatem inflammarentur? Quanto studio, ac vehe-  
mentia hominum animos vel odio, inuidia, malevolentia, ini-  
micitijs mutuis flagrantibus, vel pecuniæ, honoris, libidinis, vo-  
luptatum amore incensos & inflammatos, restinguebat? Quan-  
ta orationis dulcedine, ac lenitate (qua in primis excelluit) ho-  
minum mentes peccatorum conscientia, pœnæ, iudicii que di-  
uini formidine plurimis alijs (quibus vita hæc nostra expo-  
sita est)

sita est) animi, corporis, atque externis incommodis perculsas, consternatas, fractas, & abiectas proposito illis ante mentis oculos paterno Dei favore, amore, misericordia, indulgentia, ad peccata condonandum, veniamque dandum propensissima, excitare, erigere, recreare, consolari solebat? Quàm postremo illius oratio verè erat flexamina, quàm ad docendum, erroresque refellendum subtilis & acuta, ad consolandum mollis lenisque, ad obiurgandum acris & vehemens? quàm sine fuce compta & ornata, quàm composita, quàm locuples & redundans non tam verborum, quàm rerum, sententiarumque optimarum copia? quàm iucundis, & vtilibus facetijs nonnunquam aspersa? quàm denique grauis, sapiens, prudens, decorata, rebus, personis, locis, temporibus apta, & accommodata? Quanta memoriæ, de qua iam dictum est, vis, quanta oris, vultus, vocis, gestuum moderatio, dignitas, venustas? Huius igitur tam præclaræ & diuinæ vocis, orationisque amissionem, non modo homines, verùm etiam ipsius templi, quod eius theatrum amplissimum extitit, parietes lugere, ac deplorare videntur: cuius tamen imaginem quandam, in præclaris illius, quæ posteritati reliquit, literarum monumentis, cernere adhuc atque intueri licet.

Qualis porro illius oratio, talis etiam vita, actionesque fuerunt, ita vt vitæ in illo orationisque summa consensus, summaque quasi conspiratio fuerit, eò præclarior, & admirabilior, quò temporibus nostris est rarior. Multos enim, proh dolor, hodie videre licet ecclesiæ ministros, quorum cum vita, vt de philosophis sui temporis Cicero loquitur, mirabiliter pugnat oratio: qui cum se vitæ, officijque doctores, & magistros profiteantur, in omni vitæ officijque genere turpissimè labuntur, ac delinquunt. Qui, vt idem Cicero verè eleganterque dicit, perinde turpiter peccant, ac si quis vel Musicam professus, absurdè canat, vel Grammaticam, barbarè loquatur. Quam multi hodie sunt, quod valde est dolendum, ecclesiarum non tam pastores, quàm impostores, qui pro Cõcione, & suggestu se Cato-nes, vt ita loquar, hoc est, seueros officij monitores, vitiorum censores & reprehensores acerrimos, grauissimosque gerunt, interea

## ORATIO FVNEBRIS IN

Bacchanalia, viuunt, hoc est, mollem, delicatam, voluptuariam fœdam turpemq; vitam (si vita est dicenda, ac non potius mors funesta) agunt. At verò nostri huiusce optimi, sanctissimiq; patris, vt orationes, ita vita, actionesq; piæ, sanctæ, honestæ, laudabiles extiterunt. O vitam omni laude, prædicatione, literis, monumentisq; decorandam, quam verè omnium virtutum vitam, exemplar, speculum, theatrum, vitiorum quasi mortem, optimarum, pulcherrimarumq; actionum procreatricem appellare possumus. Cùm enim ille se non sibi tantum, suisue commodis & emolumentis, sed patriæ & ecclesiæ natum, & ab ipso Deo destinatum esse sentiret, in Dei gloriam, ecclesiæ salutem, patriæ dignitatem, quæ illi semper ante mentis oculos obuersabatur, toto animi impetu incumberebat: huc denique, ceu verum legitimumq; scopum, omnes curas, cogitationes, consilia, conatus, actiones suas referebat. Non itaq; in otio, delicijs, voluptatibus homine Christiano indignissimis, sed in præclaris honestisq; actionibus totum vitæ suæ curriculum confecit, ita vt nullum ferè illi tempus ætatis, neq; diurnum, neq; nocturnum, nullus locus vel publicus, vel priuatus à laboribus, negotijsq; honestis vacuus fuisse, nullum deniq; vsq; ad extremum vitæ spatium tranquillum, otiosumq; spiritum duxisse videatur. Hinc magna & innumera in patriam, in ecclesiâ, in scholam, nec in ciues solum verum etiam externos, & alienigenas commoda, emolumenta q; redundarunt. Ac primò quidem, vt hinc potissimum laudatarum illius actionum commemorationem exordiar, incredibile est dictu, quantum illius studium in quibusuis hominibus corpore, animoq; ægris, die noctuq; inuisendis, consolandisq; extiterit. Non solum enim ab illis rogatus, & accessus, egregiam fidelemq; suam operam minimè illis grauata præstabat, verum etiam vtrò, suaq; sponte eos inuisendo, corporis animiq; dolores, quibus affligebantur, non philosophicis quibusdam, nimiumq; dilutis ratiunculis, sed optimis saluberrimisq; sacrarum literarum solatijs, ceu medicamentis, atq; fomentis efficacissimis lenire, ac mitigare conabatur. Illos ad peccatorum suorum cognitionem, ac detestationem, ad poenitentiam, ad patientiam, numinis auxilijsq; diuini implorationem, ad fidem, ad spem peccatorum veniæ, vitæq; æternæ diuina



miseriordia impetrandę incitabat, contra mortis terrores animabat. Est autem hoc officij genus summa laude dignum, homine Christiano dignissimum, adeo vt Christus in Euangelio illud nominatim commendat: Infirmus, inquit, eram, & visitastis me. Tertullianus ætate sua Christianos cum alijs rebus, tum vero atq; in primis visitandis egrotis eximiam suam pietatem declarasse significat. Eusebius quoque libro 9. Eccles. historię testis est, tantum apud antiqui temporis, fidei, probitatisq; Christianos charitatis studium viguisse, vt non solum fidei domesticos, hoc est, verę religionis cultores, verum etiam ab ea alienos etiam pestis tempore nõ dubitarint inuisere, morbi contagium nihil veriti. Eodem igitur planè modo hic noster antiquę fidei, probitatis, integritatisq; parens, idem officium nobis omnibus vel cum summo vitę suę periculo atq; discrimine fideliter cumulateq; præstitit, à quo nullius vel contagiosissimi morbi metus eum deterruit. Itaque, quod silentio hic minimè prætereundum, ac potius perpetuis sermonibus vsurpandum, prædicandumq; est, ante annos 11. peste in vrbe, agroq; nostro grassante, vltro ac sua sponte fidelem hanc suam, ac plus quam paternam inuisendi, consolandiq; operam, quibuscunque potuit, nauare minimè dubitauit: nauasset etiam pluribus, nisi eodem morbo epidemio statim ab initio fuisset correptus, quo quidem ita grauius, periculoseq; laborauit, vt vel ipsi medici omnem ferè de vita illius spem abiecerint. At Deus cum immensa sua misericordia, tum piorum precibus ardentissimis adductus, illum ex mortis præsentissimę faucibus ereptum ecclesię suę diutius sustentitem conseruauit, vxore tamen, & tribus filiabus charissimis amissis, quas idem morbus sustulit. Idè hoc visitandi, consolandiq; officium captiuis quoque, criminum capitalium reis carceri adhuc inclusis optima fide præstitit, & eosdem quando ad supplicia magistratus iussu à carnifice rapiebantur, humanissimè usque ad supplicij locum comitatus, & ad extremum usq; vitę illorum spiritum consolatus est. Quid dicam (nec certè dici satis potest) de illius ferè inaudita & inusitata benignitate ac beneficentia erga viduas, pupillos, paupertate, & inopia oppressos? Quàm ille non solum manum ad cibum, potum, vestes, pecuniam, aliaq; huiusmodi necessaria vitę subsidia illis largiendum,



## ORATIO FVNEBRIS IN

sed linguam quoque ad illos consilio consolatione, & iuven-  
dum, nec non cùm publicè ac pro concione, tùm priuatum, ma-  
gistratum priuatorumq; fidei, custodiæ, liberalitati, benigni-  
tatiq; commendandum, prolixam valdè promptamq; habuit.  
Nec verò erga ciues tantum eiusdem ciuitatis, religionisq;ue  
societate nobiscum coniunctos, verùm etiam erga aduenas ex-  
traneos, exules, atque adeò religionis nostræ expertes talem se  
geffit, nullumq; illos humanitatis, hospitalitatisq;ue officium  
desyderare passus est: ita vt verè illius domus mendicorum, pu-  
pillorum, viduarum, exulum, peregrinorumq;ue hospitium, di-  
uersorium, perfugium, portusq; dici posset. Præterea politicis  
licet, ciuilibus, atque forensibus negocijs minimè sese implicari  
& irretiri passus sit, tamen ipsi quoque nonnunquam Curie, ip-  
sique foro in rebus, causisq; arduis & obscuris ad religionem  
pertinentibus, (cuiusmodi multa sæpè in illis locis tractantur)  
consiliorum suorum sapientissimorum lucem porrexit. Tanta  
enim illius fuit apud venerandum nostrum magistratum, sena-  
tumq; auctoritas, vt multa illius fidei, prout reipub. sequebatur ra-  
tio atque utilitas, secreta sua & arcana committere, multisq; in  
rebus ad ecclesiæ præsertim statum spectantibus, prudentissi-  
mis illius, sapientissimisq; consilijs vt minimè dubitaret, quos  
ille, vt Eranij verbis vtatur, ope sua ex incertis certos, compotesq;  
consilij dimittebat, vt ne res temerè tractarent turbidas. Et cer-  
tè cùm in primis Dei beneficio, tùm illius prudentia, sapientia,  
auctoritate effectum est, vt aurea illa, quæ in omni benè consti-  
tuta repub. esse debet, inter ecclesiasticum, & politicum ordi-  
nem, siue inter ecclesiæ & reipub. rectores summa animorum  
consensio, & conspiratio, mutua opera, consilijq; in repub. eccle-  
siaq; administranda communicatio, in nostra quoq; repub. vi-  
geret. Huius quasi fundamenta primùm ab ipso Deo fuerunt ia-  
cta, quando Moysen legislatorem, & Aaronem summum ponti-  
ficem germanos fratres instituit, qui mutuis operis, atque con-  
silijs repub. ecclesiæq; Israeliticam administrarent. Hæc po-  
stea, vt historia sacra, lux veritatis, testatur, & in veteri testa-  
mento sub Dauide & Salomone, & in nouo, primitiuaq; eccle-  
sia, sub Constantino, Theodosio, & alijs veris illis ecclesiæ nutri-  
tjjs & alumnis, de quibus Esaias est vaticinatus, cum summo  
reipub.

reipublicæ ecclesiæq; salute floruit. Quæ tamen, vt omnia in hoc mundo semper in peius ruunt, teste ecclesiastica historia, ipsaq; experientia hodierna, tandem in perniciosam quandam confusionem abiit, ita vt vterque ordo officij munerisq; sui metas transfiliens, in alienam, vt est in prouerbio, messem falcem suam miserit, hoc est, vt & ecclesiarum episcopi ambitione pessima consultrice impulsî, neglecta verbi diuini prædicatione, sacramentorum administratione, ecclesiastica disciplina, ciuilibus, politicis, atque forensibus negotijs sese immiscere: principes atque magistratus, quasi par pari referentes posthabita reipub. cura, & administratione, res sacras, ecclesiasticas prophana quadam audacia atque licentia tractare cœperint. Ex hac, quæ hodie quoque, proh dolor, regnat atque dominatur, politici ecclesiasticæque muneris confusione, quid aliud nisi summam reipub. ecclesiæque perniciem consequi est necesse? Quam Deus vt adhuc à nostra reipub. auertit, ita in posterum quoque pro misericordia sua velit auertere, ardentissimis illum precibus rogare debemus, simulque vt vtilem illam & salutarem vtriusq; ordinis quasi harmoniam concordiamq; conseruet. Sed vt ad propositum redeam, egregia in primis contenta que patris huiusce nostri venerandi opera, studium, labor scholæ nostræ priuatæ, & publicæ fouendæ, regendæ, tuendæ ac conseruandæ extitit, qui nunquam satis laudari, prædicariq; potest. Sunt scholæ, vti nostis, reipub. ecclesiæque seminaria fecundissima, ex quibus, si bene sint constitutæ, viri bonis moribus, artibus, atq; virtutibus, quæ in illis docentur, imbuti, ac proinde reipub. ecclesiæq; vtilis prodeunt. Nec sine causa ipse quoq; Plato summus philosophus pueritiæ in primis, ac iuuentutis benè instituendæ & excolendæ summam accuratamq; rationem in reipub. habendam esse duxit, quippe cum inde ciuitatum, rerumq; publicarum vel salus, vel perniciēs dependeat. Nam cum pueri, & iuuenes reipublicæ ecclesiæque ceu horti cuiusdam stirpes sint, siue plantæ, si bona & commoda illis cultura, hoc est, pia in literis, & moribus institutio adhibeatur, fructuosi atque vtilis: sin negligantur, distorti, corrupti, infœcundi, inutiles, atque adeo noxij & perniciosi ciuitatibus suis euadunt. Quamobrem minimè profectò mirum est pios olim in primitiua ecclesia reges ac principes (vt

## ORATIO FVNEBRIS IN

vetustiora prophetarum nimirum in veteri testamento scholas ornittam) tantum operæ, curæ, studij, diligentia, pecuniæ quoque & sumptus collocasse in scholis, gymnasijs, collegijs instituendis, fundandis, tuendis, in quibus tenera flexibilisque ætas cum pijs religiosisque moribus, tum bonis artibus ac disciplinis imbueretur, vt & reipub. & ecclesiæ ornamento aliquando vsuiq; esse posset. Hinc nulla fuit cathedralis, vt vocant, ecclesia, cui non schola esset adiuncta, cuiusmodi in primis celebrantur Alexandrina, & Antiochena, Panthemio, Clemente, Origene, alijs doctoribus florentissimæ. Sic Nicomediæ quoq; scholam, & collegium Christianæ iuuentutis fuisse legimus, Iuliano, qui eius alumnus, lectorq; postea extitit, celebre: Liberalia quoque stipendia ad doctores pariter, atq; discipulos alédos, atq; fouendos idonea constituerunt. Huiusmodi scholas, & *δοκίμια*, hoc est, gymnasia sacrarum, aliarumq; bonarum disciplinarum, quibus doctores omni linguarum doctrinarumq; genere exercitatisimi præsent, fuisse vetera illa collegia, & monasteria Abbas Spanhimensis in suo Chronico, multiq; alij testantur: quæ quidem quantum ab illo antiquo more, consuetudineq; detlexerint, quid opus est pluribus dicere? res, experientiaque ipsa clamat. Hunc igitur antiquissimum, vtilissimumq; tot populorum, ecclesiarum, regum, ac principum morem maiores nostri sapientissimi secuti, vt vniuersam ecclesiam, ita scholam quoque (D. Zuinglij beata memoria optima fidelissimaq; opera vsi) ab innumeris quibus scatebat corruptelis repurgatam instaurarunt, ita vt ab illo tempore ad hanc vsq; nostram ætatem, singulari Dei beneficio, præstantissimis semper viris, quorum nonnullos supra nominaui, instructa fuerit, qui in pueritia & iuuentute pietatis, religionis, linguarum, disciplinarum liberalium, & in primis Theologiæ præceptis, institutisq; formanda, ac instituenda nihil operæ, studij, laboris prætermiserunt. Cuius sanè boni maximi, quo adhuc Dei gratia fruimur, laus post Deum maxima Bullingero nostro accepta referri debet, qui & in Cappellenfi illo nostro monasterio, atque collegio, ex quo veluti ex equo Troiano (vt ita loquar) multa præclara reipub. ecclesiæq; nostræ ornamenta prodierunt, linguas, artesq; sacras, & prophanas fidelissimè docuit, & ad hanc ecclesiasticam



stasticam provinciam vocatus, scholæ quoq; publicæ, & priuatæ præcipuam quandam, singularemq; curam suscepit, semperq; gessit. Ac primò quidem cum honesta, & liberalia stipendia, quæ vel præceptoribus, vel discipulis tribuuntur, veri sint studiorum nerui, ille, quod summa est perpetuaq; laude dignum, multis summa ope reluctantis persuasit, & perfecit apud nos, ut pluribus, quàm antea moris fuerat, bonæ indolis, atq; spei adolescentibus & quidem maiora, amplioraq; stipendia darentur ad illorum studia liberalius tuendum, & fouendum, quorum nimirum parentes inopia, numerosaq; prole oppressi id præstare non poterant. Quod peregregium institutum, cuius primus quidem suator, auctorq; Zuinglius, ille verò amplificator fuit, plurimùm patriæ, ecclesiæq; nostræ profuisse ipso usu experientiaq; satis superq; iam comprobatum est. Deinde cum oculus domini tritis ac peruagatis quibusdā prouerbijis equum saginare, agrum stercoreare dicatur, ille assiduum se vigilantemq; scholæ lectionumq; episcopum, hoc est, inspectorem præbuit. Nam & priuatam scholam sæpè ex improviso, inopinatoq; inuisere, & publicas lectiones theologicas quotidie frequentare, eaq; quæ dicebantur calamo excipere atque notare est solitus, idq; non tam discendi, quàm doctores pariter, atque discipulos hac sua præsentia & exemplo ad maiorem diligentiam exacuendi, incitandiq; causa. Quanto præterea studio, diligentia, labore anniuersaria illa (quæ olim bis quotannis fiebant) linguarum, & artium examina obijt, in quibus cum præceptores, tum discipuli suæ diligentiae, industriæ, in literis progressus specimen coguntur edere? Quanta cum patientia & præceptorum interrogatiunculas, & discipulorum ineptas plerumq; absurdasq; responsiunculas, fastidij tædijq; plenas audiuit? quanta cum attentione, qui benè, quiue malè, & ineptè responderent, obseruauit, in tabella, quam ad manum habebat, notauit, & consignauit? quàm diligenter & styli exercitia inspexit, ex ipsis præceptoribus de singulorum diligentia negligentiaue, indole, ingenio, est percunctatus? Quanta deniq; grauitate finitis examinibus cum præceptores atq; magistros ad strenuam ac diligentem muneris sui functionem impulit, tum discipulorum alios quidem bene in hoc literarum studio curren-



## ORATIO FVNEBRIS IN

tes laudibus atque promissis ceu calcaribus magis incitauit, alios verò negligentes atq; desides obiurgationibus ac minis ad diligentiam in literis adhibendam, obdientia obseruantiaque suos præceptores colendum est adhortatos? Adhæc censuras illas tres, vt vocamus, anniuersarias, quæ examina illa, de quibus modò dictum est, veluti appendices quædam consequuntur, quarum duabus Consulū alter, & ambo quæsttores vrbis interesse solent, in quibus partim in præceptorum, partim in stipendiariorum vitam, mores, ingenium, diligentiam seueriter, acriterque inquiritur, sua non modò præsentia cohonestauit, verum etiam sententijs, consilijs, monitis, obiurgationibus, adhortationibus, prout res postulabat, fidelissimè adiunxit. Sed ne hic quidem pulueris illius, atque laboris Scholastici finis fuit. Nam illis quoq; crebris admodum cætibus Scholasticis, in quibus de puerorum ineptijs, delictis, pœnis, castigationibus, disciplina, nec non stipendijs decernendis, augendis, adimendis uoagi, deliberalique consuevit, nunquam ferè defuit, plerumq; plurimorum licet aliorum negotiorum mole oppressus non interfuit solum, verum etiam sapientissimis suis fidelissimisq; consilijs præfuit, plurimumq; profuit. Quid? quòd odiosa satis, & molesta illa ecclesiastico muneri initiandorum examina theologica solus suis ceruicibus ad extremum vsque vitæ tempus summa cum laude sustinuit? Hæ atque aliæ huiusmodi fuerunt illius Scholasticæ laboriosissimæ simul & fructuosissimæ actiones, ex quibus apparet, illum verum & fidelem gymnasij scholæque nostræ alumnum, atque patronum extitisse. Ex his autem ipsis quanto ecclesiæ, cuius ipsa quidem Schola quasi alma quædam nutricula potest appellari, tuendæ, excolendæq; studio flagrarit, satis superq; intelligi potest. Nam cum, qua fuit sapientia, ecclesiæ robur, & firmamentum intelligeret esse idoneorum verbi diuini præconum copiam ac facultatem, hanc autem nullo modo facilius comparari posse, quàm puerorum, qui aliquam probitatis, ingenij, indolis spem, speciemq; præ se ferrent, copia, delectu, liberali nutritione accurata in bonis moribus, literisq; sacris & prophanis educatione, idcirco in his omnibus, vt dictum est, efficiendis, procurandisq; tantum laboris, operæ, studijq; posuit. Præterea ne educatos quidem iam, & adultos ad

tam augustam munus admitti permisit, nisi prius in illo accurate linguarum, artiũ, theologiæ examine, suæ doctrinæ, scientiæ, facultatis deniq; quam haberent ad tantum munus obeundum, partim responsionibus, partim declamationibus suis luculentũ specimen edidissent. Iam verò cum ad ecclesiæ salutem plurimũ interfuit, iustam, idoneam, & legitimam eorum, qui vel ecclesiæ, vel scholæ præsent, creationem, in eorumq; qui decesserunt locum surrogationẽ fieri, ecclesiasticos illos cœtus, in quibus de ea deliberari consuevit, minimè profectò neglexit, omnemq; vnà cum suis collegis curam diligentiamq; adhibuit, vt ad quasuis huiusmodi tam ecclesiasticas, quàm scholasticas prouincias (nec enim omnes omnibus conueniunt) maximè apti atq; idonei deligerentur. Quantò præterea zelo, studio, labore quosuis in vrbe agroq; nostro in quacunq; vel scholastica, vel ecclesiastica statione constitutos, & coram, & per literas sui officij commonefecit: si quid ab illis, contra quàm illorum officij ratio postularet, ommissum commissumue esset, si qua de illis sinistra fama atque suspicio, vt ecclesiæ saluti consulerent, ne illam dictis, factisue vllis offenderent, omnem criminis non modò culpã, verum etiã suspensionẽ euitarẽt, diligētissimè fidelis meq; monuit. Quàm promptum quoq; eiusdem ad illos in rebus obscuris, arduis, proplexis, cùm ab illis consuleretur, sapientissimis suis consilijs iuuandi studium fuit? Sed in primis synodi illæ sacre, & ecclesiasticæ, quæ ex primitiæ ecclesiæ optimo sanè saluberrimoq; instituto bis quorannis omnium qui in vrbe, agro, ditio- neq; nostra sunt, ecclesiæ ministrorum conuentu atq; frequentia, Consulis alterius, senatorumq; nonnullorum præsentia celebrari, in quibus singulorũ vita, mores, doctrina, actiones censeri, exanimariq; consueuerunt, illius venerandi nostri patris nõ solum integritatis, ac innocentia, verum egregiæ & ardentis erga ecclesiam pietatis, curæ, sollicitudinis plus quàm paternæ, testes fuerunt locupletissimæ. Quàm enim primò omniũ à pia & ardente diuini numinis imploratione exorsus, breui quidem, sed docta, accurata, graui, neruosa oratiuncula omnes ad legitimam, diligentem, strenuam, fortem constantemq; muneris sui functionem, ad bene, literisq; sacris atq; canonicis conuenienter non docendum solum, verum etiam viuendũ, deniq; ad mutnã (quæ mox agitanda erat) planeq; fraternam, seposito omni

## ORATIO FVNEBRIS IN

odio, inuidia, maleuolentia, alijsque prauis affectibus, castigatio-  
nem, correctionem, admonitionem est adhortatus. Deinde ve-  
rò ille si quis alius *ἀντιπαρὸς* quidem, haud tamen *ἀντιπρόσωπος* pri-  
mus omnium aliorum censuram libentissimè subiens, maio-  
rem semper laudem referebat, cum in illius vita, moribus, do-  
ctrina, nullus nequus, nulla macula, nihil vituperatione dignum,  
plenissima laudis omnia reperirentur, & vno omnium ore atque  
voce prædicarentur. Quanta præterea illius in aliorum delictis,  
atque peccatis præsertim grauioribus reprehendendis atque ca-  
stigandis seueritas contumeliæ omnis expers? quanta in dan-  
dis consilijs, ferendaque sententia de rebus maximi momenti  
atque ponderis sapientia, prudentia, grauitas? Hæ igitur atque  
aliæ huiusmodi fuerunt publicæ illius actiones summa cum vir-  
tute, laudeque coniunctæ, inter quas duo præterea charitate,  
societateque Christiana (quæ & lugere cum lugentibus, & gau-  
dere cum gaudentibus præcepit) dignissima sanè officia mini-  
mè videntur silentio esse prætereunda. Vnum est, quòd pleraque  
cuium funera, & exequias sua quoque præsentia, luctu, com-  
miseratione cohonestauit, lugentesque consolatus est, quòd sa-  
nè officium Christianos maximè decet. Alterum est, quòd ho-  
nesta, & tempestiua conuiuia vel publica, vt nuptialia, anniuersa-  
ria, honoraria, in peregrinorum, nec non cuium, qui nouos  
honores atque munera politica adepti sunt, honorem celebra-  
ri solita, vel priuata tam propinquorum, quàm alienorum adire  
minimè dubitauit: idque non voluptatis, comessandi, compo-  
tandi que cupiditate ductus, sed honestatis, humanitatisque cau-  
sa. Ea autem facetissimorum, utilissimorumque suorum sermo-  
num quasi sale atque condimentis aspergere, suauissimaque red-  
dere est solitus. Denique, vt hoc quoque addam, quanta illius  
fuit in incessu dignitas, et grauitas? quanta in compellendis, sa-  
lutandisque obuijs quibusque affabilitas, comitas, suauitas, hu-  
manitas? Ac talis quidem ille fuit in publico, in luce, & oculis  
cuium, qualem omnes cognouimus. Sed non minus præclare  
se, laudabiliterque intrus quoque, domique suæ gessit. Multos  
quidem sæpè numerò magnæ quoque auctoritatis viros, videre  
licet in publicis actionibus, publicoque hominum conspectu,  
congregatiu, colloquijs magnam, & splendendam pietatis, grauita-  
tis



tis, continentiae, temperantiae, omnis denique honestatis, & vir-  
 tutis speciem prae se ferre, ita ut quidam quasi heroes, siue angeli  
 esse videantur: at verò domi, intraque priuatos parietes, quibus  
 vitia, flagitiaque sua occultare conantur, nihil illis turpius, scœ-  
 dius, ignauius, libidinosius, luxuriosius dici potest. De nostro  
 verò hoc præstantissimo heroe dubitari certè meritò potest  
 publicè ne, an domi præstantior fuerit, ac maiores, laudabilio-  
 resque omnium virtutum actiones ediderit. Huius equidem pri-  
 uatæ domesticæque illius vitæ auritus, oculatusque sum testis,  
 qui D. Lodouici Lauateri generi illius, Mecœnatis mei obser-  
 uandi, quem honoris causa, ut ipsius summa dignitas postulat,  
 hîc appello, conuictu contubernioque per aliquot annos vsus,  
 in illius ædes per hortum geminum intermedium, per exiguum  
 sanè interuallum, sæpius vel vno die commeari, ac procul du-  
 biò, qui puerorum mos est, sacrata illius studia ineptijs, clamo-  
 ribusque meis perturbare sum solitus. Quàm multa ibi præcla-  
 ra & eximia omnium virtutum exempla me vidisse memini,  
 quantam illius erga me puerum humanitatem nunc quoque  
 mihi ad recordandum gratissimam & iucundissimam sum ex-  
 pertus? Sed quid dico de me? Vniuersa ciuitas, cum uti nostis,  
 illius domus, quæ patebat omnibus, magna quotidie honestis-  
 simorum ciuium frequentia celebrari sit solita, priuatæ illius ac  
 domesticæ vitæ testis est locupletissima. Nullum igitur igna-  
 uitiæ, libidinis, petulantiae, voluptatis, luxuriæ, obscœni alicuius,  
 atque scurrilis facti, dictiue vel tenuissimum in eo vestigium  
 cuiusquam vel suspiciosissimum curiosissimis oculis videri po-  
 tuiſſet. A summo mane atque diluculo (quo surgere consueuit)  
 ad multam vsque noctem, quantum illi sacræ conciones, quan-  
 tum infinitæ illæ penè, de quibus modò dictum est, ecclesiasti-  
 cæ, scholasticæque actiones, quantum priuata rei familiaris ne-  
 gotia, quantum valetudinis curatio, victus cultusque corporis  
 necessarius, quantum denique ciues atque peregrini illum cre-  
 brius conuenientes tribuebant otij, quantum, inquam, illi à plu-  
 rimis his, & alijs impediementis supererat temporis succisui,  
 id in Musæo suo, in lauta illa sua copiosaque bibliotheca deli-  
 tescent, omne in precationibus, meditationibus, lectionibus,  
 & scriptionibus, sanctissimis utilissimisque consume-  
 bat. Nullum



## ORATIO FVNEBRIS IN

enim ille tempus, nullam horam otiosam, infruſuamq; effluere patiebatur, quin ſemper pij aliquid, honeſti, vtilis cogitaret, ageret, moliretur. Ac ſcriptionum quidem illius admirabilis, incredibilisq; magnitudo, multitudo, vtilitas peculiarem quandam prolixamq; orationē poſtularet, imò nulla ferè quantumvis longa oratione ſatis pro dignitate explicari videtur poſſe. Hæ ſunt duplices, literæ nimirum, ſive epiſtolæ & libri, qui partim typis excuſi in lucem emanarunt, partim adhuc abſtruſi reconditiq; iacent. Quoad primum genus ſcriptionum, incredibile eſt dictu quàm crebras ferè quotidie literas paſſim ab eccleſijs, à perſonis claris, & illuſtribus politici, eccleſiaſticiq; ordinis acceperit, quarum plærisq; de rebus maximi momenti & ponderis, ad eccleſiæ diſciplinam, ad religionem cultumq; diuinum ſpectantibus conſulebatur. Tanto enim ille apud externos quoque in pretio, gratia, auctoritate fuit, vt ab illo ceu oraculo quodam rerum ſuarum grauiffimarum conſilia expetere minimè dubitarent. Harum ſi quis literarum cumulum acervumq; domi ſuæ reconditum intueatur, fieri certò non poteſt, quin in admirationem, vel potius ſtuporem raptus, in huiusmodi quandam vocis exclamationem erumpat: Hui quàm multæ hæ ſunt literæ. Quòd ſi itaque in omni ſua vita nihil egisset aliud, niſi quòd literis illis innumerabilibus, in quibus vel legendis plurimum temporis conſumendum fuerit, reſponſa & quidem ſua manu dedisset, quis illum ignauix & deſidiæ nomine accuſare iure poſſet? qui non potius ſummam illius induſtriam, laborem, ingenij celeritatem admirari cogeretur? Reſpondit autem ille ſine vlla mora, & ceſſatione omnibus, & quidem prudentiſſimè, ſapientiſſimèq; reſpondit. Dicit enim ſatis non poteſt quàm ille cùm in omni vitæ genere officioſus, tùm in ſcribendo vt celer, ita impiger, induſtriusq; fuerit, ita vt hoc literarum officium neminem omnino deſyderare paſſus ſit. Cuius vel hoc quoque certiſſimo argumento eſſe poteſt, quòd meas quoque (qua ille fuit ſumma humanitate) mei q; ſimilium illepidas, ineptas, inſuſas literulas ex peregrinis locis ad illum miſſas, humaniſſimis doctiſſimiſq; ſuis reſponſionibus dignatus eſt. Omnino igitur tanto diuinæ gloriæ illuſtrandæ, omnium ſaluti, commodisq; conſulendi, inſeruiendiq; amore

amore flagrauit, vt non solùm nos ciues atq; præsentēs coram publicis priuatisq; sermonibus, verùm etiam absentes, & peregrinos per literas (Ieremiæ nimirum, Nahumi, aliorumq; prophetarum, & Apostolorum exemplum secutus) consilijs, consolationibus, prudentissimis saluberrimisq; monitis, præceptis, documentis (quibus plenæ, refertæq; erant illius literæ) ædificare, iuuare, ad æternâ salutem promouere studiosè sit conatus. Quid dicam de altero illo scriptionum genere, hoc est, de libris & præclaris literarum monumentis, quæ confecit, ac post se reliquit? Horum in tot tantisq; præsertim reliquis illius occupationibus, quibus districtus ferè semper fuit, & multitudinè, & magnitudinè, & acumen, vtilitatemq; summâ nemo satis admirari nedum verbis explicare potest. Quorum alia puræ sanctæq; doctrinæ, ac religionis simplicè planamq; explicationè, alia errorû atq; hæreseon, quæ extremis hisce nostris perditisq; temporibus, passim grassantur, firmam, solidam, atq; modestâ refutationem, alia deniq; historias tâ sacras, quâ prophanas, ceu vitæ morumq; documeta iucundissima, vtilissimaq; complectuntur. Atq; hæc de duplici eius scriptionû genere. Domus præterea illius omnis generis hominû frequentia quotidie ferè celebrabatur. Horum pleriq; erant pauperes, inopes, pupilli, viduæ, exules, quibû suis alijs miserijs, & ærumnis oppressi, qui illius opem, auxiliû, consiliumq; implorabant: quibus ille molestissimis, licet & importunis grauissimorû suorum studiorû, negotiorumq; interpellationibus minimè deerat, minimeq; illos quacumq; ratione poterat, vel consilio, vel consolatione, vel opera, vel pecunijs iuuare grauabatur. Quàm multi peregrini & extranei, clari & illustres viri illius, de quo multa laude dignissima intellexerant, videndi, audiendi, salutandi, colloquendiq; incredibili quodam studio, cupiditateq; ducti, ad illum accesserût? Hos ille humanissimè admissos, & acceptos (facilem enim ad se omnibus nô sine magno sæpe vitæ suæ periculo aditum dabat) humanissimorû, sapientissimorumq; suorû sermonû admiratione obstupefactos, ingenti gaudio lætitiâq; persusos à se rursus dimittebat, omniaq; illis hospitalitatis officia non verbis solùm deferebat, verùm etiam re ipsa præstabat. Sed quàm sapienter præterea ille, quàm graui constantiq; disciplina vniuersam suâ familiam rexit ac gubernauit?

## ORATIO FVNEBRIS IN

S. Paulus negat illum domui Dei, hoc est, ecclesiæ bene & utiliter præesse posse, qui priuatæ domui atq; familiæ præesse non possit. Quomodo enim, vt illo quoq; Ciceronis simili vtar, qui duorum scalmorum nauiculam gubernare nequeat, in Euxino ponto Argonautarū nauem gubernarit? Noster verò hic heros, & magnæ illius Dei domus, atq; nauis Christi, hoc est, ecclesiæ, & priuatæ suæ domus atque nauiculæ scientissimum se ac prudentissimum patrem familiās, rectorem, & gubernatorem præbuit. Cum fidissima sua coniuge summam concordiam coluit, liberos ex illa susceptos summo studio in pietate, & literis erudiri, educariq; curauit, denique & vxorem, & liberos, & ancillas, non aultera quadam & acerba morositate, sed piæ sanctæq; vitæ exemplo, auctoritate humanitateq; in mutua pace atque concordia, in disciplina, officio, obsequioq; continuit. Atque huiusmodi quidem priuata illius vita factaq; fuerunt, ita vt illius domus verè ciuitatis oraculum, pulcherrimarum concionum, actionumq; officina, pietatis, sanctitatisq; templum, Christi in suis membris inopis, & exulis receptaculum, omnium virtutum schola & gymnasium appellari potuerit. Huiusmodi autem ille & priuatam & publicam vitam paucis à me adumbratam, sanctissimam, laboriosissimam, cunctis ferè mortalibus fructuosissimam ad extremam vsque senectutem, imò ad extremum ferè vitæ spiritum constantissimè perduxit. Fuit enim illius senectus non modò non languida, iners, ignaua, somniculosa, (qualis plæranque esse solet) sed potius operosa, arcus cuiusdam instar semper intenta, semperq; aliquid agens, molliens quod esset præclarum, ad Dei gloriam, ecclesiæq; salutem conduceret. Ac licet corporis illius robur viresq; (quibus excelluit) partim infinitis laboribus, curis, molestiis, partim morborum vi, partim senectute, quæ ipsa morbus esse dicitur, fractæ non nihil defecerint, tamen illius prudentia, sapientia, ingenij, consilijq; vis non tam defecit, quàm creuit, auctaq; fuit: ita vt quantum de corporis viribus diminutum fuit, atque detractum, tantum ad animi ingenijq; vires accessisse videatur. Memorix quoque illius vim diuinā, cuius iam antea quoque mentionem feci, parum admodum in senectute immixtam fuisse quotidie experti sumus. Ethnici magnis laudibus efferunt



offerunt & celebrant suum Platonem, Isocratem, Homerum, Hesiodum, Pythagoram, Democritum, Xenocratem, Zenonem, alios huiusmodi philosophos, quorum senectus illos non coegit in studijs suis obmutescere, quique extremo confecti senio multa egregia scripta ceu præclaros ingenij sui partus ediderunt. Sed multò iustiore dignioreque laude celebrandus est hic noster verus philosophus, qui in vel extrema sua senectute multa eximia scripta composuit, & confecit, multa in ecclesia præclare gessit, suumque illud sibi à Deo assignatum arduum, laboriosissimumque munus sine vlla à laboribus vacatione, & quiete illi ætati diuino, humanoque iure concessa constantissimè, gloriosissimèque obiit: semper & administravit. Sequitur nunc aliud meæ distributionis caput, corporis nimirum, fortunæque bona, quorum non tam *πῶς*, quàm *πῶς*, hoc est, non tam possessio, quàm verus rectorque vsus laudari debet. Huiusmodi quoque illi Deus multa præclara ornamenta, tanquam virtutis suæ singularis exerendæ, exercendæque instrumenta largitus est: Fuit enim primò corporis (quod verè Sancti spiritus vas, siue templum dici potuit) valetudine, robore, viribus, agilitate egregia præditus: quibus ille corporis dotibus ad munus suum tantò melius commodiusque obeundum vsus fuit. Hæ præterea corporis vires nò tam pharmacis & medicamentis quibusdam, quàm cibi, potus, somni que temperantia, castitate, deambulationibus moderatis tueri, & conseruare studuit. Quas sanè ob causam corpus illius non omnino (cuiusmodi libidinosa & intemperans vita senectuti plærunque tradit) effæctum, infirmum, ac debile fuit, sed satis adhuc vegetum, donec tandem ipsius morbi, quo obiit, vi gravitateque planè confectum, & ad extremam maciem, ad ossa, & pellem, vt ita loquar, redactum fuit, ita vt nequaquam illud (vt ipsemet ex eo audiui) lautas & opimas vermium epulas fore diceret. Sed quàm præterea heroica fuit corporis illius forma, atque statura: quanta oris, vultusque dignitas, grauitas, suauitas, quo vel solo facillimè veluti tacito quodam illius humanitatis, omniumque virtutum indice, omnes in sui amorem, obseruantiamque pelliciebat, & trahebat. O vultum suauem, iucundum, amabilem, cuius imago (id quod unicuique vestrum nunc accidere puto) menti meæ impressa,



# ORATIO FVNEBRIS IN

& obuersans nescio quas voluptates doloribus mixtas in animo meo excitat. Iam verò externis quoq; illis, siue fortuna, uti vulgò appellantur, bonis egregiè à Deo locupletatus fuit, in quibus omnibus singulares animi illius virtutes clarius adhuc emicuerunt. Patrie illi duæ fuerunt, vna loci, siue naturæ, in qua primùm mortalis huiusce lucis vsurâ hausit, Bremgarda nomine, nobile admodum Heluetiæ oppidum, altera iuris, & ciuitatis, in quam exceptus, ascriptusq; fuit Tigurum; nimis communis nostra patria, iam ab antiquis seculis laudatissima, atq; celeberrima. In vtramq; præsertim verò posteriorem hanc nostram communem, egregia illius pietas, studiū, amor, merita atq; beneficia (in quibus explicandis iam versamur) extiterunt, vtramq; verè religionis lumine illustrare sedulò studuit, vtriq; laudem, claritatemq; immortalè peperit. Familia præterea antiqua, & honesta, parentibus honestissimis oriundus fuit, honestissimè liberalissimèq; illorum opera & sumptibus in bonarum artium studio educatus. Maiores illius aliquando ex ipsomet intellexi, honesto sanè liberaliq; venationis studio valde fuisse deditos. Quis igitur non singulari quodam Dei consilio factum esse existimet, ut ex illis ferarum venatoribus procrearetur hic hominum venator, qui nimis homines suapte natura teros, immanes, per mundi huius squallidum horridumq; desertum, perq; superstitionū, idololatricę, scelerum atq; flagitiorū deuia errantes atq; vagantes, verbi diuini plaga, reti, venabulo, Christocaptiuos adduceret, in illius ouile cogeret, ex lupis, vrsis, leonibus immani feritate laborantibus Christi oues mites, lenes, placidasq; redderet. Opū, diuitiarumq; ut non cupidus fuit, ita non magnam quoq; illarum vim post se reliquit, quippe ista cū veris illis animi, sanctiq; spiritus opibus inhians, caduca, hoc est incerta fragilia, vitæ humanæ membra, seu potius ludibria facillè cōtemneret. Quas tamē Dei gratia mediocres admodum possedit, has non tam augere & amplificare, quàm parsimonia & frugalitate conseruare, ad frugile familiæ suæ sustentationē, liberalem filiorū educationem conferre est solitus, ita tamen, ut maximā ferè illarum partem pauperibus, exilibus, peregrinis, viduis atq; pupillis consecrassē videatur. Vxor illi antiquæ fidei, castitatis, pudicitie fuit, qua, ut supra dixi, ante annos vndecim cum summo illius animi mor-

fore mortua, viduam semper vsq; ad obitum vitā egit, rei familiaris administrala atq; rectrice fidelissīma vsus sua filia Dorothea nomine, cuius erga patrem senio, morboq; affectum singularis constansq; pietas atq; officia nunquam satis laudari possunt. Filios quoq; verbi diuini præcones, egregijs animi ingenijq; dotibus instructos, filias castissimas, propinquos, consanguineos, affines honestissimos, generos dignitate, doctrina, auctoritateq; florentissimos post se reliquit. Quid dicam (de qua certè dici satis non potest) de illius summa, in qua fuit apud omnes cuiuscunq; sexus, ætatis, conditionis, ordinis homines, gratia atq; auctoritate? quā ille omnibus summis æque & infimis charus, gratus, iucundus fuit? Quod hoc etiam mirabilius videri debet, quòd ab allentandī, adulandīq; studio alienus minimè omnium (vt hodie à multis fieri solet) aucupandæ popularis auræ & gratiæ causa ad hominum voluntatem loqui concionariq; est solitus, sed potius acerrimum se vitiorū censorem, reprehensoremq; præbuit, quæ res, vt quotidiana docet experientia, hominum potius odium & malevolentia, quā gratiam, benevolentiamq; parit. Dictum est adhuc, seu potius breuiter pro temporis, ingenijq; mei angustiis à me percursum de tanti viri præclaris animi ingenijq; virtutibus præstantissimis, quibus illas expressit, orationibus, & actionibus, de senectute gloriosa, de honesto legitimoq; corporis, & externorum quæ illi diuina benignitate suppeditarunt, bonorum vsu. Restat nunc vltimus, & quidem omnium ferè pulcherrimus ornatissimusq; illius vitæ actus, morbus nimirum, qui illi vitæ huiusce mortalis finem, vitæ verò immortalis initium attulit, & quæ illum consecuta est, mors omni antea vitæ concursu planè & consentanea, quæ tamen discessus, siue migratio ex odiosa hac laboriosaque peregrinatione in cœlestem illam patriam potius est appellanda. Ac morbus quidem illius, cum duro & austero, quo iuuenis vsus est, victu, tum infinitis diurnis, nocturnisq; laboribus pro patria, ecclesiaq; exantlatis contractus, grauis, acerbus, diuturnus, nihil profectò aliud, nisi illius patientiæ, tolerantæ, fortitudinis, constantiæ, ceterarumq; quibus abundauit, præstantissimarum virtutū quasi epitome quædam, & compendiū, Synopsis,

## ORATIO FVNEBRIS IN

martyrium, hoc est, testimonium locupletissimum, specimen-  
 que speciosissimum extitit. O morbum egregium virtutis ma-  
 gistrum, cuius vel optimę valetudini longè anteponendum.  
 Dolores sæuissimi, acerbissimi que, qui illum sine omni vel  
 minima intermissione, relaxatione que vexarunt, nullamq; ferè  
 illi vel diurnę, vel nocturnę quietis partem impertierunt, mi-  
 nimè, id quod omnes certè non satis mirari potuimus, vel men-  
 tis illius statum, ac sanitatem, vel cordis robur ac fortitudinem  
 infringere atque conuellere potuerunt. Quin potius sancti ni-  
 mirum spiritus robore & virtute egregiè septus, ac munitus,  
 non indolentia quadam, & stuporis immanitate, sed id quod ex  
 assidujs illius vocibus, sermonibus, precibus facili animaduerti  
 potuit, mente sana, & integra, corde forti, inflecto patienti, con-  
 stantiq; omnes illos dolores intollerabiles tulit, vicit, superauit.  
 Aliquando etiam illos licet tam graues, vt nihil illis quicquam  
 addi posse amplius videretur, tamen (o heroicam planè fortitu-  
 dinem) augeri quoque & intendi, siquidem ad Dei gloriam, ani-  
 męq; suę salutem id faceret, à Deo est precatus. Hinc facili col-  
 ligere possumus quanta ille animi magnitudine exquisitas illas  
 crudeles, & immanes carnificinas, tormenta, supplicia, quibus  
 mundi huius tyranni Christianos, veręq; religionis cultores  
 mactare solent, Christi nomine subiturus ac superaturus fuisset,  
 siquidem ita diuina tulisset voluntas, vt in illorum carnificum  
 manus immanissimas incideret. Noluit itaq; Deus illum celeri,  
 subita que morte hinc ad se rapere, sed potius morbo huiusmodi  
 graui, & diuturno, ceu quodam igne aureas illius, & diuinas vir-  
 tutes, iā antea licet satis in omni vitę curriculo spectatas, & co-  
 gnitas, magis tamen adhuc explorare & examinare, nobis que  
 omnibus non modò admirandas, suspiciendas que, verumetiam  
 imitandas ante mentis oculos proponere. Cogitandū quoq; hic  
 nobis est, diligenterq; animis nostris reputandū, si hunc tantę  
 innocentię, integritatis, sanctitatis virum tam grauiā, & acer-  
 ba Deus pati voluit, quid nobis à tantarum virtutum præstan-  
 tia longissimè remotis sit expectandum, siquidem Deus pro mo-  
 ritus nostris potius, quàm pro immanis suę misericordia & in-  
 dulgentia nobiscum agere velit. Quę sanè cogitatio instar sti-  
 muli cuiusdam nos ad illius misericordiam tantò ardentius  
 implorant.



implorandam, peccatorumq; nostrorum veniam ab eo petendam incitare debet. Verùm vt ad hunc nostrum patrem redeamus, quã multas ille ore suo sancto præclaras, quasiq; Cycneas voces, orationes, præcepta vtilia, ac salutaria protulit? quàm ardentem omnes qui cum illo erant ad pietatis religionisque studium est adhortatus, muneris officijq; sui cõmonefecit? Quàm multos & ciues, & peregrinos (id quod ipsemet sæpè sum expertus) qui ad illum, eius nimirum inuisendi, salutandi, suæ erga illum beneuolentiæ, obseruantia, commiserationis testificandæ gratia, quotidie ac singulis ferè horis accedebant, pulcherrimis saluberrimisq; vitæ, morum, pietatisq; præceptis onustos à se rursus dimisit? quàm multi, qui illius consolandi gratia venerant, maiorem se ab illo, quàm ipsi attulerint, hausisse consolationem confelsi sunt? Quàm præterea sæpè non solum coram ecclesiæ scilicet hõræq; rectoribus, quos etiã paulò ante suam mortem simul oēs in cedes suas aduocauit, illis valedixit (q̃ acerbũ, luctuosumq; vale) ecclesiæ scholæq; salutem commendauit, verùm etiam coram omnibus qui illum quotidie conuenerant liberè ingenueq; testatus est, se in illa religione, quam creberrimè publicis concionibus, scriptisq; professus sit, atque docuerit, diuinæ fretum gratia ad extremum vsque vitæ suæ spiritum perseueraturum: quippe cùm illam ex animo, attestante sibi Deo, suæq; conscientia, veram, genuinam, diuinæ voluntati sacrosanctis veteris, & noui testamenti oraculis patefactę consentientem, congruentemq; agnoscat. Idem hoc quoq; literis illis suis quasi testamentarijs ad senatum, populumq; Tigurinum scriptis, quas obsignatas post se reliquit, quæq; statim post illius obitum coram maiore, vt vocant, & minore senatu lectæ ac recitatae fuerunt, clarissimè est testatus, omnesq; ad perseuerantiam in sacrosancta illa religione est adhortatus. Fuerunt hæc literæ multis alijs sapientissimis præceptis, monitisq; replete, quibus Consules, magistratus, senatores, iudices, deniq; omnes qui aliquam publici muneris, reiue publicę partem sustinerent, ad iuris, æquitatis, legumq; conseruationem, ad pacis, concordia, pietatis, religionisq; studium, ad pauperum, pupillorum, viduarum, exulum Christi nomine curam, protectionem, patrociniũ incitauit. Quid porrò dicam de assidujs illius ardentissi-



# ORATIO FVNEBRIS IN

misq; precibus, quas licet totius corporis doloribus intolerabilibus oppressus ad Deum sine vlla ferè cessatione effudit, illius opem, misericordiamq; implorauit; deniq; illius manibus, fidei, clientelæ, misericordiæ cum patriæ, & ecclesiæ, tum suam quoque salutem commendauit, quas in cælum vsque penetrasse, & ad Dei aures clementissimas, piorum semper precibus patientes peruenisse nemini dubium esse potest. Cumq; perpetuus ferè illius vitæ cursus mortis quædã meditatio, siue mors, hoc est, animi ad æterna illa gaudia anhelantis à corporis, mundi q; obsequio & indulgentia abstractio quædam fuerit (quam carnis mortificationem sacræ literæ appellam) ipsam quoque hanc corpoream mortem sensim quasi paulatimq; appropinquantem infracto impauidoq; animo non tam reformidasse, quàm optasse videtur, illa aliquoties S. Pauli verba vturpans, cupere se dissolui, & esse cum Christo. Addebat præterea spem sibi certam, firmam, exploratamq; esse, fore vt Deus miserellam hanc suam animulam, simulatq; ex hoc corpore migrarit, pro immensa ac infinita sua misericordia, qua quidem sola nitatur, & confidat, semperque nixus fuerit, in cœlestes illas suas sedes, in sinum gremiumq; suum recipiat, corpus verò hoc suum miserum, & caducum, terræ ceu semen mandatum, ad puluerem, reductum, tandem extremo illo iudicij die ex morte ad vitam reuocet, & instauratum, cœlestiq; splendore illustratum rursus cum anima, indissolubili inuolabiliq; sœdere coniungat, vt sic summis & æternis illic voluptatibus & animo & corpore potiatur: Ille ille fide, spe, misericordiæ diuinæ fiducia egregiè armatus, implorata antea sæpius Dei misericordia, illiusq; manibus humanissimis sua commendata anima, tandem ipso die sabbathi hora sexta pomeridiana in domino conqueiuit, & vero illo æternoq; sabbatho, hoc est, requie suauissima, placidissimaq; potitus est, qua nûc fruitur. Quàm verò mors illius lenis, & placida, & iam mortui vultus nimumè horrendus, sed iucundus visu aspectuq; fuit, ita vt nō mortuus esse, sed viuere adhuc, atq; spirare videretur? Atq; hoc quidem ille pulcherrimo exitu gloriosissimum vitæ suæ cursum terminauit. O illum igitur terq; quaterq; beatum, qui, vt de se Paulus loquitur, postquam cer-

tamen.

tamen in hac vita egregium acriter, animosēq; certauit, ac muneris, officijq; sui cursum foelicissimè confecit, nunc illa verè triumphali, æterna, & immortali corona, à summo illo Agonotheta donatus fruitur. Non est, non est inquam, patres fratresq; obseruandi, quòd illius vicem, sortemq; doleamus, quasi mali quid illi aduersiq; acciderit, cum plenè illius omnibusq; numeris perfectæ, cumulatęq; beatitudinis nulla par vel oratio, vel etiam cogitatio reperiri queat, siue quę reliquerit, quibusq; liberatus sit, cogitemus, siue quibus potitus sit, iamq; fruatur, animis nostris consideremus. Reliquit enim ille vitam hanc nostram mortis, quàm vitæ appellatione digniorem, quæ quantum lacunę est (perexiguus enim terminis est circumscripta) nihil est profectò aliud, quàm perennis quędam, & perpetua miseria, cursus ad mortem rapidissimus, mortis imago tristissima. Nam simulatque ex fœdis illis tetrisq; vteri materni tenebris, atque latebris, cum ingentibus matrum nostrarum doloribus, vitęq; periculo, in lucem hanc luctuosissimā, ceu alteras quasdam tenebras excessimus, euasimus, erupimus, ecce mors acerba sanè, comes atque pedissequa, nos à fletu & lachrymis inauspicatis auspicijs, futurorumq; malorum augurijs, vitæ huiusce telam exorfos statim à tergo consecatur, gladijque instar ancipitis ceruicibus nostris assiduè imminentis perpetuo metu exanimat, deque ipsa vita singulis penè momentis aliquid decerpens, eam tandem cum magnis doloribus suspirijs, gemitibus opinione nostra citius abrūpit. Iā verò si cui vox sit ferrea, oraq; centū (vt ille loquitur) minimè is profectò omnes vitę huius miseras, ærumnas, dolores atq; labores cū animi, tum corporis multitudine, gravitateq; penè infinitos enumerare valeat. Dolor enim minimo plerunq; temporis interuallo dolorem sequitur, labor ex labore necitur, vnius miserię finis alterius & quidem plerunq; grauioris est principium. Ipsa quoque si qua sunt bona, commoda, voluptates, fluxę, caduca, fragiles, & malorum præponderantiū mole obruuntur, & diro plerunq; exitiabiliq; exitu concluduntur. Non mirum igitur Thraces olim (vt literis memorięque prodium legimus) infantes quidem recens natos, atque vagientes mœrore & luctu,

## ORATIO FVNEBRIS IN

mortuos verò gaudijs, conuiuijs, atque tripudijs profecutos  
 fuisse. Ac talis quidem cùm sit vniuersa mortalium vita, innu-  
 meris implicata miserijs, tùm verò atque in primis illorum vi-  
 ta, quibus Deus suæ nauis, hoc est, ecclesiæ gubernacula in hoc  
 fluctuosissimo mundi pelago commisit, plurimarum curarum,  
 solitudinum, laborum, dolorum, periculorum, tormentorum,  
 suppliciorumque prædæ est exposita. Huiusmodi autem opti-  
 mi nostri parentis vitam fuisse, iam antea explicatū est. Quam  
 obrem quis non præclare, beateque cum illo actum esse confi-  
 teatur, qui tot tantisq; animi, corporisq; doloribus, tot ærum-  
 nis, miserijs publicis priuatisq; omnino solutus est, atque libe-  
 ratus, ita vt hæc illius mors ærumnosq; laboriosæque, qua per-  
 functus est, vitæ tranquillus quasi portus, perflugiumque opti-  
 mo iure appellari debeat. Nec verò ille præsentibus tantū  
 iamque vrgentibus, atque prementibus verū etiam plurimis  
 alijs, quæ cum vniuerso orbi Christiano, tùm nobis videntur  
 impendere, futuris malis planè est exemptus. Illo ceu lumine  
 quodam clarissimo, extincto, siue potius ex hisce terris in cœ-  
 los translato, nox statim, quemadmodū nōstis omnes, consecu-  
 ta fuit, & quidem nox intempesta, tonitruis, fulguribus, turbi-  
 nibus, imbribus tristissima. Quam vereor igitur ne (quod Deus  
 omen pro sua misericordia auertat) aliam hæc nobis noctem  
 nocentissimam, caliginem funestissimam, tonitrua, fulgura, tur-  
 bines, tempestates, procellas, furoris diuini pluias tetras, di-  
 rasque præfagiant, atque portendant, quas quidem ille nobis  
 sæpè tanquam ex sublimi quadam specula prospiciens prædixit  
 atque prænunciauit. Quid dicam, quod mundus hic (quemad-  
 modum sacris oraculis præmoniti sumus) extremo iam quasi  
 senio confectus, plurimorumq; vitiorum morbis laborans, quò  
 propius ad obitum occasumq; suum appropinquat, tantò ma-  
 ior semper grauiorq; malorum moles videtur ingruere. Cer-  
 tè vt nunc præsertim sese dant funesta principia, noui fluctus  
 surgere, nouæ procellæ, ac tempestates turbulentissimæ vniuer-  
 so Christiano orbi parari videntur, atque imminere. Quis igitur  
 quæso non vel hoc quoque nomine beatissimum illum no-  
 strum parentem prædicet, quem Deus, ne tot tantorumque  
 futurorum malorum particeps, & socius esse cogeretur, prius  
ex hac



ex hac mortali vita ad se in illam immortalem transtulit? Sic enim ferè semper Dei mos & consuetudo tulit, vt quoties extrema quædam mala rebus pub. ecclesijs, vniuerso terrarum orbi irrogare atque infligere cogitabat, homines prius eximijs virtutibus ornatos, pios sui numinis cultores, rerumpub. ecclesiarumque administratores fidelissimos ad se euocaret, ne malorum illorum acerbiter ipsi quoque subire cogerentur. Quam sanè ob causam huiusmodi hominum mortes maximorum malorum prænuntiæ, atque præfagia iure existimari solent. Id nos docet Iosifæ optimi præstantissimique regis exemplum, quem Deus ante miseram illam miserandamque populi Dei seruitutem, atque calamitatem, ne illius particeps esse cogeretur, prius ad se traduxit. Sic, vt recenti exemplo vtar, illam nunquam satis laudatam, laudandamque heroinam reginam Nauarrenam, veræ religionis cultricem fidelissimam peropportuna morte hinc sustulit, ne illam post homines natos, tot omnis sexus, ætatis, conditionis, ordinis hominum in vno regno vnoque tempore tristissimam, funestissimamque cædem atque lanienam, totque, qui illam consecuti sunt, horribiles, miserabilesque casus audire, spectare, subire ipsa cogeretur. Iam verò (vt ad nostrum hoc decus, & ornamentum redeamus) si mentem animumque nostrum à plurimis illis præsentibus, & futuris malis quibus liberatus est, conuertamus ad illa bona, illamque beatitudinem, qua nunc fruimur, quid illa quæso dignum satis vel dici, vel cogitari potest? Illa enim, vt S. Paulus loquitur, nec oculis cerni, nec auribus accipi, nec mente, & cogitatione comprehendi in hac vita potest. Superat enim, atque longissimo quidem interuallo superat eius magnitudo humanarum cogitationum intelligentiam, & facultatem, ad quam etiam illius mens corporis adhuc ergastulo inclusa, semper omni impetu aspirauit. O vtinam nos quoque illius & exemplo, & quibus sæpè vsum illum fuisse apud nos meminimus, fidelissimis ardentissimisque cohortationibus impulsim, eandem cœlestem, immensam, infinitamque beatitudinem nobis semper ante mentis nostræ oculos proponentes, ad eam maiori studio, cupiditateque inflammati raperemur. Id enim si à nobis fieret, meliorem certè sanctioremque vitam coleremus, omnesque huius vite, mundi que cum ærumnas, & molestias patientes



# ORATIO FVNEBRIS IN

tius ferremus , tūm delicias & voluptates, blaudissimas peccati illecebras, firmiore, fortioreq; animo repudiaremus. De qua ipsa nunc quoque, vel magni saltem illius doloris, quo tanti viri amissione, desyderioq; meritò omnes tangimur, & angimur, aliquo modo solandi, leuandiq; causa, in illius ipsius, de quo omnis hic nobis est sermo, quædam dicamus. Quanta igitur Deus immortalis, quàm fœlix , quamq; beata status conditionisq; illius facta est commutatio, ita vt non vitam cum morte, quemadmodum vulgò loquimur, sed mortem potius cum vita commutasse optimo iure dicendus sit? Nam primò pro bonis istis terrenis, & corporeis, nunc possidet vera illa, solida, æternaque bona, hæreditatem illam cœlestem, & luculentam, quam Deus ab æterno electis suis destinauit, thesauros illos perennes, qui neq; tinea confici, neq; erugine consumi, neq; furto surripì, neq; vi aperta, & manifesta eripi possunt. Deinde pro vestitu, cibo, potuq; corporeo, quo in his terris aduersus caloris, frigoris, famis, atq; sitis vim, iniuriamq;, cui omnino vita hæc nostra est obnoxia, necessario, eoq; frugalissimo sanè, tenuissimoq; usus est, nunc splendida illa candidaque, cuius in Apocalypsi fit mentio, nuptiali, seu triumphali veste, diuino collustrata lumine ornatus, illius Abrahami, Isaac, Iacobi, hoc est, omnium electorum conuiuij verè vitalis particeps, illo angelorum necitare, & ambrosia cœlesti, pascitur, & fruitur. Præterea illius labores, curæ, sollicitudines, vigiliæ, animi corporisq; dolores, angores, suspiria, lachrymæ, quibus in hoc mundo Christi ecclesiæq; potissimum nomine vexatus assidue, & exercitatus fuit, suauissimo somno, placidissima quiete, Abrahæ illo seu potius Christi molli delicatoq; sinu, in quo nūc omnis curæ, formidinisq; expers suauissimè recubat, deniq; infinitis omnem sensum, intelligentiæq; humanā superatibus gaudijs, delitijs, voluptatibus cumulatissimè compensantur. Ex hac porro perditorū perfidiæq; plenissimorū hominū turba, & colluione, in sanctissimū illum, purissimumq; Dei patris, filij, & spiritus sancti (quē nunc non per fidē, non per ænigmā, non per inuolucra, & integumenta quēdā, sed de facie, ad faciē, hoc est, clarissimè videt) omniumq; beatorum hominum, angelorumq; cœtum, concilium, conspectum, colloquiumq; est trāsflatus. Ex hoc quoq; cœlo corporeo plerunq; nu  
bilo

bilo, visis, atq; meteoris plurimis calamitosiis, & horrendis ferè  
semper tristi, atq; funesto, in cœlū illud nitidissimum semper, &  
splendidissimū, cuius sol, qui est ipse Deus, nunq̃ occidit, quodq;  
beatissimis illis mentibus ceu astris quibusdā clarissimis est di-  
stinētū, euolauit. Deniq; ex terra hac mortaliū, in terrā illam vi-  
uentiū, ex hoc mundi gurgusulo, corporisq; carcere, peccatiq; ser-  
uitute in illā summā animi, corporisq; libertatē, ex hac peregrina-  
tione, siue exilio vago, incerto, atq; instabili in cœlestē illā fir-  
mam, stabilemq; patriā, ex templis istis hominū opere manuq;  
confectis, in quibus verbi diuini præconē agere est solitus, in tē-  
plū illud ἀγαθόν, & inuisibile, ex fide ad visionē, ex spe ad spe-  
ciē, ex tenebris ad lucē, & vt vno verbo dicā, ex terra in cœlū, ex  
morte ad vitā à Deo ipso est euocatus. Quid dicā porro de am-  
plissima illius gloria, qua in cœlis pariter, atq; terris floret, sem-  
perq; florebit. Ille quidē, quandiu in hīs ceteris versatus est, Dei  
gloriā suis & dictis, & scriptis, & factis illustrare, ac longē lateq;  
per oēs populos, omniaq; sæcula propagare omni studio est co-  
natus. Deus itaq; (qui, vt Dauid loquitur, honorantes se hono-  
re, ignominia afficiētes, ignominia afficit) duplici, & quidē egre-  
gia gloria illum coronauit. Vna est, quæ hominū mortaliū præ-  
dicatione laudationeq; continetur, virtutis sanē merces, præmi-  
umq; splendidissimū, quā ille licet non quæsiuerit potissimū, &  
gloriaq; diuina longē posteriorē duxerit, tamē Dei munere atq;  
beneficio maximā, amplissimamq; est consecutus. Clara enim  
& illustis illius dictorum, factorū, præstantissimorumq; in pa-  
triam nostram, ecclesiamq; beneficiorū fama, nequaquā Helue-  
tiæ, Germaniq; nostrę terminis circumscripta, longē lateq; per  
omnes ferè orbis terrarū regiones, atq; populos diffusa atq; dis-  
seminata est, præclareq; illius virtutes omniū ferè hominū lite-  
ris, linguisq; celebrantur. Atq; hanc quidē illius famā, & gloriā  
non saxis quibusdā, sed literarū monumentis præstantissimis in-  
cisam atq; inustā, nulla quādiu hic mundus stabit, hominū obli-  
uio, obliterare, nulla vetustas obruere, nulla inuidorū malevolo-  
rūq; conuicia, atq; calumnię obscurare poterunt. Sed altera est,  
qua Deus illū ornauit, gloria longē maior, præstātior, magnificē-  
tior, quā ille potissimū in hac vita spectauit, ad quā incredibili a-  
nimi impetu studioq; cōtēdit, cœlestis, sempiterna, immortalis,

## ORATIO FVNEBRIS IN

quæ non in hominum mortalium, sed summi illius regum regis, ac dominorum domini, nec non omnium angelorum, martyrum, cœlicum denique testimonio, sententia, præconio clarissimo celeberrimòq; sita est. Quòd si igitur, vt Cicero verissimè inquit, via laudis, dignitatis, & honoris est, à bonis viris, sapientibus, & benè natura constitutis laudari, & diligi, quantò maior quæso infinitis partibus Ballingeri nostri gloria, laus, dignitas censenda est, qui non à mortalibus solùm hominibus, sed ab ipso Deo immortali, vniuersòq; illo cœlitum choro laudatissimo laudatur, atq; diligitur? Hæc illius laus, & gloria omnium sæculorum memoria vigeat, de illius amplitudine nunquàm vel æternitas ipsa conticescet. Quamobrem pingui licet, crassaq; Minerva, verissimè tamen hunc quidem in modum de illo mihi luisse videor:

*Corpus in his terris iacet, at cor, mensq; beata*

*In cœlis viget, & gaudia summa capit.*

*Nominis illustris nunquàm moritura per orbem*

*Fama volat, magno parta labore volat.*

Hæc est, hæc est inquam, patres, fratresq; obseruandi, quam paucis adumbrare sum conatus, summa ineffabilisq; illius beatitudo. qua nunc corporis hac compage solutus, Dei misericordia fruitur, & in æternum fruatur. Nobiscum verò, proh dolor, pessimè miserrimeq; actum esse quis dubitet, qui tanto viro priuati, spoliatiq; sumus? Nostro hoc insigni incommodo, detrimetòq; dolendi iustissimas causas habemus, cui etiam nullus luctus par videtur dici posse. Funus illius maximo omnis sexus, ætatis, ordinis hominum concursu, frequentia, celebritate, lauchrymis, ita vt par fuit, decorari, cohonestariq; vidimus. Illi itaque, si verum dicere volumus, quasi triumphus, nobis verò miseris, viuus, & viuentibus, vt ita loquar, funus sanè funestissimum, acerbissimumq; ductum fuit. Nam quemadmodum familia suo patrefamilias, grex suo pastore, navis suo gubernatore, ægrotus suo medico priuatus, non potest non in extrema vt miseria, & periculo, ita luctu atque mœnore versari: ita nos quoque his præsertim desperatis, deploratisq; nostris temporibus, atque moribus tam prudente, sapiente, vigilante, forti, cordato, patriæ, ecclesiæ, scholæ patrono, præfide, tutore, ac defensore orbat,



orbati, ac proinde in extremis miserijs, periculisque constituti, maximo, vixque; consolabili dolore optimo iure affecti, afflictique; sumus. Luget enim patria, quæ patrem humanissimum, mœret ecclesia, quæ pastorem vigilantissimum, contristatur schola, quæ scholararcham fidelissimum, lamentatur Curia, quæ consiliarium prudentissimum, affligatur nostrum collegium, quod defensorem grauissimum, sordent pauperes & inopes, qui oppitulatorum promptissimum, squalent viduæ atque pupilli, qui tutorem optimum, plorant peregrini & exules, qui hospitem liberalissimum, lachrymantur corpore animisque; a gri, qui consolatorem dulcissimum amiserunt. Ipsæ denique leges, iudicia, pax, concordia, disciplina ingemiscunt atque suspirant, quibus suo vindice, patrono prudentissimo, atque fortissimo est cendum. Et quis quæso fuerit tam durus, tam saxeus, tam ferreus, tam omnis humanitatis, communisque sensus expers, qui non tanta hac communi clade & calamitate vehementissimè perturbetur, cum ipsum quoque; cælum hoc aereum, atque æthereum rationis licet sensusque; expers, tamē simul atque hoc suo præstanti, eximioque; incola spoliatum fuit, derepente serenam, nitidamque suam faciem præ nimio quasi dolore, atque pudore contraxisse, nubibus atris, ceu vestibis quibusdam sordidis obduxisse, tonitrua, fulgura, turbines, ceu gemitus, suspiria, voces, & clamores lamentabiles emisisse, largam denique; pluuiarum veluti lachrymarum vim profudisse, satis superque constat. Cerrè ipsa quoque terra bruta sanctissimi illius viri vestigijs viduata, ipsa quoque; templa præclaris illius vocibus spoliata in luctu squalore, sordibus versari, ac volitari videntur. Quantam præterea, prohi Deum immortalem, ipsi quoque peregrini, & extranei homines, ecclesiæ, populi, qui illius, vt supra dictum est, pietatem, doctrinam, sapientiam, humanitatem, cæterasque insignes animi, ingenijque; virtutes nō modò admirari, suspicere, laudare, verum etiam ijs vt fruique; consueuerunt, quantam inquam, putatis ex tristissimo hoc illius mortis nuntio molestiam irahent, quantum dolorem, luctumque; haurient? Sed impediō iam egomet cum vestro omnium cuius in ore vultuque; vestro lugubri, singultu, gemitu, suspirijs manifesta indicia video, tum meo insigni singularique; dolore, ne plura verba faciam. Quamobrem vt di-



## ORATIO FVNEBRIS IN

cendi finem faciam, quædam adhuc, quæ in tanto casu officij munerisq; nostri ratio postulare, seu potius flagitare videtur, adiungere atque subijcere operæpretium mihi facturus videor. Ac primò omnium recens hæc, quam Deus nobis infligit, tam tristis, tam dura, diraque pœna, tanti nimirum viri priuatio ad pœnitentiam, vitæ, morumq; in melius correctionem, & emendationem nos omnes inuitare, incitareque debet. Lugeamus, & quidem ex animo, dolenter, acerbèq; lugeamus non modò optimi illius nostri parentis nobis omnibus perniciosissimum obitum, verùm etiam multò magis crebra, grauias, & atrocias nostra peccata, quibus Deus irritatus illum à nobis abstraxit, eorumq; veniam à Deo supplici prece contendamus. Deinde gratias eidem Deo immortalis agamus, quòd singulari eius benignitate tanto viro nobis tandiù frui licuit, ex quo innumera in nos omnes emolumenta, atq; ornamenta profluxerunt, quorù vim, eheu, nunc carendo melius, quàm antea fruendo, experiemur. Tum etiam optimi illius nostri fidelissimiq; patris memoriam pia & grata mente prosequamur, de illo, sicuti profectò meritis est, honorificè & sentiamus, & loquamur, semper illius famam, laudem, honorem ab inuidorum, & maleuolorum (si qui tam immanes reperientur, quod mihi quidem monstri portentiq; simillimum videtur fore) maledictis, conuicijs, calumnijs vindicemus, nostram denique qua illi ob innumera eius in nos omnes beneficia atq; merita, obligati obstrictiq; sumus, animi gratitudinem in eius posteros quauis data & oblata occasione expromere studeamus. Præterea cum illum nobis Deus quasi egregium quoddam omnium virtutum exemplar lumenque proposuerit, illius vestigia sequi, ad illius imitationem vitam nostram pro virili formare, componere, accommodare debemus. Adhuc ardentissimis precibus à Deo flagitemus vt omnes alios, qui sunt in vrbe agroq; nostro, pios & fideles ecclesiæ ministros saluos incolumesq; conseruare, sancti sui spiritus donis magis magisq; cummulare, illorum vitam & ad suam gloriam, & ad Ecclesiæ salutem in multos annos prorogare velit. Præterea ab eodem enixè supplicesq; petamus, vt in huius nostri optimi pastoris locum, alium aliquem pro immensa, & infinita sua potentia, ac bonitate suffici surrogariq; curet, cui non sua gloria, commoda,


cōmoda, emolumentaq; , sed ipsius Dei gloria , ecclesiæq; salus curæ, cordiq; sit, & vt eum, qui electus fuerit, sapientiæ ac fortitudinis spiritu ita augeat, confirmet, atq; corroboret, vt tam graue, & arduum munus in periculosis hisce ac turbulentissimis tempestatibus prudenter sapienterq; administrare possit. Te postremò Iesu Christe fili Dei vnigenite toto pectore precamur, vt tuam ecclesiam ceu tuum gregem, tuum peculium, tuam domum, tuum templum, tuum regnum, tuum sacerdotium, tuum corpus, tuam sponsam, amores deliciasque tuas contra omnes Diaboli, illius ministrorum atque satellitum conatus, consilia, vim, violentiam, fraudes, dolos, insidias clementissimè tueri atq; defendere velis. Vobis autem, patres fratresq; obseruandi, gratias ago ingentes, quòd me tam attentè, patienterq; audiuiſtis, vosq; rogo, & obsecro, vt hæc si non tanti viri laudibus, vestrisq; eruditis auribus digna, at, ita me Deus amet, verè atque ex animo à me dicta, pro æquitate humanitæque vestra in bonam partem accipiatis.

F I N I S.


TIGVRI EXCVDEBAT CHRIST. PRO-  
SCHOVERVS M. D. LXXV.











4147



